

إمراة وثلاث وجوه
فیروز شبانہ

الكتاب: إمراة وثلاث وجوه

المؤلف: فيروز شبانة

تصميم الغلاف: حسناء رشيد

المراجعة اللغوية: نشوه أبو الوفا

الطبعة الاولى فبراير ٢٠٢٠

رقم الإيداع: 23094\2019

الترقيم الدولي : 978-977-6757-27-1

الإخراج الفني : MK for Publishing and Distribution

المدير العام: محمد عبدالعال قاسم

جميع الحقوق محفوظة

وأي اقتباس أو تقليد، أو إعادة طبع، أو نشر دون موافقة قانونية مكتوبة يعرض صاحبه للمساءلة القانونية، والآراء والمادة الواردة وحقوق الملكية الفكرية بالكتاب خاصة بالمؤلف فقط لا غير.

العنوان: 6 ش احمد عبد الرحيم - الملك فيصل -جيزة

موبايل: 01003002847

البريد الإلكتروني: mkbookstor@gmail.com

امراة وثلاث وجوه

رواية
فيروز شبانة



Publishing
Distribution

عندما نضغط على أنفسنا ونحملها فوق طاقتها.....

هنا يتدخل العقل الباطن ويفرز.....

.....
أسوء ما لديه

الفصل الأول

في إحدى الأحياء الراقية تقطن عائلة صغيرة مكونة من الأب الذي يراعي بناته، وأثر الماضي قدما دون زوجه بعد وفاة زوجته خوفا على بناته من زوجة الأب وما يحدث منها .
أنجب ثلاثة فتيات، الكبرى هي الطبيبة منال، شابة طموحة، مجتهدة، جميلة، ولكنها تخفي جمالها خلف قناع الجدية التي ترسمها، فهي دائما ترتدي نظارة تخفي خلفها عيناها الخضراوتان، وهي ذات شعر بني طويل كثيف منسدل بنعومة، لا تتركه منسدلا مطلقا بل تكدسه خلف رأسها بلا مبالاة وهي تعمل لدي جراح قلب وتعد المساعدة له، وهو طبيب أربعيني متزوج ولكن علي خلاف دائم مع زوجته ولم ينجب.
أما الابنة الوسطى، تعمل محاسبة بشركة كبيرة للاستيراد والتصدير، يملكها مهندس يعمل نهارا، ويعربد ليلا مع النساء .
والصغرى مازالت بالجامعه.

تسقط أشعة الشمس الذهبية من النافذة المطلة على الشارع الرئيسي على فراش بطلتنا الجميله فهي أول من يستيقظ وآخر من ينام في هذا البيت، لتنهض بنشاط وحيوية، و كعادتها تذهب للحمام وتتوضأ وتخرج تؤدي فرضها، ثم تستغفر ربها وتذهب لوالدها
منال: يلا يا بابا يا حبيبي عشان الشغل، هانت وهتطلع معاش وتنام براحتك ياعم.

مجدي: صباح الخير يا نواره بابا، وإنت مفكرة لما أطلع معاش هرتاح وأنام، صحياي دا هو اللي مسلميني ومحسني إني ليا قيمة في الحياة، المعاش ده بيفكرني بخيل الحكومة لما بتعجز بيعدموها، أهو المعاش بالنسبة لي هو الإعدام.

منال :بعد الشر عليك، أوعى تقول كده، إنت لو جراك حاجة أنا أموت وراك.

فمنال دونا عن أخواتها مرتبطة بأبيها جدا، وهو تعلق مرضي، فقد ماتت والدتها عند ولادة أختها الصغرى ومن بعدها ومنال مرتبطة بأبيها جدا حتى أنها ترفض الزواج لتظل مع أبيها، وهو يكره هذا الإرتباط ويتمنى أن يمن الله عليها بزواج صالح يرعاها، ويكون مطمئن عليها أنها بعصمة رجل أمين عليها

عندما يحين أجله، ولكنها ترفض الفكرة تماما وهو لا يريد إجبارها .
 مجدي بتمني: بس لو تريحيني وتفرحيني بيكي قبل ما أموت.
 منال: وبعدين في السيرة دي أنت عاوز تزعلني منك.
 مجدي يحتضنها : وأنا مقدرش على زعلك يا حبيبة بابا، دا انتي أغلى حابه
 في دنيتي.
 لتتدخل دنيا: إحم إحم، نحن هنا ياسي بابا، بقى كده!! دا أنا حتى آخر
 العنقود، يعني الدلع كله وأنت مافيش عندك غير منال منال.
 مجدي يحتضنها: أنا بردو يا نونتي، دا إنتِ دنيتي، إنتوا الثلاثة عندي بالدنيا
 كلها، يلا بقى حضروا الفطار هنتأخر.
 منال بفرع: أنا نسيت سما ماصحتهاش، دي هتاكلني أدخلي يا دنيا صحيتها.
 دنيا: وأنا مالي دي تفرقشني .
 مجدي لينهي هذا الخلاف: أنا هدخل أصحيتها خلصونا بقي.
 منال: حاضر حاضر، هوا وأكون مخلصاه.
 ويدخل لابنته يوقظها بحنان
 سما: صباح الخير حبيبي، الساعه كام ؟.
 مجدي: سبعة ونص.
 سما تقوم مفزوعه من الفراش: وإزاي تسبوني لدلوقت، دا أنا بشتغل عند
 مهندس مجنون، ممكن يقتلني مش يرفدني.
 مجدي بتعجب: ليه يعني الشغل في كل مكان، ورب هنا رب هناك، لو
 عملك حابه سبيله الشغل.
 سما: حد لاقى ياعم الحاج، تقولش الشغل بيترمي علينا ، حوش الحق شويه
 شغل وقعوا جمبك.
 فيضحك أبيها .
 سما: دا إحنا في زمن القابض على شغله مش دينه بس كالقابض على جمر.
 مجدي: ياسلام على الفلسفة.
 سما: إنت ياعم مدير عام أد الدنيا، وحكومي، مش مقدر الغلابة بتوع
 الخاص اللي زينا .
 وتقوم منال بتجهيز الإفطار وتحضيره على السفرة وتنادي على الجميع
 بالحضور فورا .
 سما: يلا يا بابا، هي خربانة خربانة، عليه العوض ومنه العوض، نفطر بقى
 وخلص.

ويلتف الجميع حول المنضدة لتناول الإفطار، ويذهب كل فرد لحال سبيله.

في فيلا دكتور أحمد جراح القلب المشهور الذي تعمل معه منال وتحضر الدكتوراه معه.

ناريمان زوجة أحمد: إنهاردة ماما عزمانا كلنا، قبل ما أخويا يسافر، عاوزه تجمعنا .

أحمد: طيب أنتوا إخوات مع بعض، أنا مالي!! ثم أنا فاضي للعزائم، أسيب عملية قلب ممكن الراجل يموت عشان اتعزم!! أظن إنت عارفه بقي، مش لازم كل مره نتكلم الكلمتين دول، أنا زهقت إنت مابتزهقيش؟! .

ناريمان: صح، عندك حق، هو وجودك هيفرق إيه؟، معايا زي عدمه، من إمتى وأنت بتيجي معايا في أي مكان!، لما الناس خدت على إني لوحدي وفكروني أرملة وإلا مطلقه، إنما عمري أدخل على ماما و في إيدي جوزي زي إخواني، لا طبعا، أصل الدكتور مشغول، لما نسيو شكلك أصلا .

أحمد: خلاص أبقى خديهم صورة ليا عشان يفتكروني، حاجة تخنق أنا ماشي.

ويغادر د.أحمد للمشفى الذي يمتلكه والذي تعمل منال معه فيه. هو في العقد الرابع، ولكنه محتفظ بوسامته، ويكسو رأسه الشعر الرمادي الذي يختلط فيه الأسود مع المشيب.

أما سما فتذهب إلى الشركة وهي ترتجف، وتخشى مقابلة ذلك الوحش كما يطلقون عليه، فهو في العمل لا يعرف أحدا، جاد جدا وصعب جدا.

فتدلف سما إلى المصعد، وقبل أن يغلق الباب تجد من تمتد يده معيقة إياه، ليفتح مرة أخرى، لتجد أمامها المهندس بجاد، هو ذو هيبه، طويل، عريض، وسيم، ذو سمرة تزيده جاذبية فهو من أصول صعيدية لكنه قاهري، وله لحية تدعى (سكسوكة) تزيده وسامة.

وعندما دلف للمصعد كاد قلب سما يقف و أغمى عليها، ليوقف المصعد وينادي الأمن

وفعلا ذهبت سما لمنزلها، وكانت منال ماتزال بالمنزل.

منال: إيه اللي رجعت بدري؟!.

سما: إدوني أجازة .

فأخذت تتحسسها : في حاجة، أنت تعبانة حاسة بحاجة؟!.

سما: خلاص ياماما ماتتخضيش، أبلع ريقى بس، دا أنا كويس إني لسه حيه أرزق.

منال بتساؤل وقلق: ليه حصلتك حادثة?.

سما تتفل بصدرها: فال الله ولا فالك ياشيخة، أنا هحكليك.

وقصت عليها ماحدث.....

منال بتعجب: للدرجه دي! وأنت خايفه منه ليه كده، سيبى الشغل ده على الجزمة، هو ربنا هيتحكم فيكم.

سما: ياختي أسكتي، حد لاقى، دا أنا أمشي ألف غيري يتمنى الوظيفة، قال يعني هيمسكو فيا ويقولوا ماتسبيناش ياسما، دا يكسروا ورايا زير مش قلبه.

منال: أنا بصراحة ماستحملش الإهانة حتى لو كان مين.

سما: آه ياختي ما إنت د.أحمد شايلك على كفوف الراحة، أنت صحيح مارحتيش ليه?.

منال: اتصل بيا وقال لي العمليه تأجلت، وخليكي خلصي في رسالة الدكتوراه عشان أبقى أخذ معايا الجزء اللي خلص نراجعه.

سما: ياخيتك، ماتسلفهوني بدل بجاد ال.... ده.

منال: مين بجاد ده?.

سما: المهندس صاحب الشركة.

منال: اسم غريب أوي، بيفكرني بفيلم الشيماء وجوزها بجاد، بس أنا حاسة إنك متجنية عليه، مش عيب الواحد يبقي جاد وملتزم في شغله وأكد ناجح عشان تبقي شركته كبيرة كده، وأهو انهارده لما حس إنك تعبانه إداكي أجازة.

سما: هو شغلك المحامي بتاعه!، روحي من قدامي ماتفوريش دمي، سيرته بتحرق دمي أصلك ماتعرفيش اللي بيتقال عنه، دا عرييد وبتاع ستات.

منال: لااا وأنت إزاي تشتغلي مع واحد كده.

سما: لا هو ف الشغل جاد جدا، ومايعرفش أبوه، لكن بره بقى غراميات، والله أعلم، على ما أسمع أنا ماشوفتش.

منال: ربنا يستر.

سما: يارب.

منال: أسيبك أنا بقي وأروح المستشفى، وإعملي انتي الرز بقي.

سما: ماشي يا ستي، أدعي ليجاد بقي، هو اللي بعنتني ليكي.

منال تضحك: لا والله!، ربنا يستره يا أختي.

وإرتدت ملابسها لتذهب للمشفى، ودلفت مكتب الدكتور أحمد

منال: السلام عليكم، أرجو ماكنش تأخرت لإن الزحام صعب جدا.

أحمد: ولا يهملك نستناكي .

منال: ميرسي يادكتور كلك ذوق.

أحمد: إيه أخبار الرساله؟.

منال: تمام، وفي حاجات جبتهنا نتناقش فيها سوا.

أحمد: تحت أمرك، ياسلام، إذا مافضناش للدكتورة منال هنفضى ملين يعني؟.

فهو معجب بها ولكن يعلم أن هناك فارق كبير في السن، فهي سته

وعشرون عاما وهو خمس وأربعون عاما وأيضا متزوج وهذا أكبر عائق

لديه.

منال: خلاص بعد العمليه نقعد شويه ونتناقش.

أحمد: زي ماتحبي إتفقنا .

وأنهي العمليه، وبدئا في المناقشات، وأخذا وقتا طويلا جدا، حتى أن معظم

العاملين بالمستشفى قد غادروا، ماعدا النبطشيات.

منال إنتبهت لتأخر الوقت، لتنظر بشاشه هاتفها وتصعق: إحنا تأخرنا أوي.

أحمد: فعلا الوقت معاكي بيمر من غير ما أحس بيه .

فخرجت من تلميحاته وحاولت التشويش على الموضوع : طب أنا آسفه إني

أخرتك، زمان المدام بتدعي عليا، أنا ماشية.

فجذبها من يدها: إستني أوصلك.

منال: لا أنا معايا عربيتي.

أحمد: وإيه يعني، خليها، وأوصلك بدل ماتسوقي في وقت متأخر كده.

منال: لا ماتعشب نفسك حضرتك، عشان تبقي العربية معايا بكرة وأنا

جاية.

أحمد: لو عاوزه آجي أخدمك و ...

ولم يكمل لتقاطععه: لا مافيش داعي، مش عاوزه أغلب حضرتك معايا.

ولملت أوراقها على عجل وهو يتابعها وانصرفت

*** الفصل الثالث ***

عادت منال لشقتهم، وكعادتها تناول طعامها وتذهب لغرفتها، بعد تحية والدها، لتكمل أبحاثها. وهكذا هي حياة الفتيات، روتينية، بين عمل، ومذاكرة، وبيت.

وفي يوم ما كانت منال تقود سيارتها، لتصطدم بأحدهم وتحتك بسيارتها دون قصد.

ليترجل من سيارته ويعلو صوته ويكاد يلتهمها من الغيظ مما فعلت: أنا قلت الستات دي مالهاش في حاجة خالص لما أنت مابتعرفيش تنيلي تسوقي بتسوقي ليه؟!.

منال تشير بإصبعها الصغير الذي لا يكاد يرى: شوف يا حضرت، إلزم حدودك، وإتكلم على أدك، وبلاش غلط وقله أدب، بدل ما هقل أدبي أنا كمان، يعني أنا مش قادرة أأشمك مثلا، بس أخلاقي ماتسمحليش ولا تربيتي أنا مش زيك.

بجاء: وحياللة يعني أنا اللي مش متربي، ليكي عين تتكلمي كمان، دا أنا هجيب خبرك.

وتجمع الناس لتهدأه الأمر، وبجاء لا فائده في إقناعه ويريد أخذها القسم من أجل تربيتها فقط.

منال بعنجهية وغرور: شوف التكلفه كام وأديها لك على الجزمة. ليشيط بجاد أكثر مما كان: تكلفه إيه وجزمة إيه يا أم جزمة!. دا أنا هيبنتك في القسم إنهاردة، عشان تعرفي بتكلمي مين.

والناس تتحدث: يا أستاذ اعتبرها أختك ما يصحش كده.

بجاء: دي تبقي أختي!، دا أنا كنت رجمتها.

منال بغضب: اللهم طولك ياروح، أنا ماسكة نفسي بالعافيه عنك على فكرة. فقاطعها: لا والله!، سببها يا شيخة، أصلي مش متربي ومستني واحده زيك تربيني.

الناس: يا أستاذ استهدي بالله ما فيش داع للكلام ده.

بجاء يتزفزف عليهم: مش شايفين عملت في عربيتي إيه؟!، وبدل ما تعتذر بتستعبط وتقل أدبها.

منال: أنا لغايه دلوقت مؤدبه معاك وماسكه أعصابي بالعافية، لكن بعد كده أنا مش مسؤوله عن اللي هيحصل، لإنك زودتها أوي.

بجاء يتصنع الهدوء ويضع يده على وجهه: لا أديني أكثر أصلي محتاج فعلا

اتربي، (وبصوت عالي) ماتيلا ياختي مستنيه إيه؟! وهي تنكمش على نفسها و الناس تحاول حجه عنها وهو يحاول اختراق حاجز البشر لأنها تعلم لو تركوه لقطعها إربا إربا.
منال: إمسكوه المتوحش ده.
وركبت السيارة وهربت.

بجاد يبعدهم: هربتوها، ماشي يا بنت.... هتروحي مني فين؟
ويركب سيارته، ويذهب إلى الشركة وكل الشياطين تتراقص أمام عينيه، بجاد يتصل بصديقه وذراعه الأيمن بالشركة: أيوه ياسي زياد تعالي شويه.
فأسرع زياد، ودلف إلى المكتب فهو صديق عمره، وأيضا ساعده الأيمن وكاتم أسراره.

زياد بقلق: خير في إيه مالك، وشك مقلوب؟

فقذف له مفاتيح السيارة

بجاد بضيق: خد المخروبه دي وديها للزفت الميكانيكي يتصرف معاها، وهاتلي واحده تانيه من جراج الفيلا.

زياد: خير حادثه وإلا إيه؟، دي لسه على الزيرو، مش معقول عطلت.

بجاد: أيوه ياسيدي، زفت حادثه، بس لو أشوفها هقرقشها بسناني.

زياد: هي مين دي؟.

بجاد: البت اللي دمرت العرييه، لا بيعرفوا يسوقوا ولا يتنيلوا وطالقنهم علينا في الطرق، أنا لو مسؤول هسحب رخص الستات كلها، لا وبتقل أدبها كمان وهي الغلطانة.

زياد: طب مأخذتهاش ليه القسم !.

بجاد: هربوها بنت الذين، بس هتروح مني فين؟، مسيري ألقياها.

فقام زياد بعمل اللازم كما طلب منه

ذهبت منال إلى المشفى ترتجف و في حالة عصبية على غير عاداتها
أحمد: في إيه يا منال!؟.

منال: هال (وترتعش) ولا حاجة.

فأمسك يديها: ولا حاجه إيه وأنت بترتعشي كده.

فسحبت يدها منه، وقصت ماحدث

أحمد: صحيح إنسان قليل الذوق، عديم الأخلاق، عشان يعمل كده في بنت.

منال: هو أنا آه غلطانة، وإحتكيت بعرييته، لكن هو بهدلني قدام الناس، وكان هيضربني لولا حاشوه. وتبكي
أحمد يربت على كتفها: خلاص يامنال أهدي ماتعيطيش، وخدي اليوم راحه،
مش هينفع تدخل عمليات كده ولا نتناقش في حاجة.
فأجابته منال: حاضر .
وذهبت لبيتها و هي في قمة غضبها من صاحب السيارة هذا، وتخشي أن
تقابلة يوما ما.

جاءت سما: إيه اللي حصل في عرييتك.
منال: أبدا أحتكيت بواحد قليل الأدب، قليل الذوق، بارد، ماعندهوش
ريحه الدم ولا الإحساس.
سما: إيه كل الشتايم دي يانونا!، عمرك ماشتمتي حد كده، ده حارقك أوي
بقى.
منال: تخيلي، هزأني أنا في وسط الشارع، وكان عاوز يضربني، لولا الناس
حاشته عني كان بهدلني.
سما: لا فعلا يستحق الشتايم وشويه فوقهم من عندي، المهم إنت بخير
حبيبتى، ولا يهملك منه، ولا تفكري فيه.
وتحتضنها.

ومرت أشهر وخرج والدها معاش، وفي يوم تدخل لأبيها لتوقظه كعادتها، فلا
يستيقظ، تحاول بشتى الطرق وهي طبيبه وتعرف تمام المعرفه أنه قضى
نحبه، ولكن عقلها الباطن رافض هذا وغير مصدق أنه توفي.
وظلت قرابه الشهر حبيسة في حجرة أبيها، تحاول سما ودنيا إخراجها أو
أن تأكل شيئا أو تشرب إلا الفتات، حتى سقطت مغشيا عليها ونقلوها إلى
المشفى لوضع محاليل لها.
ليحدثها أحمد: ماينفعش كده يامنال، أنا فكرتك أقوى من كده، وبابا كان
عاوزك دكتورة كبيرة،
هو أكيد دلوقت زعلان ومضايق، ينفع تضايقيه!
فننظر له وتبكي وبعد فتره استفاقت مما هي فيه واستعادت حياتها جسد
بلا روح كآله تعمل بصمت ومازالت تنام بحجرة أبيها .

*** الفصل الرابع ***

في الشركة تسير سما ومعها بعض الأوراق، دون أن تنتبه لمن يمر بجوارها فتصطدم به وتقع الأوراق.

سما تنتبه: أنا آسفة مستر إياد والله ماخذت بالي.

إياد: طبعاً هتاخدي بالك إزاي!، بطلي الفول اللي بتاكله على الصبح ده.

سما: والله ما أكلته، دا أنا واكله بيض وجبنه عشان الرجيم.

إياد: وأنت يحوق معاكي رجيم!، تلاقيكي عامله إصطباحة رغفين مسح زور على ما تيجي تكلمي.

وتركها تلملم أوراقها وتكاد الدموع تنهمر من عينيها، ولكنها تأبى الخضوع، وذهبت لمكتبها.

سالي: مالك ياسما؟، عينك مدمعه ليه؟.

سما: أنا أبدا، دا إنطرفت عيني بس.

سالي: عليا أنا، فيه إيه؟، خلصي ورايا شغل.

وكانها أشعلت فتيل بداخلها لتجلس على كرسي المكتب، وتضع ذراعها على المكتب، وتخفي وجهها فيهما وتبكي.

سالي: في إيه يابت؟!، إنت ماصدقتي، بت ياسما أنا عمري ماشوفتك كده، دا إنت فرفوشه ودايما واحدة الدنيا هزار.

سما: بقي أنا تخينه ياسالي! ومش هيحوق معايا رجيم!.

سالي: مين قال كده؟!، قطع لسان اللي يقول عليكي كده، دا إنت موزه المزز، إنت بس عشان قصيره شبه الكوره كده.

وتضحك لإضحاكها.

سما تضحك: والله إنت رخمة، إسم الله عليكي يا مارد.

سالي: مش إنت اللي بتسألني أكذب يعني، طب أروح من ربنا فين، لا والله حبييتي جسمك حلو، يمكن عشان قصيره باين تخنانه سنه، لكن مش بكبوظه يعني، جسمك حلو ومتناسق وشيك، بس ليه كل ده؟!، فقصت لها

ماحدث....

سالي: يا شيخة حد ياخذ على كلام إياد أو بجاد الأثنين قطعة واحدة ما جمع إلا أما وفق، ماتاخديش في بالك حبييتي وروقي.

وجاء إياد فلمح عينيها دامعتين، فحاول عدم النظر لها: فين يا آنسه الملف اللي قلت لأقيه على مكتبي الصبح؟

وقاطعه إتصال والدته.

: إنت فين ياولد؟

إياد بصوت منخفض: هكون فين ياماما في الشغل.

والدته: أنت هتهزر معايا ياولد، تعالی ذاكر إمتحانات الإعدادية قربت.

إياد: حاضر ياماما بجيب رقم الجلوس وجاي.

وأنهى المكالمة، وترك الهاتف على مكتب سما، التي أعطته الملف وأخبرته أنه جاهز وكانت قادمه له به وقت إصطدامها به وجاءت ترتب أوراق الملف.

وأخذه منها وقال: راجعتيه كويس عشان هبعته ليجاد بيه وأمشي، أنا مش عاوز أخطاء فيه.

سما: كله تمام سيادتك.

ونسى الهاتف وإنصرف.

وبعد فترة تجد هاتفه يرن

سما: يالهوي إياد نسي الفون، وزمانه سلم الملف ومشي وبعدين!.

سالي: طب ردي يمكن هو بيدور عليه وإلا حاجة مهمه.

سما: لا دي مامته.

سالي: طب ردي لحسن بيقولوا تعبانه يكون في حاجة.

ففتحت سما لتبادرها والدته: إنت فين يا ولد وساييني تعبانه.

سما: مستر إياد نسي فونه هنا، في حاجه أقدر أقوم بيها.

والدته: وإنت مين مراته الجديدة؟!

سما: لا يهانم أنا بشتغل معاه في الشركة.

والدته: أنا تعبانة أوي.

سما بقلق بالغ على السيدة المسنة: طب آجي لحضرتك فورا العنوان إيه.

والدته: معرفش!.

سما: طب أنا هتصرف.

سالي: فيه إيه؟!

سما: والدته تعبانه أوي، لازم أروح لها.

سالي: تروحي فين؟.

سما: أمال أسيبها تموت.

سالي: وإنت عارفه عنوانه!!.

سما: لا طبعا هتصرف وأسال الأرشيف أو أي حد.
وخرجت مسرعة أخذت العنوان من أحد العاملين وذهبت لوالدته
دقت الباب، لتفتح لها والدته: إنت مين؟.

سما: أنا شغالة مع....

أم إياد تقاطعها : آاه إنت الشغالة الجديدة، خشي المطبخ.

سما: لا يهانم مطبخ إيه وشغالة إيه بس؟!.

أم إياد: ماتترفزنيش وخشي المطبخ.

سما تحاول أن تفهمها: يا هانم ماينفعش مطبخ إيه الي أخشه أنا....

ودخل إياد على صوتهم

إياد : فيه إيه اللي بيحصل هنا؟!، وإنت إيه جابك هنا؟، ناقص تنزليلي من
الحنفيه، كل ما أمشي أتكعبل فيكي حتى في بيتي.

سما: مايصحش كده، مستر إياد والدتك اتصلت بحضرتك، وكنت ناسي
الموب على المكتب فرديت، قالت تعبانة، جبت عنوانك وجيت، فكرتني
الشغالة وبتقولي خشي المطبخ.

إياد: طب خشي المطبخ إنت دلوقت.

فتنظر له وتجحف عيناها

إياد: أقصد إستني بس هفهمها.

وأخذ يحايل في والدته: فيه إيه بس ياماما يا حبيبتي.

والدته: الشغالة الجديدة دي مش نافعة.

إياد: خلاص هنطردها حالا ولا تزعلي نفسك، أي حاجة تانية؟.

والدته: لا حبيبي خش ذاكر إنت.

وتذكرت تأخره: إنت إتأخرت ليه يا ولد، امتحان الإعدادية قرب.

إياد : مش قلتلك بجيب رقم الجلوس يا ماما.

والدته: أه حبيب مامي نسيت.

وهنا حاولت سما كتم أنفاسها وضحكاتهما بيدها فالتفت لها، فحاولت رسم
الجدية، واستغربت هل هذا إياد الصعب ذو الدم الثقيل، أم إياد الحنون
الراقيط العطوف مع والدته، وسرحت ليخرجها بصقفه من يده.

فتستفيق وتتلفت: فين مامتك؟.

إياد: دخلتها حجرتها، أنا آسف على سوء الفهم اللي حصل.

سما: لا أبدا أنا اللي آسفة، عن إذتك.

إياد: إستني، رايحة فين؟.

سما بتعجب: ماشية!.

إياد: طب أستني هوصلك.

سما: مالوش لزوم بيتي قريب من هنا.

إياد بفرحة: والله طلعتنا جيران يعني، طيب حق الجيره بقي أوصلك.

سما: لا ماتتعبش نفسك، (وتذكرت الموب)، آه صحيح موبيل حضرتك.

فيأخذه منها ويلمس يدها وينظر بعينها فترة ثم يدركان هذا

سما بتلعثم: أنا آسفة مضطرة أمشي.

وتتجه نحو الباب فيجذبها من ذراعها : على فين قلت هوصلك يبقي

هوصلك، أنت ناسيه إني رئيسك في العمل وكلامي أوامر.

لتضع بعض خصلات شعرها القصير خلف أذنها : مافيش داع والله المسافة

بسيطة.

إياد: هااا قلنا إيه؟ نسمع الكلام ونقول حاضر.

وفعلا أخذها بسيارتة لإيصالها.

وفي الطريق: على فكرة قصه الشعر دي لايقه عليكي.

وهو ينظر للأمام دون النظر إليها، فتتنظر إليه وتجحظ عيناها وتمسح على

شعرها بقوه.

إياد: خلاص مش تقطعيه بقي.

فتجلس دون حراك وكأنها تجمدت بفعل عاصفة ثلجية، حتى وصلت

للعمارة التي تقطن بها فأخيرا نطقت: بس هنا هي دي العمارة.

إياد: إنت فعلا قريبه مني أوي.

فلم تحاول النظر إليه لأنها تعلم أنه مسلط نظره عليها .

إياد: أنا آسف على الكلام الباخ اللي قلتهولك الصبح.

فتذكرت وتحجرت الدموع في عينيها وأبت أن تنزل عبراتها ونظرت إليه نظرة

علم ماتحس به ورأى العبرات المتجمعة

إياد: إحنا هنغيط تاني وإلا إيه؟، ماقلنا آسف بقى مايقاش قلبك إسود.

فإبتسمت له وإنطلقت مسرعة.

*** الفصل الخامس ***

أخذت سما تعدو الدرج مهرولة، ودخلت سارحة وهائمة لتتلقفها منال: إيه ده بقى مش دريانة بالدنيا خالص! سما: هاااا أبدا مافيش حاجة.

منال: ومين اللي وصلك بعربيته ده؟، انتي ناسيه وضعنا إحنا ثلاث بنات لوحدنا، الجيران تقول إيه لما مات باهم مشيوا على حل شعرهم. سما: إنت عارفة أخلاقي كويس.

منال: أنا عارفه حبيبتى وواثقة فيكي، لكن الناس لا، مش عاوزين حد يطمع فينا.

سما: دة مستر إياد مديري في الشغل.

منال: ويوصلك ليه؟ ما أنا د.أحمد كتير يتحايل عليا يوصلني لما بتعب وبرفض.

سما: إنت مش فاهمه.

وقصت لها ماحدث

منال: كمان رحتي بيته!!.

سما: أنا رححت لوالدته يامنال مش ليه.

منال: آخر مرة الموضوع ده يحصل، مش عشان بابا توفي مابقاش في كبير في البيت ده.

ودخلت دنيا

منال: وإنت ياست هانم متأخره كده ليه؟.

دنيا: الله في إيه؟!، كنت مع أصحابي بنأكل بره بعد المحاضرات، ثم أنا مش صغيرة عشان تكلميني كده،

وكل واحد يعرف حدوده في البيت ده، وماحدش يكلمني بالأسلوب ده تاني أنا مش طفلة.

وتركتهما ودخلت وهما تنظران لبعضهما البعض.

سما أحست بصدمة منال فاحتضنتها: معلش يامنال هي صغيرة وماتفهمش، وأنا أوعدك الموضوع ده مش هيتكرر، ومش هيوصلني تاني.

منال ربتت على كتفها: معلش حبيبتى لو اتزفرت عليكى، بس من خوفا عليكم والله.

سما تبكي: عارفة حبيبتى وإنت عارفة أنا بحبك وبحترمك أد إيه.

ثم تخرج دنيا وتجدهم هكذا: أستغفر الله العظيم طب إتلما في اوضه
مش في الصاله كده للرايح والجاي.
فانقضتا عليها : آه يا كلبة.
ويدغدغونها، وهي تصرخ منهم : وسعوا من فوقى لأموتكو.
وبعدها ينام الجميع

في المستشفى

منال مع د. أحمد

أحمد: أنا ومراي إتفقنا على الإنفصال.

منال: لا حول ولا قوه الا بالله، ليه كده دي إنسانة رقيقة جدا؟!.

أحمد: دا الظاهر، لكن الخفي حاجة تانية، والموضوع ده كان لازم يتم
من زمان، مافيش تفاهم ولا لغة حوار بينا، يعني شايفه الفرق بينا مع إنه
كبير، إلا إنك بتفهميني من نظرتي وإحنا في العمليات وحتى في مناقشاتنا،
معايا على الخط دايمًا، هي عمري ماحسيت معاها إنها على نفس اللاين،
بالعكس بحس إنها على لاين تاني خالص بعيد كل البعد عني، ولا عمرها
قدرت ظروفى ولا أحوالى، كان لازم نطلق من زمان إحنا فهمننا كده متأخر،
أنا كنت مستنى أتفق معاها بدون مشاكل وأفاتحك في الموضوع الأساسي
اللى عاوز أكلمك فيه.

منال: موضوع إيه يادكتور؟.

أحمد: منال أنا بحبك بجد. وعاوز أتجوزك.

همت بالرد

ليقاطعها: مش عاوز أسمع منك رد دلوقت، أنا عارف إنك بترفضى دايمًا،
بس أنا طالب خطوبه نتقرب من بعض وتعرفيني على المستوى الشخصى،
ولو ماحستيش إني أقدر أسعدك خلاص هنسحب.
وجاءه ردها الذي لم يتوقعه.

أما سما فذهبت الشركة

ودلفت إلى مكتب إياد ببعض الأوراق ليوقعها، فأخذ يوقع الأوراق ولم
ينظر إليها، وهي تحاول إبعاد نظرها عنه وتتجول بنظرها في الغرفة ليأتي
صوته وهو يقول: إستنيني بعد الشغل هوصلك في طريقي.

فتجّظ عيناها وترد بسرعة: آسفة مستر إياد، مش هقدر تاني.
وأخذت الأوراق وجرت وقلبها يخفق ويكاد يخرج من صدرها لتدلف
مكتبها وتلحظها سالي صديقتها لتستغرب حالها
سالي: يادي المصيبه في إيه يابنتي؟!
سما: مافيش ياسالي، وبطلي بقي مش كل حاجة في إيه.
سالي: خلاص براحتك.
سما: يوووه يا سالي ماتزعليش مني بقي، أنا متلخبطة أوي وحاسة في
حاجات جوايا عاوزه تنفجر.
سالي: ليه بس فيه إيه؟
سما تدمع عينيها : معرفش معرفش.
سالي: خلاص إهدي، لو مش حابة تتكلمي بلاش، تحبي نتمشي بعد الشغل
شوية.
سما: لا أنا مروحة.
ودلفت للمصعد، لتجد يد تفتحه قبل أن يغلق ويدلف إياد.
إياد وهو ناظر لأعلى: ماشية قبل معاد الشغل ليه؟
سما: دا خلاص باقي خمس دقائق.
فيلتفت فجأة لتفزع: وبتهربي من إيه؟
سما: مش بهرب ولا حاجة، (ويفتح المصعد، فتجري وتقول) عن إذناك.
ليخرج بعدها لسيارته ويراها وهي توقف سيارة أجرة، فيتنهّد ويجري
بسيارته، وهي ترمقه بنظرها وتتنفّس بصعوبة وتضع يدها على صدرها.

*** الفصل السادس ***

في الليل يلتقي بجاد مع إياد في الديسكو، وعلى البار يرمى فتاه بناظره، ثم يلتفت إلى إياد الجالس بجانبه
بجاد: مش عارف البنت اللي قاعدة على البار دي حاسس إني شوفتها قبل كده.

إياد: بس أنا أول مرة أشوفها هنا، بس جميلة فعلا الله يباركك ياعم.
بجاد: ياجدع مش قصدي كده، بس فعلا حاسس إني شوفتها، بس مش متذكر فين.

ويرن هاتف إياد.

فتهاتفة والدته: إنت فين يا ولد؟، هات البيض بسرعه عشان أعملك العجة اللي بتحبها.

إياد: ياماما ما بحبش العجه، والله مابقتش أكلها.

والدته: إنت هتستهبل ما أنا عملها لك من يومين تاخدها معاك في المدرسة، وقتلي حلوه خالص.

إياد: لا قلت لك ما تعملهاش تاني.

والدته: بس دي مفيدة وتغذيك، إنت في مرحلة نمو.

إياد: حاضر ياماما، هجيب البيض و آكل العجة .

وبجاد يكاد يرمي في الأرض من الضحك ولا يستطيع كبح جماح نفسه.

بجاد بضحك: هتأكل العجه ياواوا.

إياد: اسكت يا بجاد الله يباركك، أنا مخنوق خنقة سودا، الزهايمر بيزيد وخايف تعمل أي حاجة أو تهرب ماتعرفش ترجع، وخايف أقفل عليها يحصل حاجة ماتعرفش تخرج.

بجاد: طب مابتجيش خدمة معاها ليه أو ممرضة؟.

إياد: ماحدث بيستحملها أكثر من يومين.

بجاد: طب ماتتجوزتش ليه؟.

إياد: بقولك اللي بياخدوا فلوس مش مستحملين، يبقى إالي هجوزها هتتحمل أمي، وإلا تعمل فيها حاجة، دا حتي الإنسانه اللي حسيت فيها بالطيبه وممكن تتقبل خلعت من أول مقابله مع أمي، مع إن كنا كويسين.
بجاد: ما يمكن إنت اللي ضايقها ما أنت مدب.

فيحرك يده على شعره: مش عارف، يمكن أصلي عكيت أوي أول أماشوفتها

، يمكن لسه واخده على خاطرها، المهم إنت مروح وإلا إيه، أنا الحق البيض
قبل مايفقس وأمي تمسخرنى.
بجاد: لا أنا قاعد الله معاك.

((مع الأسف فعلا هذا يحدث، حتى وإن كان الشاب محترم تجد الفتاه
ترفض الزواج لأن والدته ستكون عبأ عليها، فماذا يفعل هذا الشاب بوالدته
أيلقي بها في قارعه الطريق، وإن كانت أمك هي التي في نفس الحاله ماذا
كنتي ستفعلين!!!))

ذهب إياد وترك بجاد يتأمل الفتاة ثم تجراً وذهب ليسألها وهو يخلل
أصابعه في خصلات شعره ويقترّب: لو سمحتي يا أنسة.
فأدارت وجهها إليه لينظر بعينها التي سحرته من أول نظرة، ثم يستفيق
ليستطرد: هو إحنا ما اتقبلناش قبل كده.
فترد الفتاة: بطلوا الحركات المكشوفة دي.
بجاد: عيب يا أنسة أنا فعلا حاسس إني شوفتك قبل كده.
وفجأة يمسك قلبه.

ناني: على العموم أنا اسمي ناني وماعرفكش ولا عمري شوفتك إرتحت كده،
وتلاحظ تنفسه بصعوبة)
إيه ده مالك!؟

بجاد ويكاد يختنق: مش عارف حاسس بألم هنا .
فتتحسس موضع الألم : حاسس بألم هنا (وتحرك يدها بمكان آخر) طب
هنا .

وهو يجيبها بالإيجاب

فتسأل: إنت معاك حد هنا لإن ممكن شويه ويغمي عليك.

بجاد لا بس دي مفاتيح عربيتي .

ناني: لا أنا معايا عربيتي بس قولي العنوان وأنا أوصلك عشان لو أغمى عليك.
وفعلا أسندته وذهبت به، وفي الطريق أوقفت السيارة وأنت بعلاج ما
وذهبت معه إلى شقته، أعطته الحقن والدواء وهو مشوش وفي بدايه مرحلة
الإغماء، ثم تركته وإنصرفت، وإستفاق وهو يحاول تذكر ما حدث له ووجد
آثار الحقن، فأيقن أنه لم يكن حلما ولكن هذه الفتاه المجهولة من أنقذته.
وفي الصباح ذهب إلى العمل وقص لإياد ما حدث فنصحه بالذهاب لأكبر
مستشفى قلب، وبالفعل عمل بنصيحته وذهب لدكتور أحمد ليفحصه،
ثم أستدعي الدكتور الممرضة، وطلب منها أن تأخذ بجاد إلى الدكتور ه منال

لتعمل له رسم قلب، وفعلا ذهبت به لمنال .
دقت الباب ودلفت لتعطيها الورق وتقول لها: الدكتور عاوز رسم القلب
حالا.

منال دون أن تنظر إليه: تفضل على السرير وإقْلَع.
بجاد بسخرية: على طول كده مش لما نتعرف.
فنظرت إليه وقالت: أنت !!.

بجاد: إنت !!

وينظر بعينها : أنا مش عارف أشكرك إزاي على اللي عملتية معايا.
منال بتعجب: لا شكر على واجب، لو عاوزني أخبط عربيتك كل يوم
ماعنديش مانع، دا إنت كنت هتاكلمي.
بجاد بتساؤل: عربية إيه ؟.

وتذكر: هو إنت !! وأنا أقول شوفتك فين، لا أنا بتكلم عن اللي حصل بينا
إمبارح.

منال: إنت اتهبلت في نفوذك، إيه إلهي حصل بينا ده، هو أنا شوفتك من
ساعة الحادته.

بجاد: نعم، أمال مين إلهي أنقذتني إمبارح وعطيتني العلاج ده، أنا وريته
للدكتور وقالني أكيد تخصص إلهي تكبتلك كده تخصص قلب، وفعلا أنقذت
حياتك من أزمه قلبية ممكن كنت أموت فيها.

منال: إنت أكيد بتهرج، وقابلتك فين بقي وعملتلك كل ده.

بجاد: في الديسكو، وخذتيني على شقتي.

منال تغلق الباب: إنت أكيد مجنون، وإلا حد مسلطك عليا تبوظ سمعتي.

بجاد: لا بقى، لا مجنون، ولا بتبلي عليكي، إنت اللي كنت في شقتي.

منال: هيقلي شقتي المتخلف ده، روح يا بابا شوف مين كانت معاك.

بجاد يقترب منها: إنت اللي كنت معايا.

فتتوتر من قربه فيخلع لها النظاره ويفك شعرها وهي مستسلمة من أثر
الصدمة فلم تتخيل أنه سيفعل ذلك: إنت اللي كنت معايا.

فتبعده عنها: إنت إزاي تجرؤ وتعمل كده؟!، وإتفضل إقْلَع ونام على
السرير.

بجاد بخبث: إيه إفتكرتي.

منال تجز على أسنانها: يا ربي على التخلف، أفتح القميص عشان أركب
الجهاز بتاع رسم القلب على صدرك، الدكتور عاوزه حالا.

بجاد: حاضر ياستي بهرج معاكي مانا فاهم.
منال: لما انت فاهم إيه لازمته الرذاله وإيه ستي دي أنا الدكتورة.
بجاد بنظرات تربكها وابتسامه ساحرة: حاضر يادكتور ويغمز لها.
منال: اللهم طولك يا روح.
بجاد: أنا عملت حاجه دلوقت.
وهو يتأملها بطريقة وقحة
منال: إنت سافل وقليل الأدب على فكرة.
بجاد: في إيه يا بنتي وأنا جيت جمبك، أما تلاقح صحيح.
منال: دا أنا اللي تلاقح، إنت عارف أنا بتكلم عن إيه؟
بجاد بكل برود: عن إيه؟
منال: يا ربي على البرود، إنت متحمل نفسك إزاي؟
بجاد: مش عارف الصراحة، ماتيجي تحمليها لي.
ويقهقه.
فتضع الأجهزة بقوة: لا إنت جاي تهرج بقى.
بجاد بألم: الله مش تحاسبي، بتغزيبهم بغل كده ليه؟، إيدك مش خفيفة
على فكرة.
وهمت بالقيام ليجذبها من ذراعها: راичه فين؟
منال: سيب إيدي يا أستاذ عيب كده، إنت جاي مستشفى محترمة، مش
البار اللي كنت فيه.
بجاد: أنا آسف ماقدش، بس مش عاوزك تقومي من جمبي.
منال: ليه بتخاف تنام لوحده؟!
فيبتسم بطريقة مستفزة: حاجة زي كده.
منال: لا كده كثير عليا والله، لو جالي منك إثنين كنت سيبت الشغل.
وتتزع عنه الأجهزة: يلا قوم.
فيقف أمامها بصدرة العاري، فتخجل من حركته هذه وتأمره أن يغلق
قميصه.
بجاد: ليه مكسوفه مني!
فتضع الأوراق على صدره: إفضل خد تقريرك لدكتور أحمد، وياريت
ماشوفش خلقتك هنا تاني.
فأغلق قميصه وأخذ أوراقه وهو خارج قال لها: مستنيكي على البار إنهاردة.
ويغمز لها، منال تلقي بشيء من المكتب عليه، ولكنه يغلق الباب قبل أن

يقذف عليه

وهي تردد: إيه المتخلف ده؟، وترتدي نظارتها وتلف شعرها مره أخرى)،
ازاي يجرؤ ويعمل فيا كده كان المفروض لطشته بالقلم إزاي سكتله، إنسان
مستفز.

*** الفصل السابع ***

إنطلق بجاد للدكتور مرة أخرى، والذي أرسله لعمل أشعه إيكو وباقي التحاليل، و طلب أن يمر عليه مرة أخرى بعد الإنتهاء من الاشعات والتحاليل.

أما إياد أنهى عمله، وعندما دلفت سما للمصعد دخل خلفها قبل أن يغلق، فنظرت إليه لتجده مسلط نظره عليها، وقد أوقف المصعد.

سما: مستر إياد في إيه إنت بتعمل كده ليه؟.

فحاصرها بكلتا يديه: إنت إلي في إيه؟، آخر مرة وصلتك كنا كويسين جدا، من ساعتها وإنت خايفه أقربك أو أكلمك أو أوصلك ليه؟، إيه إلي حصل مني لكل ده.

سما بإحراج : مافيش والله حاجة حصلت بس أنا إلي...
فقاطعها : فهمت.

وحرك المصعد، ليهبط بهما وهو خارج : أمي السبب.

فذهلت من قوله، وجرت وراءه إلى الجراج: لا، لا، إنت فاهم غلط مش والدتك خالص.

فجذبها من ذراعها : آمال إيه، آخر مرة وصلتك فيها كنت حاسس إنك بتبادليني الشعور اللي حاسه، فجأة بعدتي بدون أي أسباب.
سما: الموضوع مش كده خالص والله.

إياد: طب فهميني أنا صدر مني حاجه ضايقتك، ولا عشان إلي قلته يومها الصبح.

سما: بالعكس أنا كمان حاسه بيك،

واستطردت

طب ممكن نتكلم في مكان عشان وقفنا هنا غلط،

(إياد بزهق) أركبي.

فتنظر له وتشعر بضيقه، وإنطلقا لمكان عام .

إياد: إتفضلي قولي ما عندك.

سما: إنت هتفضل قالب وشك كده مش هتفكها.

إياد: عوزاني أقوم أتحمزم وأرقص يعني وإلا إيه!، واحدة كنت حاسس وأنا بوصلها إنها طايره من الفرحة وفجأة تقلب ١٨٠ درجة.

سما: والله يا باشمهندس مش كده خالص، أنا هشرحك، أنا والدي ووالدي

متوفيين.

إياد: ودي فيها إيه؟!، الله يرحمهم، حاجه ماتعبكيش، ما أنا والدي متوفي وأمي زي ماشوفتي ومابخجلش منها.

سما: مش قصدي طبعاً، إنت فهمت غلط.

إياد: آه الماديات وكده يعني، ومامعكيش تجهزي ماتحمليش هم.

سما: يوووه ماتفهم بقى وسيبني أكمل.

إياد: ماتخلصي بقى أنا صبري بدأ ينفد.

سما: ياسيدي إحنا ثلاث بنات لوحدنا، وأختي شافتك لما وصلتني، وزعلت مني، وقالتي إحنا بنات لوحدنا الجيران تقول إيه لما يشوفوكي نازلة من عربية واحد غريب، وعندها حق، ووعدتها ماعملهاش تاني، إحنا بنات مالناش إلا سمعتنا.

إياد بتصميم: بس كده، طب هوصلك وعلى الله حد يتكلم أجيب خبره.

سما: لا طبعاً هي مش عافية.

إياد: وإذا قلتلك إني عاوز أتجوزك.

سما: هقولك مش دلوقتي، أنا لسه والدي متوفي ماکملش سنه، وأختي لسه مخطوبة حتى لا عملت فرح ولا حاجة، جابت الدبلتين ولبسوها من غير ماتعمل فرح ولا تعزم حد.

إياد: لو عاوزه زيها عشان والدك ماعنديش مانع.

سما: لا طبعاً مش كده، أنا ليا أخت صغيرة في الكليه، لو لقتنا إحنا الكبار إتخطبنا وحست هنسيبها وحدها معرفش حالتها النفسيه هتبقى إزاي، لو هتقدر تستحمل ظروف في أوك، لكن أنا ماعنديش أغلى من اخواتي.

إياد: أنا كل مابقرب منك بيزيد إعجابي بيكي، يلا عشان ماتتأخريش، أما ألحق أروح أكل العجه بقى.

سما: إنت بتحبها أوي كده؟.

إياد بضيق: بكرهها عمى، بس أعمل إيه؟، حكم القوي، أمي وماقدرش أزعلها.

سما تضحك لمعرفتها بوالدته: ربنا يخليهالك.

فيجذب يدها ويقبلها : ويخليكي ليا .

فتخجل وتسحب يدها : إياد إحنا في مكان عام.

إياد: وأنا عملت إيه يعني، هو أنا بوستك من بؤك، دي إيدك يلا بقى.

سما: يادي البوز، هو إنت يا أطاوعك على عمائلك يا تقلب.

إياد: خلاص يلا بقى لأولع في المكان كله.
سما تتحدث بإصرار: مش هتوصلني.
إياد بعدم إكتراث: شششش هوصلك لأقرب مكان للبيت وأنزلك عشان
أبقى مطمئن عليكي.
فلم تستطع منعه.

وفي الليل يذهب مع بجاد كعادتهما لنفس المكان، وكل واحد منهما سارح
في حاله ليوقظهم رنه هاتف إياد.
والدته مرة أخرى: إنت يا ولد فين اللبن؟
إياد: لا لبن لا، إلا ده يا ماما برجع منه.
والدته: دا اللي بيبنى الجسم، إنت لسه ماخلصتش دروسك؟
إياد: خلاص الحصة خلصت وجاي.
وبعدها يتحدث إياد لصديقه: أنا ماشي هشرب اللبن واغسل كعوب رجلي
وأنام.

بجاد يقهقه: الله معك.
وهو ينظر لناني وذهب ليجازف مرة أخرى.
ناني: إنت تاني مابتحرمش.
بجاد: أنا بس بشكرك على إللي عملتية معايا لولاكي كنت مت.
ناني: العفو يا سيدي، إحنا في الخدمة، حاجة تانية.
بجاد: يعني ماينفعش أقعد معاكي.

ناني: سوري، مابقعدش مع حد، تسمح توريني عرض كتافك.
وأثناء كلامه معها وضع لها حبة هلوسه بالعصير، وعندما بدأت آثارها تظهر
عليها قدم إليها وأسندها عليه وأخذها إلى شقته، و وضعها على المقعد
حتى تستيقظ وهو جالس أمامها، وبعد فتره إستيقظت لترى نفسها بهذا
الشكل المخجل وهو أمامها، فتفزع وتقوم تتراجع للخلف وهو يقترب.
منال: لو قربت مني هموتك، وكمان خطفني وإيه اللبس ده؟ إزاي تعمل
فيا كده؟

بجاد: إحنا هنستهبل بقي وإلا إيه!، دا أنا جايبك من الديسكو ومزاجك
والكل يشهد.

منال: ديسكو إيه يامتخلف اللي هروح فيه، أنا هبلغ عنك إنك خطفتني،

وهوديك في ستين داهيه عشان تحرم، إنت مش عارف إختطاف أنشى عقوبته إيه؟.

بجاد: مش ده لو خطفتك، روعي الديسكو وأسالي وهيقولوك إنك خارجه معايا بمزاجك.

منال: إنت كداب أكيد راشيهم.

فيمسكها من ذراعها : وبعدين بقى في شغل الجنان بتاعك ده، محسساني إني خطفك من جامع مش جايبك من ديسكو.

تحاول الإبتعاد عنه لتلتصق بالحائط.

فيقترب منها ويثبت يديها على الحائط: أنا مش عارف آخر إللي بتعمله إيه وعاوزه توصلي معايا لإيه. وينظر إلى صدرها العاري بوقاحه فهي ترتدي

توب حمالات عليه جاكيت جينز كات وميني جيب جينز.

فتضربه بين قدميه وتجري إلى غرفه تختبئ بها.

منال تصيح: إنت عاوز مني إيه؟.

بجاد: أنا مش عاوز منك حاجة أنا حبيت أثبتلك إنك إنت إللي قابلتها وأنقذتي.

منال: إنت كداب ، وإيه اللبس إللي ملبسهوني ده، وإزاي جبته هو بتاعي بس عمري مالبسته على بعضه، التوب ده بيبقي عليه جاكيت مقفول،

والكات تحته بادي بأكمام، والجينز تحتها ليجن،

لكن عمري ما نزلت كده.

بجاد: آه اصلي جيت لبستهولك في بيتكم.

منال: إنت خطفتني.

وتبكي

بجاد: طب إفتحي عشان أوصلك.

منال: مش ممكن أنزل كده وأروح كده.

يضع يده على وجهه: يا بنت الحلال ما أنت اللي جايه كده، على العموم إلبسي حاجة من الدولاب عندك.

فأخرجت إسترتش وبادي تحت لبسها، وخرجت تسأله: إنت متجوز؟.

فينفي،

منال و هي تنظر للداخل: أمال الحاجات دي، (ثم تنظر له وقد فهمت) خرجني من هنا.

بجاد يفصح لها الطريق: تفضلي يادكتورة بحركة مسرحية.

منال: ماتوصلنيش أنا عارفة طريقي.

بجاء: وهتعرفي عربيتك فين؟.

منال: إنت سرققتها كمان؟.

بجاء: أمشي يابت قدامي، قال سرققتها قال، محتاج الكحيانه بتاعتك دي كمان دأنا بغير فيهم مع البدل ياماما.

منال: أي ماتزوقش، أمال مشيت لوحدها.

بجاء: اللهم طولك ياروح، لا إتمسكت في لجنة وهي بتتصرمح بليل مع توكتوك، أكيد طبعا إنت سوققتها ورحتي الديسكو، وركنتيها ودخلتي وأنا جبتك بتاعتتي، يلا بقي وإلا في إستفزاز أكثر من كده. وفعلا ذهبت لسيارتها.

منال: دي عربيتي فعلا، إيه جابها هنا!؟.

بجاء: ماقولتلك إتمسكت في لجنة والمرة الجاية هتتمسكي جواها.

منال: إنت اللي جبتها عشان تثبت كلامك.

بجاء: بت إنت أنا مش فايقلك، وصاحي طول الليل بسببك، ومفاتيحك أكيد معاكي في شنطتك.

منال: مانث ممكن تحطهاالي تاني.

بجاء بضيق: إنزلي يامنال، أنا إكتفيت معاكي بكده، ومش عارف عاوزه توصليني لإيه؟.

وركبت سيارتها، وذهبت لبيتها وقابلتها أختها، وتحدثنا سويا وهو مختبيء ويستمع لهما

بجاء: مش دي البت اللي شغالة عندي دول عصابه وييلعبوا عليا، وإلا إيه، أنا مابقتش فاهم حاجة

*** الفصل الثامن ***

ظل بجاد يفكر هل هي تمثل عليه وتتصنع كل المصادفات بينهما من حادث سيارة والمستشفى والديسكو، وهذا جزء من مخططهم، أم هي محض صدفة، ولكن وجود أختها في الموضوع جعل الشك والريبه يدخلان قلبه، و أنه مخطط له ليوقعانه في شيء وهذا أقرب للتصديق من أن تكون مصادفات .

بجاد بعد تفكير: أنا لازم أشوف آخر البنت دي إيه !!
وإرتدى ملابسه ليلا وذهب إلى الديسكو، وذهب لها على البار
بجاد بعصبية يجذبها من يدها: قومي معايا.
ناني بغضب: أقوم معاك فين يا كائن ياهلامي إنت!! إبعد عني.
بجاد يميل عليها: أنا بقول قومي من سكات وبلاش تبقي فضايح بدل ماهشيلك.
ناني: إنت أكيد مجنون.

فلم يمهلهما الإلتفات وحملها لتحاول النزول وتصارعه، وسط صخب الأصوات وتعاليلها لا أحد يسمع أو يري كله مغيب، ورآه حراس الديسكو فحاولوا إعتراضه فأوقفهم صاحب الديسكو بإشارة من يده وقال : تفضل بجاد بيه أوامرك.

وسمح له بالخروج، وأدخلها بجاد سيارته وهي تحاول الخروج.
بجاد بغضب: إنت هتهمدي وإلا أحطك في شنطة العربية.
فصمتت وهي تحاول إحتضان نفسها بذراعيها خوفا منه، وتحاول أن تستفسر منه ماذا يريد منها؟ ولماذا يطاردها ؟
بجاد بتعجب من أسألها: دا أنا إيلي بطاردك، حادثه، وديسكو، ومستشفى.
ناني بعدم فهم: إنت بتقول إيه؟!، مش فاهمه حاجة حادثه إيه؟، ومستشفى إيه؟.

بجاد ليسكتها: أما نروح الشقه نفهم كل حاجة.
ناني بغضب: شقه إيه؟ إنت مجنون!!، إزاي تفكر إني أسمحك تاخدي شقة.
بجاد بدهشة: ياسلام هي أول مرة !!
ناني: لا إنت أكيد مجنون.

وأوقف السيارة بسرعة عن طريق المكابح لتصدر صوتا كصليل السيوف، وإلتفت إليها وبعصبية مفرطة

: إنت عاوزه تعملي فيا إيه بالظبط عاوزه توصليني لإيه بالظبط، عاوزين
تجنوني.

ناني بدهشة أكبر: أنا مالي بيك، إنت إيلي بتطاردني، وخطفتني، وفي شهود
على كده.

فإعتدل بعد أن زفر بضيق وقاد السيارة وبعد فترة أوقفها مرة أخرى أمام
منزله، ثم جذبها من ذراعها وهو يصيح بها : إنزلي.

ناني بإصرار: مش نازله ياقليل الأدب ياسافل.

بجاء بغضب: وبعدين بقي، انزلي بقولك.

وعندما إمتنعت حملها وهي تمسك بالسيارة ولكنه أقوي منها فلم تستطع
الصمود أمامه وأدخلها شقته

فجرت تنزوي بمكان وتلملم نفسها.

بجاء يوقفها بيديه لطمأنتها: أنا مش هأذيكي أنا عاوز أفهم إيه الخطة الي
بتلعبوها عليا إنت وأختك.

ناني بكل براءة:أنا ماليش إخوات.

بجاء بعدم تصديق: لا يا بت العبيهم عليا، ما أنا أهبل، دا أنا شايفكوا سوا.
فجلست في الأرض تمسك برأسها: إنت أكيد مجنون، أكيد مجنون، أنا ماليش

حد، ماليش حد.

وإنهارت في البكاء وأغمى عليها، ليحملها إلى الأريكة تستريح ويظل أمامها
،أحيانا يغفل ثم يستيقظ إلى أن إستيقظت فوجدته قابع أمامها يتأملها.

منال جحظت عيناها حين رأته وصاحت: إنت تاني، إنت عاوز مني إيه
خطفتني تاني ليه،إنت عاوز توصلني لإيه بالظبط وتقنعني بإيه؟.

فيلطم على وجهه: يامخ أمي اللي هيتشل، إنت إيه يا بنتي مابتزهقيش،
إنت عاوزة تجننيني معاكي.

منال: أنا مش عاوزة منك حاجة غير تسيبني في حالي ومالكش دعوه بيا.

بجاء بدهشة: هو أنا إيلي باجي في سكتك وإلا إنت ؟،الحادثه مش إنت.
منال بتأكيد وتصديق على كلامه : آه بس غصب عني مش مقصودة.

بجاء: والمستشفى.

منال: آه بس إنت اللي جيت المستشفى، مش أنا.

بجاء: والبار والديسكو !!!؟.

منال: لا إنت أكيد مجنون ديسكو إيه اللي بتقول عليه.

بجاء: ماكننا ماشيين كويس، إنت عاوزه تجلطيني أمال أنا جايبك منين

دلوقت والناس إلي هناك تشهد.

منال: آه طبعاً شاريهم بفلوسك ويشهدوا، وإيه اللبس الي بتلبسهوني ده عامله زي فتاه الليل.

بجاد: قلتش أنا حاجه من عندي، أهو إنت الي قلتني.

منال: وقتلك قبل كده أنا عمري مالبت كده.

بجاد بضيق: خشي إبسي يا منال وشوفيلك حاجة من المدعوق الي جوه إستري بيها نفسك.

منال: آه من الدولاب الي البنات تيجي تفلح وتنسى هدموما وتمشي.

بجاد: آه بيسييوهالك عشان تستري بيها نفسك، إدعيلهم بدل مابتريقي عليهم .

منال: ربنا ياخدك إنت وهم.

بجاد: سمعتك على فكرة، وهفوتها بمزاجي.

وخرجت: فين نظارتي؟

بجاد: إنت مابتروحيش بيها الديسكو.

منال: هيقولي ديسكو بردو المتخلف ده.

بجاد يجذبها من ذراعها بقوة: بطلي قلبه أدب بدل ما أخذك على حنتور عينك.

منال: همجي وبتاع ستات.

بجاد: لا إسم الله كل يوم أجيبك من صلاه الفجر جماعه في المسجد يا بت، طب خلي غيرك يتكلم.

منال: أنا اشرف منك ومن عيلتك كلها.

فيجذب يدها لترتطم بصدرة ويجذبها من خصرها: خلي حد غيرك يتكلم عن الشرف ياقطه ماشي.

منال: إنت أحقر إنسان قابلته في حياتي.

بجاد: أنا لو حقير كنت عملت معاكي غير كده، لكن أنا عمري ما أخذ حاجه غصب، لو ماترمتش تحت رجلي ما أخذهاش، أصل إلا دي لازم بالتراضي.

حاولت رفع يدها لتضربه فأمسك بها: لو حاولتي عملي كده تاني همدفك ثمنه غالي، أما أشوف آخرتها معاكي وحكايتك إيه ومين زفكم عليا؟

وأوصلها للسيارة لتركبها وأيضاً يتبعها، ويجد أختها تتحدث إليها وتعطيها سيارتها لتأخذها فهي لن تذهب للعمل اليوم يكفيها ماعانته.

بجاد عندما يري هذا: بنت الكدابه وتقولي ماليش إخوان.

وطلع خلفها بعد أن ذهب أختها وعلم من كلامهما أن لها أخت بالجامعة، ذهب هي الأخرى، وأن منال ستصعد لتتناول الطعام وتنام. وبالفعل سعدت و إرتدت قميص جل حمالات قصير، وأحضرت الإفطار من الثلاجه ودق جرس الباب

منال ظنت أن أختها سما عادت ربما نسيت شيء ما وتقول في نفسها: لحقتي ياسما يامسطوله، نسيتي إيه؟، أنا مش قادره هموت وأنا حاسه دماغي هتنفجر.

وفتحت لتجد بجاد أمامها: إنت تاني.

وحاولت غلق الباب ولكنه وضع قدمه ليفتحه ويدلف ويغلق خلفه منال تبتعد: إنت عاوز مني إيه بالظبط؟.

بجاد: إنتم اللي عاوزين مني إيه بالظبط إتكلمي أحسن لك.

منال: هعوز منك إيه بس، أنا أعرفك يابني آدم إنت.

بجاد: وأختك اللي شغالة في شركتي، واسألك تقولي مالكيش إخوات.

منال: مين قال كده أنا ليا أختين سما ودنيا، هو إنت المهندس بجاد صاحب الشركة اللي فيها سما،

وأنا أقول سمعت إسمك فين.

بجاد: آه إستعبطي إستعبطي، وإرسمي عليا دور البراءة إلي بتتقنيه أوي، وتخدعي أي حد ورا قناع البراءة دي.

منال: إنت أكيد مجنون، أنا ماعرفكش، وماكنتش أعرف إنك بجاد صاحب الشركة إلي أختي فيها.

بجاد بصوت عالي: أmaal أنكرتي ليه إن ليكي إخوات وجايه تعترفي دلوقت لما كشفت كدبك.

منال بعصبية: أنا مش كدابة إنت اللي مش طبيعي.

وتبكي، فرق قلبه لدموعها، وإقترب منها ليمسح دموعها التي سالت على وجنتيها، فابتعدت لتلتصق بالحائط، ويقترب أكثر فأكثر حتى كادت أنفاسهما

أن تصبح نفسا واحدا من شدة قربهما

بجاد: أmaal عاوزه مني إيه؟.

منال: والله ماعاوزه حاجة.

ليلتهم شفتيها ثم يتوقف يلتقط بعض أنفاسه ويضع جبهته على جبهتها وهو مغمض العينين: أmaal بتعملي فيا كده ليه عاوزه توصليني لإيه؟.

وهي تلتقط أيضا أنفاسها: إنت اللي طلعتلي منين؟.

ثم تدرك ماحولها وتبعده: إبعد عني وما تقربليش تاني، لهصوت وألم عليك الناس أنا مخطوبه لدكتور أحمد وهنجوز، إزاي تعمل كده .
وتحاول تجاهل نظراته وتضع يدها على شفيتها.
بجاد مستفهما: دكتور أحمد، الراجل الكبير اللي أد أبوكي، دا أكبر مني بعشر سنين على الأقل يعني بينكو عشرين سنة، دا يخلفك!!!
منال: إنت مالك !!!، إنت كنت ولي أمري.
فيجذبها إليه: إيه إالي مالك دي؟، جاك مله علي جنابك، إنت لو أجوزتي الراجل ده والله لأجيب خبرك إنت فاهمة.
منال: لا إنت أكيد مجنون فعلا، إنت مش ملاحظ إنك تخطيت حدودك أوي.
بجاد يكتف ذراعيها خلفها، ويقرب شفتاه من أذنها: أنا قلتها كلمه إياكي تجوزيه وأنا ماحبش أكرر كلامي مرتين.
منال تحاول التملص منه: إنت باي حق تأمرني.
بجاد: عشان الواحدة لازم تطيع جوزها.
منال: وهو فين بقي؟!
بجاد: أنا باعتبار ما سيكون.
منال تضحك وتتعجب: إنت!! حلوه دي، إنت لو آخر راجل في الدنيا مش هتجوزك، كفاية دولاب الحريم اللي عندك خليه ينفعك.
بجاد: لا هو بينفعك إنت وقت الضيقه.
ويغمز لها فتحاول أن تبعد عن تلميحاته التي تدرك معناها وتغير الكلام : و كل يومين تخطفني، إنسي إنك تفكر بس مجرد تفكير إني أتجوزك بجاد: دا مش إختياري ومش بجاد اللي يترفض، باي يا قطة.
منال: غور في داهية مصيبة تشيلك.
بجاد يعود إليها ويقرص على وجنتيها بأصابعه بقوة: عيب الواحده تودع جوزها وهو ماشي كده بدل ماتقوله تروح وترجع بالسلامه يا حبيبي.
منال تنزل يده بعصبية وبألم، وتتأوه: ضربه في إيدك.
فيضربها على خدها بمزاح: عيب عيب، طب والله ماعاوز أمشي وأسيبك هاتي حزن لجوزه بقي. ويحتضنها وتجحظ عيناها، ويمشي وهي تتبعه بنظراتها المسلطه عليه وتتعجب: دا مجنون رسمي.
وعاد مرة أخرى: إنت هتفطري إيه؟، كده تمشي جوزك على لحم بطنه.
منال: لا إنت جاي تشحت وتتسول هنا بقي.
وفتحت الباب وكادت تنادي البواب فكتم فمها بيده: خلاص يا بخيله مش

عاوز أتتيل، إطفحيه إنت. فدخلت وأغلقت الباب بقوة، ففرع الباب لتباغته: مش هفتح وغور من هنا أحسن لك. فمشى، ونظرت من النافذة المطله على الشارع من بعيد خلف الستار، فلاحظها فأعطى لها قبلة في الهواء لتدخل مسرعه وتجري لفراشها تتدثر بغطاءها

*** الفصل التاسع ***

في الليل

كالعاده ينتظرها بجاد ليتبعها خوفا عليها ويظل بالديسكو إلى أن تعود ويتبعها لبيتها ويراها وهي تخرج بجاكت طويل علي ملابسها تخلعه بالسياره وترتديه مره أخرى عند عودتها .

ويحدث نفسه (غريبه جدا البنت دي عايشه حياتين مختلفتين تماما) وفي يوم وجد أحد الشباب يحاول التحرش بها وهي تحاول إيقافه فإنتفض بجاد وأمسك يد الشاب قبل أن يقترب منها وقال محذرا: إيدك ماتتمدش عليها لأكسرها لك.

وأمسك منال خلفه، وضرب الشاب وأيضا نال بجاد بعض الضرب.

ناني بفرع: إنت اتعورت ومحتاج غرزة أو إثنين.

بجاد: مايهمكيش المهم إنت بخير.

ناني: الحمد لله المهم إنت تعالى أوصلك شقتك.

وفعلا أسندته عليها وذهبت به لشقته وأثناء ذلك أحضرت خيط وإبرة طيبة

لتخيط الجرح لأنه رفض الذهاب للمشفي، وفعلا خاطت الجرح.

ناني: هو كان محتاج خياطه تجمييله، بس ده اللي قدرت أعمله عشان أوقف الدم.

فيمسك يدها ويقبلها: متشكر ماتشغليش بالك كده كويس.

وربطت أيضا يده التي تؤلمه من أثر الضرب.

ناني: أنا اللي متشكرة على إلي عملته مع البني آدم البارد ده وعرضت نفسك للخطر عشاني.

بجاد: ولا يهملك.

ودخلت لغرفه ما وخرجت بقميص نوم، لم يستطع أن يحيد بصره عنها

ولكنه تراجع لآخر الأريكه لبيتعد عنها فتجلس بجواره وتقترب منه.

ناني: إيه خايف مني!!

بجاد: بصراحة خايف عليك مني.

فتضحك ضحكة تجعله يسرح فيها.

ناني: يعني مش بتحبني أمال بتراقبني ليه؟!، وعملت عشاني كده ليه?!.

وتتقرب إليه كالحيه وتقرب شفاهها منه ليجذبها من شعرها ويقبلها

بعنف، وهي أيضا تستمتع معه ثم يتوقف ويلتقط بعض الانفاس ويحاول تهدأه نفسه ويقوم: لااا كده غلط.

فتقوم هي الأخرى تلهث: يعني مش عاوزني، أنا إيلي غلطانة، أمال بتطاردني ليه؟ وعامل نفسك بتحبني. وتتجه صوب الغرفة ليجذبها ويلصقها بالجدار المجاور لباب الغرفة ويضع جبهته على جبهتها ويجز على أسنانه: إنت عارفة إني بحبك أكثر من نفسي، وإني خايف عليكي من تهوري، بس ماينفعش إنت مش على طبيعتك يا منال، أنا عاوز حبك إنت يامنال.

ناني بضيق: منال، منال، يادي منال الي قرفتني بيها، خلاص خلي الست منال بتاعتك تنفك.

وحاولت المضي ليوقفها: إنت منال، وإنت حبييتي.

ناني: قلتك مليون مرة أنا مش زفته، شوف منال بتاعتك الي سابتك.

ولم تكمل ليمسك رأسها بكفيه أمامه: إنت منال قلتك.

ناني: لا أنا مش منال، أنا مش منال.

وتنهار لتقع فيحملها إلى الفراش، ويغلق الباب لتستيقظ منال صباحا على الفراش، فهي تعلم الغرفة تماما وترى نفسها بقميص النوم فتنهار وتسب وتلعن.

منال: يانهار أسود، يانهار أسود، عمل فيا إيه، المجنون ده مش هيحبها لبر،(و خرجت له) إنت إيه اللي هبته ده.

ووجدته مصاب فأنتابها القلق عليه: إيه اللي حصلك؟.

بجاء يتململ ويشعر أن جسده مهشم من أثر النوم على الأريكة، وبدون إكترات لها أو النظر إليها

: ما أنا شغال للهانم بودي جارد، هي تسهر طول الليل في الديسكوهات وأنا أنضرب بسببها.

منال: تاني هيقولي دي سكوهات، وريني وريني ليحصلك تلوث أشوف هبيت إيه في نفسك.

بجاء: ماتخافيش، سيادتك الي خيبتها يادكتورة، وأشتريتي الحاجة على حسابك من الأجزخانة،

صحيح حسابها كام مش هتبأششي عليا.

منال: خرف خرف، وريني أما أغيرلك عليه قبل ما أمشي (وفتحت على الجرح)، ممتاز جدا بس كان محتاج خياطه تجمليه عشان ماتسبش أثر.

بجاء: نورتي عدالة المحكمة.

وتجد نظراته مصوبة إلى صدرها

منال: بطل قله أدب.

فيجذبها لنقع على فخذة: أنا لو قليل الأدب صحيح كنت عملت إالي كنتي عوزاني أعمله إمبراح.

فتحفظ عيناها: وأنا كنت عوزاك تعمل إيه إن شاء الله.

فيقبلها بشغف فهذه هي فتاته المشاكسة فتملص منه وتبعده عنها: إنت سافل وقليل الأدب،

فين هدومي وليه لبستني كده؟.

بجاد يضع يده على وجهه: أفهمها إزاي دي، يابنتي إنت مش شكرتيني على إالي عملته، ولبستيلي القميص ده وكنتي عاوزه تديني المقابل.

منال بذهول: أنا أعمل كده !!.

بجاد يقوم أمامها بصدرة العاري ويجذبها من خصرها مقربا إياها، ومقربا شفتاه من أذنها: بس أنا رفضت لإني عارف إنك مش في حالتك الطبيعیه

وإن مش منال إالي قدامي، وإن ناني إالي كانت قدامي

وأنا عاوز الموضوع ده مع منال إالي حبتها مش ناني.

منال تحاول إبعاده: إنت أكيد مريض نفسي، أو مريض بالتهيؤات والهلاوس، إعرض نفسك على أخصائي نفسي.

وأبعده وتدخلت تبحث عن ملابسها وتنادي عليه: فين هدومي خليني أمشي من هنا.

بجاد: والله ما أعرف إنت إالي قلعتي شوفي تواتيهم فين.

ودخل يبحث معها ليتصادف أن يقف الإثنان أمام بعضهما البعض وتتجه يمين فيتجه ثم يسار فيتجه

بجاد بضيق: يووو ماتهمدي في حته.

وجذبها بيد واحدة من خصرها وحملها ليديرها الجبه الأخرى لأن يده الأخرى مربوطة من أثر الضرب

فتضربه في صدره: إنت إيه إالي بتعمله ده.

فيميل على أذنها: أمال لو طاوعتك في إالي عوزاه إمبراح كنتي هتعملي إيه. منال بضيق: إنت مستفز جدا.

فلم يضع كلامها عين الإعتبار

واستطرد ليستفزها: بس كنتي إمبراح ايه مشعشعه على الآخر، أنا الصراحة مش عارف قدرت أمسك نفسي إزاي على الآخر بعد إالي عملتیه فيا.

فتبعد يده: وسع كده هاتلي هدومي خليني أمشي من هنا.

وتبكي فمسح دموعها بحنان:

والله ما أقدر أأذيني يامنال أنا بحبك أكثر من نفسي وبخاف عليكى حتى من نفسي، والله إمبراح لو تماديت ماكنتي هتطلعي من تحت إيدي سليمه، أنا مش عارف إزاي اتحكمت في نفسي وتوقفت في الوقت المناسب قبل فوات الأوان، ومارضيتش أطاوعك وضغطت على نفسي.

منال وتنظر إليه بعدم تصديق فهي تنكر مرضها ولا تصدقه:

والله متشكرين إنك قدرت تمسك نفسك وماتتهورش مش عارفه والله نرد الجمال دي إزاي، إنت ماتسبش نفسك للتخيلات دي أنصحك كطبية، إنك تعرض نفسك علي طبيب نفسي، ودلوقت هات هدومي إلي مخبيها. بجاد: والله ماأعرف إنت إلي قلعتي شوفيهم في الأوضه التانيه. وفعلا وجدتهم هناك وإرتدت الملابس.

وهو يحدثها من خلف الباب: أنا مش مجنون ولا بيتهيألي يادكتوراه روحي إنت شوفي نفسك.

فتفتح الباب: أنا سليمه ومخي يوزن بلد، وأحسن منك ومن عشرة زيك كمان، وبعدين همشي كده إزاي اللبس المناسب اللي هنا خلص . بجاد بابتسامه ساخرة: خلاص أبقى أجيب بنات تاني تقلع وتمشي. فتنظر له بغضب: سافل.

فيجذبها بيده: أصبري بس، ما أنا هرشت اللعبه، إنت بتنزلي بجاكت طويل تقلعيه في العربية وتخشي الديسكو وترجعي تلبسيه، إستني هجيبه من عربيتك عشان ماتنزليش كده، هاتي مفاتيحك عشان إنت إلي موصلاي، وهبعت حد يجيب عربيتي من قدام الديسكو.

منال: هيقولي ديسكو تاني، ماترفزنيش.

بجاد: أحبك وإنت متنزف.

وكاد يتجه للباب ثم التفت لها واقترب منها وهي تتراجع: إيه في إيه؟!.

ليجذبها من خصرها بقوه ويميل على أذنها: هو دكتور أحمد بيعمل معاكى إيه؟.

فتنظر له بغضب وقد فهمت مايرمي إليه: يعني إيه بيعمل معاكى إيه؟، إنت إتجننت تسأل السؤال ده دكتور أحمد راجل محترم ومؤدب وأخلاق ووقور، وأنا أصلا إستحاله أسمحله يعمل حاجه وإلا مفكره زيك أقل مايقال عنك جريء لدرجة الوقاحة.

بجاد بنظرة وقحه: يعني إنت مابتسمحلوش يعمل حاجه!، أمال بتسمحيلي أنا ليه!؟.

منال: أنا عمري ماسمحتك، إنت إيلي بتاخذ الي عاوزه بالقوة ومستقوي نفسك عليا.

بجاد ويشدد على خصرها بيده المربوطه والأخرى يحركها على جسدها، يعني عمره ماعمل معاكي كده، ويجذبها من شعرها ليقبلها قبله عنيفه، أخذت تتلململ منه ثم لم تجد فائدة من التنصل منه فإستكانت ليضع جبهته فوق جبهتها.

فتلتقط أنفاسها: إنت فعلا سافل وزودتها أوي.

بجاد: في واحد بيحب واحده ومش هيبقي عاوزها كده، دا مايبحبكيش، أنا بس كنت بسأل عشان لو عملها أجيّب خيره.

فتنظر إليه

فيستطرد: إنت بتاعتي أنا بس، في واحدة ماتحبش تبقي مرغوبة، وحد يحسسها بأنوثتها.

منال: أنا بقي كده، مايبحبش كده.

بجاد يميل على أذنها: كدابة، مافيش أنثي مش عاوزه تحس بأنوثتها، وتتمني راجل يحسسها بيه،

وإلا كنتي عوزاني ليه إمبراح!؟!

تضع إصبعها على رأسه: دي تهيؤات في دماغك إنت، مالهاش أي أساس من الصحة.

بجاد يقهقه ويضرب كف على كف: والله عوزاني وبتعاندي، معرفش معايا وإلا مع نفسك، علي العموم قلتلك أنا مايبحبش إلا التراضي، أنا بس كنت بثبتلك.

وذهب يحضر الجاكت لترتديه، وتجري من أمامه، ليستوقفها:

انتي بتروحي الديسكو ده بالذات ليه يامنال؟، مع إنك عارفه إني بسهر فيه.

فتنظر له ثم تجري وتغلق الباب

*** الفصل العاشر ***

بعد خروج منال من شقة بجاد

يتصل بصديقه إياد أن يأتي له فورا، ولكن قبل ذلك يحضر له سيارته السوداء من أمام الديسكو بالمفتاح الإحتياطي الذي يظل مع إياد، وحاول إياد الإستفسار فلم يمهله بجاد التحدث، وقال له أن ينفذ ما قال ويحضر إليه وسيفهم ما حدث، و نفذ إياد الأوامر وذهب إليه بعد إحضار السيارة. إياد يجلس مرهقا ويلقي بنفسه على أقرب كرسي: أهو ياعم جبتلك العربية، كل يومين بقي تعملي حركاتك دي في إيه ماتفهمني؟، وإيه شلفتك كده؟، ثم ينهض بفرع: مابتخليش البودي جارد معاك ليه. بجاد: ما أنت عارف مابحبش أربطهم معايا، ثم أنا قليل وإلا إيه. إياد: المهم فهمني إيه اللي حصل؟.

بجاد ويشير إليه بالجلوس: البت اللي قتلتك شوفتها قبل كده.. إياد بإنصات: مالها هي معاها حزام إسود؟، هي إلي شلفطتك كده. بجاد بضيق: يامتخلف إفهم كان حد بيعاكسها فوقفتله ووصلتني هنا وخيظت الجرح.

إياد: يغمز لصديقه، الجرح بس!!!.

بجاد: ماهو اللي مايعرفش يقول عدس، دي دكتوراه يا متخلف.

إياد: دي دكتوراه لبسها مايدلش إلا إنها فتاه ليل.

بجاد معللا: دي حكاية طويلة، ولها أخت شغاله معنا في الشركه، مش فاكه إسمها بس لو شوفتها هعرفها، المهم دي بقي هتجنني كل ساعه بحال، شويه تبقي عوزاني وتصحى تتخانق معايا وتصوت في وشي، وإنت خطفتني وأنا دكتوراه منال مش ناني وماعرفش الديسكوهات، وحاجه جنان كده.

إياد بدهشة: دي بتشتغلك وإلا إيه؟.

بجاد: لا من طريقته خلتنى أصدقها، وإن أنا فعلا اللي عندي تهيئات، وأنا اللي بتخيل الكلام ده وإني خطفتها فعلا، بس إنت شوفتها معايا في الديسكو صح، يبقى أنا مش بيتهيألي.

إياد بقلق على صديقه: في إيه يا بجاد؟، عمري ماشوفتك بالشكل ده، إنت تعبان!.

بجاد: مش عارف والله حاسس إني تعبان فعلا.

إياد: بس أنا شوفتها معاك فعلا يعني مش تهيئات، تكون زي بتوع إنفصام

الشخصية والشخصيات المتعدده اللي بيسموها شيزوفرنيا باين، اللي بنسمع عنها ونشوفها في الأفلام، والمريض مايبحسش ولا يقتنع أنه مريض أو بيعمل كده.

بجاد وكأنه وجد مبتغاه: تصدق ممكن لأنها خلتنى أقتنع إن هي اللي صح وأنا اللي مريض، (وفك يده)
أنا لازم إنهارده أشوف حل.
إياد: بتفك إيدك ليه.

بجاد بعدم إكترات: خفت كانت بسيطه هي الغرز بس هحتاجها تغير عليها.
إياد بدهشة: هي اللي خيبتك!.

بجاد: مش بقولك دكتورة يامتخلف، مش هتعرف تخيط غرزتين.
إياد يخبط علي جبهته: معلش نسيت، أصلي مش مقتنع إن اللي شوفتها دكتورة.

بجاد: روح إنت الشركة ولو في حاجة كلمني عشان داخ وهنام .
إياد مطمئنا له: أوك ولو في حاجة بلغني.

وغادر إياد ونام بجاد واستيقظ بعد عدة ساعات، أخذ حماما باردا وتناول الطعام الذي طلبه، وإرتدى ملابسه، وذهب ينتظرها بالسيارة، وعندما

نزلت من شقتها كعادتها، تبعها إلى الديسكو وإقترب منها
ناني بضيق: عاوز إيه روح للست منال بتاعتك جايلي ليه؟!.

بجاد بحب: إنت منال بتاعتي، ثم مش هتكلمي علاج المريض بتاعك، وتيجي
تغيري على الجرح في حد يهمل مريضه كده.

ناني تنظر له: خلاص هاجي أغير على الجرح بس، وأمشي عشان بس أنا
السبب في إللي حصلك.

وذهبت معه تضمد له الجرح.
بجاد متقربا: طب ممكن نشرب كاسين سوا ضيافة كده مش معقول
ماضيفكيش.

ناني: بس أنا مابشر بش.
بجاد: وتكسفيني، هو واحد بس مش هيعمل حاجة، وإنت مجرباني.

ناني: خلاص واحد بس.
وتناولت كأسا واحدا ولكنه أفقدها توازنها، فأصبحت تترنح وتكاد تقع

وتضحك
: أنا مش قادرة أمشي.

فتناولها بجاد علي ذراعيه قبل أن تقع ، وحملها للفراش وكاد يمشي لتجذبه:
إنت رايح فين وساييني
ماتسبنين أقعد جمبي.
فجلس بجوارها لتتأفف: الجو حر أوي.
وخلعت الجاكت الكات وظلت بالتوب الحملات وبعدها الجيب: أنت مش
حران.

بجاد: لا مش حران الجو مش حر للدرجة دي.
ناني: لا الجو حر أوي ألقع التيشيرت.
بجاد: خلاص هقلعه بشرط ماتقلعيش حاجة تاني بقي الجو مش جهنم
يعني، دا أنا مشغل التكييف وهتجمد.
وخلع التيشيرت.

ناني بخمول: نيمني بقي.
بجاد: إزاي يعني أحكيلك حدوته.
ناني بضيق: معرفش نيمني وخلاص.
فاحتضنها وأخذ يداعب خصلات شعرها بحنان حتى نامت، ونام هو الآخر
على هذه الحال وهو محتضنها، لتستيقظ في الصباح في هذا الوضع، فزعة
ومرعوبة مما حدث وتنظر لنفسها تجد نفسها بالتوب والبكيني فقط.
منال تجلس على الفراش واضعه الغطاء عليها لأعلي وتضرب فيه: إنت يا
زفت قوم هببت فيا إيه نهارك إسود ومطين بطين.
فيفرك عينيه ويحاول الإستيقاظ واستيعاب ماحوله: فيه إيه يامنال كل يوم
تصحي بزعايبك كده ماتصطبحي وقولي ياصبح، الناس تصحي تقول صباح
الخير، وإنت مسمعه بينا الجيران كل يوم كده.

منال: إنت عاوز مني إيه بالظبط؟، كل يوم أصحي ألاقيني في سريرك، إنت
عاوز توصلني لإيه بالظبط،
بس إنهارده بقي سيادتك جمبي كمان.
ووجدته عار من الجزء العلوي ، فتعيد ببصرها عنه وتشير إليه بتقزز: أستر
نفسك، أستر نفسك.

بجاد يقهقه: إسم الله تقوليش البت لبسالي الإسدال.
منال بغضب وتضرب بيدها في صدره: إنت عملت فيا إيه بالظبط يا حيوان؟.
بجاد: شوفي بقي بلاش غلط أحسن لك، أقسم بالله ماجيت جمبك.
منال: ياكداب، دا أنا صاحيه لقياني في حض... وإستحت أن تكمل فاستطردت

،إنت هببت فيه إيه؟.

بجاد: قسما بالله ماعملت حاجه، أنا روحتك الديسكو وقتلك تيجي تغيري على الجرح، ووافقتي وجيتي.

منال بعدم تصديق: ثاني هيقولي ديسكو أصلي نقلت عيادتي للديسكو، خليني ورا الكداب، طب أنا جايه أغيرك على الجرح، إيه نيمني جمبك كده شبه عريانة؟!

بجاد: صلي على النبي.

منال: عليه أفضل الصلاة والسلام.

بجاد: أنا عزمت عليك بكاس، وإنت نجمك خفيف ماستحملتيش، ودوختي، جبتك هنا، قلتي حرانة وقلعتي الجاكت، قلت مش مشكله، بعدها الجيبة، قلت ماشي وقلتي إقلع التيشيرت إنت مش حران أقولك ياست مش حران، مافيش فايده المهم قلعته بشرط ماتقلعيش حاجة ثاني، قلتي نيمني خدتك في حضني ولعبتلك في شعرك ونيمتك ونمت أنا كمان، ما أنا بشر بردو مش ماكنه وواحد غرز في دماغي.

منال بعدم إقتناع: الكلام ده تضحك بيه على عيل صغير، فين هدومي؟.

بجاد: وأنا عارف، إنت بقيتي تشطوحي فيهم في كل حته دوري بقى.

منال: أدور إزاي وأنا كده!، قوم فز شوفهم، خليني ألبس وأمشي.

بجاد بألم: ماتزوقيش وأنا مالي، إنت ترمي حاجتك وأنا أدور، دماغي بتوجعني، قومي أعملي شاي.

منال تضرب فيه: شاي، لك نفس، دا أنا لو أطول أرمي عليك مائة مغلية وأسلحك هعملها.

بجاد بإبتسامة تزيد من إستفزازها: إيه العنف ده بس ياشرس.

وتقف على السرير متدثره بالغطاء لترى ملابسها، وتخطو خطوة فتقع عليه، ليسندها، ويزيل خصلات شعرها عن عينيها، ويحاول تقبيلها، فتبعده: إنت إتهبلت وإلا إيه، نسيت نفسك.

بجاد: لا يامنال مانستش، ثم إنت اللي وقعتي على حجري قومي يلا. وتحاول القيام.

بجاد يتألم: الله!!! حاسبي.

فتزيد عليه الألم وتسند خصيصا بقوه لتؤلمه.

بجاد بغضب: لا إنت قاصده بقى، صح.

منال: آه صح.

وهي ممدده علي بطنها وتجلب ملابسها من جانب الفراش.
فيأتي من خلفها يعتصر كتفها: أعرفك بقي الأُم اللي بجد شكله إزاي.
منال تنتفض من حركته وتحاول أن تنقلب على ظهرها: وسع يا بجد بلاش
رذالة.

بجد بإستسلام وهو ينظر لعينيها التي لا يستطيع مقاومتها: ماشي يا منال،
بس عشان تعرفي لو عاوز أعمل حاجة ماحدث هيقفني أنا اللي ساكت
بمزاجي.

وإرتدت ملابسها ثم سألت عن الجاكت

بجد يرد بضيق: برة في الصالة جبته عشان ماتنزلنيش زي كل مرة.
منال: متشكره ويكون في علمك أنا كنت مأجله جوازي سنه، بسببك هبدر
موعد الزفاف.

فقام مفزوعا وجذبها من يدها: إنت أكيد مجنونه هتجوزيه ليه إنت
مابتجهوش بتعاندي نفسك ولا بتعاندي معايا .

فتزِيل يده: إبعد عني وماتقربليش تاني إنت اللي إضطرتني لكده طالما
مش بتسبني في حالي ومش عارفة بتعمل فيا كده ليه أنا هجوز عشان تبعد
عني خالص.

فيجذبها من خصرها: إنت مجنونة عشان ترمي نفسك في جوازة زي دي
عشان تبعديني عنك وأنا عمري ماهبعد عنك، لإن مع الأسف إنت اللي
بتيجي في سكتي وبقينا مربوطين في حبل واحد.

فتبعده وتبكي: وأنا بقي هقطع الحبل ده.

فينظر لها: طب بتعيطي ليه.

منال: مش عارفة، مش عارفة.

فيجذب رأسها لصدره فهو لا يطيق بكاؤها: طب أهدي يا منال، لو عوزاني
أبعد هبعد للأبد، بس على شرط ماتجوزيش أحمد، لو حاسس إنك بتحببيه
كنت والله تمتلك السعاده، لكن أنا حاسس...

فقاطعته وإبتعدت عنه: إحساسك غلط ياباشمهندس، عن إذنك وأتمنى
تكون آخر مرة أشوفك فيها. فإقترب منها يهمس بأذنها: والله إنت اللي
هتحددي إذا كانت آخر مرة و لا لاء ، مش أنا.

فتنتفض: وأنا قررت إنها آخر مرة يبقى آخر مرة.

فيقترب ويميل عليها ليهمس مرة أخرى: مش بمزاجك يامنال (ويشير بإصبعه
إلى قلبها)، ده اللي هيجيبك لحد عندي .

منال بغضب: إيه الثقة اللي من غير سبب دي، إنت مفكر إني بحبك، دا وهم في دماغك روح إتعالج عشان حالتك صعبة جدا.
بجاد بصوت عال: دا مش وهم يامنال دا يقين، أنا واثق إنك بتحبيني من جواكي، بس في شويه غشاوة على عينيك.
فنظرت له بضيق: أنا ماشيه مش هستحمل أكثر من كده جدال مع مجنون زيك محتاج علاج.

فيجذبها من يدها: مش أنا اللي محتاج علاج إنت اللي محتاجة علاج، لما تتجوزي واحد في سن والدك عشان تهربي من حبي تبقي محتاجة تتعالجي.
منال بدون وعي وبسبب استفزازه لها: على الأقل قلبه سليم، وأحسن من شباب كثير، الدور والباقي على الشاب اللي قلبه مريض مايصلش لدرجه العجوز.

ثم وضعت يدها علي فمها بعدما قالت هذا.
فأمسكها بقوة: إنت تقصدي إيه؟

منال بهروب من نظراته: ولا حاجه هيكون إيه يعني؟
بجاد بعدم تصديق وبصوت هادر: لا تقصدي، ايه نتائج التحاليل والأشعات، قالت إيه؟

منال بإستسلام: إنت محتاج عمليه تغيير صمامات في القلب ود.أحمد كان هيبيلغك.

فجلس علي أقرب مقعد، كادت تذهب إليه، ولكن آثرت أن تتركه وحده وتذهب وتغلق الباب

*** الفصل الحادي عشر ***

ذهبت منال لشقتها وهي تلوم نفسها أنها أخبرته بحقيقه مرضه، هي تعلم تماما أن د.أحمد سيخبره بالتأكيد ويبين له أخطار العمليه وكل شيء، ولكن لايجب أن تنفوه هي بذلك وكانها تستهزيء به لمرضه فليس في المرض شماته أو إستهزاء، وأخذت تلوم نفسها على ما فعلت وتحدث نفسها

(بس هو إلي إستفزني بطريقته وعمايله معايا، يعني إيه أصحي ألاقيني كل يوم في شقته، وإنهارده في حضنه شبه عريانة، دا بيستعبط ده وإلا إيه، أنا زهقت وقرفت من الوضع ده، لا ومفكرني بحبه، أحب في إيه ده عشان وسيم وبعضلات، مابحبش أنا الكلام ده، مفكر إنه مافيش زيه، وإلا دولاب الحريم الي بيتباهي بيه ومفكرني من باقي رعايا الملك شهريار بسلامته، أنا إيه إلي بيخيليني أفكر فيه البني آدم ده، دا مايستحقش أصلا لحظه تفكير واحدة مني) ووجدت أختها دنيا معها حقيبة.

منال: إنت رايحة فين بدري كده؟، وإيه الشنطة دي؟.

دنيا بعدم إحترام: رحلة مع أصحابي، وحجزت فيها، فيها إيه دي؟!

منال بضيق: هي بقت سايبية، مافيش حد تبلغيه، مالكيش أهل خلاص.

دنيا: وأنا عملت إيه يعني؟!، ثم إنتم فين أصلا؟، كل واحدة مش شايفة غير نفسها ومصلحتها بس.

منال بصدمة: إحنا يادنيا كده!!.

دنيا بتأكيد: آه، ومن هنا ورايح كل واحد يشوف مصلحته.

وتركتها وذهبت لتخرج سما مع تعالي الأصوات وخروج دنيا وجلوس منال تبكي على أقرب مقعد

فحتمتضنها سما: ماتزعليش منها يامنال هي صغيرة مسيرها تكبر وتفهم.

منال: إحنا ياسما كل واحدة منا بتشوف مصلحتها بس، دا أنا مأجله جوازي عشانكوا، إنتي عارفة أحمد جاهز ومش محتاج يكون نفسه، بس عشان

البيت ده مايتهدش ولا اسيبكوا لوحدكوا، يبقي دي آخرتها.

سما: صغيرة يا حبيبتي ماتفهمش أعذريها.

منال: أنا داخله أنام شويه عندي عملية الظهر.

سما: وأنا هلبس وأمشي تفطري معايا؟.

منال: ماليش نفس.

ودخلت حجرتها تخلع ملابسها وتتدثر بغطاءها عليها تلقي مايؤرقها خلف ظهرها وتهرب منه بنومها

أما دنيا ذهبت حيث التجمع للرحلة.
ياسر: إتاخرتي كده ليه؟ فكرتك مش جايه.
دنيا: ماجيش ده إيه، دا انا قتيلة الرحلة دي، بس شويه مشاكل كده عطلتنى وقضيت، ماتاخدش في بالك.
ياسر: أيوه كده ياوحش
وقضت الأيام الثلاث مع أصدقائها وخصوصا ياسر.
مازن يتساءل: إيه الحلو استوى؟.
ياسر: فاضل على الحلو دقة، لما نرجع القاهرة محضرلها حاجه تمام، وهعزمكوا معايا وأنا أعرف أستلذ بالحاجة من غيركم.
مازن: أيوه بقي يامعلم هو ده الكلام، البت صاروخ أرض جو، هي سفيفة شوية بس حاجة أوزي كده.

أما بجاد....
فمازال يراقب منال من بعيد خوفا عليها، وفي أحد الليالي جاءت إليه وهو جالس وحيدا، ناني تجلس معه.
ناني: إنت مخاصمني وإلا إيه؟، مش بتيجي تكلمني؟.
بجاد ينظرلها: مش إنت إالي عاوزه كده، وقتيلي ماأقربلكيش ولا أكلمكيش، ومش عاوزه تشوفي خلقتي.
ناني: أنا قتلتك كده!!
بجاد: أه منال قالت كده، وأنا بحترم كلامها.
ناني بضيق: يادي منال اللي لحست دماغك خلاص خليها تنفعلك طالما بتسمع كلامها كده، (وتهمم بالقيام) أنا غلطانه إني جيتلك.
فجذبها: وإنت إيه ومنال إيه ماهو واحد.
ناني: لا طبعا إحنا إثنين، وأنا معرفش منال حبيبتك دي، وبكرهها.
بجاد: بس أنا بحبكوا إنتوا الإنتين، بس بحترم رأي منال أكثر لإنها الأساس.
ناني تهمم بالقيام: خلاص سيبنى أنا مش عاوزه أشوفك.
وتبكي.

فيقف أمامها بجسده الضخم: طب بتعيطي ليه دلوقت؟.

ناني تنظر له: مالکش دعوة.

فيجذبها لصدره: طب تعالي أنا مابطقش أشوف دموعك دي، وإنت عارفة،
يلا بينا.

وتذهب معه لشقته وتجلس بجانبه على الأريكة.

بجاء: إحكي لي عن نفسك يا ناني، والدك والدتك أهلك عاوز أعرفك أكثر.

ناني: أنا ماليش حد والدي ووالدي متوفيين وأنا وحيدة.

بجاء: وإخواتك.

ناني بعصبية: قتلتك ماليش إخوات.

فيجذبها لصدره: طب خلاص خلاص.

لتستكين وتنام على صدره، وهو الآخر ينام واضعا رأسه على رأسها لتستيقظ

تتألم من رأسها وتجد نفسها على صدره بهذا الوضع.

فتقوم تتأفف وتنفخ: يووو مش هنخلص من الموال ده بقي، مش قتلتك

يابني آدم مش عاوزة أشوف خلقتك.

فيفتح عينيه ويحرك رقبته لأنها تؤلمه: فيه إيه يامنال عمرك ماتصحي تقولي

صباح الخير، لازم السرينه دي على الصبح، هتصحي الجيران مش كده.

منال: ماهو لو إنت بتحس على دمك وتسبني في حالي أنا مش هبقي كده،

فين الجاكت؟.

بجاء: هناك أهو بحطة إيدك.

منال: يكون في علمك أنا هحدد معاد جوازي إنها رده مع أحمد عشان أخلص

من الأرف ده.

بجاء بصوت عالي: وأنا زهقت منك ومن غباءك أعملي إيلي تعمليه أنا

غلطان إني أحب واحده زيك.

منال تعود إليه: إيه واحده زيي دي، مرمية في الشارع أنا، إنت بتكلم عن

دكتورة يافندي.

فيعطي لها ظهره ويحرك يده بعدم إكتراث.

فتبدل قدميها بالأرض كالأطفال بضيق: وأنا اللي كنت بلوم نفسي على آخر

مرة كلمتك فيها وكنت ناوية أعتذرلك على كلامي، إنت ماتستحقش أصلا.

فيلتفت لها ويمسك كتفيها ويجز علي أسنانه: إنت عاوزة مني إيه بالظبط

أنا كنت ساكت وبعيد عنك إنت إيلي جيتي تتمحكي فيه وتقولي مخاصمني

ومينلني، منال!!! أرحمي أمي بقي أبوس إيدك، أنا زهقت، ولا عارف أركز

في شغلي زي الأول بسببك ولا عارف أنا (وتركها ليعطي لها ظهره) أعملك
إيه،
أعمل أنا إيه (بصوت عال وهو يدفع المقعد بقدمه ويخبط يده بالحائط).
لتري هذا فتنسحب وتجري وتغلق الباب خلفها وتتركه في حاله الهياج هذه
التي لم تعهدها عليه
وهو ينظر خلفه بعد أن إنصرفت ويجلس على أقرب مقعد ويمسد على
شعره بشكل عنيف ويرمي أقرب مقعد أمامه بقدمه فيبعده للحائط ويرتد
ليقع أرضاً:
أنا خلاص تعبت تعبت حاسس إني هجنن خلاص، منك لله يامنال جننتي
أمي.
ويمسك قلبه ثم يتناول دوائه الذي أعطاه له الطبيب فقد مر على الطبيب
بعد أن أخبرته منال بمرضه وأعطاه بعض العلاج وشرح له حقيقة مرضه.

*** الفصل الثاني عشر ***

ياسر: إنهارده عاوز أخذك البيت معايا بعد الكلية نقابل ماما عاوزة تشوفك وتتعرف عليكي.

دنيا: مش هم مسافرين؟!،

ياسر بتلعثم: هالاه بس جم، وكلمتها عليكي وطلبت تشوفك.
دنيا: طيب أوك.

وتحدثت دنيا إلى سارة صديقتها: إنهارده هروح مع ياسر يعرفني بمامته. سارة تنصحها: إوعي يادنيا، عاوزة تتعرف بيكي تجيلك لحد عندك، ماترخصيش نفسك، وكمان هتروحي البيت، ثم أهله مسافرين ومابينزلوش مصر، وهو اللي بيسافرلهم عشان شغل والده هناك، دا بيضحك عليكي. دنيا بنفي: لا طبعا هم جم وكلمها عليا، أنا عارفه مصلحتي كويس أسكتي بقي الدكتور جه.

ساره: وريني كده موبيلك فيه شبكه لحسن عندي مافيش.

وأخذت رقم سما أخت دنيا سجلته دون أن تشعر دنيا.

(هكذا الصديقه تكون عون لصديقتها، و تخاف عليها حتى وإن وقفت أمامها فيما تفعل إن كان خطأ لتدلها على الطريق الصحيح، فان لم تعي الآن فستشكرها فيما بعد)

ذهب بجاد إلى الشركة وهو عازم أمره أن يبحث عن أخت منال ويتحدث معها.

ودخل الشركة وجد إياد أمامه، فذهب لفرد الأمن ومعه إياد.

بجاد: فاكرك البنت اللي أغمي عليها في الاسانسير.

فرد الأمن: آه الأنسة سما في الحسابات.

فصدم إياد عندما سمع الاسم: سما!! أقصد الأنسة سما مالها يا بجاد، عملت حاجة؟!.

بجاد: إنت تعرفها؟.

إياد: أكيد مش موظفة في الشركة وبتعامل معاها، بس ليه في حاجة عملت حاجة؟.

إياد: تعالي معايا وهقولك بس إبعث هاتها الملكتب.

فأرسل في طلبها، وإتجه وراء بجاد إلى المكتب.

إياد: في إيه بقى؟!، فهمني عاوز سما في إيه؟.

بجاد: ماتهدى يابني فيه إيه؟.

ووجد من يدق الباب فأذن لها بالدخول

سما: أفندم يا باشمهندس.

وتنظر لإياد الواقف يرقبها كالصقر.

بجاد: أقعدي ياسما، وإنت كمان يا إياد، الموضوع مهم وخطير، ومحتاجكوا

معايا لإني تعبت بجد ولازم حل.

إياد بضيق: ماتقول يابني قلقتنا.

فتوجه بالكلام لسما: أختك منال...

فقامت مفزوعة: مالها حصلها حاجة؟.

وبدأت تنهار وتبكي.

بجاد: مافيش حاجة اهدي بس وأنا أفهمك.

سما باستفسار: إنت تعرف منال منين أصلا؟.

بجاد بضيق: ياستي إهدي بقى وهفهمك، هي بدأت معايا بحادثة بينا

وإنفعلت عليها جدا وكنت هضربها.

سما وقد تذكرت فتضع يدها على فمها: هو إنت دا إنت خدت دعا .

وصمت

بجاد: ماشي ياسيتي أنا مسامح، المهم بعدها شوفتها في الديسكو، بس كان

شكلها مختلف.

سما بنفي: لا طبعا مش هي، أكيد شبهها.

بجاد: ماتهدي بقى أما أكمل، المهم كلمتها ووصلتني البيت عشان كنت

تعبان وإدنتي علاج وسابنتي

وماحطتش في دماغى، لحد أما رحى للدكتور لقيتها هناك في المستشفى

وطبعا نفت كل اللي حصل،

وأنا مخي بقى هيشت.

سما: بيقى أكيد مش هي، زي ماقولتك أنا عارفة منال، جد جدا مالهاش في

الديسكوهات والكلام الفارغ ده.

بجاد: لا بقى هي، ولقيتها في الديسكو تاني وراقبتها وشوفتها وهي بتكلمك

وتديكي العربيه كمان تيجي بيها الشغل، وكل يوم تنام في شقتي وتصحى

تتخاف معايا، وتقولي إنت خطفتني مع إنها بتيجي معايا بمزاجها وهي إلي

بتتقرب ليا، بس الصراحة إلي بتتقرب ليا ناني واللي بتبهدلني منال، الواحد يقول إلي له وإلي عليه.

وسما مزهوله ممايقول: ازاي يعني بتبات معاك كل يوم في شقتك؟!!!
بجاد: ماتفهميش غلط أنا بحب منال فعلا وبخاف عليها حتى من نفسي، وحتى لما بضعف قدامها بمسك نفسي بالعافية، عشان ماتأذيش بسببي، بس هي مخها وسخ ومصممه تجوز أحمد إلي أد أبوها، منال مريضه نفسية يا سما، هي ماتعرفش باللي بتعمله وصعب نواجهها ممكن يحصلها حاجة وماتتحملش الصدمة، وهي عشان صحيت لقت نفسها في حضني وشبه عريانة.
سما: نعاااا!!!!!!

بجاد: والله هي إلي كانت حرانة وقتلتها كفاية كده ماتقلعيش تاني ونيمتها في حضني صحيت تتخانق معايا وتدوس عليا بغيظ وهي بتدور علي هدومها.

وسما غير مستوعبة لما يقول وتظن أنه بالتأكد مجنون، وتنظر لإياد بصدمه. بجاد: صدقيني مش بتخيل، لازم نحاول الأول نوقف الجوازه دي، أنا بحبها ومتأكد إن عقلها الباطن بيحبني، وإلا ماتجيش كل يوم الديسكو بتاعي وتتقربلي في صورته ناني، بس عقلها الوس.. بقي هو إلي ممشيها وحبها لوالدها الله يرحمه إلي مخليها متمسكة بدكتور أحمد وهو بينتهز الفرصه دي.

سما بإستسلام وذهول: وأنا أعمل إيه دلوقت؟.

بجاد وقد قذفها في وجهها: نتخطب.

فقام إياد بسرعة من المقعد: نعااa

بجاد: فيه إيه يا إياد.

وجاء لبجاد تليفون، بجاد إلتف بمقعده وأولاهم ظهره وهو يتحدث: أيوا يا باشا.

فجذبها إياد من يدها قرب الباب: إيه اللي تتخطبي لبجاد دي، دا علي جثتي أنت بتاعتي أنا وأنا صابر عليك زي ماقولتي.

سما: وأنا ما بحبش غيرك، وهو كمان بيحب منال، أكيد عنده خطة مش خطوبة يعني.

إياد: أنا ماليش فيه يعني إيه أسيبك تتخطبي لغيري هو إستعباط.

سما بترجي: إياد بليز، أنا أصلا مش مستوعبة كل إللي أنا فيه، ماتزودش عليا الحمل، أرجوك أنا حاسة إني مش قادرة أقف على رجلي.

فجذب رأسها إلى صدره.

وهنا إلتفت بجاد: فيه إيه؟.

إياد بضيق: مافيش.

فأحس بجاد بصديقه فلعب على هذا الوتر الحساس: بس ياستي، إحنا نتخطب وتبينيلها إنك بتحبيني وأنا بحبك جدا (وينظر لتعبيرات وجه إياد وهو يتحدث معها)

إياد: إستغفر الله العظيم، أنا قايم.

فتنظر له: بليز أستني نسمع.

بجاد ويخفي إبتسامته: فيه إيه يابني؟.

إياد بعصبية: إخلص أما أشوف أخرك.

بجاد وقد وصل لمبتغاه: لما إنت بتموت فيها كده مستني إيه؟.

إياد: هي إللي مأجله عشان إخواتها، وهما ولا حاسين بيها.

سما: وبعدين يا إياد، إنت عارف ماعنديش أغلى منهم، المهم كمل يا باشمهندس.

بجاد: هي مش خطوبة بجد، إحنا بس بنلعب عليها، هي عارفة إني بحبها ولما تلاقيني بخطبك هتفهم إني بلعب عليك عشان أبقي قريب منها، ومش هيرضيها تسبب أختها مخدوعة وأنا هخيرها بين خطوبتي ليكي أو تسبب

احمد، وأكيد هتضحى بأحمد.

سما: ربنا يستر.

وهنا جاء إتصال من سارة صديقه دنيا

سما بإستغراب: مين معايا؟.

سارة مفسرة: أنا سارة صاحبه دنيا.

سما بقلق: دنيا جرالها حاجة؟!.

سارة بأم: لسه بس ياتلحقها يا ما تلحقهاش، راحت مع زميلنا ياسر بيته، وأنا متأكدة إنه بيخدعها، دا ولد بتاع بنات، ومعشمها تقابل والدته، وأصلا أهله مسافرين وهي مش مقتنعه ومصداقه.

سما بلهفة: اسمه إيه بالكامل وشقته فين؟.

سارة: هو من مصر الجديد، بس معرفش عنوانه، اسمه ياسر أحمد المصري. وأغلقت معها وسقطت على المقعد وتنظر لإياد بحسرة: أختي ضاعت يا

إياد، أجيّب منين ياسر أحمد المصري ده في مصر الجديده كلها.
إياد: ماله ياسر دا ابن صاحب والدي وأنا إيلي جايله الشقة.
سما وقد إنتشلها من حالتها: طب يلا بسرعة دا خد دنيا لشقته ومش عارفه
ناويلها على إيه؟
إياد: الوس..... يلا بينا.
بجاد مهرولا: أنا جاي معاكوا.
وركبوا السياره مسرعين إلى هناك.

(لا تثقي في أي شخص يرمي إليك بمعسول الكلمات، فرما يخفي وحش
كاسر خلف هذا القناع)

أما دنيا دخلت معه الشقة لتجد ثلاث أصدقاء له منتظرين
فنظرت له بذهول: مين دول يا ياسر؟!..

ياسر بلا مبالاة: يعني هتعملي فيها مش عارفة، مانتي جاية وعارفة كل
حاجة، هنلعب على بعض هتفرق معاكي واحد أو تلاته أو أربعة.
دنيا وتحاول رفع يدها لتضربه: إنت أحقر إنسان شوفته في حياتي.
يمسك يدها: إنت إتهبتي يابت وإلا إيه.
أحد الشباب: ماتروقي بقى وخلي الليلة تبقي فل.
حاولت الخروج ليجذبها فتقطع البلوزه، وترتد هي للخلف فتقع على يد
المقعد، فتشج رأسها وتقع أرضا غارقة بدماؤها، فيجري أصدقاؤه خوفا مما
حدث.

ويجلس ياسر بجانبها يبكي: دنيا فوقي والله ماكان قصدي.
وهنا يدخل إياد وسما وبجاد ليروا هذا المشهد فيصدموا منه.

*** الفصل الثالث عشر ***

أمسك إياد بتلابيب ياسر، وأقامه من مكانه وياسر مستسلم له ليصيح إياد: إنت إيه إيلي هبته؟! .
ياسر ببكاء: والله ما عملتلها حاجة، ماكانش قصدي، هي اللي وقعت على إيد الكرسي وإتخبطت.
وسما منهاره بجانب أختها تبكي وتطلب منها أن تستفيق.
بجاد بحزم: إنتوا هتفضلو كده، والبت غرقانة في دماها.
وحملها على ذراعيه وأمر إياد أن يحضر ياسر معه حتى لا يهرب، وذهبوا بها إلى المشفى وبجاد يصرخ بهم: دكتور بسرعة.
ليتناولوها من يده على الترولي.
الدكتور: إيه اللي حصل؟.
بجاد: إتخبطت في الكرسي ونزفت كثير.
أمر الدكتور بعمل أشعه على المخ وفتح العمليات، وفعلا بسرعه بالغه تم الأمر.
وخرجت الممرضة مهروله: عاوزين دم بسرعه فصيلتها A-، ومش موجوده هنا وهي نزفت كثير.
الجميع: إحنا A+
ياسر أجاب: أنا نفس الفصيلة.
الممرضة: طب تعالى بسرعة، (وأخذت تتحدث معه) عندك أي مرض في الدم أو بتشرب شيء .
ياسر أجاب بالنفي.
الممرضة: طب كويس إتفضل معايا بسرعة.
كانت سما إتصلت بمنال تخبرها بأن دنيا بالمشفى ولم تسرد لها ما حدث.
فأنت منال فورا، لتجد سما منهاره، ويقف معها إياد يواسيها وعندما وجدتها إرتمت بحضنها.
منال: فيه إيه؟، وإزاي ماتكلمنيش في ساعتها.
فقصت لها ما حدث من صديقتها وذهابها إلى هناك، وهنا ظهر بجاد من العدم ملطخ بالدماء.
منال: ومالقتيش إلا ده اللي تقويله ماقلتليش ليه.
سما بضيق: أنا كنت في إيه وإلا في إيه، وكتر خيره أنه عمل كده، لولاه

معرفش كان جرالها إيه بدل ما نشكره.

فجاءت منال أمامه: إنت مالك ومالنا بتتدخل في حياتنا ليه؟، بقيت شبه السرطان في حياتي إنتشرت في كل حاجة في حياتي، عاوزه أستأصلك ومش عارفة، كل ما أشيلك من حته تنتشر في حته ثانية، إنت إيه ياأخي عاوز مني إيه؟.

فإقترب منها وهو متضايق ومنزعج من هجومها عليه وهي تتراجع حتى جلست علي المقعد الذي خلفها بجاد بحدة: إيه الأنانية إيلي فيكي دي؟ شايقة البنت جوه مش عارفين حالتها إيه ونازله هجوم عليا، بدل ما تدعيها، وإلا تاخدي أختك المنهاره في حضنك، وإلا تشكريني حتى من باب المجاملة على إيلي عملته، لا فاتحه تحقيق زي ما نكون متهمين، بدل ماتحاوطي إخوانك تحت جناحك واحده كانت هتضيع إنهارده، والله أعلم هتقوم منها وإلا لا، والتانية واقفه مش قادرة تصلب طولها.

منال بانهييار وبكاء: إنت إزاي تكلمني كده؟ وبأي حق تعدل على تصرفاتي. بجاد بحدة: لما أشوفها غلط لازم أعدلها.

منال: إنت مالكش حق تتدخل في تصرفاتي، وياريت ماشوفش خلقتك تاني. فينظر إليها نظرات تكاد تخترقها، حتى أنها تخشى نظراته، وتحيد بنظرها في مكان آخر فيمشي مسرعا من أمامها قبل أن يتهور عليها. لتنظر لها سما: ليه كده يامنال.

وتركها و تجري وراءه، وكذلك إياد.

سما: عشان خاطري ماتزعلش منها، هي من صدمتها مالمقتش غيرك تطلع فيه ألمها إيلي حساه، أنا عارفه منال هي حنينة وبتخاف علينا جدا، وأكيد مصدومه من إيلي حصل مع دنيا، أعذرهما وبلاش تتخلي عنها.

فأوقفها بإشارة من يده: خلاص يا سما سيبيني دلوقت، أنا دفعت حساب المستشفى (ووجه كلامه لإياد) خليك معاهم ولو في أي حاجه بلغني فورا، أنا في البيت عشان حاسس إني تعبان شوية.

إياد بخوف: مالك يا بجاد آجي معاك؟.

بجاد بألم: أنا كويس خليك معاهم، هم مهمما كان بنات لوحدهم مايعرفوش يتصرفوا، إنت بدالي هنا (وينظر من بعيد على منال التي توليه ظهرها)، طالما أنا مش مرغوب فيا هنا .

سما وتحس بمراره في حديثه: عشان خاطري ماتزعلش. وتركهم وذهب ليعودا إلى منال.

سما بحدّة: إنت إيه إللي عملتيه معاه ده؟، بدل ماتشكريه على وقفته تبهديله كده.

منال: وإنت مالقتيش غير ده تستنجدي بيه؟، مابلغتنيش وقابلتيني هناك ليه؟.

سما: لا والله بنتين كمان يروحوا لشباب عشان كنا ضعنا كلنا، ثم اللي بتكلميه ده هيبقي خطيبي، ولازم تتعاملي معاه أحسن من كده.

منال باستفسرار عليها تكذب ما سمعت: مين ده اللي هيبقي خطيبك؟.

سما: بجاد بيحبني وبحبه وعاوز يخطبني.

منال: دا علي جثتي إني أوافق، إنت مش عارفة ده إيه، دا فلاقي وبتاع بنات، وإنت عارفة كده كويس.

سما: بس حبني وقالي هبقي الوحيدة في حياته ماسامحوش علي الماضي ليه قبل مايعرفني.

منال: دا كداب، ديل الكلب عمره مايتعدل، دا دولاب الحريم بتاعه يشهد دا عمره مايتعدل.

سما: وإنت تعرفي دولابه مينين؟.

منال بتلعثم: هااااا اكيد بتاع بنات يبقي له دولاب فيه غرامياته.

سما: أنا بحبه وماليش دعوة مهازية.

وإياد متضايق ويكاد يشتعل كلما قالت سما أنها تحب بجاد.

فتدخل: ممكن هدوء بقي إحنا في زفت مستشفى، وأدعوا للبت اللي بتموت جوه وسووا خلافتكم في بيتكم .

منال وقد لاحظت إياد: ومين ده كمان؟.

سما: هااااا دا مستر إياد معانا في شركه بجاد.

وإياد ينظر لها نظرات كالرصاص، فبدلاً أن يكون هو الخطيب الذي تقدمه لها، أصبح نكره وبجاد هو الخطيب .

وهنا خرج الدكتور بعد فترة طويلة: الحمد لله أوقفنا النزيف، وكويس إن مافيش أي ضرر على المخ والنزيف كان خارجي مش داخلي، و لقينا حد من نفس فصيلتها وإلا ماكانش هنقدر ننقذها.

وهنا قام ياسر الجالس بعيداً: يعني هي بقت كويسه يادكتور؟.

الدكتور: آه خيطنا مكان الجرح خياطه تجميلييه، وكويس إنه في الشعر مش الوجه يعني مداري هندخلها الإنعاش تفوق، وساعتين وتقدرنا تشوفوها

في حجرتها، بس طبعاً أنا بلغت لإخلاء مسؤولية المستشفى ربما إشتباه في

جناية.

وهنا تسمر ياسر وشد عليه إياد ألا يخاف، وهنا لاحظت منال ياسر.
منال: ومين ده كمان؟.

سما: دا سبب الموضوع.

فأمسكت منال فيه وتريد ضربه: يا سافل، يا وقح.

سما: خلاص يامنال مش ناقصين قضايا هو الي اتبرعلها بدمه ولولاه كان
جرالها حاجة.

ياسر: والله ماكان قصدي، أنا أسف ومستعد لأي شيء.

إياد وقد أحس بدمه: خلاص يا ياسر ماتقلقش.

منال: دا أنا هوديه في ستين داهية.

إياد: خلاص يادكتورة مش وقته ودنيا الي هتقرر.

وبعد الساعتين دخلوا لها ومعهم ياسر ناكس الرأس، فأشاحت دنيا بوجهها
عنه.

ياسر: أنا آسف يا دنيا صدقيني أنا عرفت غلطي، وعمري ماهكره.

إياد: ياسر كان سبب في نجاتك هو الي إتبرعلك بدمه، لأنه هو الوحيد إلي
نفس الفصيله.

فتنسب الدموع من عينيها: كتر خيره (ياستهزاء وكأنها تقطعه إربا).

الدكتور: الضابط جاي يتكلم معاكي.

ودخل لها يسألها: هل في حد حاول يعتدي عليكي؟.

فتنظر دنيا لياسر الذي يكاد يسقط مغشي عليه وتجيب على الضابط.

*** الفصل الرابع عشر ***

كاد قلب ياسر يقف حينما نظرت إليه، وأشاحت بوجهها عنه لتتحدث إلى الضابط فقد أيقن أنها ستنتقم منه ويضيع مستقبله، ولكن دنيا صدمته. فقد قالت للضابط: لا يافندم أنا إلي إتكعبلت ووقعت على سيف الكرسي، مافيش حد دفعني.

فتنفس ياسر الصعداء ونظر لها بإمتنان.

وذهب الضابط وجاء ياسر بجانبها: أنا آسف على إللي عملته، ومش عارف أشكرك إزاي، بس صدقيني من إنهارده أنا إنسان تاني خالص وهتشوفي. دنيا: وأنا من إنهارده مش عاوزه أشوف وشك تاني، بس الغلط مش عليك لوحك، أنا كمان مشتركة فيه إني وثقت في بني آدم زبالة زيك ودلوقت إتفضل من هنا.

فذهب من الحجرة وتبعه إياد: ياريت تفوق لنفسك بقى، البت إستجدعت معاك، واحده غيرها كانت دمرتك.

ياسر بندم: أنا عارف، وصدقني أنا قررت أخلص كليتي السنه دي، وهبلغ والدي نعمل فرع للشركة هنا وأديره بنفسي، كفاية هلس وضياع بقى، و تنقل من كليه للتانيه وكويس إني في آخر سنه وباقي حاجة بسيطه وهكلم بابا نعمل إجراءات الشركة وعاوزك تساعدني.

إياد: وأنا معاك يا ياسر، ما أنا دايما إلي بغطي عليك وأبوك سايبك ليا زي ماأكون خلفتك ونسيتك، إنت أخويا الصغير. (ويجذب رأسه له). ياسر: وأنا عارف وعشان كده بتقل عليك دايما .

وذهب ياسر ليحدث أباه عن إقتراح الشركة وأن يساعده إياد حتى يثق والده فيه ويسلمه الأمور

محمد: دا يوم امنى لما تخلص كليتك وتعمل فرع في القاهرة، حتى لو تعبت وحببت أصفى هنا يبقى لنا شيء في مصر.

وإتفقا على أن يبدأ في إجراءات الشركه إلى أن ينهي هذا العام الدراسي الأخير له، فهو في السنة الرابعة أما دنيا في الثانية، ولكن ياسر كان يرسب كثيرا ويتنقل بين الكليات فهو في الخامس والعشرين من عمره أما دنيا في العشرين من عمرها

(لابد أن يحدث للانسان شيء يغير مجري حياته ويقلبها رأسا على عقب،
ولكن أحيانا ندفع ثمن التغيير هذا دهرًا حتى نتعلم)

أما في المستشفى

منال: ممكن ناخذها معنا يا دكتور، أنا دكتوراه قلب وممكن أعطني بيها.
الدكتور: يفضل اليوم تفضل هنا، وبكره لو الحاله مستقرة وما فيش أي
مضاعفات ممكن تاخودها.

منال: أوك.

سما: أنا هبات معاها.

منال: طب أنا عندي نباتشية اليوم، وهاجي بكره عشان أخذكوا.
وذهبت أحضرت طعاما لأختها وناولتها إياه: خدي يا سما إنت طول النهار
على رجلك من غير أكل حتى إيااد لما جابلك مارضتيش تاكلي ووزعتيه على
الممرضات.

سما: والله مالي نفس، إالي شوفته إنهارده يقفلني من أي شيء.

منال: معلش عشان خاطري بدل ماتقعي إنت كمان.

سما: حاضر على شرط تاكلي معايا قبل ما تمشي.

ونظرت منال لأختها الغارقة في النوم: لو حصل حاجه إتصلي فوراً.

سما تجيبها: حاضر.

وبعدها اتصلت سما بسارة تشكرها فلولاها ما أنقذت أختها ربما أخفوها أو
تركوها غارقة بدمائها حتى تموت.

سما: مش عارفة أشكرك إزاي، حقيقي نعم الصديقة أنت، يا بخت دنيا بيكي
ربنا يسترك ويحفظك.

سارة: المهم لحقتوها.

سما: أه حبييتي بس، وقصت ما حدث.....

سارة بلهفة: يا حبييتي وهي عامله إيه؟

سما: الحمد لله لولا ياسر فصيلته زيتها مش عارفين كان حصل إيه.

سارة: طيب الحمد لله وأنا هعدي قبل الكليه أظمن عليها وأجبلها
المحاضرات المتأخره كل يوم إن شاء الله لحد أما ترجع .

سما: متشكرة أوي يا سارة.

كانت دنيا قد إستيقظت وسمعت الحوار وباغتت أختها بسؤالها: وإنت

تعرفي سارة منين؟.

فقصت لها سما مافعلته سارة .

دنيا ببكاء: يا حبيبتي ياسارة، ربنا يخليكي ليا، وأنا إلي فكرتها غيرانة مني
عشان ياسر بصلي وهي لاء.

سما تهديء دنيا: خلاص بقي ننسي اللي فات، والضربه اللي ماتموتناش إيه؟.
دنيا: تقوينا، وأوعدك هاخذ بالي من مذاكرتي ومش هبص لصنف ولد تاني،
كلهم كلاب مايستحقوش.

سما: حبيبتي الدنيا فيها الحلو والوحش، بس تحسني الإختيار، وإنت صغيرة
ياما هتقابلي أشكال وألوان بس ماتتقيش ف حد أوي وتسلميله كده، لازم
حدود واللي عاوزك يجيلك لحد بيتك.

دنيا: إنت صح بس أنا كرهت الولاد كلهم ومابقاش عندي ثقة فيهم خالص،
وهخلص تانيه وأدور على شغل، عشان مامدش إيدي ليكي ولا لمنال.

سما بتهريج: وإحنا إشتكينالك ياكلبة.

دنيا تحتضنها: ربنا يخليكوا ليا يارب.

سما: ويخليكي لنا حبيبتي، إنت مش عارفه كلامك كان بيجرح منال إزاي
وهي بتخاف علينا جدا.

دنيا: فعلا ياريتها تسامحني انا زعلتها كثير.

سما: منال دي أمك إلي مربياكي ياهبله ماتزعلش منك ابدأ، دا هي إلي
مرضعاكي يابت (وتضحك)
يلا كانت أيام.

وذهب منال المشفى وهي تفكر

(ماذا حدث؟ كيف وصل بها الحال هي وأخواتها هكذا؟، وهذا البجاد الذي
تراه في كل مكان وآخرها يريد خطبه أختها، بعدما حدث ويحدث يوميا
لهما معا، ووجودها بين أحضانه وإعترافه بحبه لها، فكيف أحب أختها؟، أم
هي لعبه من الأعيبه القذرة للضغط عليها، ولكن مايهما هي مشاعر أختها
التي تحبه فكيف تكسر قلبها إن كانت تحبه حقا...)

وقررت الذهاب باكرا إلى بجاد.

وفي الصباح

ذهبت سارة لدنيا لتحتضنا بعضهما البعض

دنيا: أنا متشكرة علي إليلي عملتيه وأسفه جدا.
سارة: فيه إيه يا بنت؟، أزعل أنا بقى، إحنا مش إخوات، وأنا لو في نفس
الموقف مش هتعلمي كده.

دنيا: أكثر من الإخوات حبييتي.
سما: أسيبكوا سوا بقى وأروح أجيب قهوة، أجبلك شاي معايا يا سارة؟.
سارة: لا أنا ماشيه على طول عشان المحاضرة.

سما: ماشي حبييتي.
ووجدت إتصال من إياد
إياد: عامله إيه دلوقت؟.
سما: الحمد لله، يمكن دنيا تخرج اليوم.

إياد: أجي اخدكوا؟
سما: لا شكرا، منال هتيجي بالعريه تأخدنا.
إياد بسخرية: يعني بلاش أجي وجودي بقى زي عدمه.
سما بغضب: فيه إيه يا إياد؟، بتكلمني كده ليه؟، أنا مش ناقصة يا أخي
وفيا إليلي مكفيني.

إياد: آه ماهو ما بتجيش إلا عليا، وبجاد قاعدة تطيبي خاطره وتهديه،
وكمان تقولي لأختك هتتخطيله وخدي قرارك دون الرجوع ليا.
سما بعصبية: مش إتفقنا قدامك على كده وإنها لعبه على منال.
إياد بنفي: لا ماتفقناش إلا لو عجبك بجاد، وقلتي صاحب الشركة أحسن
من إليلي شغال فيها.

سما بلكاء: إنت ازاي تفكر فيا كده، إنت عارف إني بعمل ده كله عشان
خاطر منال، ماكنتش أنتظر منك كده أبدا، إنت بالذات بدل ماتقف معايا
تبقي حمل عليا، بدل ماتسندني وتطببط عليا تهدني كده، ماكنتش أتوقع
منك كده.

وأغلقت الخط لتبكي.

إياد: سما سما.

ولم ترد ليقذف بالهاتف على الفراش، ثم يتناوله، ويتناول مفاتيحه، ويأخذ
الجاكت بيده على كتفه ويذهب إلى المستشفى.

*** الفصل الخامس عشر ***

عقدت منال العزم أن تذهب لبجاد قبل ذهابها المشفى لأختها، ووقفت أمام الباب برهه، ثم إستجمعت شجاعتها لتقرع الباب وترن الجرس بإستمرار حتى فزع بجاد وقام مفزوع يقول: بوليس.

وفتح ليجدها أمامه وبغضب: في إيه يامنال؟، حد يخبط بالغباء ده.

وتركها على الباب ودخل لتدخل وراءه فتجده متجها للمطبخ.

منال: ممكن تيجي نتكلم شويه؟

فأوقفها بإشاره منه: أعمليلي القهوة الأول، على ماآخذ شاور، ولو عاوزه إعمليك إنت كمان.

منال: مش عاوزة حاجة، ثم أنا كنت الخدامة بتاعتك إعمل إنت.

بجاد يشير إلى القهوة على النار: أهى خدي بالك منها أنا داخل آخذ شاور. وذهب ثم التفت: لها على فكرة أنا باشربها ساده، لو عاوزه عملي لكي غيرها إعملي.

فتنظر إليه شذرا، ولا تجد بد من أن تظل أمام القهوة، بدلا من أن تفور، ثم تدخل رائحتها في أنفها فلا تستطيع مقاومتها، فتصنع لها فنجانا هي أيضا، وتذهب به للصالة، حيث خرج متدثرا بمنشفته،

فتستحي منه وتشيح بوجهها عنه، وهي تتحدث إليه: لو سمحت ممكن تلبس وتيجي القهوة إتعملت.

بجاد: ما أنا إلي عاملها، قال يعني عملتهاي أوي.

منال بضيق: بس أنا إلي ووقت قدامها وصبتها وعملهاك بوش كمان خساره فيك.

فإقترب منها: وعملتلك ليه مش قلتى مش عاوزة.

فخجلت من إقترابه: أبدا ريحتها دخلت في مناخيري، وأنا مصدعه ومامتمتش طول الليل.

فهمس بأذنها: ومامتمتش ليه؟، بتفكري فيا.

فإبتعدت عنه: لا طبعا كان عندي نبتشيه في المستشفى.

وباغتته بسؤالها المتوقع والذي يعرف أنه سبب مجيئها إليه: إنت عاوز تخطب سما ليه؟

فأولاها ظهره وعقد ذراعيه، وقال: بحبها.

لتديره لها بقوة: إنت هتستعبط، ودا من إمتي إن شاء الله، شوف يابجاد

أنا ممكن أتساهل في أي حاجة معاك إلا إخواتي، سما بتحبك وأنا مش عوزاك تجرحها.

بجاد: دي في عنيا، بت جدعة صحيح، مش أنايه ولا متكبرة.
منال: ماشي يا بجاد وأنا موافقة.

فجذبها إليه: إنت إيه مابتحشيش خالص كده، حتى مش عارفة تفرقي بين الحب والتمثيل، أختك يا هانم بتحب إياد، وضحت بحبها ولطعاه جمبها عشانكو، ومش عاوزة تتخطب عشان دنيا ماتحسش إنكم سيبتوها لوحدها، مش زيك عاوزة تتجوزي وتسيبي الدنيا تضرب تقلب وراكي ولا همك.

منال: إنت ازاي تتكلم معايا كده؟ وبأي حق مدي لنفسك سلطة عليا وتعدل علي تصرفاتي وإنت أصلا ماتعرفش حاجة عني.
فيجذبها من ذراعيها مقربا إياها منه: بحق حبي ليكي وأنا أعرفك أكثر من نفسك.

فتبعده عنها: وأنا مابحبكش وهجوز أحمد، ياريت تبعد عني أنا وإخواتي بقى.

وأخذت شنطتها وإنطلقت، وشفقت الباب خلفها بقوة، وجرت تبكي، ركبت سيارتها وهي منهارة وتضرب المقود وتمسح دموعها (إنسان مستفز، أنا إيه إيلي بيخليني أعيط، أنا لازم أكلم أحمد إني موافقه على الجواز بأقصى سرعة، عشان أخلص من البني آدم ده، إنسان حقير قليل الأدب، مش كفايه اللي بيعمله كل يوم معايا ويخطفني كل يوم، وألاقيني في حضنه، يحمد ربنا إني مابلغتش عنه لولا خايفة من الفضايح والناس تطلع عليا كلام كنت سجنته).
وقادت سيارتها للمشفى

في المشفى

كانت سما تحتسي قدحا من القهوة، في كافيتيريا المشفى، ذهب إياد ليطمئن على دنيا وأخبرته أن سما ذهبت لتناول القهوة فذهب لها.

كانت تضع رأسها بين كفيها فوقف أمامها وهي تجلس على المقعد وتضع أمامها قدح القهوة، لترفع رأسها فتجده أمامها، فتشبح بوجهها عنه وبعينان يملؤها الدموع فمن كان من المفروض أن يقف بجانبها يكون هو سبب ألمها

وحزنها.

فيجلس أمامها ويمسك بذقنها ويلف وجهها إليه: إنت زعلانة مني؟
وكأنه فتح صنورا من المياة كان مغلقا وانفتح فجأة لتنهمر الدموع أنهارا
فيقترب منها وهو يتلفت حوله: سما إحنا وسط الناس!!
ويجذب رأسها لصدره: أنا آسف والله غيرتي عليكي هي السبب، أنا راجل
مهما كان ماتقدريش تمنعي راجل يغير على حبيته.
في هذا التوقيت دلفت منال لترى هذا المشهد لتقول: يبقي كلام بجاد صح
بقي.

فتبتعد سما عن إياد وتمسح دموعها: كلام إيه؟
منال: إنك بتحبي إياد، ودي تمثليه عليا، ماكنتش أتوقع من أختي تتفق مع
عدوي عليا.

سما: منال فوقي، بجاد بيحبك بجد، ولولا إني شوفت الحب ده في عنيه
وخوفه عليكي ماكنتش هعمل كده، إنت أختي وأهم شيء عندي هو
مصلحتك وإنت هتدفي نفسك مع راجل أكبر منك بعشرين سنه ثم إنت
قابلتي بجاد فين وقالك كده؟.

منال تتلعثم: أهو عرفت وخلص، وماحدث له دعوة بيا خلاص كلكوا
بقيتوا عارفين مصلحتي وأنا المجنونه اللي مش عارفة مصلحتها، أحمد شخص
محترم وهو ده الإنسان اللي هبقي سعيدة معاه وأنا هحدد معاه معاد
الفرح قريب، ويلا عشان الدكتور كتب خروج لدنيا.
و ذهبوا بدنيا لشقتهم

سما: ريحي بقي حبيتي يومين كده قبل ماتروحي الكلية، وماتجهديش
نفسك وسارة هتعدي عليكي المحاضرات كل يوم وأنا هعملك أكله
ماحصلتش.

دنيا: ربنا يخليكي ليا ياسماسيمو ولا يحرمنيش منك أبدا، بس إنت كده
معطله نفسك وشغلك.

سما: ولا يهملك لو ماتعطلناش لكي هنتعطل مين ياجميل .

ونامت دنيا وذهبت سما لتجهز الطعام .

ومرت على حجرة منال: أنا عارفة إنك صاحبة تحت الغطا مش عاوزه
تفطري؟.

منال: ماليش نفس.

فكشفت عنها الغطاء: يعني مش عاوزه تفطري معايا وتفتحي نفسي.
فقامت منال إحضنتها وتبكي: أنا آسفه ياسما مش عارفة مالي، أنا متلخبطه
أوي وتعبانه بجد، وعاوزه أخلص من إليي أنا فيه، أول مرة أحس بكده
ساعديني يا أختي، وخليني أخلص بقى، أنا تعبت تعبت.

سما: حاضر يامنال هاساعدك حبييتي، وإليي عوزاه أعمليه وأنا معاكي.
فقبلتها: ميرسي حبييتي ربنا يخليكي ليا.

سما: ويخليكي ليا، قومي بقي نفطر سوا.

فمسحت دموعها: حاضر أنا الي هعمل الفطار عشان هنام، وإنِ عليكي
الغدا.

سما: لا والله ماشي، عشان بس قاعدة إنهارده بتستغلوني.

منال: مرة من نفسي، ما أنا الي بعمل على طول.

و فطرتا سويا ثم دلفت منال إلى حجرتها لتنام.

وسما إتصلت بإياد لتتحدث معه.

*** الفصل السادس عشر ***

سما تهاتف إياد لتخبره بما حدث
فيحبها إياد: خير ياسما دنيا حصلها حابه.
سما: لا كويسه الحمد لله.

إياد بقلق: أمال في إيه؟، قلقتيني، أجيلك؟.
سما: لا تيجي فين بس، أنا كنت عاوزه أتكلم معاك في موضوع منال وبجاد
أنا إنأكدت إنها بتحب بجاد بجد، وكل إلي بتعمله ده هروب منه ومش
قادرة تواجه نفسها إنها حبته، وإلي بتعمله ده مقاومة ورفض للحب ده،
ومصممة تتجوز أحمد دي بتدفن نفسها بالحيا وهتندم وقت لا يفتح الندم.
إياد: وإحنا هنعمل إيه؟!

سما: معرفش معرفش، دي مصممه تكلم أحمد وتحدد موعد الزفاف.
إياد: يانهار إسود دا بجاد لو عرف هيجنن.

سما: هي قالتلي أساعدها، بس أنا هساعدها بطريقتي.
إياد: إزاي يعني.

سما: معرفش لما أجي الشركة نشوف بجاد ونشوفه هيتصرف إزاي، معقول
يسيبها تضيع منه.

إياد بقلق بالغ أن تخسر أختها: سما بلاش عملي حاجة تبوظ علاقتك بأختك.
سما بغضب: وأنا مش هقف أتفرج على أختي وهي بتدمر نفسها إحنا
بس ننقذها من الجوازه دي وبعد كده نحاول نعالجها عند دكتور نفسي من
حاله الشيزوفرينيا، بدل ماتوقع نفسها في مصايب بسببها، طيب ربنا ستر
وكان بجاد جمبها وطلع شهم معاها وحبها ويخاف عليها غيره معرفش كان
عمل فيها إيه؟.

إياد: خلاص، خدي بالك من نفسك وإهدي كده، وان شاء الله خير وأنا
هبلغ بجاد وأما تيجي نشوف هنعمل إيه؟.

و بعدما قضت سما اليوم مع أخواتها، وسارة أحضرت لنديا المحاضرات
وتناولت طعام الغداء معهم وغادرت ونام الجميع.

ولكن منال لم تنام وذهبت إلى الديسكو، حيث يتواجد بجاد وهو ينظر إليها
ويراقبها من بعيد ولا يريد الإقتراب منها حتى لا يزعجها ثم قرر أن يذهب
لها.

ناني: أخيرا جيت!.

بجاء بألم وحزن عميق: مش عاوز أزعجك.

فتقترب منه: ومين قالك إنك بتزعجني.

يغمض عينيه: منال!!.

فتنتفض ناني: يووووه منال منال.

بجاء: طب خلاص ماتزعلش بقي، يلا بينا.

فتذهب معه كالعادة وتجلس بجواره لتنام على صدره ويغطيها بجاكت

البدله، وهي مازالت على صدره ليغط في نوم عميق.

لتستيقظ على هذا الوضع وتصرخ به: إنت عاوز مني إيه؟، جنتني.

فيحاول الإستيقاظ: في إيه يا شيخه، جبتيلي صرع، على فكره أنا جايبك المرة

دي بالذات عشان أثبتلك إنك بتحبيني، وإن إنت إللي عوزاني، عشان كده

بتجيلي الديسكو، ومابتحسش بالأمان إلا على صدري.

منال: تاني دي سكو أنا تعبت منك وزهقت، وهطلع علي أحمد أحد معاه

الأسبوع الجاي يبقى جوازنا.

يلفها إليه: مش هتقدري تهربي من حبي.

منال: حب مين يأفندي إنت!! إنت بتحلم وعایش في الوهم أنا أحب

واحد زيك ليه يعني مش لاقية رجالة أحب واحد حياته نسوان وشرب

وديسكوهات.

بجاء: إسم الله كل يوم أجيبك من الجامع وبتكوني على سجادة الصلاة يا

بت.

منال: مش هرد عليك وأنزل بمستوايا للحضيض بتاعك.

وتركته لتمشي فيقول بصوت عال: مش هتجوزي غيري يامنال.

منال تلتفت إليه: تبقي بتحلم يا بجاء.

بجاء: هنشوف يادكتوراة أنت بتاعتي أنا بس، مش بجاء اللي يستسلم

بسهولة.

منال وكأنها تذكرت شيء: آااه ياريت تروح لأحمد وتحدد معاد للعملية.

بجاء: مش هعمل عمليات.

منال تلتفت إليه وتعود: إنت مجنون إنت بتقتل نفسك.

بجاء: ويهمك في إيه؟.

منال: مايهمنيش إنت حر، إن شاء الله تموت حتى ماليش دعوه بيك.

وخرجت وشفقت الباب خلفها كعادتها، وقام ليبدل ثيابه ويذهب للشركة.

فقابل إياد.....

إياد: كنت عاوزك في موضوع مهم وياريت تمسك أعصابك وبلاش تهور.
بجاد: إخلص يا إياد أنا مش فايق الله يباركلك.

وهنا دخلت سما

إياد وكأنه يتلقفها: تعالي يا سما أحكيه.

فقصت عليه ماحدث.....

بجاد: عارف وطلعت الصبح على أحمد تقوله.

سما: وإيه عرفك؟!

بجاد: قامت لقت نفسها نائمة على صدري ومغطيها بالجاكت بتاعي،
إتعفرت كالعاده وإتخانقنا ومشيت وقالت هتطلع على أحمد تحدد معاه
معاد الفرع.

سما: وإنت هتسيبها بسهولة كده!!

بجاد: دا على جثتي إنها تكون لغيري، بس أنا تعبت ومش عارف أعمل إيه؟.

سما: أي حاجة و أنا معاك، لإني واثقه إنها بتحبك بس هي رفضاك عشان
إللي عرفاه عنك ودولاب الحریم والكلام ده.

بجاد: هي سيحتلي بقي، ماشي يامنال، أوك ياسما شوفي شغلك وعلى
تليفونات بأي تطورات تبلغيني فورا.

سما: حاضر.

وكان إياد سيذهب خلفها فنادى بجاد عليه: إستني ياعم إياد، فوقلنا شوية،
جاي تعمل غرميات هنا

نشوف شغلنا بقي،روحي إنت ياسما.

إياد بضيق: جرا إيه ياجدع أخرجتها كده.

بجاد: لا ياراجل ناس لها سما، وناس لها منال تطلع عين إللي خلفونا.

إياد: أررر بقي عنيك ياأخي.

بجاد: ياعم ربنا يسهله إللي عطاك يعطينا، المهم أخبار صفقة الحديد إيه؟.

إياد: تمام متابع وإن شاء الله ترسي علينا.

بجاد: تمام أوعى تضيع مننا دي مكسبها خيالي.

إياد: ماتخافش أنا عارف أهميتها بالنسبالك.

بجاد: دي هتنقل الشركه نقلة من اللعب في آلافات للعب في ملايين.

إياد: خير ان شاء الله، بس ماقلتش إيه في دماغك من ناحية منال لو فعلا
هتجوزه الأسبوع الجاي.

بجاء: مش هيصـل.

إياد بسخرية: إيه هتقتله يعني؟!.

بجاء يقهقه: لا مش للدرجة دي.

إياد: طب ماتروح تكلمه.

بجاء بيقين: إيلي زي ده عامل زي الكلب إيلي مسك عظمه، مش من السهل يسيبها وخصوصا إنها موفـقاه، هيقولي مالك ومالنا إنت بقى، ومش عاوز أقوله على موضوع مرضها أو أي شيء عنها يستغله.

إياد: وجهة نظر بردو، وإنت أدري مني بالناس إنت بتفهم الناس من أول تعامل يمكن أنا حسن النيه شوية عنك.

بجاء: لا حسن ولا حسين، خـلينا في الشغل وربك يسـهلها ويفرجها من عنده.

ذهبت منال إلى المشفى و تحدثت مع أحمد وعن رغبتها في إقامة الفرح بعد إسبوع، و الذي رحب جدا بالفكره وأعرب لها عن أحاسيسه وأنه لا يطيق بعدها.

ليقترب منها: إنت مش عارفه أنا فرحت بالخبر ده إزاي.

فتبتعد عنه: أرجوك يادكتور أحمد بلاش كده.

أحمد: مش قصدي والله خلاص براحتك جهزي نفسك، وأنا هجهز الفيلا تكون في شرف إستقبالك ونعمل الفرح في جـينة الفيلا، إجهزي وهبعتك السيارة تحبيك لحد باب الفيلا وهبعت سيارة لإخواتك تحبيهم ويعزموا زمايلهم اللي عاوزنهم الفيلا كبيرة ماتخافيش أي حد عوزاه يحضر أعزميه.
منال: خلاص أوك هقول لإخواتي يجهزوا نفسهم آخر الإسبوع يبقي الفرح بس أنا عاوزة منك حاجة.

أحمد بسرعة: أوـمـرـيني.

منال برجاء: عاوزة إخواتي يعيشو معايا مش هسيبهم لوحدهم.

أحمد: ياسلام أحسن أوض لهم، ونفرشها جديد كمان، مع الأوضة إيلي هتختارها بنفسك للنوم.

منال: لا أنا بثق في ذوقك هات إيلي يعجبك.

أحمد: يعني مش هتيجي تنقيها معايا.

فتبتعد وتجري: لا نقي إيلي عاوزه عن إذنك وتغلق الباب وتذهب.

*** الفصل السابع عشر ***

سما وقد وجدت أختها ترتدي ملابسها لتذهب لجامعتها: إيه حبييتي
مستعجله ليه كده، ماتريحي شويه كمان.
دنيا: عشان الغياب كفاية إللي فاتني، وكفاية على سارة كده، تعبتها معايا.
سما: خلاص حبييتي براحتك، بس لو تعبتي إتصلي بيا فورا.
دنيا بضحك: حاضر يا ماما.
سما تضحك: طبعا ماما، وإنت عندك شك في كده.
دنيا: لا طبعا.
وتذهب دنيا لجامعتها وسما لعملها

في الجامعة
تشاهد سارة صديقتها دنيا
سارة: حبييتي إنت جيتي؟
دنيا: كفايه عليكي كده بقي تعبتك معايا.
سارة بحزن: إخص عليكي، وأنا اشتكيت، دا حتى أكل سماسيمو لا يعلى عليه.
دنيا: أيوه بقي يامصلحجية يا جعانة.
سارة: وحشتيني ووحشني قلبه أدبك.
دنيا: ماشي، هاهريكي، بس يلا على المحاضرة الدكتور ده رذل وبيأخذ غياب.
وفعلا أنهتا المحاضرات، وأثناء خروج دنيا تصطدم بأحدهم الذي وقعت
نظارتها الشمسية إثر التصادم وهو يكلم صديقه ولم يكرث من التي تخرج
من الباب، فنزل تناول نظارته وقام ليعتذر لها.
فإذا هي دنيا وهذا الشاب هو ياسر.
ياسر بعد صمت: أنا آسف.
دنيا: خلاص خلاص حصل خير.
ياسر: دنيا أنا مابعتذرش عن إني خبطك دلوقت أنا بعتذر على إللي حصل
قبل كده.
دنيا: وأنا قلتلك خلاص موضوع قديم وإتقفل، وياريت ماشوفكش تاني،
وكويس إنها آخر سنه لك ياريت تخلص وتفارقتنا.
ياسر بغضب: دنيا أرجوكي تتعاملي معايا كويس مايصحش كده.
دنيا: إنت كمان جاي تقولي إللي يصح واللي مايصحش أمشي من قدامي يا

ياسر الساعه دي أحسن لك.
فينظر لها بضيق: ماشي يادنيا أنا ماشي.
سارة: خلاص يا ياسر أمشي دلوقت معلش .
دنيا بغضب: إنت كمان بتستسمحيه يمشي.
وتركتهم وذهبت.
ياسر: شايفه بتعاملني إزاي؟، قال يعني هي كمان ماغلطتش.
سارة: معلش هي مجروحة منك، بسبب إلي حصل، أنا رايحة وراها لتدوخ
وتقع دي لسه تعبانة.
ياسر: وأنا عشان هي مش طيقاني مش قادر أقولك أوصلكوا.
سارة: لا روح إنت، أنا معاه.
وذهبت سارة لها: ياسر شكله ندمان على إلي عمله يا دنيا.
دنيا: يندم مايندمش مش مشكلتي هو صفحة وإتقفلت للأبد، هتمشي
معايا وإلا أمشي لوحدي.
سارة بضحك: جايه أهو ياست المستعجله.

.....

ياسر يهاتف إياد: عملت إيه في مقر الشركة والأوراق، مش قلتك تظبط
مع المحامي.
إياد: يابني كل حاجة جاهزة وباقي إمضتك هو المحامي ما اتصلش بيك؟!.
ياسر: لا، وإلا يمكن اتصل، عشان كنت قافله، هكلمه وأشوف الوضع،
متشكر جدا يا إياد على وقوفك جمبي.
إياد: عيب يا ياسر أنت أخويا، وأي حاجة تحتاجها أنا جمبك، بس طبعا
مش هقدر أتواجد معاك دايمًا، لإني ماقدرش أسيب بجاد وشركته، دا إحنا
أسسناها على كتافنا، ودا صاحب عمري ماقدرش أتخلي عنه.
ياسر: أنا عارف ومش هضغط عليك، أنا بس هحتاجك في الأول معايا شويه،
وبعدها أكون عرفت الشغل لوحدي ومسكت خيوطه.
إياد: ربنا يوفقك.

(من الممكن أن يعيش الإنسان حياة بلا قيمه، لتصيبه صدمة عمره فتبدل
حاله وترده للطريق الصحيح، فكل ابن آدم خطأ، ليس منا من هو معصوم
من الخطأ، ولكن المشكلة التمادي فيه، وألا تتعظ مما حدث لك)

منال تحدث أخواتها: جهزتي حاجتك للفرح يا سما إنت ودينا، مش محتاجين أي حاجة، وأنا كلمت أحمد هاخدكوا معايا الفيلا مش هقدر أعيش من غيركوا.

سما: إحنا مش هنسيب بيت بابا يا منال، وإنت مصممه بردو على الجواز دي؟.

منال بإصرار: آه طبعاً، إحنا خلاص جهزنا كل حاجة.

سما: ربنا يوقفك بس إحدفينا من حساباتك إحنا مش هنتنقل من بيتنا، هنحضر الفرحة في الفيلا وكل حاجة ونرجع أنا ودينا هنا.

منال بغضب: يعني إيه تقعدوا لوحدكوا الناس تقول إيه؟.

سما: ياسلام وإنت كنتي الراجل بتاعنا مثلاً، ماكنا ثلاث بنات لوحدنا فيها إيه؟، أنا مش عاوزة نقاش في الموضوع ده لأنه محسوم مش هنروح نقعد عند راجل غريب.

منال: غريب!، دا هيبقي جوز أختك على فكرة.

سما: جوزك إنت لكن ليا غريب.

منال: ماشي ياسما براحتكوا، بس لو غيرتي قرارك في أي وقت بيتي مفتوح. سما: إن شاء الله.

دينا: في إيه ياجماعه عاوزين نفرح بقى، سيبكوا من الكلام ده. وإحتضنوا بعضهم وباركوا لمنال

سما تهاتف إياد بأسى: يعني خلاص كده بجاد ياس ومش هيعمل حاجة؟. إياد: والله ماعارف لما بكلمه بيشيط وهو نفسه مش لاقى حل، وأنا مضايق عشانه أول مره يحب بجد ولما يحب يحصله كده، وحتى عرفت إن له عملية ورافض تماماً يعملها وتعبت حقيقي معاه عامل زي إلي بينتحر بالبطيء ويأس من الدنيا ومش فارقه معاه.

سما ببكاء: أنا مضايقه أوي يا إياد.

إياد: سما أرجوكي ماتعيطيش مابطقتش تبقي حزينة أو بتعيطي.

سما: تعبت ومش عارفة أعمل معاه إيه، وهي هتتجوز وتبقى تروحله باليل الديسكو ولو جوزها عرف هيعمل إيه؟.

إياد: ربنا يحلها من عنده إرتاحي إنت وربنا هيسهل.

جاء يوم الفرح، وازدانت الفيلا لقدم منال، و أحمد ينتظرها هناك، أما سما ودنيا إرتديتا ملابسهما. وتحدثت سما لمنال أن إياد قادم ليأخدهما للفيلا لإستقبال أصدقاءهما هناك:

معلش هنسيبك على ماتخلصي ونستناكي هناك.

منال: ماشي وأنا معايا الكوافيرة هتخلص وأرن على أحمد يجي بالعربية، بس هو كان هيبعت ليكي عربية إنت ودنيا.

سما: إياد رفض أركب عربية غريبة وصمم يوصلني أنا ودنيا.

منال: خلاص أوك روعي إنت عشان الناس إلي جايه وزمايلي تستقبلهم على ما آجي.

وقبلتها سما وذهبت مع دنيا، وأنهت الكوافيره عملها.

الكوافيره: كده تمام إتصلي بيه يجي وأنا همشي بقى لحسن المحل لوحده والبنات مش اد كده وفي كذا عروسه هناك، أنا جتلك عشان غلاوتك عندي والله وعشان أصحاب من زمان.

منال: متشكره جدا حبيبتي.

وذهبت الكوافيره، وإتصلت منال بأحمد ليأتي بالسيارة ليصطحبها.

وبعد فتره يدق الباب فتفتح منال الباب وهي تقول: إنت لحتت يا أحمد إنت كنت جاي في السكه وعملها لي مفاجأه.

ثم تفتح الباب لتتفاجأ بمن أمامها في حلتها السوداء التي تزيد وسامه منال: إنت !!!!

*** الفصل الثامن عشر ***

منال: إنت إيه اللي جابك هنا؟، وأولته ظهرها وعقدت ساعديها)، لو سمحت أمشي من هنا خطيبي جاي ياخدني دلوقت ومايصحش يلاقيك هنا، يقول إيه؟.

فدخل وأغلق الباب بقدمه لتظن أنه خرج. لتجد من يهمس في أذنها: وإنت مفكره إني ممكن أسيبك لغيري، إنت ليا أنا بس.

فتفزع وتتلفظ وتتظر إليه: يعني إيه تقصد إيه بالكلام ده. بجاد وهو يجلس ويضع ساق على ساق: أولا خطيبك مش جاي، محتاس في الأربع فرد اللي جبتهمله على الأرض، وقاعد يستلف من المعازيم فرد إستبن عشان يغير الكاوتش.

منال: إنت رحى الفيلا؟.

بجاد: لا طبعا بس أتباعي هناك قامو باللازم.

منال: و إنت مفكر إيلي يلحق الاول هيجوزني، ولو، هستناه لحد أما يجي حتى لو نص الليل.

فيقوم ويجز على أسنانه ويجذبها بقوه: إنت إيه ياشيخة مخك ده مش هيتعدل مركبة فيه فردة باتا شمال.

فتضربه في صدره: أنا مخي مش جزمه وأشمعنه باتا دي؟.

بجاد: عشان متينه باتا باتا متانه وشياكة.

منال وتخفي ابتسامتها: إنت جاي تهرج بقى لو سمحت يا بجاد أمشي قبل أحمد مايجي.

فجذبها من خصرها مقربا إياها منه: قلت مش ماشي غير، بيكي إنت الوحيدة اللي قدرت تحرك مشاعري معرفش ليه؟، غموضك وطريقتك اللي دخلت بيها حياتي، وإحساسي بالمسؤوليه تجاهك، وخوفي عليكي كل ده عمري ماحسيته غير معاكي وعوزاني أفرط في ده كله.

منال ببكاء: وأنا ماقلتلكش تخاف ولا تبقي مسؤول عني إنت اللي بتتوهم ده كله، وأنا ما بحبكش.

بجاد: كدابه، كدابه، كدابه.

ويقبلها قبلة دامية، تحاول التملص منه بعد مشقة لتمسح شفيتها: إيه اللي بتعمله ده أنت مجنون؟.

بجاء: عشان تحسي أنه حقيقه مش وهم.
منال: لا دا وهم في خيالك وأنا مش عوزاك وهتجوز أحمد.
يميل عليها: وأنا قلت مش هتتجوزي غيري يبقى مافيش جواز إلا مني أنا
وبس إنت فاهمة. (بصوت عال وبجده)
لتفزع: لا مش فاهمة ومش هتجوزك وأنا حرة. (وتوليه ظهرها)
ليجذبها له فترتطم بصدرة: لا مش حرة والكلام إلي بقوله هو إلي هيتنفذ
وماتخلنيس أجيب أخري معاكي يامنال. (وهو ينظر لها نظرات تخيفها)
منال بقلق: يعني هتعمل إيه؟
ويقترّب منها لتقول: والله لو قربت مني يا بجاء هصوت وأم الناس عليك أنا
مش عوزاك كفايه عليك دولاب الحريم والديسكوهات بتاعتك.
فلم يبالي بتهديداتها وتراجع وهو يقترّب: لا والله دا بإعتبار إني قابلتك في
الحرم بتعملي عمرة
أمال إحنا تقابلنا فين مش في ديسكو بردو، وإلا كان ديسكو شرعي على
الطريقة الإسلامية.
منال: دي تخاريف في دماغك أنا عمري مارحت ديسكوهات.
بجاء: قلتك مليون مره دولاب الحريم ده كان قبل ماقابلك وأحبك ومش
زي ما إنت فاهمة، دي سهرات خاصة للعملاء للاحتفال بالصفقات وكنا
بنتفق مع بنات في كباريهات تيجي تحيي الحفلات دي.
منال بضيق: لا والله كده بقي طلعت بريء أمشي يا بجاء من قصادي.
ليجذب رأسها ويضع على أنفها منديل فتفقد الوعي، فيحملها لسيارة،
ويذهب بها إلى شاليه خاص به في مكان معزول بعيدا عن الأنظار، ويحملها
ويلقي بها على الفراش: ماخلتيش ليا خيار تاني يامنال.
تستيقظ منال تتلملم صباحا في الفراش عارية تماما تحت الغطاء.
لتصعق مما هي فيه وتجد فستان الزفاف ملقى على الأرض وهي في حجره
لا تعرفها وتشاهدها لأول مرة، تتلفت حولها، تحاول تذكر ماحدث، لتجد
من يخرج من الحمام متدثرا بمنشفة حول وسطه واضعا منشفة أخرى
على رأسه ووجهه ويجففه وتحاول النظر إليه لتعرف من هذا ليكشف عن
وجهه يجدها تتأمله فتصعق إنه بجاء حقا .
لتثور عليه: إنت عملت إيه يا حيوان.
وتهم بالnehوض فلا تستطيع فهي عارية وتتدثر بغطائها وتجذبه لأعلى
بجاء بكل برود: صباحية مباركة يا عروسة.

منال: عروسة إيه؟ وزفت إيه؟ على دماغك، أنا آخر حاجة فكرها لما خدرتني بالمنديل، هجوزك إزاي وأنا مغمى عليا.

بجاد: دا أنا عاملك فيش وتأفيش، ماحصلش مش دي بصماتك أهو بصمه بالعشرة على عقد الجواز العرفي.

منال تضع يدها على صدرها: يالهوي عرفي أنا أجوز عرفي!!

بجاد: أعملك إيه حاولت معاكي رسمي مارضتيش قلت يظهر مالكيش إلا في الشمال بس لو عاوزه نقله رسمى ما عنديش مانع.

منال: أنا أجوزك إنت دا لو آخر راجل في الدنيا.

بجاد: مش بمزاجك ياهانم إنت بقيتي مراقي بالفعل وبصمه بالعشرة على العقد.

منال: ليه يعني مابعرفش أمضي مبصمني دا باطل.

بجاد بخبث: طب وإللي حصل بينا.

منال: يا سافل، يا وقح.

بجاد بغضب: هااا هااا ماسمحللكيش ثقلي أدبك، بدل والله أطير صف سنانك القدماني لو ماتلميتي إنت مراقي وتحترميني وتتكلمي بأدب معايا، مش عشان بفوتلك زمان هتسوقي فيها.

فإنكمشت على نفسها وأحس بخوفها وأراد أن يطرق الحديد وهو ساخن: هاااا أجييب الزفت المأذون وإلا بلاش.

كادت ترفض ولكن ماحدث بينهما أجمها فلا بد من الزواج رسميا أولا فإستطردت: أنا موافقه بشرط تطلقني بعدها .

بجاد: ربنا يسهل لما نجوز الأول فيها فرج بعد كده.

كادت تقوم ولكن تذكرت أنها عارية، فتراجعت وأكملت: يعني إيه ربنا يسهل مش هتطلق؟،

وبعدين الفرغ والمعازيم والناس وإخواتي، إنت إزاي تعمل فيا كده أقول للناس إيه إنت فضحتني.

فإقترب منها: ماعاش ولا كان إللي يقول عليكى كلمه، دا أنا أقطعله لسانه من لغاليغه.

منال تبعده عنها: إبعد عني وإياك تقربلي.

بجاد بزهق: طب قومي الحمام أهو وإلبسي.

فلفت الغطاء حولها وقامت تفتح الدولاب لتصعق: إيه ده فين اللبس؟

بجاد بكل برود: ماهو قدامك أهو ولا عشان مش لابسه النظارة.

منال: إنت فاهم كلامي كويس، إيه كميه البيبي دول دي؟، هتفتح مصنع
فين الهدوم العادية.

بجاد: لا ياحلوه عشان تهري، ثم إحنا عرسان في شهر العسل هتلبسي لجوزك
إيه غير كده.

تنظر له نظرة ويكأنها ستهجم عليه وتقتله.

بجاد ببرود يستفزها: مافيش داع تشكريني.

منال تبدل بقدميها بالإرض: إنسان مستفز دا هيجبلي جلطة قريب.

وجذبت قميص نوم بضيق.

بجاد باستفزاز ويقترّب منها: حاسبي هتقطعيه إنت عارفة الحاجات دي
شفافة ورقيقه وماتتحملش العنف .

لتجري من أمامه فيقهقه: إما ربيتك من أول وجديد يادكتورة.

وإتصل بإياد: أيوه يا إياد الخطه ماشيه تمام، مش فهمت سما وإعذرتوا
للناس وبلغتوهم إن منال تعبت فجأة وإتلغى الفرح.

إياد: أه كله تمام، وسما فهمت دنيا إن منال تعبت شوية، حتى سما كانت
قلقانه وقالتي أنا لولا واثقه فيك وعارفه إن بجاد بيحبها وهيحافظ عليها
ماكنتش عملت معاكوا كده، قتلها بجاد راجل وبيحبها ويخاف عليها أكثر
من أي حد وثقتي فيه زي ثقتي في نفسي، وقالت إنها فعلا شايفة الحب ده
في عينك وهتخاف عليها أكثر من أحمد عشان كده اشتركت معانا، إوعى
تكون إنتهورت.

بجاد: عيب عليك، إنت أول مرة تعرفني، كله زي ما اتفقنا، هات بقي
المأذون وشاهد معاك.

إياد: تمام هجبهم وأجي فورا يعني وافقت.

بجاد: عيب ياد دا أنا بجاد.

وفعلا أتى إياد بالمأذون ومن معه.

ودخل لها بجاد يفهمها : الشهود هيجوا يسألوكي.

منال: هيجوا إزاي وانا بالشكل ده!!.

بجاد: إلبسي فستانك ياعروسة، إنت مش عروسه بردو، إتصرفي يادكتورة
مافيش مخ خالص.

منال: رذل سبينالك التفكير يا فالج.

بجاد: هااا هااا (ويهوشها بيده) قلة أدب مش عاوز.

منال: خلاص روح بقى.

وفعلا حضر الشهود وأخذوا الموافقه وكتب الكتاب.

وإتصل إياد بسما يطمئنها

سما: والله ماعارفة عملت كده إزاي بس أنا من خوفي عليها، كانت هتدفن نفسها بالحيا، وخايفه أما تعرف تزعل مني، مخي هيتشل يا إياد من التفكير. إياد: ماتفكريش كتير إدعيلهم ربنا يصلحهم الحال، أنا لولا ثقتي في بجاد وعارف إنه بيحبها بجد وبيخاف عليها ما كنتش وافقت، ولو عاوز يأذيها كان عملها من زمان، وهي معاه وفي حضنه كل يوم، بجاد مش عاوزها إلا لما تبقي هي كمان عوزاه.

سما: يارب يا إياد نفسي أطمئن عليها.

إياد: المهم إحنا مش هنطمئن على نفسنا.

سما: إحنا في إيه وإلا في إيه مش لما نخلص من المصيبة إلیي إحنا فيها.

إياد: ماهي بتيجي لحد عندي وتوقف، تصدقي شكلي هخطفك زي بجاد وأخلص، مانتوا أصلكوا عيلة مابتجيش إلا بالخطف.

سما تضحك: لا والله ومين هيسمحك أصلا.

إياد: ماتخليهاش تكبر في دماغي يا سما أحسن لك، إنت ماتعرفنيش أما بجيب أخري، مش هتبقي إنت وأمي عليا، يوووه اهي على الواتنج أهي، نسيت البيض أنا هممشش من كتر العجه، حرام علي أهلك بقي أتجوزيني واعتقيني من العجة واللبن أبوس إيدك.

سما تضحك: إنت عاوز تتجوزني عشان كده بس، ماشي يا إياد مافيش جواز. إياد: طب إيه رأيك هخطفك ياسما وأبقي إنطقي بقى عشان أقتلك، إقفلني بقى عشان فورتي دمي وشكلي هاققتك إنت وأمي عشان أنا جبت أخري منكم كلکم.

*** الفصل التاسع عشر ***

استمعت دنيا لحديث سما وإياد: إنت إزاي تعملي كده وتسلميها لراجل غريب إفرضي ماتجوزهاش.

سما: إنت مش فاهمة حاجة.

دنيا: طب فهميني، أنا مش صغيرة عشان كله يداري عليا.

سما تحتضنها: طب أقعدي يادنيا، أختك منال مريضة.

فإنتفضت خوفا على أختها: مريضة بيايه؟.

سما بتلعثم: عندها شيزوفرينيا.

وقصت عليها ماحدث وماتفعله منال مع بجاد كل يوم.

دنيا: يانهار إسود دا كان ممكن تضيع لو مش بجاد حبها وكان بيخاف عليها.

سما: أظن مافيش اكر منه أآمنه عليها، لو في نيته حاجة وحشه لها كان

عملها وهي في حضنه ومستسلمه له، بس هو بالعكس عرف إن مش هي

منال اللي في حضنه وحافظ عليها، يبقي ده أسلمها له وأنا مطمئن عليها وإلا

لاء، حتى لو كان زمان بتاع ستات، من ساعة ما حب منال وهو مش شايف

غيرها، وحارب عشانها كتير وحط نفسه في مواقف كتير خطيره بسببها

وإتأذي بسببها.

دنيا بإنهيار: أنا السبب أنا السبب، أنا إالي زودت الحمل والضغوطات عليها

ووصلتها لكده فماستحملتش.

سما تحتضنها: حبيبتي مش إنت السبب ولا حاجة، منال كانت شايلة حمل

الكل وواخده كل حاجة على أعصابها، وبعد بابا إنهارت لإنها حست الحمل

بقي مضاعف أكر، يمكن بابا كان شايلا معاها شوية لما مات حست إنها

فقدت إالي كان بيسندها، ودا إالي سببها الإنهيار أكر، وإنها تلجأ بعقلها

الباطن للحالة دي وتبقي بدون مسؤوليات.

دنيا بكاء: يا حبيبتي يامنال إستحملت كتير، ولما تكلمني كنت أشخط فيها

وتتحملني، طب هنعمل إيه في المصيبة دي؟.

سما: أهم حاجة إتخلصنا من أحمد بزواجها من بجاد لإنها كانت هتتزوج

عشان تجد فيه حنان بابا اللي فقدته وهو إستغل ده يبقي أكيد مش كويس

عشان إستغلها، وعشان كده ساعدت بجاد، والباقي عليه هو عاوزها تحبه

وتثق فيه الأول وبعد كده يقنعها بالعلاج، دا سايب شغله وشركته وقاعد

معاها الفترة دي وهنشوف هتفضل مصممه على الطلاق وإلا هتعمل إيه،

أملنا إنها تحبه وتثق فيه عشان تبدأ العلاج ويمكن يكون هو نفسه العلاج وتخف.

دنيا: يارب، طب أنا كنت عاوزه آخذ رأيك في حاجة أنا خلصت إمتحانات وكليتي مش عملية عاوزه أشتغل وأوفق بينهم.

سما: إنت محتاجة حاجة حبيبتني؟، أنا إتأخرت عنك أو معاش بابا مش مكفيكي.

دنيا: مش الفكره، بس أنا عاوزه أعتمد على نفسي، كفاية الوقت اللي ضاع وأنا بجري ورا سراب العريس المريش إلي هيرفعني معاه ل فوق، وأسافر وأشوف الدنيا، والآخر كنت هقع على بوزي لما كرهني في صنف الرجالة. سما: بكرة تقابلي إلي يقدرك.

دنيا: أنا قرأت عن شركة جديدة إسمها دنيا المصري، إتفائلت بالإسم عشان على أسمي وطالبين سكرتيرة وموظفين للشركة هقدم وأشوف.

سما: بس إنت لسه باقي سنتين مافيش شهاده هتشتغلي بالثانوية.

دنيا: ماتنسيش إني مدارس لغات وعندي اللغات قوية وواحدة دورات كمبيوتر إلي كنت باخدها في الصيف، فعندي حاجات أحسن من الشهادة وهقدمها ويختبروني.

سما: ربنا يوفقك حبيبتني ماقدرش أعترض، دي حياتك وأنا واثقة فيكي وطالما ده هيرحك، بس بشرط

ماتجيش على دراستك، تكلمي دراستك ولو شغلك أثر عليها تسييه فورا.

فاحتضنتها دنيا: ميرسي ياسما يا أحلى أخت في الدنيا، من بكره هأخذ ورقي وأقدم.

وفي الصباح

استيقظت دنيا باكرا و ذهبت لتقدم أوراقها بالشركة، ويختبرها موظف في الشركة يأخذ الأوراق ويتولى الأسئلة للمتقدمين، أما صاحب الشركة فيراقب كل هذا من خلال شاشة لديه على مكتب

وبعد الانتهاء إتصل صاحب الشركة بالموظف ليلبغه بالآتي:

عاوز البنت إلي لابسة بلوزة بيضا وبنطلون، إلي في تانية تجارة تبقي سكرتيرة خاصة ليا، والباقي إلي ينفع عينه في القسم المناسب.

الموظف: أوامر سعادتك يافندم.

وبعدها إتجه الموظف إليهم وأمر كل واحدة أن تتجه لمقر عملها وإستلام العمل.

وإتجهت دنيا لمقر السكرتارية لتجد موظف يسلمها عملها فقد كان يدير هذا العمل مؤقتا لحين وصول السكرتيرة وشرح لها كيفية العمل وماذا تفعل؟، وفهمت مايجب عليها فعله.

الموظف: ودلوقت خدي الأوراق دي لازم تتمضي فورا لإنها التعيينات الجديدة، مش إنت مضيي التعاقد.

دنيا: أه كلنا مضيناها.

الموظف: المفروض تتمضي من رئيس الشركة آخر حاجة.
دنيا: تمام.

ودخلت لتجده جالسا على المقعد، ويوليها ظهره، فأشار من الخلف أن تضع الأوراق وتنصرف ففعلت وخرجت وهو أكمل فونه ومضي الأوراق وإستدعاها لتدخل، فتصعق من هذا الذي أمامها وأخذت تحدث نفسها:

(ماذا فعلت بنفسي لم أجد غير هذه الشركة لأتقدم بطلب وظيفة لها)
دنيا: إنت !!، دا من رابع المستحيلات إني أشتغل عندك لو مافيش شغل خالص مش عوزاه.

وإتجهت للباب ليجري يغلقه ويقف أمامها

ياسر: خلاص العقد إمضى وفي شرط ممنوع تسيبي الشغل، إلا لو جبتي واحدة غيرك وأنا وافقت عليها إقرأي العقد كويس، ولو إمتنعتي هقدمه للشرطة والموضوع يأخذ مجراه.

فتحدثت بغضب: خلاص هشوف واحدة غيري.

ياسر: تَو تَو المهم أنا أوافق عليها.

دنيا: يعني إيه وأنا هفضل تحت رحمتك هنا يعني؟.

ياسر ويوليها ظهره بعدم إكتراث: يلا يا آنسه على شغلك، مش عاوز عطله، إحنا هنا مكان شغل مش تهريج، بدل ما أخصم من مرتبك.

فخرجت تتكلم بكلمات غير مفهومة: وأنا لسه إشتغلت عشان يخصم مني أصلا إيه الأرف ده باينها أيام سوده على دماغى.

وجلست على المكتب وهي تفكر: وبعدين هقول إزاي لسما وإلا سارة لو عرفت، مش لازم حد يعرف الموضوع ده، لحد ما يتنيل يوافق على أي واحده بدالي ربنا ياخده، وأنا مش هخلص من الواد ده أبدا هو عملي الأسود في الدنيا.

لتجد الجرس الخاص به يرن، دنيا بضيق تجيبه: حاضر جاية أهو.
ياسر دون إهتمام وهو يوقع الأوراق ليرفع رأسه: إفردى وشك وإنت دخلاي.
دنيا: أهو انا وشي كده لو مش عجبك غيرني.
فبيتسم بسخريه: ماشي يا دنيا عاجبني، إتفضلي الأوراق دي تروح فوراً
الشئون القانونية.
دنيا: ودي فين دي.
ياسر بصوت عال: عند أمي، ماتروحي يا آنسه تدوري عليها وإلا آجي
أوصلك.
دنيا: خلاص خلاص هشوف (وفي نفسها) داهيه فيك وفي خلقتك.

**** الفصل العشرون ***

أما في الشالية

بجاد: مبروك يا عروسة. ويقترّب منها

منال: والله لو قربت مني لأقتلك وأقتل نفسي.

بجاد بضيق: وأنا مش هقربلك يامنال، يلا عشان تفطرينا.

منال: ماتفطر نفسك مالكش إيدين ولا رجلين.

فيجذبها من يدها: نعم ياختي أنا بجوز عشان أفطر نفسي، وإلا مراتي إلي
تعملي الأكل وتجهولي لحد عندي.

منال: ليه متجوز خدامة.

فرد بضيق وبصوت عال: يلا أمشي إنجري أعملي الفطار.

منال تجري بفزع: وأنا معرفش حاجة هنا.

فجذبها من يدها لينزل بها للبهو ويدخلها المطبخ: إنتفضلي في حجج تانية
عرفتي أم المطبخ فين عشان هتخشيه ثلاث مرات فطار وغدا وعشا، دا غير
الفواصل بقى شاي قهوة نسكافيه.

منال: وأنا هفتحها قهوة والحاجات دي غلط عليك.

بجاد: لا يابت بتخافي على صحتي أوي.

منال وتنظر في المطبخ: بس أنا معرفش أماكن الحاجات.

بجاد بغضب: هو أنا رميتك في الصحرا، دا مطبخ مترين في مترين، يعني لو
إتمطعتي فيه هتعرفي مكان الحاجات، وخليني معاكي للآخر، ويقترّب خلفها
ويحيط يده بوسطها ويفتح الخزانة من أعلى وأدي الشاي وأدي السكر.
وينزله علي الرخامة

منال بضيق: طب ممكن توسع وتسييني أمشي على ماتنزل الحاجة.

بجاد ولا ينظر لها وهي مصوبه نظرها له: لا عشان تعرفي مكان الحاجات
وماتأرفنيش كل مرة.

منال بضيق: منا هعرفها مش لازم تبقي حاضي كده مش بحب حد يقربلي.
فيه مس بأذنها: أمال أحمد كان ناوي يعمل إيه.

منال بغیظ: إنت سافل و...

ولم تكمل ليشد على وسطها بقوه يكاد يعتصرها وبضيق: وبعدين كل شوية
أنبه، أنا خلقي ضيق ومابستحملش.

منال وتكاد تبكي من قبضته: طب وسع أي بتوجع.

فيحررها من قبضته: عشان تحرمي ثقلي أدبك على جوزك، وتفكري قبل ماتقولي الكلمة ألف مرة عشان هتبقي عارفة الي هيحصلك (وأدار ظهره لها وتحديث) الفطار يكون جاهز كمان خمس دقائق وأوعي تتأخري إنتِ فاهمة (بصوت جهوري يفقدها توازنها).

فتنكمش على نفسها من صوته: فاهمة، فاهمة.

وخرج وهو كاره مايفعله بها ولكن يجب ترويضها أولا، وخرجت بالصينية إلى السفرة تضع الأطباق،

وبعيون باكيه: إتفضل الفطار.

وكادت تمشي ليجذبها من يدها فترطم بصدرة ولا تريد أن ترفع عينها له، فيمسك بذقتها ويرفع رأسها له: وإنْتِ مش هتفطري معايا؟.

تحيد ببصرها في الفراغ: ماليش نفس.

بجاء وهو يطيل النظر لها: بس أنا مش هفطر غير مع مراتي.

فتنظر له: وأنا مش عاوزه.

بجاء: بس أنا عاوز ولما جوزك يعوز تقولي حاضر.

فجلست بزهق وهي تلعب في الطبق، وهو يأكل ويتلذذ: الله أجمل أوملت أكلته في حياتي، إيه الحلاوة والطعامه دي دا أنا حبيته الأومليت ده.

وهي تخفي إبتسامتها وتحاول رسم الجديه: وبعدين معاك بطل تلميحائك السخيفة دي.

لتقوم فيقوم أمامها: وأنا قلت حاجة أنا بتكلم عن الأومليت، ثم أنا لسه ما خلصتتش أكل عشان تقومي.

فتجلس متذمرة: أوف بقي خلص.

بجاء بضيق: إيه سده النفس دي، قومي أعلمي الشاي.

منال بغضب: أوامرك يا باشمهندس، أي أوامر تانية.

بجاء ويكأنه تذكر شيء: آه...وإلا بلاش روعي دلوقت كفاية الشاي.

فتمشي تبدل بأرجلها في الأرض كالاطفال حين يتذمرون ويغضبون: يارب صبرني.

وجاءت تعطيه الشاي، وكان معه تليفون.

بجاء: تمام يا إياد لو حصل أي مشكله كلمني، أنا مطمئن عشان سايبك بدالي في الشركة.

إياد: ماتقلقش، ما أنت مخلص كل حاجة قبل ماتمشي، الباقي روتيني ماشي لوحده، ولو في أي مشكله هكلمك فوراً.

وأنهي مكالمته ليجدها واقفة بالشاي: إنت هتطلقني إمتي؟
بجاد: هااا تعالي جمبي الفيلم ده يموت من الضحك.
وجذبها بجانبه لتقع على الأريكة بجواره، بعد أن أخذ الشاي منها ووضعها
على المنضدة الصغيرة التي أمامه.
لتتفاجأ منال بحركته و تقول له: حاسب.

بجاد ببرود: حاضر يا قمر الحساب كله عليا والقاعده بالمشاريب كمان.
منال بضيق: إيه إللي بتعمله ده؟، أنا بقولك إيه وتقولي إيه!.
وهو وكأنه لا يبالي بكلامها ولا يستمع إليها ويضرب كفا على كف ويقهقهه
وكانه مشغول بالفيلم وهي تنظر له بضيق، ثم تنظر إلى التلفاز لتضحك
هي الأخرى على المشهد، فينظر لها ويبتسم لابتسامتها ويلف ذراعه حول
كتفها، لتجذب عينها وهو لا يوليها إهتمام،
فتقوم ليجذبها مرة أخرى: طب تعالي مش هعملك حاجة كمي الفيلم
معايا.

منال: والغدا اللي سيادتك طالبه مين هيعمله؟.
بجاد: إنهارده براءة، أنا جايب أكل في التلاجة على التسخين.
منال ببكاء: أمال كان لازمته إيه الشخط والنتر بتاعك.
فيجذب وجهها إليه: أنا رد فعل لأفعالك.

في شركة ياسر
دلفت دنيا للمصعد لتجد من يدخل خلفها
ياسر: إنت ماشية دلوقت يا آنسه، مش قلتلك إني رايح مشوار وجاي تاني
تكوني جهزتي أوراق الصفحه.
دنيا: ما أنا جهزتها والله وحطتها في درج المكتب.
ياسر ينظر لها بغیظ: وأنا هاجي أقعد أدور في إدراجك، إتفضلي يا آنسه على
مكتبك وإستيني على ما آجي وتديهاني وتناقشيني فيها.
دنيا لنفسها (هي أيام سودا باينها، أنا إللي جبته لنفسي، ماكنت في بيتنا
كافية خيري شري، قال لازم أشغل إشرني بقي).
ياسر: بتقولي حاجة يا آنسة.
دنيا: أنا!!!، أبدا هقول إيه حسبي الله ونعم الوكيل.
ياسر: إنت بتحسبني عليا يادنيا!!!.

دنيا: ياعم أنا بحسبن وخلص أنا جيت جمبك، هو أنا قلت حسبى الله ونعم
الوكيل فيك يا ياسر.
ياسر: لا قولها كمان، عشان أرميكي من الأسانسير.
وخرج منه وضغط لها حتى تعود مرة أخرى، وهي لو تطال عنقه لحطمتها.
وتدعي عليه: يا رب تموت يا ياسر.

أما في شركة بجاد
تدلف سما لمكتب إياد وينتابها القلق: أختي عاملة إيه يا إياد.
إياد ويحس بخوفها على أختها، ويقترب منها: زي الفل، عقبالنا إحنا كمان.
فتخرج من نظراته وإقتراه، وتضع خصلات شعرها القصير خلف أذنيها:
وبعدين معاك يا إياد إبعد .. والله ماجيلك تاني المكتب.
فيهمس في أذنيها: تقدرى؟!
فتجري منه: أنا ماشية.
إياد: إهربي إهربي، أما أشوف آخرتها معاكي إنت وأمي هتشلوني إنتوا الجوز.
ويجد الهاتف يرن: أيوه ياماما خير في حاجه حصلت؟
والدته: هات بتنجان.
إياد بفرحة عارمه محدثا نفسه (الحمد لله نسيت العجة): ليه ناويه
تعمللنا إيه يا ست الحبايب؟
والدته: نفسي هفاني على المسقعه.
إياد: مسقعة!!! (من عجة لمسقعه وباطت معدتك يا عم إياد)، حاضر ياماما
بس تاكليها مش كل مرة تعملي الحاجة وأكلها أنا وتقولي ماليش نفس
وأدبس في الصينية بحالها.
والدته: لا أنا نفسي فيها وهاكلها كلها.
إيا: أما نشوف مش مرتاحلك يا جلنار.

*** الفصل الحادي والعشرون ***

عاد ياسر للشركة ودلف مكتبها وبإصبغه يشير لها: حصليني بالأوراق ودلف مكتبه وهي ورائه تلملم في الأوراق، وتضعها أمامه.
ياسر بحدة: والمطلوب مني أفهم أنا إلي عملاه سيادتك لوحدي.
دنيا: لا يافندم، دي أوراق الصفقه اللي سيادتك طلبتها، ودي أوراق العلوات للموظفين مطلوب إمضاء ساعاتك، ودي... (وخبأتها وراء ظهرها)
ياسر: دي إيه يا آنسه؟!
دنيا: دي... دي....، ولا حاجة. (وطبقتها ووضعها في جيب بنطالها).
ليقوم بطوله الفارع أمامها: طلعي الورقة دي .
دنيا: مش هطلعها.
ياسر: بقولك طلعيها بدل ما أطلعها بنفسي.
فإنكمشت على نفسها ومن حده نظراته التي تخترقها أعطتها له ليقرأها:
نص جنبه برميلي،
ربع حلاوه،
ربع رومي جديدة،
دنيا: أصل سما مابتحبش القديمه بتلسعها في لسانها وقالتي أجبهم وأنا راجعة.
ياسر: إنت تخرسي خالص، حطالي جنبه براميلي في الملف اللي هنصوره ويتحط في الإجتماع قدام الأعضاء.
دنيا: دا نص بس مش كيلو!!
ياسر بعصبية: هو دا اللي فارق معايي ، أمشي على مكتبك وغوري من وشي الساعة دي يا دنيا.
دنيا: طب أروح حساك مش طايقني، والله أريحك مني.
فجري وراءها وهي تجري أمامه للباب: قلت أمشي من قصادي الساعة دي، وإياكي تروحي، عشان تبقي معايا في الإجتماع، وخدي الملف صوري النسخ المطلوبة، وأبقي حطلمم الجبنة البراميلي ياهانم ماتنسيش.
دنيا: لا هجبلهم رومي قديمة تلسعهم في بؤهم.
فيهم بالجري وراءها: والله لو ماتلميتي، أنا جبت أخري منك.
دنيا: خلاص إرفدني.
ياسر: دا بعينك.

دنيا: رخم.

ياسر يشير لها: تعالي هنا يابت إنت سمعيني قلتي إيه؟.

دنيا: ماقولتش.

ياسر: لا قلتي وسامعك بوداني إنت ناسية إني مديرِك وصاحب الشركة.

دنيا: مش تقصد رخم لا ماقولتش.

ياسر: طب إمشي نفذي اللي قلتَه، الناس على وصول خلصيني وإياكي عملي غلطة والله أسجنك.

دنيا: ياريتني كنت سجتتك وإرتحت منك.

ياسر يقترب منها: وماعملتهاش ليه؟!.

دنيا: لا خيالك المريض مايروحش هنا ولا هنا، أنا بس رد للجميل حق الدم إلي إتبرعت بيه، لكن غير كده والله كنت جبتك إعدام مستريح.

ياسر: طب إمشي إمشي على مكتبك وخلصي اللي قلت عليه.

أما في الشاليه

منال: أنا هفضل قاعدة كده، وشغلي ورسالتي.

بجاء: هو أنا إلي صايح ما أنا سايب شغلي وشركتي وقاعد جمبك أهو.

منال: وأنا يعني قلتك أعمل كده، إنت إلي عملت كده لوحدك، لكن بجد يا بجاء شغلي.

بجاء: خدتلك أجازة شهر بحاله، وقلنا تعبت وسافرت البلد عند أهلها، وإعتذرنا للناس إلي في الفرحة عاوزة حاجة تاني.

منال: إنت عملت دا كله إزاي؟.

بجاء: ليا أتباعي.

منال: وأرجع متجوزه واحد تاني غير أحمد إلي كنت عزماهم على فرحنا أو مطلقة.

بجاء: مين دي إلي مطلقه؟، إحنا لبسنا في بعض يا حبي خلاص.

منال: يعني إيه مش هتطلق؟ دا وعدك ليا.

بجاء: طب أنا راضي زمتك الأستك دي أنا وعدتك بحاجة؟.

منال: لا بس قلت فيها فرج .

بجاء: طب هو فرج جه.

منال: لا .

بجاد: طب لما يجي سلميلي عليه وقليله مابتجيش ليه، دا أنا كنت مستنيه وموصيه على حتتين ريش
فنداركت مايقول وقاطعته: هو مين ده؟.

بجاد: فرج.

منال: إنت بتستعبط بقى.

بجاد يقترّب: هو في أحلى من الاستعباط.

ويعض على شفاهه لتجري منال لأعلى وتدخل وتحاول غلق الباب وهو وراءها،و يضع قدمه قبل أن تغلقه وتحاول مقاومته لتغلق الباب: والله لو قربتلي تاني يا بجاد ماهيحصلك طيب.

ليفتح الباب ويتجه إليها مباشرة وهي تتراجع لتلتصق بالحائط الذي خلفها: يعني هتعملي ايه لوقربت.

منال: بجاد إبعد عني كفاية إليلي عملته.

بجاد: عملت إيه؟.

منال: إنت فاهم ماتستعبطش.

بجاد يهمس بأذنها: عشان تعرفي إنك مابتكزيش، لما قلتلك مش بجاد إليلي ياخذ حاجة غصب لو ماجاتيش لحد عندي ماخدهاش، وأنا عمري ماهاخذك غصب إلا برضايكي إنت بتنسي يادكتورة.

منال في حاله ذهول من الصدمة وتستفسر: يعني إيه تقصد إيه؟.

بجاد: يعني أنا ماقربتلكيش يا منال.

منال بإستفسار: أمال اللي حصل ...

وفهم بجاد ماتقول فقاطعها: كل ده كلام فارغ عشان توافقي على الجواز. منال بصدمة: يعني خدعتني وضحكت عليا، (وتضربه بصدرة) طلقني طلقني.

ليمسك يديها: الله إنت كنت عوزاه بيبقي حقيقي وإلا إيه؟.

منال: إمشي بره يابجاد مش عاوزه أشوف خلقتك.

بجاد بضيق: يووووه.

وخرج وصفق الباب خلفه ونزل.

وهي تبكي على الفراش: أنا إيه إليلي بيحصلي ده بس يا ربي.

أين تسكن وأثناء نزولها من السيارة :
أعملي حسابك بكرة في سفر إسكندرية عشان نخلص شوية حاجات ونكمل
الصفقه وغضي العقد.

فجحظت عيناها: ماتفقناش على كده.
ياسر: يعني إيه؟، وأنا إتفقت معاكي على حاجة، دا شغلك يا هانم، مش أد
الشغل كنت بتشتغلي ليه،

بكره تيجي بدري عشان هنسافر من الصبح وهنبيت هناك.
دنيا: نعم نعم سفر وبيات لا ماينفعش.
ياسر دون أن يعطيها حق الإعتراض: ماتتأخريش دا شغل مش رايعين نلعب،
عشان في حفله بالليل بعد الإمضاء، ومش هينفع أسوق، هنبيت في الأوتيل
ونرجع ثاني يوم.

وتركها وذهب بسيارته مسرعا من أمامها و عيناها جاحظتان وفمها مفتوح
وتتبع السيارة وهي تمر بسرعة أمامها.
دنيا بضيق: هي أيام سودا على دماغى.

أثناء ذلك تقلق سما على أختها من التأخير وتتصل بإياد
إياد: خير ياسما في حاجة حصلت
سما: دنيا تأخرت أوي يا إياد وتليفونها مقفول، هي قالت في إجتماع في
الشركة بس تأخرت أوي وهتيجي إزاي في الوقت ده.
إياد: طيب معاكي عنوان الشركة وإسمها؟
سما: أعتقد دنيا المصري.

إياد بصدمة لأنه يعلم أنها شركة ياسر: إيه!! طب أنا هتصرف اقفلي دلوقت.
سما: في إيه يا إياد؟، فهمني تعرفها الشركة دي.
إياد: يووووه ياسما مافيش قلتلك هتصرف.
وأغلق الخط، ووجدت سما أختها دنيا تفتح الباب وتدلف منه
فإلتقطتها: إنت إزاي تتأخري كده.

دنيا: مش قلتلك في إجتماع.
سما: وتليفونك مقفول كمان.

دنيا: مش إجتماع وعملاء وصفقه ولازم أقفله، ونسيت أفتحه، معلش ياسما
أنا تعبانة ومحتاجة أرتاح.

سما: طب خشي حبييتي.
 وإتصلت سما بإياد تجده مشغول، فقد إتصل بياسر
 إياد ينهر ياسر: إنت إيه إلي عملته ده؟
 ياسر مستفسرا: في إيه يا إياد؟
 إياد: مش قفلنا موضوع دنيا خلاص ولا إنت مابتحرمش.
 ياسر: وأنا زي ما وعدتك بس جت طلبت شغل ووافقنا وبتعامل معاها زي
 أي موظفة.
 إياد: يعني مافيش حاجة بينكم ولا عملتلها حاجة؟
 ياسر: أقسمك بالله ما في شيء، ولسه موصلها لبيتها عشان حصل موقف
 كده بعد الإجتماع، وقصه عليه
 إياد: جدع بس قسما بالله لو سمعت إنك اتعرضتلها بسوء ماخلي لوشك
 ملامح.
 ياسر: ماخلاص بقي ياجدع دا ماكانوش كام سنه بينا عامل فيها الكبير، سلام.
 وأغلق الخط ليتصل بسما
 إياد: وصلت؟
 سما: آه وإنت إيه عرفك؟
 إياد: أهو إتنيلت وخلاص هي عندك؟
 سما: دخلت تنام .
 إياد بضيق: أوك، هاتي رقمها أكلمها بكره.
 فأعطته له، وإستفسرت: هو في إيه يا إياد؟
 إياد: مافيش حاجة خشي نامي في ليلتك إلي مش فايته إنت كمان، لهاجي
 أولع فيكو كلكوا.
 وأغلقت الخط وهي لا تفهم شيئا ولا تستطيع التحدث مع إياد في حالة
 الإنفعال والهياج هذه

في الشاليه
 أحست منال بالجوع فنزلت لتجده ممد علي الأريكه دون حراك مغمض
 العينين ويعقد ساعديه خلف رأسه والتلفاز مفتوح، فتأملته كثيرا لا تجد
 حركة لتظن أنه أصابه مكروه، فتذهب وتجلس على الأرض بجانبه وتضع
 إصبعها أمام أنفه لتجده يتنفس، فتحمد الله وتبعد إصبعها.

لتجده يمسك يدها: ايه فكرتيني مت ؟.

فلا ترد وتشيح بنظرها عنه: سيب إيدي.

فلا يبالي ويستطرد: اتخضيتي عليا.

فتنظر له: ماتنساش إني طبيبه وماقدرش أشوف مريض وماساعدهوش.

ليقوم بجزعه ويستند علي ذراعه ويصبح أمامها مباشرة: بس أنا جوزك مش مريض عندك.

منال وكأنه لم يقل شيئا: بس إنت مريض فعلا، مش ناوي تعمل العمليه زي أحمد ما قالك.

بجاد يزفر بضيق: يادي زفت ليه السيرة الهباب دي تقصدي السباك بتاعك. منال بإستنكار: سباك د.أحمد سباك دا أعظم دكتور قلب.

بجاد وهو يحاول إفهامها: في دكتور محترم يقولي قلبك زي الحنفيه والصمام بتاعها بينقط ومحتاج جلده زي الحنفيه، سباك ده ولا مش سباك يا متعلمه يا بتاعه المدارس.

فتخفي ايتسامتها: يعني دا كل اللي فهمته منه، ثم هو مش بيقربهالك عشان تفهم الحق عليه يعني، المهم هتتعشي؟.

بجاد: ماليش نفس.

ويعتدل في جلسته وينزل قدميه عن الأريكة ويرفع شعره بأصابعه بقوة وهي تتامله فينظر لها لتخفض عينيها وتقوم من الأرض: خلاص أنا كنت جايه عشان لو هتتعشي.

فيجذبها على قدميه: وإنت مش هتاكلي؟ إنت ماكلتيش خالص إنهارده. تحاول منال النهوض: ماليش نفس.

فتفشل محاولاتها في النهوض وهو يقول: بس أنا ليا.

ويوقعها على الأريكة، ويخلل أصابعه بشعرها ويديه سارحه على تقسيمات جسدها، ليحاول تقبيلها

فتنهره: إنت بتعمل إيه أوعي تقربلي تاني أنا مش ممكن أبقى جارية من جواريك ياباشمهندس.

وتنهض ليقف بطوله وعرضه أمامها ويجذبها إليه: وإنت عمرك ما هتكوني جارية إنت ملكة عرش قلبي.

فتبعده: ماباكلش من الكلام ده ومجرد ماتاخذ غرضك ترجع ربما لعادتها القديم والخيانه تبقي في دمك طلقني يا بجاد.

بجاد بعصبية: مش هطلقك يادكتورة.

*** الفصل الثالث و العشرون ***

بجاد بصوت عالي: رايحة فين خشي أعلمي العشا.

منال بضيق: مش قلت مالكش نفس.

بجاد: إتفتحت دلوقت.

ودخلت تحضر العشاء لتجد من يقترب منها ويلفها بيديه وأنفاسه تلفحها:

خليه خفيف عشان ننام خفاف.

فتنتفض وتلتف له: هو مين إللي يناموا دي، إنت بتحلم لو ناوي على حاجة

يبقي في أحلامك.

فيهمس بأذنها: قريب أوي يادكتوره.

فتبعده: وسع أما أعمل العشا، ثم أنا إتخنقت من الحبسه دي مش واخده

على كده.

بجاد: إحنا لحقنا من يوم؟!.

منال: هو كده.

بجاد: خلاص بكره نطلق في الصحراء الجرداء إللي بره، وبلبطي براحتك في

الترعة أقصد البحر إللي بره.

وبعد أن إنتهوا من العشاء وصعدت لحجرتها وجدته يدلف الغرfe.

منال بإستنكار: إيه إللي جابك؟.

بجاد بكل برود: جاي أنام فسحي شويه إنت هتاخدي السرير كله.

منال في نفسها (إنسان مستفز)

وأولته ظهرها ونامت ليتأملها حتى ينام أيضا.

وإستيقظت في الصباح: إنت وعدتني هتفتحلي وتخرجني بره.

بجاد: وأنا عند وعدي، المايوه عندك إلبسيه.

منال بإستنكار: يا سلام أخرج بالمايوه حد يشوفني.

بجاد: لا طبعا بقميص النوم.

منال: لا طبعا في جيب ميني جيب وتوب هلبسهم أرحم.

وإرتدت ملابسها ليفتح الباب وتخرج فتصعق من المنظر فهي حقا في

الصحراء رمال من جميع الجهات إلا هذا الشاليه وأمامها البحر، فتتظر إليه:

إيه ده إنت جبت البحر ده في الصحرا إزاي؟.

فيضحك على رد فعلها: مش قلتك أصلك فاكرة تحت القبه شيخ، خشي

إلسي المايوه أحسن تبقي براحتك.

منال: إزاي يعني كده؟.

بجاد يجذبها بجانبه على المقعد بالتراس: شوفي ياسيتي دي كانت أرض وإدبست فيها، وقالوا هتعمر وتبقى زي مارينا، وخذ من دلوقت وهتغلي وخذتها وعملت الشاليه، إن واحد يمر من هنا أبدا بس لما بتخنىق باجي أريخ لوحدي ومعرفش إني هحتاجه كده وأجي مع القمر، دا أنا هروح أبوسهم، خشي إلسي المايوه وبلبطي شويه ماحدش هيشوفك.

وصعدت ترتديه وهو منتظرها وتنزل محرجة من نظراته المصوبه عليها ليجذبها من يدها للدخل فتململ منه: إيه رايح فين البحر من هنا. بجاد: لا والله مافتح فرع على السرير كمان.

منال: بلاش إستظراف.

بجاد: مانا مش هستحمل كده.

وأخذها للبحر ليلهوان سويا ويحملها ويلقي بها في البحر، وهي تضربه وبعدها ويدخلان جائعان جدا لتجده يمسك قلبه،

منال تمسك صدره: تعبت صح ماينفعش إليي بتعمله في نفسك ده، هو آه مش حاجة خطيره وزى ماقالك ممكن تتعمل أو لا، بس كل حاجه مع الإهمال بتزيد وممكن فجأة يحصل هبوط مفاجيء في القلب أو أي شيء لاقدر الله.

بجاد بضيق: يووووه أنا كويس مش هعمل الزفت.

منال: بجاد دي مجرد دعامه تصحح الأوضاع وتشلها بعد كده.

بجاد بحدة: خلاص إنتهينا مش عاوز كلام كثير في الموضوع ده.

فأنهت معه حتى لا تزيد عصبيته أكثر من ذلك ودخلت تأخذ شاور ليجدها تصرخ

فدخل لها مسرعا، لتجذب المنشفة وتتدثر بها: إنت إيه دخلك؟.

بجاد: مش كنتي بتصوتي .

منال: بس ماتدخلش كده، أنا بفتح المايه الساقعه نزلت بتغلي عليا.

بجاد: آه الحمام ده الحنفيتين العكس.

منال: ياسلام وجاي تفتكر تقولي دلوقت بعد ماتسلخت.

فيقترب منها: هبقي أحطلك كريم مطرح السلخ.

فتبعده وتنهره: أخرج بره.

فيغمض عينيه ويبتعد: حاضر يامنال خارج إخلي عشان ناكل.
ودخل هو أيضا الحمام ليخرج متدثرا بمنشفته ويمشط شعره وهي تأتي
بجانبه: وسع شويه عاوزه أسرح شعري.
بجاد: الله بتزوقي ليه كده ماتصبري على ما خلص إيه الغلاسة دي.

أما دنيا إنطلقت للشركة وأخبرت أختها بالسفر
لتجد ياسر منتظرها وبوجه جامد: تأخرتي كده ليه مش قلت تيجي بدري
وإلا أجي أنا وأستني سيادتك
دنيا: دي الساعه سبعة، وإحنا هنوزع لبن.
ياسر: إنت كمان مش عاجبك الكلام يلا قدامي.
دنيا: هي أيام فحلقي باينها.
ياسر: بتبرطمي تقولي إيه؟
دنيا: مابقولش.

وركبت السيارة، لتنام في الطريق وتقع رأسها علي كتفها فتصدر بعض
الأصوات، ليوقف السيارة ويحاول عدل رأسها .
فتفزع من قربه وتستيقظ: إنت بتعمل إيه؟
ياسر: مابعملش حاجة بعدل دماغك مش عارف أركز من الأصوات إلي
بتطلعها وإنت نائمة.

دنيا: نعم أنا بطلع أصوات وأنا نائمة ياكداب.
ياسر: طب والله بتطلي وصدعت منك وهأخذ بنادول كمان.
دنيا وأصبحت كالطفلة تبكي: أنا مابطلعش أصوات.
ياسر ويريد إنهاء الموقف: خلاص ياستي، أنا إلي بطلع حقك علي وأدي
راسك أبوسها.

فتبعده عنها: وسع كده وماتكلمنيش تاني.
فإعتدل ليمسك المقود بضيق: شغلانة العيال دي جايب طفله معايا أداديها.
دنيا بطريقة طفولية: سمعتك وأنا مش طفلة نزلني يا ياسر.
فركن بطريقة مفزعة وصاح: أنزلك فين يامجنونه إنت وإحنا في الصحراوي،
أنا مش ناقص جنان.

وبصوت عال يفزعها لتضع يدها على أذنيها: خلاص أمشي.
فيستغفر ربه على ماهو فيه

فتستطرد : لما مش طايقني كده ماترفدني متمسك بيا ليه؟.
ياسر: كده، مزاج أهلي كده، عاجبك وإلا مش عاجبك.
كادت تقول مش عاجبني، ولكن نظراته ووجهه المتجهم ويكسوه الحمره
وبروز عروقه جعلتها
تقول: عاجبني خلاص أمشي بقى.
فينطلق للأوتيل ليحجز حجرتين متجاورتين وكل منهما يدخل حجرتة بعد
مشقه سفر طويل ليرتاح و حتى يستطيعان مواصلة الصفقه ليلا والحفل
لتجد الهاتف يرن برقم غريب
دنيا مستفسرة: مين معايا؟.
إياد مطمئنا إياها: أنا إياد يا دنيا، إنت إيه إلي خلاكي تشتغلي عند ياسر؟.
دنيا بخوف: إنت عرفت!، والله ماكنت أعرف، وبعد مامضيت عرفت إنها
شركته، حاولت أمشي رفض وقال هيبيلغ الشرطة عشان العقد لازم أجبله حد
بدالي ويوافق عليها وهو مش عاوز يوافق على حد أوعي تقول ل سما لحد
أما أزهبه ويرفدني.
إياد: أنا هشوف الموضوع ده ماتخافيش شرك في بير.
دنيا وقد إرتاحت: ميرسي يا أيوده يا أحلي خطيب أخت في الدنيا.
إياد: مش باين دا أنا شعري هيشيب قبل ما أخطب المحروسه أختك.
فتخفي دنيا ضحكتها.
إياد وقد أحس بها: أضحكي ياختي ماهو ده اللي باخده منكم.
دنيا تدعيه: ربنا يخليك لينا يا رب.
وتغلق الخط ليتصل ب ياسر
إياد بعصبية: إنت رابط البت جمبك ومهددها وراعبها إنها تمشي ليه؟.
ياسر: إياد لو سمحت دا شغلي وأنا مابتدخلش في شغلك يبقي ماتدخلش في
شغلي وأنا طمنتك عليها وأنا عند كلمتي وبحافظ عليها.
إياد: أنا عارف وإلا ماكانش زمانك عايش وبتكلمني دلوقت لو حسيت منك
بغير كده، بس إنت راعب البت.
ياسر: هي الي بتدلج وعاوزه تنشف شوية مالکش دعوة بينا وأنا هظبطها.
إياد: طب خف عليها شوية.
ياسر: حاضر ياعم عاوز حاجة تاني أنا عاوز أنام شوية واصحي فايق للصفقة
إلي هتتمضي.
فسلم وأغلق الخط

*** الفصل الرابع و العشرون ***

وفي المساء إرتدت دنيا فستان أسود قصير ميني جيب وبأكمام ولكن صدره مفتوح بطريقه ملفته،
ودق ياسر الباب ليصطحبها للحفل ففتح له وهي تقفز وترتدي الحذاء العال لتجد أمامها ياسر المصوب نظره على صدرها وتغيرت ملامحه وصاح بها: إيه إيلي إنت مهبياه ده؟.
دنيا تنظر لنفسها: فيه إيه؟!.
ياسر: إيه اللبس ده صدره مفتوح أوي وقصير.
فظرت لصدرها ورفعت الفستان بعض الشيء: هو الي نزل أنا لسه بلبس وماظبطش.
ياسر وبصوت هادر: لا والله ولما ينزل تحت زي دلوقت وإنت مش واخده بالك.
دنيا بضيق: في إيه يياسر مالك ومالي؟!، إنت مديري مش جوزي مالكش دعوه بلبسي.
فدلف ناحيه الخزانة وهو محتقن: أنا هعرفك دلوقت أنا مين، (وأخرج بادي)، خدي إلبسي ده تحته.
دنيا: إيه العبط!!، ده لايمكن ألبس ده تحته دا فلاحى خالص يتريقوا عليا.
ياسر بضيق: يتريقوا أحسن بدل ما أولع فيهم.
دنيا: لا مش لبساه.
وأخيرا أخرج ثوب محتشم بعض الشيء من تحت ميني جيب ولكن واسع وليس ضيق أما من أعلي مغلق وبأكمام ونهرها: يلا إلبسي ده بسرعة.
فنظرت إليه لياغتها: إنت هتبصيلي، إخلصي بقولك.
دنيا بفزع حاضر: إطلع بره.
ياسر ينظر إليها: نعم ياختي.
دنيا بضيق: عشان ألبس.
فتذكر ياسر: آه معلش أنا آسف ماخدتش بالي، أنا منتظرك في حجرتي أما تخلصي خبطي،
وإخلصي بسرعه الناس منتظرين.
وفعلا أنهت ارتداء ملابسها وخرجت تدق بابه ليفتح وينظر لها من أعلى لاسفل وهو ممتعض ويلوي شفاهه ويقول: يعني.

وهي تنظر له مشدوهه من فعلته: ياسلام.
لتسير وراءه ونزلا سويا للحفل المقام بالأوتيل لتوقيع الصفقة، ومن بروتوكول
هذه الصفقات أن كل عميل يرقص مع زوجة الآخر بعد التوقيع لإفتتاح
الرقص، وجاء العميل الآخر يطلب من دنيا الرقص ليجد ياسر يجذبها من
يدها: بس دي مش مراتي دي سكرتيري، فهنمشيها كل واحد يرقص مع إيلي
يخصه. فإندهبش العميل من رده فعله.

وأخذ ياسر دنيا بيده وهو قابض عليها ليرقص معها.
دنيا بعصبية: إنت ايه إيلي عملته ده؟
ياسر وقد أحتقن وجهه: ايه كنت عاوزة ترقصي معاه.
دنيا وتجحظ عينها: لا طبعاً، لا معاك ولا معاه، هو أنا جارية بتتعاظموا
عليها ماليش رأي.

فخف من نبرته: أنا آسف، بس هو بروتوكول بنعمله، وأنا مش متزوج
وماقدرتش أسيبك لغيري يرقص معاك.
وأحست بيديه تتحسس ظهرها، دنيا بضيق: لو سمحت نزل إيدك.
ياسر بخبث: هرقص وأنا سايب إيدي كده زي الأهل، (ثم يضمها إليه)
سامعة!!

دنيا بدهشة: سامعة ايه !!
ياسر: ايه انطرشتي!! مش سامعة دقات قلبي.
دنيا بإستغراب: إنطرشتي! ما أكيد سمعاها هو إنت ميت عشان ماسمعش
دقات قلبك.

ياسر: سمعاها بتقول دنيا بتنطق بإسمك.
دنيا: وهي هتنطق إسمي ليه يعني.
ياسر: يعني مش عارفة، دنيا أنا بحبك، المرة دي بجد والله ما بلعب بيكي،
وعاوز أطلبك من إياد وبجاد وإخواتك.

فأخفضت يديه وإنطلقت مسرعة لغرفتها ليجري وراءها وسط الظلام
والإضاءة الخافتة، لتدلف إلي غرفتها وتجده وراءها
يجذبها إليه: بقولك بحبك بجد، ليه مش عاوزة تديني فرصة تانية، أنا تغيرت
بجد يادنيا، أرجوكي ولو عاوزة ماتجيش الشغل وتفكري براحتك عشان
مايقاش في ضغوط أنا موافق، بس ماتسبنيش يادنيا

أنا حاسس إنك بتبادليني نفس الشعور بس بتعاندي مع نفسك.
دنيا بحيرة: بليز ياسر سبيني دلوقت أرجوك.

ياسر بإستسلام: أنا هنزل دلوقت، وياريت تنزلي تكلمي الحفل وتبقي جمبي ونكمل كلامنا بعدين.

وخرج لينزل للحفل المقام بالفندق قبل أن يشعر أحد بغيابه ليجدها بعد فتره تجلس بجواره لينظر لها نظره امتنان.

في الشاليه

بجاء يجلس على الأريكة يرتشف الشاي ويشاهد التلفاز.

لتأتي منال: أي أوامر تانيه ياباشمهندس مش أتعثيت، وحبست بالشاي، وإلا اغسلك رجلك بماية وملح.

فينظر لأعلي حيث تقف ويبتسم: عاوزك إنت

فبدأت تثور كعادتها لبيادرها: ماتفهمنيش غلط، ممكن نعتبر بعض أصحاب ونحكي لبعض مش معقول جوزك ومعرفش عنك حاجه، وإنت ماتعرفيش عني حاجه.

ليجذبها لتجلس بجانبه قبل أن ترفض بجاء متوسلا: والله ماهعملك حاجه مجرد دردشه وإحنا بنتفرج،

يعني مثلا أنا هكلم عن نفسي، أنا من أصل صعيدي.

منال: إنت صعيدي! ودي أخلاق صعايده.

بجاء يغمز لها: شقاوة شباب بقى، مش ناويه تنسي ثم أنا عايش في القاهرة من صغري، أنا والدي توفت وأنا صغير في إبتدائي، وأبويا كان بيحبها أوي، ماطاقش البلد بعدها، باع إلي حيلته وجه عمل الشركة دي ومارضيش يتجوز.

فقاطعته: وبابا كان بيحب ماما جدا، وماتت وهي بتولد دنيا، ومع ذلك ماتجوزش عشان مش يجيب لنا مرات أب، كان كل حاجه في حياتي.

لتدمع عينها فيمسح بيده دموعها ويحاول تغيير الموضوع المهم: أنا كملت دراستي ودخلت هندسه وماكانش ليا في الشغل، وعشان أبويا يسيبني بعد ماخذت مدني دخلت كهربا وحاليا مهندس مدني وكهربا.

فقاطعته: إيه ده وإيه الصله وليه تاخذ هندستين ماتكمل دراسات عليا.

بجاء: أهو غتاته واحد مش لاقى حاجه يعملها، المهم لما تعب والدي قبل مايتوفي كان لازم أمسك الشغل ومن ساعتها وأنا ماسكه.

منال: قصتي ماتختلفش كتير بس أنا بعد وفاه ماما كان في رقبتى بنتين

كنت ست سنين، وسما أربعة، ودينا لسه مولودة، بابا علمني أعمل رضعة لدينا إزاي، وبقيت أعملها وأرضعها على ما يحضر الفطار، وأقول لطنط جارتنا تبص عليها هي وسما، وعرفت سما لما دنيا تعيط تنادي طنط على ما أرجع من المدرسة كنت في أولي إبتدائي، وكان المدير بتاع المدرسة جارنا وصاحب بابا وجوز طنط جارتنا، ساعات كان يطلعني بدري عشان عارف الظروف، وأروح جري أغير لها وأرضعها.

وظلت تحكي عن حياتها إلى وفاة والدها، وإنهيارها ونامت على صدره وهي تحكي له ليمسد على شعرها ويقبل جبهتها، فقد عانت الكثير في حياتها، ولا بد أن هذا ماسبب لها مرضها لينام هو الآخر دون أن يشعر وهي لا تزال على صدره.

لتستيقظ في الصباح على هاتف بجاد وهي على هذا الوضع فتتأسف: معلى راحت عليا نومه.

فينظر لها: بتتأسفي على إيه يا عبيطة.

ويتناول هاتفه ويرد على إياد: فيه إيه على الصبح كده، هتوزع لبن!! إياد: لا ياخفيف في مشكلة في الجمارك، وبتوع الصفقه هناك ومستنين، قلت إنت أقرب ولك معارف هناك هتخلص عني بدل ما أطلعهم على ما أسافر. بجاد: خلاص هلبس وأروح.

وأغلق، ليجد منال تنظر له: إنت هتمشي وتسبني.

بجاد: إيه بتخافي دا مافيش خنفسه حتى بتعدي هنا.

وإلا ويقترّب منها: هتشتاقيلي.

فتبتعد: لا ماتفهمش غلط بس إفرض حرامي جه هنا.

بجاد: والله شكلي فاهم صح، يعني الحرامي ضاقت بيه الكرة الأرضيه وجاي يسرق هنا، ماتخافيش أنا مأمّن المكان.

منال: طب مش هتفطر؟.

بجاد: مافيش وقت، الناس منتظرة، إلا إذا... (ويقترّب منها ويجذبها إليه) ساعتها يولعوا بجاز.

فتبتعد: وسع يابجاد خلاص روح، ما هو إنت تروح شغلك، وأنا أفضل محبوسه.

وجرت لحجرتها ليصعد يأخذ شاور ويخرج يصعق من المنظر فكل بدله وقمصانه وبناطيله قصتها ووضعها على الفراش، وتجلس عليه ويكأنها لم تفعل شيئاً.

بجاء بعصبية: يانهارك إسود إيه إيلي عملتيه ده يامجنونة.
منال بكل برود: كده خالصين إنت مش جايبلي هدوم عشان ماهر بش وإنت
كمان مافيش هدوم عشان ماتروحش الشغل زي ما حرمني من شغلي، وإلا
شغلك أهم من شغلي.
بجاء: ياغبية أنا ممكن أخسر ملايين، لكن إنت في مليون دكتور غيرك، ماشي
حسابنا بعدين عشان مش فاضيلك.
ودخل حجرة أخرى، إرتدي بدله ودخل يمشط شعره أمامها لاغاطتها
منال بغيط: إيه ده بقى جبتها مين؟
فيقترب منها: إيلي ربي خير من إيلي إشتري ياقطه دا أنا حافظ جنانك وعامل
حسابي و عندي خزانه سرية
باي ياقطه ماتتهوريش عاوز آجي ألاقكي سليمة.
فتحيد ببصرها عنه وهي مغتاظة وهو يكتم ضحكته من شكلها ويقترب
منها: فين حضن جوزة؟ ويحتضنها ويهمس بأذنها هتوحشيني ثم يبتعد
ويشير لها وهو يوليها ظهره منصرفا
وبعد أن ذهب، ذهبت لتفتح باب الشاليه لتقذف من الصدمه وتقع على
الأرض مغشيا عليها.

الفصل الخامس و العشرون

رجع بجاد من عمله ليفتح الرقم السري أو رمز الأمان للباب فيجد منال مغشيا عليها ليلقي بالحقيب وال نظارة الشمسية في الأرض.
ويجري عليها يحركها: منال، منال، فوق.
ويحملها للفراش ويأتي بزجاجة العطر ويحاول إفاقتها لتستفيق أخيرا وتحاول تذكر ما حدث:
أنا فين؟ إيه حصل؟ (ثم تتذكر لتضربه في صدره) بتكهربني يا بجاد!، مكهرب الباب عاوز تخلص مني.
فيضحك: مش قتللك ماتحاوليش تعملي حاجة وعاوز أرجع ألاقيني سليمة، كنت عاوزة تهربي،
ثم دول كام فولت إنت إللي مابتستحمليش.
منال: وإنت تكهربه ليه؟ قال يعني حد هييجي يسرق هنا.
بجاد: وأنا إيش ضمني وساييك لوحديك.
منال بغضب: طب وسع أما أقوم، أنا ماعملتش أكل.
بجاد: إستريحي كفايه الكهرا إلي خديتها دا إنت هتنوري في الضلمة.
ويقهقه
فلا تستطيع إخفاء إبتسامتها: والله إنت رخم.
فيميل عليها: فرج جاب حتتين الريش.
فتزيد من ضحكاتها: لا والله.
بجاد: آه والله جايبلك كيباب يا جميل.
فتضحك: إسمه كيباب.
بجاد: هبر بقي عاوزك تهيصي.
فتضربه في صدره: ليه شايفني محرومة.
فيتألم بجاد إثر ضربتها.
منال بخضه: إيه وجعتك.
فينظر بخبث: إتحضيتي عليا.
منال بعصية: وسع يا بجاد، والله أنا إلي غلطانة.
وتقوم ليجذبها إليه: هتفضلي معاندة ومش عاوزة تعترفي بحبك لإمتي.
منال: إنت بتحلم أنا مابحبكش، يلا ناكل الكهرا بتجوع.
وذهبت وتركته

ليقول بصوت عالي: خلاص فكريني كل يوم أشحنك بفولتين قبل الأكل عشان أفتح نفسك.

وهي تضحك من كلماته وهي ذاهبه، لترد عليه: يلا غير هدومك وحصلني عشان تأكل وإلا مش هسييلك حاجة .

فخلع الجاكت والكرافات وجري وراءها ليهمس بأذنها: أنا قلت ألحق الأول الأكل أنا ميت من الجوع.

وأكلا سويا ،لتنمطع بعدها: عاوزة أنام.

بجاد بدهشة: تنامي إيه دا إنت مشحونه ليومين كمان، دا أنا جاي لاقيني مغمى عليكي أصلا تكون أثرت الكهربا عليكي.

منال: مش عارفة بس حاسه إني بنام على نفسي.

وقامت لتقف دون إتران ليسندها على ذراعه: طب تعالي أطلعك.

وحملها وضعها علي الفراش وغطاها، وقبل جبهتها ومسح على رأسها: عاوزة حاجة.

منال: ميرسي .

وقد أحست بحنان لم تعتاده.

بجاد: أنا هاأخذ شاور وأجي أنام جمبك.

منال دون إعتراض: أوك.

وفعلا أخذ شاور وجاء يحتضنها وينام بجوارها وهي مستغرقة بالنوم

وظلا هكذا ليستيقظ يجدها مرتدية الميني جيب والتوب و شعرها تطلق له العنان وتضع ماكياج خفيف كما إعتاد أن يراها في الديسكو، فيفرك عينيه: راحة فين يا حاجة على المسا.

فتلتفت له: بجاد إيه جابك هنا؟ (وتنظر للمكان بتعجب) أنا فين؟.

بجاد: دا الشاليه بتاعي يا هانم.

ناني: وإيه جابنا هنا؟.

بجاد: أبدا عقبال عندك إجوزنا يا حبيبتي.

وبفرحة عارمة: بجدا يا بيجو.

وتأتي بجواره على الفراش: يعني نسيت منال خالص واتجوزنا، بس أنا مش فاكدة إننا إتجوزنا.

بجاد: إنت هتفتكري إيه ولا إيه، الله يعينك معلش انتي دايمًا تنسي كده

إنك إجوزتيني، إقلعي حبيبتى وتعالى نامى.
فإرتدت قميص جذاب وجاءت بجواره تتودد إليه: بجاد وبعدين بقى
معاكى، على فكرة أنا إجوزت منال.
فبتتعد عنه: أمال جايبنى هنا ليه؟، وهى فىن الهانم وسيباك، شوفت عشان
تعرف هى مابتحبكش أنا إلبى بحبك.
بجاد: لا، إنت وهى بتحبونى، وأنا متأكد إن منال بتحبنى زيك بالضبط.
نانى: أمال سابتك ليه لو بتحبك.
بجاد: سابتنى عشان تجيلى إنت، عشان عوزانى ومش قادرة تقولها وهى
منال فبتبعتلنى نانى.
نانى بغضب: وأنا مابحبكش وسع بقى.
بجاد: وأنا مقدرش على زعلك ولا زعلها.
ويقبلها قبلاته التى لا تستطيع مقاومتها وهو أيضا لا يستطيع منع نفسه
عنها ولكنه دائما يتراجع فى الوقت المناسب حتى لا يخسر منال، وهى
الأهم بالنسبة إليه ولكنه صور هذا الفيديو ليحتفظ به حتى يكون دليل
دامغ أمام منال عند تكذيبه حينما يواجهها بمرضها أو يحتاجه الطبيب
لمواجهتها، ثم نام محتضنها.

عاد ياسر ودينيا وكانت تطير فرحا لأنها شعرت بحب ياسر وغيرته
ولكن وجدت إتصالا من سارة: باركيلى يا دنيا أنا هتخطب.
دينيا: ألف مبروك حبيبتى، مين سعيد الحظ؟.
سارة: ياسر يا دنيا، أنا عارفة إنك بتكرهيه، بس هو إتغير انتى عارفه إن
والدى ووالده شغالين سوا
ووالده طلبنى من والدى أنا فرحانة أوى وبجبه أوى، أخيرا هتجوزه.
دينيا بصدمة: مبروووك حبيبتى.
وأغلقت الخط وجلست تبكى، ولم تذهب الشركة.
لتجد من يدق الباب وعندما فتحت تجد ياسر وبعبصية: ماجتيش ليه
للسغل؟.
دينيا تبكى: لو سمحت يا ياسر ماينفعلش تيجى هنا وإنسى أى حاجة قلتها لى،
أنا مش موافقة عليك وعمري ماهنسى اللى عملته .
وكانت سارة قادمة وتقف على الباب تستمع

ياسر يجذبها إليه: إنت بتستهيلي وإلا بتلعبى بيا، دا ماكانش كلامك معايا ولا أفعالك ولا مشاعرك إلی حسيتها.

دنيا: غلط كل حاجة فهمتها كانت غلط، وألف مبروك خطوبتك إنت وسارة. ياسر: سارة مين؟، وزفت مين؟، سارة دي أختي عمري محسيت ناحيتها أكثر من كده ومتربين سوا.

دنيا: بس والدك خطبها لك وهي بتحبك وعمري بعد اللي عملته معايا إني أبقي ندله وأعمل معاها كده وأسرق حب عمرها.

ياسر بغضب: بس أنا عمري ماحببتها، أنا بحبك إنت ويحتضنها إنت بتاعتي أنا بس، ودي حياتنا إحنا مش حياة حد تاني وإحنا إلی نختر إزاي نعيشها إنت فاهمة.

دنيا بإنهيار: ماينفعش.

فتركها ياسر لتجري سارة على الدرج لأعلى وياسر يلتفت لدنيا: أعملي حسابك هاجي أخطبك من إخوانك.

ويمشي لتدخل سارة: ماكنتش أتخيل إن صديقه عمري تطعني في قلبي بسكينة تلمه بالشكل ده.

دنيا: سارة إنت فاهمة غلط.

سارة: مع الأسف فهمت الصح متأخر أوي أنا أسفه على صديقة عمري.

تستيقظ منال بصوت عال: قوم فز إنت عملت إيه؟ ومين لبسني كده؟. بجاد: يافتاح يا عليم يارزاق يا كريم، أنا تعبت وإتخنقت خلاص، إنت خلاص نويتى على جناني.

ثم يمسك قلبه ويتألم.

منال بفرع وبكاء: مالك بجاد، بجاد فوق معايا، مالك أنا أسفه بس فوق وماتعملش فيا كده.

بجاد بصوت واهن: خدي الموبيل وإتصلي بإياد فورا، هو هيتصرف وخدي مفاتيح الأوضة الثانية أفتحها وهتلاقي هدوم فيها إلسي قبل ما حد يجي. منال: ورمز الأمان.

بجاد: أنا ماعملتوش إنت إلی بقيتي خايفه تقربي من الباب.

وإتصلت بإياد: إلحقني يا إياد بجاد تعبان أوي ولازم يتنقل مستشفى فورا، عاوزه سياره مجهزه بس مش عارفة العنوان ده عشان أتصل بالإسعاف، وهو

بيغمي عليه ويفوق كل شويه.
إياد: أنا هتصرف وأبعثلك سيارة إسعاف وأحصلكوا على المستشفى.

*** الفصل السادس و العشرون ***

وكما إتفق معها جاءت السيارة المجهزة وأخذت بجاد ومنال، وسبقهم إياد وأخبر سما لتأتي هي الأخرى علي الفور ومعها دنيا.
سما: إيه اللي حصل يا إياد.

إياد بإنهيار: معرفش أختك إتصلت وقالت بجاد تعبان أوي وبيغمي عليه ويفوق وكانت منهاره ومش فاهم منها حاجة بعت السيارة لعنوانهم وزمانهم جاينين في الطريق وبلغتكَ عشان تبقي مع أختك لإنها منهاره جدا. وحضرت منال تجري وراء التزولي الذي يحمل بجاد، ليتلقفهم د.أحمد.
منال بإنهيار: أنا عارفة إني غلطت في حقك وسببتك إحراج بس ماتعاقبينش في زوجي.

أحمد: زوجك إنت إجوزتي!!

منال: أيوه بس مافيش دكتور كويس زيكَ أرجوك ماتنتقمش منه أنا هسلمهولك أمانة.

أحمد: عيب يامنال أنا أقسمت القسم أول التخرج وأنا في الأول والآخر دكتور مقدرش أنتقم من مريض لما يخف ساعتها يبقي في مواجهه إنما وهو تحت إيدي أمانة عندي.

منال: أنا متأكدة من أخلاقك ومهنتك بس أعذرني دا زوجي.

أحمد: بتحببه للدرجة دي؟

منال بتأكيد: جدا ربنا ينجيه ويخلهولي.

أحمد: مش هتدخلي العمليات معايا، إجهزي على مانشوف الأشعات والتحاليل.

منال: مش هقدر أشوفه كده هنهار وأبقي حمل عليك أنا واثقه فيك.

أحمد: وأنا أد ثقتك فيا.

ودخل بجاد العمليات، وركب له د.أحمد الدعامة في القلب، ويجب أن يأخذ مشبطات حتى تتأقلم الدعامة مع الجسد ولا يطردها وفي هذا خطورة عليه من أي فيروس، حتى لو أنفلوانزا عادية ممكن أن تتسبب بقتله وهذا ماقاله أحمد للجميع عند خروجه، لذلك يجب مكوثه في العناية وممنوع الزيارة وتوخي الحذر لمن يدخل عنده، ومنال تعلم ذلك جيدا وطمأنتهم أنها معه ويجب أن يذهبوا فهم طوال اليوم بالمشفى، ولكن أصروا على البقاء بعض الوقت، لأنها منهاره من البكاء وسما تحتضنها ودنيا تبكي ويسر يتصل

وتغلق الخط، ليتصل بإياد فيعلمه الوضع فيأتي فوراً. وعندما تراه دنيا تذهب مسرعة له وكأنها وجدت الحزن الذي يؤيها ، ليقيم وجهها من صدره فقد أخرج أمام الجميع فلا أحد يعلم عنهما شيئاً. ويمسح دموعها: خلاص يادنيا بقي إجمدي إن شاء الله هيقوم بالسلامه. وأخذها لإياد والباقيين.

ياسر: أظن إنتم ما أكلتوش من الصبح، أنا جبت أكل معايا. الجميع: ماحدش له نفس لحاجة.

فتعصب عليهم: وبعدين بقي، ولما تقعوا كلكم مين هيشيلكوا، ماتتكلم يا إياد، إنت الحمل عليك لو وقعت من طولك مين هيقف معاهم؟، يلا معايا في الكافيتريا بتاعه المستشفى وتاكلوا كويس قدامكوا أيام شاقه لازم تبقوا أقوى من كده.

إياد: ياسر عنده حق يا بنات، يلا بينا.

منال: لا أنا هدخل أطمئن عليه الأول.

سما: هو مش حاسس بحاجة دلوقت.

منال بإنهيار: عارفة بس عاوزة أشوفه.

إياد: خلاص ياسما سيببها براحتها خمس دقائق بس تشوفيه وتحصلينا مش هسمحلك بأكثر من كده وإلا هطلع أجيبك.

منال تمسح دموعها: حاضر إسبقوا وهصلكوا.

ودخلت منال لبجاد و هو معزول حتى لا يلتقط فيروس، وتعاتبه: ليه يابجاد تعمل فيا كده بعد ماحبيتك؟، أنا كنت غبية لما رفضت حبك، بس ساعة

ماحسيت إنك بتروح مني كنت هموت من خوفاً وقلقي عليك.

ووجدت إياد يتصل علي فون بجاد الذي معها فطمأنته عليها وأنها قادمة، وأثناء نزولها للكافيتريا تقلب في الفيديوهات لتجد الفيديو الذي صوره قبل

مرضه، فتصدم من شكلها وماتفعله وهو من لا يريد التماذي معها وهي التي تريده .

(مش ممكن أنا ده، يعني بجاد ماكانش بيضحك عليا أنا عندي شيزوفرينيا، وإلا دي حبوب هلوسه حطهالي وصورني أنا مخي هينفجر)

ووصلت لهم في حاله ذهول، ليتنفض الجميع من شكلها: في حاجه حصلت لبجاد!.

فتنظر إليهم: لا إطمنوا هو بخير.

سما: مالك يا منال؟.

منال بتلعثم: أنا أبدا مالي مافيش حاجة.
وحاولت الضغط على نفسها لتأكل بعض الشيء وتركت الباقي.
سما: ماينفعش كده منال!!

منال: مش قادرة يا سما حقيقي، معلش سيبيني براحتي.
وذهبت وتركتهم.

إياد: يلا عشان أوصلكوا يا بنات.

سما: مش قادره أسببها لوحدها.

دنيا: ولا أنا، أنا خايقة عليها مش شايفين شكلها أنا معرفش إنها بتحبه أوي
كده.

إياد: ولا هي كانت تعرف، مافيش غير بجاد إالي كان واثق إنها بتحبه زي
مابيحبها، مع الأسف ندرك أشياء كتير جدا بعد فوات الأوان.
وينظر لسما.

وياسر ينظر لدنيا: معاك حق.

لتخجل من نظراته.

إياد: يلا ياسما هتقعدي فين هنا دي مستشفى ودكاترة ومرضي رايعين
جاين هيتفرجوا عليكي.

وأخذ سما، ولكن ياسر أصر أن يوصل دنيا لأنه يريد التحدث معها في
موضوع، ووصل إياد سما وانتظروا بالسيارة حتى يأتي ياسر ودنيا.

إياد: إنت هتفضلي لطعاني لحد أما أحصل بجاد ولا إيه نظامك معايا، أنا
صبري عليكي بدأ ينفد.

سما: بعد الشر عليك ماتقولش كده، يعني إنت شايف الظروف المكعبلة
إلي إحنا فيها.

إياد: أنا مال أمي أنا عاوزك إنت منال مع جوزها خلاص ودنيا شكلها هي
وياسر قربوا وإحنا إالي واقعين من قعر الأوفه.

ويأتي إتصال لإياد من والدته.

والدته: أيوه حبيبي، أنا مسكت الحرامي اللي بيسرق اللحمه من الحله.
إياد ينتفض: لحمه إيه؟، وحله إيه يا ماما؟.

ويسمع صرخات البواب تحت يدها وهي تضربه: إلحقني يا إياد بيه الست
هانم هتموتني.

إياد ينظر لسما: دا البواب ياماما دا عبده البواب سبيه.

جلنار: أنا مش هسيبه حرامي اللحمه ده إلا في القسم تعالى عشان توديه

القسم.

إياد بترجي: أبوس إيدك سيبه، وأنا أما أجي هتصرف، قليله يستناني تحت وأنا هوديه القسم وأقفلني علي نفسك.

والدته: حاضر حبيب مامي ماتنساش البيض معاك واللبن.
إياد: يادي أم العجه.
أمه: لا هعملك كيكه.

إياد: بلاش أبوس إيدك، آخر مرة نستيهها وكنا هنولع، والناس إتصلت بالمطافي وكنا هنتخنق وإحنا نايمين.
والدته: ماتخافش.

إياد: والله ما هتجيبها لبر.
وأغلق ونظر لسما مستشيط غضبا: عاجبك إللي أنا فيه ده.
سما: وأنا ذنبي إيه؟

إياد: ما إنت لو هناك هتاخدي بالك من أمي والبيت، يلا قومي إطلعي أبو العيشة على إللي عايشينها.
سما: طب ماتزوقش كده.
إياد ينظر لها بغیظ: يلا أبت.

سما: مش ماشية وإنت زعلان كده وماتسوقش وإنت متعصب.
ينظر لها: والله يهملك أوي ألبس في عمود ولا شجرة.

سما بفرع: إخس عليك إزاي تقول كده دا لو جراك حاجة أموت وراك.
إياد: لا ماهو باين طب ماتيلا بقي تعبتي قلبي.

سما: اصبر شويه يا إياد على ما الظروف دي تعدي.
إياد بغضب: يوه، طب يلا إنزلي.

سما بغضب: يوه هو يا نفذ كلامك ياتزعق حاجة تإرف.
فجذبها من ذراعها: إنت بتقولي ملين كده يا بت.

سما حاولت التراجع قبل أن يشعل بها النيران مابقولش: سلام.
إياد: أيوه كده إتعدلي وماتكحيش معايا.

سما: حاضر.

إياد يبتسم: أحبك وانت مطيع كده.

فتخفي إبتسامتها وتشعره أنها متضايقة.

إياد: سيبهها تفك عنك.

سما: هي إيه دي؟

إياد: الضحكه اللي كتماها.
سما: مش بضحك على فكرة.
إياد: طب عيني في عينك كده.
فتخجل من نظراته وتضع بعض الخصلات القصيرة خلف أذنها كحركاتها
المعهودة التي تثير جنونه
فيغمض عينيه: طب يلا بدل ماتهور عليكي في ليلتك إالي مش فايته دي
شكل عم ياسر ودينا ناموا خلاص.
سما تضربه في ذراعه: إيه إالي بتقوله ده بلاش قلة أدب.
وصعدت مسرعة وهو يتبعها بنظراته حتى توارت عنه ليغمض عينيه ويخلل
أصابعه في خصلات شعره الأسود الكثيف فترتد منها بعض الخصلات المتمرده
ليتأفف عند تذكر ماينتظره في البيت ويذهب مسرعا لتذكر والدته والبواب.

*** الفصل السابع و العشرون ***

إنطلق ياسر بسيارته ومعه دنيا ثم إتجه إلى طريق جانبي وأحدث فرملة عنيفه فزعت منها دنيا وإنتنفضت لتنظر له: في إيه يياسر كسرت في الشارع ده ليه؟.

فوضع وجهه بين راحة كفيه ومسح وجهه لينظر لها ويكمل: أخره إيلي إحنا فيه ده إيه مش ناوية تعقلي وتبطلني عند.

دنيا: ليه شايفني مجنونة ثم أنا عملت فيك إيه يعني؟.

فإستشاط غضبا: إنت بتستهبلي وإلا إيه ؟، رابطه جوازنا بسارة وأنا مابحبهاش ومش عاوزها سارة زي أختي مافيش مشاعر بينا أجوزها شفقه مثلا، (وينظر لها)، لكن معاكي إنت حسيت بمشاعر مختلفة.

دنيا: بلاش الكلام ده يا ياسر لأنه مش هياثر على قراري، مش ممكن أخسر صديقتي، ومش ممكن أتجوز واحد صحبتي بتعبه.

يجذبها من ذراعها: فوقي ياغبية المهم إحنا مشاعرنا إيه، ماتضيعناش بغبائك.

ويجز على أسنانه حتى شعرت أن أسنانه ستطير في وجهها من كثره جزه عليها

دنيا باستفزاز: أولا أنا مش غبية وماتقوليش غبية،ثانيا أنا ما بحبكش.

ياسر بإبتسامة خبيثة: لا ياشيخة والحضن بتاع المستشفي ده كان إيه، دا إنت ماهمكيش حد وجريتي في حضني تبكي.

دنيا بتلعثم: مجرد إنفعال.

ياسر بخبث: وماجاش إنفعالك ده إلا معايا أنا.

دنيا بضيق من ملاحظته: يوووه إنت عاوز إيه يا ياسر.

ياسر يمسكها من ذراعيها أمامه لتنظر له: عاوزك تعترفي بحبي ونتجوز.

فتملصت منه: مش وقته الكلام ده الظروف إنت شايف عاملة إزاي.

ياسر: مش بقولك غبية.

فتنظر له بغضب،

فيستطرد هو: أنا قلتلك قومي بينا نتجوز ماطبيعي بعد ماتنتهي الظروف

هتقدم للي راقد في المستشفي ده،لكن أنا عاوز أرسني معاكي على بر، موافقة

وإلا لا ، ومش هسمحك تقولي لا، هي إجابته واحده بس إيلي مسمحك

بيها وهي نعم فقط.

لتخجل وتخفض رأسها :إيه ده بقي الديكتاتورية دي.
ياسر: أنا كده ديكتاتور في حبي، وكفايه إني سايبك مابتجيش الشغل وساكت،
والله لو ماجيتي لأجيبك بالبوليس.

دنيا تضحك: يالهوري هتجيب المودام بالبوليس.
فنظر لها: إنت قلتي إيه؟
دنيا: ماقولتش.

ياسر: لا قولتي وسامعك بوداني الإتين.

دنيا: مش المودام، لا ماقولتش.

فنظر لها وضحك،واستكمل قيادة سيارته وهو يضرب كف على كف: والله
مجنونة بس أعمل إيه قدري أحب مجنونه هتهبلني معاها.

دنيا: يا سلام لما أنا مجنونة وهبلاك كده طلقني.

ووضعت يدها على فمها و في نفسها (إيه الهبل إالي بقوله ده هو إحنا
إتجوزنا أصلا).

ياسر وقد شعر بما يجول بخاطرها: مش بقولك مجنونة، هو إحنا إتجوزنا
ياهيلة عشان أطلقك.

فصمت ولم تعقب وأوصلها لشقتهم،وترجلت من السيارة

ليقول:هستناكي تيجي الشغل،الشركة وحشة من غيرك ومش طابق أدخلها.

دنيا: بلاش ياسر بليبيز.

ياسر: هااااا هااااا، قلنا الزوجه المطيعه نعم وحاضر وبس.

فجحظت عيناها وأغلقت السيارة وإختفت بسرعة من أمامه،لتذهب لأختها
تحتضنها.

سما بإستفسار: إيه الموضوع يا دنيا؟، إنت بتخبي عليا تاني، ومش إنتهينا
من ياسر خلاص إيه إالي رجعه تاني؟، وإيه اللي حصل في المستشفى ده
قدامنا؟، أنا مارضيتش أكلمك هناك عشان الظروف بس حتى إياد بقي
يكلم هو كمان.

دنيا بفرع: قالك حاجة؟.

سما: هو عارف حاجة؟.

دنيا: أنا هحكيلك لإني تعبت ومحتارة ومش عارفة أعمل إيه.

و قصت لها ماحدث من أول ذهابها للعمل وإستلامها له دون علمها بأن

ياسر صاحب الشركة وجميع التطورات

: ياسر إتغير وبقي راجل بجد ومسؤول وبيحبني.

سما: وإنت!! بتحبيه.

فصمتت .

سما: إيه هقعد مستنيه للصبح عاوزه أنام.

دنيا: أيوه بحبه.

سما: خلاص إيه المشكله.

دنيا: سارة طبعا معتبراني خاينة.

سما: حبيبتي لو رفضتي يبقي بتكسري ثلاث قلوب، إنت وياسر وساره نفسها هو لو اتجوزها وهو مش حاسس بيها دا أكبر ألم من إنه يسبها هتزعل شويه وربنا يرزقها بغيره، لكن لو اجوزها هيحطم قلبها بجد.

دنيا وقد وجدت ضالتها: رأيك كده يعني أبلغه إني موافقه دا هيتجنن ومستني موافقتي وشكله هيقتلني خلاص.

سما: طمنيه وبلغيه ينتظر لما الظروف تتحسن ويجي يتقدم عشان أختك منال وجوزها.

فتحتضنها: حاضر يا أحلى أخت في الدنيا.

أما إياد ذهب للعماره فتلقاه البواب الغاضب

البواب: دي أخرتها إني حرامي الحله بعد عشرة العمر ده كله!!

إياد: ياسلام ثم هي قالت حرامي اللحمة مش الحلة بتجود من عندك.

البواب: يعني هتفرق .

إياد: الصراحه لا.

وجلس بجانبه على المقعد فهمني إليي حصل بالظبط

البواب: بعنتني أجيب لحمه جبتها وطلعت قالت هتخش تجيب الفلوس، وإستيت غابت قلت أعمل أي دوشه، لتكون نامت وإلا جرالها حاجة، طلعت لقتني ماسك اللحمة في الصالة ومسكت فيا وفين يوجعك يا حرامي اللحمة.

إياد: كنت إدهتها اللحمة وأنا هحاسبك، إنت ما بتحرمش.

البواب: آني كبرت على المسخرة دي وكل شوية تهزيق.

إياد: يا سلام، ما أنت واخذ على كده، وأهي رقتك، مش كنت حرامي غسل أما طلعتها بالهدوم إليي وقعت، وقفشتك بردو يعني مش جديده عليك، أهو ربنا نفخ في صورتك وبقيت حرامي لحمه حد يطول ياراجل.

البواب: إنت بتتمجلت عليا يا إياد بيه، أمك بقت ست كبيره وخرفت.
إياد بغضب: إنت هتخيب وإلا إيه، هتكلم في أمي كمان، هو عشان ساكتلك والله أكرشك من هنا وأجيب أي حد، ألف يتمني شغلنتك دي وإلا عشان بتكلم معاك هتستهبل مش عاوز الباب يفوت جمل.
البواب: مش القصد يا بيه؟
إياد: والله إنت تفور الدم ماقولتلك هات إلي عوزاه وانا أحاسبك وقلها خدي وإياد بيه هيحاسبني إنت اللي مستعجل أوي اشرب بقى.
البواب: خلاص حرمت.
إياد أخرج مبلغ: خد ده حساب اللحمه وده بدل تهزيء، وإلي تطلبه تنفذه وطلباتها أوامر وأنا هحاسبك.
البواب بفرح بعدما رأى المبلغ: ربنا يعمر بيتك يا إياد بيه ويخليك الست الكبيره يا رب.
وصعد إياد لوالدته.
والدته: إنت إتاخرت ليه كده في الدرس أنا بطلب المدرس ما بيردش.
إياد: أصله مات إنت لسه مسجلاه في الموبيل؟
والدته: مات لاحول ولا قوه إلا بالله، طب الدفنه إمتى؟
إياد: من عشر سنين فانت، ريحي نفسك يا أمي.
أمه: طب غير، العجه بردت .
إياد: عجة تاني أمال اللحمه راحت فين؟
أمه: لحمه إيه أنا ماجبتش لحمه.
إياد: ماشي يا ماما هغير وناكل أم العجه سوا.
أمه: لا مش عاوزة ماليش نفس كل أنت.
إياد في نفسه (ياغلب أمي): حاضر ياماما، هاكل صنية العجة، أنا مششت خلاص كمان كام يوم هفقس وأجبلك كتاكيث صغونه تخنقيهم.

*** الفصل الثامن و العشرون ***

أما عند منال الوضع مختلف فقد ذهبت للعنايه وإرتدت الزي الخاص بها فهي دكتورة قبل أن تكون زوجته وظلت قابضة بجواره، تتأمله فقط وهو في الصوبه البلاستيكيه وكأنه مغلف، حتى لا يلتقط أي مرض أو عدوي ويكون سبب هلاكه، وهي تنظر إليه بعين دامعه وهي تشاهد بعض شعيراته المتمرده التي تقع على عينيه ولا تستطيع لمسها ورفعها عنه وهي تشعر أنها تضايقه، ولكنه فاقد الوعي ولا يشعر بمن حوله إلا بعض التأوهات من أن لآخر، عيناها مازالت معلقه به وتأيي أن تمتثل للنوم أو أن تخضع عيناها للنوم وتغمضها، أيقظها من تأملاتها دخول د.أحمد فرأها: إنت بتعملي إيه هنا؟.

منال:قاعدة جمب جوزي.

أحمد بتأفف: منال إنت عارفة إن قاعدتك جمبه كده لا هتقدم ولا هتأخر هو أصلا مش هيخرج من هنا قبل شهر أو اتنين حسب تطور الحاله.

منال: عارفة كويس الكلام ده ومش هسييه، هفضل جمبه لو سنة حتى.

أحمد وقد أشفق عليها: يابنتي ماينفعش إلي بتعمليه ده طب روجي نامي على الكنبه إلي في مكتبك وتابعي كل شويه لكن هنا هتفضلي الشهر قاعده على الكرسي كده.

منال ببياء: مش هقدر أسيبه أنا السبب، أنا إلي كنت بنزفه وأوتره وهو قلبه مش مستحمل كده.

أحمد: دي أقدار يامنال وإنت مؤمنه، ودا قدره، وأنا قايله كده من الأول وهو إلي كبر دماغه.

منال: ماهو بسببي بردو، ماتحاولش معايا هفضل جمبه لحد أما أخده من هنا.

فنظرلها: بتحببيه للدرجة دي؟.

فنظرت لبجاد القابع يتأوه: بحبه! كلمه قليله جدا، بس كنت عبيطه ونفسي يفوق عشان أعرفه إني بحبه.

فأستيقظ بجاد في الكلمه الأخيرة وبصوت لا يكاد يسمع: هو مين ده يا بت؟. فإلتفتت له وهي تضحك وتمسح دموعها: إنت بتقول إيه؟.

وتحاول تقريب أذنها من الصوبه البلاستيكيه

بجاد بوهن وضعف شديد: هو مين ده يا بت إلي بتحببيه؟.

منال بابتسامة: إنت يا حبيبي.

بجاء: وإيه اللي جاب الراجل ده؟.

منال: دا د. أحمد هو إلي عملك العملية.

بجاء بصوت متقطع: بتسلميني له تسليم أهالي، دا ماهيصدق يخلص تاره مني.

أحمد: إنت هتستهبل هتشكك في نزاهتي أنا عاملت ربنا وضميري فيك، وعملتك عمليه زي الفل مايعملهاش حد، ولولا خاطر منال أنا ماكنتش عملتهاك أصلا بقله أدبك دي.

منال: معلش يادكتور أنا آسفة، إستحمله هو خارج من بنج مش مركز.

بجاء: شيفاني مجنون ولا بخرف لا مركز، مش ده اللي كان عاوز يجوزك.

أحمد: يوه أنا خارج كنت جاي أطمئن عليه، هخلي أي حد يتابعه أهو زي القرد أهو.

بجاء: جيبالي دكتور يار عليا.

فخرج أحمد بنرفزه.

منال: خلاص بقي يابجاء كتر خيره إنه عمل العملية.

بجاء: إنت تخرسي خالص أنا عاوز أمشي من هنا.

منال: تمشي فين؟، انت بتاخذ مشبطات، وممكن تلقط أي مرض مش أقل من شهر وإلا إثنين هنا.

بجاء: لا مش هستحمل كده كثير، وشغلي.

منال: أهو اياد شايف الشغل ولو في حاجة يجي هنا يمضيها.

بجاء: إيه الصوبه دي إنتم بتزرعوني وإلا قابضين عليا، وكمان جيباني هنا لغريمي يعمل العمليه أه.

منال: بطل كلام بقي هتتعب، إنت مش قادر تطلع صوتك وبفهمك بالعافية.

بجاء: عاوزه تخرسيني كمان .

ثم نام.

منال تنفست الصعداء: ياه إيه ده؟، نوم الظالم عبادة.

فاستيقظ: إنت بتقولي إيه يا بت.

منال: مابقولش نام وإرتاح بقي. (بضيق)

بجاء: ماتجيبني مخده وتكتمي نفسي أحسن.

منال تحاول أن تظل هادئة: معلش حبيبي أنا آسفه، نام وإرتاح المجهود وحش عشانك ريح نفسك وبطل كلام.

بجاء: هتخرسيني، قال يعني خايفه عليا أوي.
ونام مرة أخرى فهو يستيقظ ثواني ويناام هكذا.
منال: أكيد طبعا يا حبيبي خايفه عليك، لو ماخفتش عليك هخاف على مين،
بحبك يامجنون.

وهي تتأمله وهو نائم في سكون لتغفل على المقعد هي الأخرى.
وفي الصباح تأتي لها الممرضة: الفطار بتاعك في مكتبك عشان ممنوع هنا.
منال: أنا ما طلبت فطار.

الممرضة: د.أحمد هو إيلي قالي، روعي إفطري يادكتوراه هو نايم وأنا هفضل
جمبه لو في حاجة هبلغك.

فقامت لتغسل وجهها وتذهب تفطر حتى تقوى على مواجهه يوم شاق
آخر، وهي خارجه من العناية تجد سما ودينا.
منال: إيه جابكم ماتتعبوش نفسكوا، وخلو بالكوا من شغلکوا لإن وجودنا
كلنا مافيش منه فايده كفاية أنا، ولو إحتجتکوا هکلمکوا.
سما: طب أنا جبتلك فطار.

منال: د.أحمد جابلي فطار في مكنتي، ماتشغليش بالك هنا الكافيتريا أما
بجوع بجيب، خديه معاكي لو جعتي في الشغل كليه.
واحتضنتهم : خدوا بالکم من نفسکوا و لما أخلص من إيلي أنا فيه لينا كلام
يا دنيا.

فتحضنها سما: ماتخافيش عليها دنيا عاقلة وياسر کمان إتغير وعاوز
يتقدملها لما بجاء يفوق.
فإبتسمت ودعت الله .

سما إحتضنتها: إن شاء الله حبيبتي.
ومسحت دموعها وأخذت دنيا وإنصرفت،
ومنال أكملت مشوارها لمكتبها لتقبع عليه وتنظر للطعام ولا تستطيع أن
تتناوله وحاولت جاهده تناول أي شيء، وباءت المحاولات بالفشل فقامت
أعطته للعاملة وذهبت مرة أخرى لبجاء.

*** الفصل التاسع و العشرون ***

إستيقظ بجاد فیتلفت حوله یبحث عنها لیجد القابعة أمامه فیعتصر عینیه مرة وأخري لیحدث نفسه هو أنا مت وفي الجحیم ولا إیه لیحدث هذه الضخمة التي أمامه: إنت مین یاحاجه؟ وفین مراتي؟، إزای تسیب جوزها راقد وتمشي.

الممرضة تحاول تهدأته: حاضر دا هي لسة ماشية حالا وزمانها جاية هروح أناديلها.

وإنطلقت لتبحث عنها لتجدها أمامها فتذعر منال من هیئتها: فيه إیه بجاد جراه حاجة؟.

الممرضة بهلع: دا صحي مالقاكيش ومتنزفز على الآخر، خفت عليه یجراله حاجة عشان مش قادر یكلم ومع ذلك متعصب فقلت أجي أناديلك . منال: أنا كنت جاية أصلا. وأخذت تحدث نفسها (أنا مش عارفة دا إتجنن ولا إیه، مش عارفة أتعامل معاه خالص).

ودلفت من الباب تصیح: فيه إیه؟، أنا یادوب سیبتك خمس دقائق أروح أفطر وجیت.

بجاد: ولكي نفس تفتري وجوزك راقد سطيحة كده!.

منال: ماهو عشان مارقدش جمبك سطيحة، رحت أفطر ومع ذلك ماجالیش نفس وبعت الفطار كله للعاملة.

بجاد بغيرة: فطار برده، وإلا كنت مع حبيب القلب بتجهزوا تخلصوا مني إزای عشان تجوزوا.

منال: لا انت حقيقي بقيت لا تطاق، یعنی یابني آدم لو عاوزه أخلص منك هقتلك وإلا أرفع عليك قضیه طلاق.

بجاد: أهو شوفتي قلتي أخلص منك بغل إزای، ماهو لما تموتيني هتورثي یافالحه، لكن الطلاق لاء.

منال: أولا أنا ماشوفتش د.أحمد، هو جه بدري وأنا هنا معاك، وظبط الشغل ومشي عشان محاضراته فی الجامعة.

بجاد مقاطعا إياها: دا إنت معاكی خط سیره بقي ومرسيكي على الدور.

منال: اللهم طولك یاروح شكلي هتهور وأقتلك فعلا، یابني آدم هو علي طول كده من ساعة ما إشتغلت معاه ودي طریقته ویجي على معاد عملیاته، حبيبي ممكن تهدي بقي عشان الي بتعمله ده والعصبية دي فيها

خطورة عليك والله بجهك انت ومافيش في قلبي غيرك.
بجاد وينظر إليها: وأحمد إلي كنتي مصممة تجوزيه إنت نسيتي إني
خطفتك يوم دخلتك وكنت مصممة عليه.
منال بنظره عتاب: عندا فيك مش أكثر عشان إلي كنت بتعمله معايا،
(وتذكرت شيئا)، صحيح إيه ده؟.
(وأخرجت الفيديو).

بجاد بإستفزاز: دي حاجة بسيطه بس حبيت أسجلها للذكرى.
منال بضيق: أنا مالي للذكرى الهباب وأيام العذاب، أنا بسأل إيه ده؟ وإزاي
حصل كده؟.

بجاد: إسالي نفسك، عشان أقولك وتكذبيني حبيت أسجلك وتشوفي بنفسك.
منال: مش ممكن أكيد حطتلي حبوب هلوسه وإلا حاجة من ألعيبك.
يجز على أسنانه: إنت ما فيش فائدة في دماغك إلي عاوز كسره.
فوجدت عصبيته خافت عليه فحاولت تهدأته: خلاص نكلم بعدين بلاش
عصبية عشان ماتتعبش.

بجاد بعصبيه أكثر: أتعصب ولا أموت حتى يفرق معايي.
منال بلهفة: بعد الشر عليك أنا مقدرش أعيش من غيرك.
بجاد ينظر لها: لا والله ودا من أمتي؟.
منال بحنان: من ساعة إلي حصل حاسه إني السبب ومش قادرة أسامح
نفسي.

بجاد: عقده ذنب يعني مش حب.
منال بلهفة: لا أنا ماتخيلتش الدنيا بدونك ،ومن ساعة ماشوفتك وإنت
مغمي عليك حسيت قلبي هيوقف هو كمان مع توقف قلبك .
بجاد: لا يابت صدقتك، أنا مش طايق هنا عاوز أروح.
منال: ماينفعش، والله لو إتحركت لأخليهم يكتفوك، إنت عاوز تموت نفسك
إسمع الكلام مرة من نفسك وبلاش عند.

إستمر الحال بين جدال ومشاحنات ولكن زاد التقارب بينهما ، وإستأذنت
منال د.أحمد أن تاخذه للشاليه فهو مكان معزول عن البشر وهواه نقي
ويكمل باقي علاجه فهو أصبح يشعر بتحسن ووافق أحمد لإن العمليه لم
تكن خطيرة ولكن الخطوره في المثبطات التي تقلل المناعه وتجعل الجسد
عرضه للأمراض وطالما سيظل معزولا بالشاليه بشرط يتوخى الحذر من نزلات
البرد وهي دكتورة وأدرى، وستكمل معه العلاج، وبالفعل أحضرت سيارة

مجهزة لنقله، حتى يستطيع مباشرة عمله في الشاليه أفضل من المشفى، و
إصطحبته للشاليه وظلت معه تراعيه وأصبح يشعر بتحسن كبير،
وهو دائم العمل باللاب يتواصل مع العملاء والموظفين وأي أوراق يحضرها
إياد ليمضيها.

وأثناء جلوسه يجدها تدخل المطبخ لإعداد الطعام فيدخل وراءها
يعتصرها من الخلف ويحتضنها : وحشتيني أوي فتلفتت إليه.
منال بفرع: بجاد إنت لسه تعبان بلاش إستهبال.

بجاد وقد علم ماترمي إليه: أنا زي الفل وصحتي أحسن منك كمان أنا قربت
علي شهرين دي لو الدعامة ماخدتش عليا تبقي بتستهبل، دا أنا اطلقها
وأجيب غيرها.
فتضربه بصدرة فيتاؤه.

منال بقلق: أنا آسفة حبيبي نسيت والله.
فشعر بقلقها: مافيش حاجة أنا إللي همثل عليكى.
منال: كده يا بجاد إخس عليك أنا زعلانة منك.
بجاد بحركة فجائية: طب زعل بزعل بقى، (وحملها إلى أعلى).
وهي تصيح: بجاد نزلني هتتعب.

بجاد يستفزها: مش هتتعب إخرسي انتي شويه.
ثم يضعها على الفراش برفق: ألم يان الأوان بعد.
منال: بجاد والله خايفة عليك.

بجاد يقترب منها: ماتخفيش ياقلب بجاد، حتى لو وقف بالدعامة بتاعته
كمان يلا ما عن حد حوش.

فتضحك من كلماته ليسرح بضحكاتها ويقبلها، ولأول مرة يتحسس جسد
زوجته ويستطلع ملامحها ويغزو شوقها دون قيد أو شرط .
ليستيقظان على رنين الهاتف

بجاد: فيه إيه يا عم؟، إنتم متسلطين عليا.

إياد: إلحق يا بجاد في إختلاس في الحسابات، مدير الحسابات بيختلس مبالغ
وإحنا مش دريانيين، سما إكتشفت حاجة خلتنى أعيد الحسابات لقيته
مخصص لنفسه كل شهر ميزانية لوحده بن ال....

بلغت البوليس وطبعاً لازم وجودك.

بجاد: أنا جاي حالا وحاول ماتعملش شوشرة علي الشركة كفاية عمليتي
وغياي هنخسر كده كثير.

*** الفصل الثلاثون ***

منال بصوت هادر وبحزم: رايحة فين يادنيا؟
دنيا بغضب: إيه في إيه رايحة رحلة مع أصحابي.
منال: كده هي بقت سايبة بدون إذن وتروحي كده مالكيش أهل تقويلهم.
دنيا بعصية: إنتوا فين أصلا؟ هو حد حاسس بيا إنت من ساعة موت بابا
قفلتي على نفسك وإنهارتي ومالكيش دعوة بحد، وسما في شغلها أكلم مين؟
منال: وأديني فوقت من الغيبوبة بتاعتي أهو وبقولك مافيش مرواح في
مكان إلا بإذني.

دنيا بصوت عال أفقد منال صوابها: لا الكلام ده ما يميشش عليا.
فلم تجد إلا كفا من منال أفقدها توازنها وبصوت هادر: إمشي خشي أوضتك
والكلمة اللي أقولها تتنفذ على رقبة الجميع.
وخرجت سما على هذه الأصوات: في إيه يا منال بتزعلي ليه؟
فوجهت لها الكلام: والكلام ليكي إنت كمان قبلها، إذا كان بابا مات فأنا لسه
موجودة بداله وكلامي معاكي إنت كمان بعدين، وكلامي هيمشي عليكم
إنتوا الإتنين.

فدخلت دنيا حجرتها تبكي، وأيضا سما دخلت حتى تتفادي عصية منال
لأنها وجدتها منفعة جدا

وجلست منال وحدها تضع وجهها بين راحتي كفيها :
(ياري الحمل تقيل أوي عليا أعمل إيه ،دبرني يارب ليه إختارتي أنا بالذات
وعرفتني كل ده، أنا مش أد المسؤليه دي كلها أنا يمكن كنت أدها وأنا طفلة،
بس كنت بستقوي بوجود بابا لكن دلوقت مافيش حد في ظهري يقويني
قويني يارب علي إلي أنا فيه).

وإستجمعت قوتها لتدخل لأختها دنيا فدلقت إلى حجرة أختها.
فأشاحت دنيا بوجهها عنها لتذهب لها منال من الجهة الأخرى: أنا عارفة
إنك زعلانة مني لكن والله من خوفي عليكي وحببي ليكي، ياسر دا عيل بتاع
بنات وعاوز يضحك عليكي ويرميكي وأصلا سارة صحبتك بتحبه.
دنيا بدهشة: ياسر مين؟ وسارة مين؟

منال: ياسر اللي معشمك إنه بيحبك وعاوز يجوزك وهو بيعمل مع كل بنت
كده لحد مايوقعها في شباكه ويرميها ويدور على فريسة غيرها.
دنيا: وإنت إيه عرفك بالكلام ده ثم أنا معرفش حد إسمه ياسر، إلي أعرفه

أسمه ماجد.

منال: أيا كان الإسم مش هيفرق المهم إنه واد صايح وبتاع بنات، وحتى إسالي سارة صحبتك مش إنت بتثقي فيها وعلى فكرة هي بتحبه وعاوذة تتجوزه يرضيكي تعملي كده في صحبتك.

دنيا بدهشة أكبر وهي غير مستوعبة ماتقوله منال: أنا مش فاهمه حاجه مين سارة دي أنا معرفش حد بالاسم ده إنت بتجيب الكلام الفارغ ده مين . منال: يوه أمال إسمها إيه صحبتك يظهر إن الأسماء ماضبطتش.

دنيا بعدم فهم وقلق على أختها: يعني إيه؟.

منال: ماتخديش في بالك وتدقي في كل حاجة كده المهم في صاحبه ليكي بتحبه أيا كان إسمها.

دنيا: مافيش صاحبة ليا بتحبه، دي البت ندي بنت رذله وحقودة وغلاوية وشايفة نفسها وفي الشله بتاعته وهو مايسألش فيها وهنتشل مني لكن مش صاحبتني دي نفسها ربنا ياخدني، وأنا مش مصدقه كلامك ده، ماجد بيحبني وهيكلم أهله.

منال بتأكيد: وإللي يثبتلك.

دنيا: إزاي بقى؟.

منال وتزيل الغطاء عن أختها: قومي إلبسي وإتنكري بحجاب ونظارة بحيث ماחדش يعرفك.

دنيا بتساؤل: هنروح فين؟.

منال وتجذبها: قومي بس ،وأنا هلبس أنا كمان.

وذهب تتردي ملابسها، وتقول لنفسها (مقدرش يادنيا أسيبك تخوضي الموضوع ومش مضمون إللي هيحصل، في الحلم لحقوي المرة دي ممكن تموتي أو تضيعي وأنا مش هستني وأضرب أخماس في أسداس) وفعلا إرتدت ملابسها وخرجت وجدت دنيا: ها هنروح فين؟.

منال: وريني مكان أتوبيس الرحلة وهنمشي وراه وأثبتلك كلامي.

دنيا: أنا واثقة في ماجد إنه بيحبني بس أنا إللي جايه أثبتلك.

وذها معا وركنت منال خلف الأتوبيس ولا أحد يعرفهم ،

ونزل ماجد وندي وبعض أصدقائه

ندي: مش هنمشي بقى؟، يا حرام فلسعتك.

ماجد: تقدر دي بتموت فيا لو قتلها يمين هتقول أمين.

عادل: يعني الموزه طارت منا بعد كل المجهود إللي عملته ده وعشمتني

بالحلق خرمت أنا وداني،
كانت بت صاروخ.

ندي: ياسلام مش للدرجه دي يعني.

ماجد: مش إنت إللي قلتيلي عليها عشان مضيقاكي وعاوزة تكسري مناخيرها.
ندي: بس إنت زودتها معاها أوي وأنا سكتالك.

فيجذبها من خصرها: وأنا ليا غيرك يا جميل دا إنت الحب كله، أدينا بنتسلي .
فخرجت دنيا: آه يا سافل، يا واطي.

وحاولت ضربه بالكف ولكنه أمسك يدها: إنت إتهبتي يابت تمدي إيدك
عليا شوفي نفسك ياماما وشوفي بتكلمي مين دا أنا أشيلك من على وش الدنيا.
فجاءت منال وأخذت دنيا: يلا حبيبتي ،ما لناش كلام مع الأشكال القذرة
دي.

ووجهت كلامها لماجد: وأنا مسيري أريك.

وأخذت دنيا التي إحتضنتها وظلت تبكي

منال: خلاص حبيبتي ربنا أظهره لنا في الوقت المناسب ودا عشان إنت
صغيرة ومستعجلة

ربنا هيرزقك بالزوح المناسب إللي يحبك ويقدرك ويخشلك من الباب مش
من الدهليز ويحور عليكي.

فتنظر دنيا لأختها: أنا أسفة يامنال أوعدك هاخذ بالي من مذاكرتي ومش
هفكر في حاجة من دي تاني.

منال: وأنا عارفة وواثقة فيكي حبيبتي، كان لازم أنهي الموضوع قبل الفاس
ماتقع في الراس ومش واثقة من النتيجة اللي ترضينا .

واخذتها إلي محل آيس كريم وهي تداعبها: يلا ياعم آيس كريم متلج يبرد
النار إللي جوانا ويوقد نار أكبر لأنه على حسابي تصدقي غلي.

فتضحك دنيا: معلش إنت هتطفحهلونا قبل ما ناكله.

فتضحك منال: بالهنا والشفا حبيبتي ولا يهملك من جنية لعشين جنية.
دنيا بضحك: يا مبذر.

وأخذتها لشقتها: يلا حبيبتي شوفي مذاكرتك وماتفكريش في الحيوان ده
بكره يقع في شر أعماله

رجعت سما من عملها فوجدت منال ودنيا يضحكان

سما بتعجب وتضرب كفا على كف: سبحان مغير الأحوال.

منال لدنيا: خشي حبيبتي ذاكري في حجرتك،(وتنظر لسما)، وإنت حصليني

على الأوضة.

سما بقلق: ربنا يستر حاسه إني في بيت ريا وسكينة، أو بيت الأشباح.
منال دلفت أولا، وخلفها سما، لتقول: خشي وإقلي الباب.
سما: خير يامنال؟.

منال تباغتها: هو إياد مش ناوي يتقدم بقى؟.
سما بتعجب: إياد مين؟!

منال: مديرك في الشغل وصديق بجاد صاحب الشركة.
سما: ما عندناش في الشركة إياد خالص.
منال: أمال إسمه إيه هو كمان؟.

سما بعدم فهم: هو مين إالي إسمه إيه؟.
منال بعصبية: يوه إالي بيحبك وأمه عندها زهايمر.
سما بضحك: كمان أمه زهايمر جبتي الكلام ده منين، أنا معرفش أمه.
منال وقد وجدت مبتغاها: أهو قفشتك يعني في حد.
سما بتلعثم: هو في واحد بس إسمه زياد .

منال: ما فرقتش حرف جه غلط ماتكبريهاش أهو هو ده إالي قصدي عليه.
سما: هو مافش حاجه بس بينظري نظرات كده من تحت لتحت لكن
ما بينطقش وأنا والله ما أعرف والدته.
منال بغضب: يعني هي قضيها نظرات.

سما بضيق: وأنا هروح أقوله عشان بصلي تعالي يسترِك إتقدملي.
منال: لا طبعا، طب سيبيلي الموضوع أمخخ فيه، طب إنت إيه رأيك فيه؟.
سما وتسرح بهيام: قمر بس عصبي في الشغل حبتين بس ماشي الحال بس
هو ينطق.

منال: طب وأمه.

سما: يا دي أمه يخربيت أمه، وأنا أعرفها أصلا!!.

منال: مش قصدي يعني لو طلعت زهايمر فعلا وهتطلع عين اللي جابوكوا
وتفضلوا تاكلوا في عجه لما تمششوا هتوافقي؟.
سما: شوفي يامنال إحنا ماما ماتت من زمان ما حسناش بحنان الأم، ولو
فضلت معنا وتعبت بالزهايمر هل هنزميها؟.

منال: طبعا لا هنشيلها في عيننا.

سما بأم: أمه هعتبرها أمي وهستحملها هي مالهاش ذنب في مرضها ومش
هتعمل معنا كده، القصد

بس هو ينطق وأنا أشيل أمه وأبوه وإلي جابوه وهو شخصيا.
منال: للدرجه دي بتحييه.

سما: أوي يامنال مع إن مافيش بنا غير نظرات مش مقصوده بس بحس
بحاجه في نظرتة دي بيقول فيها كلام كتير جدا مع إنها أقل من الثانية.
منال: يمكن موضوع والدته هو الي مسكته، وخايف يقولك ما تتفهميش
الموقف.

سما: ياسيتي ماينطق ويسيبني أختار يمكن أوافق هيقدر البلا قبل وقوعة.
منال بضحك: خلاص يا حاجة إهدي ماتقوليله هو، بتتخانقي معايا ليه
ماقدرتيش على الحمار.

سما بغضب: لا لو سمحتي يا منال ماتقوليش على زياد حمار لحسن هزعل
منك.

منال: خلاص إحنا آسفين يا صولاح، وعلى العموم لو مانطقش أنا هتصرف.
سما: هتعملي إيه أوعي تحرجيني.

منال: يعني هقوله روح أخطب أختي، بطلي هبل وسيبي الموضوع لتساهيل
ربنا ماحدش عارف إيه هيحصل .
وإحتضنتها

سما: متشكره أوي يامنال أنا حسيت براحة لما كلمتك.

منال: وياريت ماتخبيش عني حاجه تاني عشان هعرف.
سما: صحيح إنت عرفتي إزاي؟.

منال بتلعثم: هاااا، أنا ليا مصادري الخاصة ولا مفكرني نايمة على وداني.

وطلعت سما وقابلتها دنيا: مش حاسة إن منال متغيرة.

دنيا: فعلا بقت الشيغة منال لجلب الحبيب وأكل الزبيب.

سما تضربها على دماغها،

دنيا تتأوه: والله شكلها بتضرب ودع اليومين دول وماشية في سكة الدجالين.

سما: إنت عمرك ماتكلمي جد أبدا إمشي غوري أبت أنا غلطانة إني بكلم
واحدة زيك.

وتركتها وذهبت لحجرتها.

*** الفصل الحادي و الثلاثون ***

إستيقظت الفتيات، وقامت منال تحضر الفطور كعادتها وتوقظ أخواتها وتنادي دنيا لتوقظها: وتقول يلا ياندندن يا حبيبتي عشان كليتك أوصلك إنهاردة.

فترد عليها: لا أنا هروح ماتشغليش بالك بيا أنا كويسة وماتخافيش عليا، أنا إتعلمت الدرس كويس ومش هثق في أي حد تاني .

فتحتضنها :ربنا يكملك بعقلك حبيبتي.

وتوقظ سما : يلا يا حبيبتي هتتأخري على شغلك.

فتجذبها: هتعملي إيه يامنال.

منال تنزع يدها: لا أشوف شغلي بقي، لحسن د.أحمد يرفدني الراجل طيب معايا ومراعي ظروفوني بس إذا كان حبيبك عسل.

سما ترد عليها: ماتلحسوش كله.

منال : بالطبط كده أخلص بس إيلي ورايا وأشوف موضوعك ده.

سما: هو ميؤس منه أنا عارفة حظي كويس.

فتحتضنها منال: ماله حظك ياختي ما إنت قمر وزى الفل وألف من يتمناكي،ولو سي زفت ده ماجاش ألف غيره طواير علي الباب.

سما :لا يامنال ماتقوليش كده أنا لو هفضل طول عمري مستنياه ينطق مش عاوزة غيره.

منال: قطع الحب وسنينه،طب يلا نفطر وهفكر في حل.

ولكنها لا تعرف ماهو الحل السحري فهي لن تجازف وتذهب تخطبه لأختها،فسلمتها لله يدبرها من عنده، وذهبت لعملها.

فقابلت أحمد.....

منال: أنا آسفة جدا يادكتور أنا عارفة إني أهملت شغلي اليومين دول بس حضرتك عارف الظروف و....

ولم تكمل وأسكتها بإشاره منه

: عارف يامنال وعشان كده مستحمل لكن أنا بحترم منال المجتهدة إيلي أقوى من الظروف، مش إيلي تستسلم لها، توعديني ترجعي منال بتاعة

زمان إيلي كلها نشاط وحيوية.

منال :أوعدك يادكتور، صحيح المدام عاملة إيه؟.

فنظر لها بدهشة: كويسه الحمد لله.

منال: قديمة.

بجاد: طب والله جديدة وأول مرة أقولها، ولا إنت متعودة من المرضي بتوعك يقولوها.

منال: لا طبعا ماحدث يتجرأ يقولها غيرك.

بجاد: طب ماهي جديدة أهى.

منال: يوه إخلص بقي إنت رغاى أوي،أصلي عندي الحاسة السادسة إستريحت يلا بقي إقلع.

بجاد في نفسه (البت دي أكيد مجنونة وإلا ملبوسة، أنا مال أمي أنا أخلص وأخلع من هنا).

وأكملت رسم القلب

منال: هو كويس مافيهوش حاجة.

بجاد: يعني إرهاق بس من ضغط الشغل.

منال: ماهو لو ترحم نفسك وتسيبك من دولاب الحريم إللي في شقتك، وتأخذ بالك من صحتك لكن نقول إيه؟.

فيقوم بجاد أمامها ويقترّب منها فتبتعد عنه بخوف: إنت عاوز ايه إبعد عني ولا مفكرني واحدة من إللي بتسهر معاهم كل يوم لا فوق لنفسك.

فينزل بمستواه لها لأنه أطول منها بكثير: إنت تعرفيني يا أنسة،يعني جيتي معايا الفيلا مرة مثلا.

منال بعصية: إخرس يا قليل الأدب، أنا وش ذلك.

بجاد: والله شكلك ذلك نفسه، إنت فيه إيه يابت؟، (ويجذبها من ذراعها بقوة) ومين حدفك عليا؟، دا إنت عارفة تفاصيل حياتي، ناقص تقوليلى أنا

فطرت إيه وأنا نازل.

منال بعفوية: شربت قهوة أكيد، عادتك وإلا هتشتريها.

وتضع يدها علي فمها لتسكت هذا الفم الذي لا يصمت

فيضع يديه الإثنان معقودان خلف ظهره ويميل بجزعه عليها: هااا وبعدين قولي بعبعي ياختي ماتكتميش في نفسك صحتك يا حبيبتي بالدنيا .

ويمسكها أمامه من ذراعها بشدة : إنت هتقولي الحقيقة مين حدفك عليا؟، ولا أخلص عليكى .

منال تتأوه بين يديه: سييني يامتوحش أنا معرفكش أصلا.

بجاد: أمال لو تعرفيني بقي دا ناقص تقوليلى لون بوكسرك كذا، ماهو ده إللي ناقص، ولونك المفضل كذا وهلمنا جرا .

منال تهersh في رأسها: لا متكلمناش في الموضوع ده إنت لونك المفضل إيه صحيح؟.

بجاد بعصبية: زفت على دماغك.

منال: حلو بردو أنا بحب القطران.

بجاد بعصبية مفرطه: إنت عاوزه تشليني وإلا تجلطيني، جايلكوا شويه إرهاق تجبولي ذبحه.

منال بفرع: بعد الشر عليك.

فيضرب كفا على كف: إنت عاوزه مني إيه ياست إنت؟.

منال بتلعثم: هاعوز منك إيه يعني؟، لاحظ إنت إليي جاي مكتبي بنفسك.

بجاد: تصدقي إنت عندك حق، أنا إليي غلطان إني جيت مستشفي المحانين دي، دا إنت في البلاا خالص، إزاي يعينو دكتور كده؟، إنت مكانك مش

هنا هم سابوكي ليه؟.

منال باستفسار: هم مين؟.

بجاد مفسرا: مستشفي المجانين، فين قميصي؟.

منال تشير إليه: أهو إنت راميه هناك وأنا هطمع فيه وألبسه.

بجاد: يمكن أنا إش عرفني.

منال: طب أقعد وأنا هحكلك.

بجاد: اللهم طولك ياروح، أرغي شكلك فاضيه والله ومش لاقيه شغل

وبتسلي وقتك، أنا عندي الدقيقة بفلوس ياماما إختصري.

منال: ماهو مش هينفع كده بقي ماتوترنيش عشان استجمع قوتي.

بجاد: إنت هتচারبي ماتخلصي.

وبدأت تقص عليه بعض من الحلم

ليقوم: ستوب أنا كده تاكدت إنك مناخوليا خالص.

منال: بس إسمعني.

وذهب يلوح بيده وهو يعطي ظهره لها: ياشيخه روحي بلا هبل.

وجلست منال تبكي: طب أعمل إيه مش مصدقني، أعمل إيه بس ياربي،

ماهو أي حد هقوله على الحلم هيفكرني هبله، بس أنا بردو مش هسكت،

بس أعمل إيه؟، دبرها من عندك يارب.

*** الفصل الثاني و الثلاثون ***

ذهبت دنيا لجامعتها لتجد مازن يقترب منها ويتحدث إليها بفرحة :
إنت مارحتيش الرحلة ولا راحت عليكي نومة.
دنيا : لا مارحتش ومالك فرحان كده ليه؟، وإيه حشرك أساسا يا حشري أروح
وإلا مروحش.
مازن: حيلك حيلك شروقة وإنفتحت.
دنيا محذرة إياه: ممكن ماتحاولش تتكلم معايا عشان أنا مابكلمش صبيان.
مازن: نعم ياختي!!، ودا من إمتي أمال ماجد ده إيه جرافيك!.
دنيا بضيق: ماتجبلش سيرة الكائن ده، ولو شوفت ولد قرب مني هجيب
خبره وأصوت وألم عليه الدنيا
مازن مهدئا إياها: خلاص يامعلم، يخربيت إليي يزعلك.
وذهب وتركها.
لتتفل على جانبها: شويه إحمره مايجوش إلا بضرب الجزمة، والله لأعلمكم
الأدب وأريبيكوا ياكلاب.

أما منال فلم تياس من بجاد وتمخضت في رأسها فكرة وهمت بالقيام لتذهب
إليه، وذهبت للسكرتيرة تستأذنها في الدخول.
السكرتيرة: ممنوع يا أنسة لازم موعد مسبق.
منال: بلغيه بس، وقويله الدكتور منال بتاعة الصبح.
فدلفت السكرتيرة تحدثه
بجاد بضيق: يادي النيلة على دكتورة الخلل دي، وزعيها قوليلها مات في
العملية.
وخرجت السكرتيره تخبرها: بيقولك مات في العملية.
وهو يسمع ويردد: المتخلفه دي مشغل معايا عاهات، قال بيقولك قال.
فكانت منال تهتم بالمضي وتتساقط بعض العبرات من عينيها الدامعتان،
ليخرج ينتشلها من حالتها وينادي: يادكتورة، (فتلفت له)، تعالي اتفضلي.
فقد رأف بحالها)
لتأتي مسرعة وتدلف معه: بتتهرب مني يا بجاد؟.
بجاد: والله أبدا بس عندي إجتماع إنهارده وعاوز أجهزله، معلش ماتعيطيش
بقى.

فقد أثرت فيه دموعها، وأحضر منديل ليمسح دموعها فإبتعدت عنه.
بجاد: خلاص ياستي ما قصدش، خدي إمسحي إنت وبطلي عياط بقي، عاوزه
إيه؟.

منال تستعيد شجاعتها: شوف بقي إنت تشوف صرفة في زياد بتاعك ده.
بجاد: إيه زياد بتاعي ده؟، منتج جديد.

منال: يووه ماتركز وتفهم بقي.
بجاد: دا الكلام ده ليا أنا، والله أكرشك من هنا أنا غلطان إني طلعت جبتك.
منال: ياعم إفهم زياد صاحبك إلكي شغال معاك.

بجاد: بتعجب زيااااد !! ماله دا محترم جدا، عملك حاجة.
منال: بيبص لأختي سما.

بجاد يحاول الإستيعاب: مايبص وأنا مالي أخزقله عنيه، أما إنت غريبة جدا،
هو كل واحد هيبص على أختك هتروحي تتخانقي معاه، دا إنت هتتخانقي
مع نص الشعب على كده.

منال: إنت ليه غبي كده؟!

بجاد: بت إنت إتهبليتي في نفوذك، ماتحترمي نفسك دا جزائي إني بسمع
لههلك ده.

منال: ياسيدي أنا آسفه، إفهمني أبوس إيدك هو مش بيبصلها بصات عادية،
لا نظرات فيها معاني حب.

بجاد وقد أسند ظهره على الكرسي وتراجع وقال: ياااااااا هو كل واحد
يبص لأختك بيبقي بيحبها،

دا على كده انتي حامل مني بقي، ما إحنا إتكلمنا سوا دي مصيبة.
منال: بطل قلة أدب وإستظراف.

بجاد: ماشي وأنا أعمل إيه بقي؟.

منال: تكلمه وتخليه يتقدم.

بجاد: لا إنتوا عيله فستك خالص، عشان بص لأختك أقوله يجوزها، إنت
هبله يابنتي ولا ليكوا خال أهبل.

منال: بلاش قلة أدب وإحترمني.

بجاد: يا بنتي حتى لو بيحبها زياد له حاله خاصه.
منال: عارفة أمه زهايمر.

بجاد: ياريت

منال: آمال إيه؟.

بجاد سحب المقعد الذي تجلس عليه منال ليكون مقابل لها فأصبحت قريبة منه جدا.

منال بفرع: إنت هتعمل إيه؟.

بجاد: ماتخافيش عشان الكلام إللي هقوله ماحدش يعرفه وماحدش يسمعه، زياد والدته مريضه نفسيه هي بتبقي هادية وعادية وفجأة تطلع الجنونة، دا أنا كنت ببقى أنا وهو عليها ومش قادرين عشان يديها الحقنة. منال: شوف أنا قلت لأختي وقالت إنها هتعاملها زي والدتها، بس ليه مش بيوديها مستشفى.

بجاد: مايضمنش يتعاملوا معاها إزاي، وحتى أما جاب ممرضه عضتها وكانت هيقتطعولها ذراعها بسبب العضة.

منال: هي حالتها خطيرة أوي كده؟!

بجاد: مش دايما لما بتلغبط في العلاج، بتزيد معاها الحالة.

منال: طب هي بتحبه وهو بيحبها .

بجاد: شو في زياد ده صاحب عمري وأنا نفسي أفرح بيه، أنا هساعدك، بس إزاي؟.

منال: شوف في الحلم كنت هتخطب سما عشان أنا أتغاظ وساعتها إياك اقصد زياد هو إللي إضايق مانجرب كده معاه.

بجاد: يادي أم الحلم اللي لحس عقلك، حلمك ياسي علام، يا ستي إنزلي معانا لأرض الواقع شوية.

منال: ياسيدي إنسي أم الحلم أنا بقول على الفكرة، وهديك مقابل المساعده دي معلومه إتتحقق منها مدير الحسابات بيسرقك.

بجاد: وعرفتي منين؟ (وأوقفها بإشارة من يده)، الحلم صح؟.

منال: إنت هتخسر حاجة ماتتحقق من الموضوع.

بجاد: مش ممكن!!، دا صديقنا التالت أنا وزياد وهو لا يمكن يخوني.

منال: خلاص إنت حر خليك مختوم على قفاك.

وهمت بالقيام ليحذبها من يدها: ماتحترمي نفسك بقى وإلا عشان ساكتلك.

منال: سيب ذراعي، أنا ماشيه ودا تليفوني لما تخلص مع زياد كلمني.

بجاد: والله ماعارف الهبل إللي إحنا فيه دا، هي أختك صحيح يعرفها منين؟. منال: ماهي شغالة هنا في الشركة.

بجاد: لا والله وبيعملوا غراميات من ورايا ، دي مابقتش شركة دا أنا هفتحتها كباره.

منال: إحترم نفسك أختي أشرف من الشرف.

بجاد بسخرية: لا واضح.

منال بضيق: أنا غلطانه إني جيت لواحد زيك يساعدني ومش عاوزة منك حاجة وأنا هجوزها سيد سيده.

فضحك بجاد: خلاص ياسيتي هعملك إللي إنت عيزاه، والله ماعارف آخرتها معاكي إيه؟، هتلبسينا في الحيط بسبب حلمك الهباب ده، وأنا مش عارف مطاوعك في الهبل ده إزاي؟!.

منال: عشان من جواك مقتنع باللي بقوله.

بجاد: خلينا ورا الأحلام لحد باب الدار.

منال: سلام بقي وماتتأخرش عليا في الرد.

بجاد: هكلمه وأشوف، مانا مش هضره على إيده إفرضي بتتوهم.

منال: لا هو بيحبها زي مابتحبه.

بجاد: خلاص بقى ورايا شغل ،اتكلي علي الله وخدي الباب في إيدك ،ومش كل شويه تنطيلي هنا دا مكان شغل.

منال بغضب: ،أولاً أنا مش بنطلق ،أنا جياالك في حاجة مهمه دي أختي ،ودا صاحبك زي مابتقول ويهمك

عن إذناك أنا غلطانه إني جيتلك .

وخرجت وصفقت الباب خلفها.

بجاد: يا بنت المجانين، إيه الهبل والعبط إللي أنا فيه ده إني أمشي ورا المجنونه دي ،بس مايضرش ممكن زياد يكون بيحبها فعلا وخايف ترفض

عشان أمه ،نحرب ويعقد ذراعيه خلف رأسه ،وأهو شيء من المتعه لا يضر.

وإتصل بالسكربتيره تتصل بزياد أن يأتي له المكتب

بجاد: إستعنا على الشقا بالله.

*** الفصل الثالث و الثلاثون ***

إستأذن زياد في الدخول علي بجد ، وألقى ميدالية المفاتيح وعلبة سجائره على المكتب وألقى بنفسه على المقعد: في إيه يا معلم؟، لقيت ورق ناقص عشان الإجتماع.

بجد: لا يابرنس كله تمام بلاش أشوفك وحشتني ياراجل.
فأخذ أشياؤه: إنت شكلك رايق.

بجد: إنت ماشي وإلا إيه؟.

زياد بإرهاق: هروح أعدي أمي وأتغدي وأتشطف وألبس وأجي عشان أفوق في الإجتماع.

بجد يشير إليه أن يجلس: إستني بس كنت عاوزك في موضوع.

زياد بقلق: خير يا حبيبي عاوز فلوس ،من جنيه لعشرين جنيه إنت تؤمر.

بجد يقهقه: لا خليهوملك شايلك لوقت عوزه، أنا عاوز أتجوز.

زياد بفرح: ألف مبروووك.

بجد: ماسألتش مين سعيدة الحظ؟.

زياد: أنا أعرفها!؟.

بجد وهو يلف حوله ، ويخفي إبتسامته بخبث، ليقذفها في وجهه: سما الموظفة هنا.

زياد قام منتفضا من مقعده: سما موظفه الحسابات.

بجد: هو في حد تاني أسمه سما هنا غيرها؟.

وفي نفسه (منك لله يامنال مش تقولي إسمها بالكامل ولا شغاله فين داهية).

ليأتي جواب زياد الذي إنتشله من حيرته: لا مافيش حد غيرها هنا إسمه سما.

ليرتاح قلب بجد: طيب خلاص يبقى هي بتاعة الحسابات، مال لونك

إتخطف كده ليه، تعرف عنها حاجة وحشة لا سمح الله.

زياد بعدم تركيز وتلعثم: هااا لا أبدا، بالعكس دي بنت محترمة ومؤدبة

جدا ، ألف مبروك حبيبي، (وإحتضنه)، عاوز حاجة تاني؟.

ومشى.

ليجلس بجد: يخربيت كده ،هي لبستني في أختها كده وإلا إيه؟.

وإتصل بمنال

منال :ثواني وهفضالك ياباشمهندس.

بجاء بعصبية: إنت يهانم سببي كل اللي في إيدك وإفضيلي وكلميني زي ما بكلمك.

فتحدثت إليه بضيق: فيه إيه يابني آدم إنت؟، مافيش صبر في إيدي مريض، هو أنا زيك .

بجاء بعصبية مفرطة وصوت عال: بت إنت أنا مش طايقك أصلا فلمي نفسك بدل ما أجي أقتلك،

بتلبسيني في أختك وعاملة التمثيلية دي كلها عشان ألبس فيها، وأنا طلعت حمار وأكلت الطعم.

منال بدهشة: أختي إيه إالي هجوزها لك، هي أصلا مش هتوافق عليك هي بتحب زياد.

بجاء: وأديني نفذت فكرتك الهباب وقتله والآخر لقيته ببياركلي، إنبسطتي كده وأهو مش في دماغه أختك خالص.

منال تحول تهدأته: إهدي بس أنا مش فاهمة حاجة يمكن تمثلك كان هابط ومادخلش عليه وما أتقنتش الدور.

بجاء بضيق: وأنا داخل آخذ أوسكار وحياة....

منال: إتلم يا بجاء وخلينا نتكلم بالعقل.

بجاء: وأنت خليتي في أمي عقل، إقفي ، أنا إيه خلاني أكلمك والله لو شوفتك تاني لأقتلك.

وأغلق وألقى بالموبيل: ماشي يامنال الكلب، أنا تلعب بيا الكرة، لولا الإجتماع كنت رح جبتها من شعرها لحد هنا ومسحت بيها بلاط الشركة بنت

ال..... دي، أنا يتلعب بيا ومن مين حته العيلة دي،

أنا لازم أرفد أختها كمان شكلهم لعبنها سوا، إما وريتكم مابقاش أنا بجاء. وضغط على الزر ليستدعي السكرتيرة وبعصبية: إنت يازفتة يالي بره

إعملولي قهوة.

أما زياد خرج يعتريه الضيق ،ودلف المصعد ،يضرب حائطه بيديه ليجد سما أمامه

سما: آسفه ياباشمهندس، فكرت الأسانسير فاضي، إتفضل حضرتك وأنا هستني أما تنزل وأسحبه.

ولكن زياد لم يمهلهما وسحبها من يدها بالمصعد.

سما بفزع: فيه إيه يا باشمهندس.

وضغط على زر طابق المخزن.

وسما مرعوبة من شكله المتجهم وتحادثه: إنت بتضغط على المخزن ليه؟.

زياد بحزم: إنت تخرسي خالص.

وخرج من المصعد يجذبها ويفتح الباب فهذا الطابق مفاتيحه مع بجاد وزياد فقط وليس به أحد.

سما تتأوه من شدة قبضته: فيه إيه يا باشمهندس جايبني هنا ليه؟.

وأدخلها وأغلق الباب.

وهيتحاول الإبتعاد عنه: والله لو قربت مني هصوت وألم عليك الشركة بحالها.

ليكتم فمها قبل أن تصدر صوتا: لما إنت راسمة علي صاحب الشركة وبينكم مواضع، بتبصلي في الراححة والجاية ليه؟، وإلا بترسمي على الراسين الكبار بالشركة وإللي تقدري توقعيه منهم يبقي خير وبركه.

لتحاول نزع يدها من قبضته وإلتقاط أنفاسها: إنت إيه الكلام الفارغ إلي بتقوله ده، أنا عمري ماكنت كده، (وتبكي بقهرة) إزاي تظن فيا كده؟، ومين قالك عني كده؟.

زياد بعصبية: بجاد بنفسه.

سما بإنهيار: كداب، علاقتنا في حدود الشغل بس وعمره مالمحلي بحاجة وأنا أصلا عمري ما أوافق عليه لأني

زياد يمسكها بقوة: لإنك إيه؟، إنطقي.

سما: لإني بحب واحد تاني.

زياد يشد عليها: مين هو؟، إنطقي لأقتلك.

سما: وإنت مالك عاوز تعرف ليه أهمك في إيه؟.

زياد بإندفاع: إزاي ماتهمينش ياغبية.

سما بغضب: لو سمحت أنا مش غبية، وإنت عاوز مني إيه، لو سمحت

إفتح الباب لو حد شافنا وإلا سمعنا يقول إيه؟، وسمعتي تبقي إيه وقتها.

زياد يستعيد هدوءه: إستغفر الله العظيم.

ويخرج سيجاره يولعها: أنا آسف ياسما أنا مش عارف إيه إلي حصلي أول

أما سمعت إن بجاد عاوز يتجوزك لولا إنه صاحب عمري مسكت نفسي إني

أقتله، يلا أوصلك وآسف مره تانيه.

سما بعدم إدراك مستفسرة: بجاد مين إلي عاوز يتجوزني؟.

زياد بدهشة: بجاد صاحب الشركة هو ماقالكيش؟.
سما بتعجب: بجاد عمره ماكلمني دا يمكن مايعرفنيش أصلا.
زياد بقلق: إزاي يعني!! أمال عاوز يجوزك كده من الباب للطاق حلم بيكي
مثلا وصحي عاوز يتجوزك.
سما وتصك وجنتيها: يا نهار إسود يامنال، إلا لو إلي في بالي ده صح، البت
دي إجنت أكيد وهتفضحني
تعالى معايا.
زياد بدهشة: على فين؟، أنا عندي اجتماع.
سما تركته: خلاص لما أتأكد من إلي في دماغى الأول هقولك.
زياد برضوخ: يلا أوصلك في طريقي.
سما: لا توصل مين لا طبعاً.
زياد بضيق: شوفي بقى أنا مخنوق خلقه بدل ما طفي السجارة دي في عينك،
يلا قدامي ومش عاوز ولا كلمة.
سما كادت تفتح فمها.
زياد بصوت هادر: يلا أبنت هو أنا مش هعرف أمشي كلمتي عليكى وإلا إيه؟.
فصمتت بدلا أن يلقيها من فوق الدرج بحالته هذه فهي تعلم عصبته
جيذا ولكنها لم تختبرها ولا تريد إختبارها

*** الفصل الرابع و الثلاثون ***

أخذ زياد سما في سيارته وأثناء السرعة الجنونية التي يسير بها وهي تنظر إليه برعب ولا تستطيع أن تهمس له فهي تخشى أن يفتح السيارة ويلقي بها علي قارعة الطريق، لينعطف في شارع جانبي ويحدث فرملة مروعة تكاد تفقدها حواسها .

فنتفض سما: في إيه يا زياد هتعمل فيا إيه؟.

زياد يتأملها: تتجوزيني.

سما بفرع: أنا قطعت الخلف خلاص يا زياد.

زياد وكأنه لم يقل شيئا: أنا آسف إنسي إيلي قلته.

سما بغضب: هو إيه ده إيلي أنساه ، هو لعب عيال الراجل بيتربط من لسانه.

زياد بضيق: سما أنا ليا ظروف خاصه ماحدش يقدر يتحملها.

سما: مش والدتك يعني وموضوع الزهايمر.

زياد بدهشة: لا طبعا هتطلعو على الولية إنها زهايمر كمان ، هي بتبقي طبيعیه خالص بس ساعات بتجلها حاله نفسه وماحدش بيقدر عليها، وبتبقي خطر وماقدرش أسببها في مكان يعاملوها وحش مهما كان دي أمي وماأستحملش عليها أي شيء.

سما بتأكيد: و أنا موافقه يازياد، وهتبقي أمي أنا كمان دا أنا ماصدقت نطقت ولو مانطقتش كنت هستناك العمر كله لحد ماتنطق.

زياد بقلق:سما إنت مش مقدره خطورة الموقف وسرقاكي السكينة،أمي حصلها كده بسبب أبويا كان عصبي وعنيف ويضربها لحد ماحصلها المرض النفسي ده،أنا نفسي ماسلمتش منه ويمكن عصبيتي دي بسببه لما كنت أغضب عشانها وأنا صغير كان يضربني، وولد عندي عنف بسبب عميله فينا ، إحنا عيله مريضه نفسيا كلنا.

تضع يدها على وجنته مهدأة إياه: وأنا راضية وعارفة إن عمرك ماهاأذيني، لإنك شوفت نتيجة العنف ده وكارهه وعمرك ماهاأذنيه.

زياد وقد سرح بعينها ويقرب منها: ماتيجي تشوفي أمي.

فتبتعد عنه: إتلم يا زياد.

زياد: طب والله إنت اللي تفكيرك شمال، دا أنا كنت هعرفك بيها ويارب تقبل، هي عايشة اليومين دول في دور الملكة نازلي وعمرها ما هتقبل بواحدة

من عامة الشعب عاوزه أقل شيء أميرة.
فتنظر له سما: نعاااام.

زياد وقد شرع في القيادة: هو أنا ماقولتكيش ماهي كل يوم تطلعنا في دور تعيشه مرة تحسبها الأميرة فريدة ومرة بنت بلد وشعبية، وإنك وحظك بقي لو جيتي في وشها.
سما: ربنا يطمنك، ربنا يستر، شكلنا داخلين على أيام سودة.
زياد يقهقه: قولي يا رب.

تنظر له سما: وتضحك يارب، شوف أنا عاوزه أقولك حاجة بس لسه هتاكد وأبلغك، أعتقد أختي منال إليلي راحت لبجاد عشان يعمل عليك الفيلم ده وتنطق، بس مش عاوزه أظلمها.
زياد: طب دي أحسن حاجة عملتها وإلا كنت هفضل كاتم في نفسي وأطق وأموت.

سما بفزع عليه: بعد الشر عليك.

زياد ينظر لها: ماتيجي أعرفك بأمي بقي.

سما تضحك: بقي أنا إليلي تفكيري شمال بردو.

زياد: لا بجد المفروض تشكرها على إليلي عملته مش تلومها.

سما بغضب: لا طبعا هي فضحتني في الشركه، وإفرض كنت بتوهم حبك كان الوضع إيه دلوقت؟

زياد: كل شيء معرض للمكسب والخسارة، وأظن إنت كسيبتي المرة دي يبقى ماتفكريش في الخسارة

وهي عملت كده بدافع حبها ليكي، يعني نيتها خير، ماتجيش عليها أوي، هي بتحبك أوي عشان تعرض نفسها للموقف ده.

سما: بس بردو شكلي إيه قدام بجاد دلوقت؟

زياد: دا إنت شكلك زبالة.

فتنظر له.

زياد يقهقه: أصل أنا باركتله، ما هو عاملي ناصح وييلعب عليا والله لأوريه. سما بضيق: إنتوا هتلعبوا سوا ومش هامك شكلي وشكل أختي وزمانه فكر بنضحك عليه.

زياد مهدئا إياها: خلاص أنا هبقي أفهمه، بس أما يتعلم الأدب شوية.

ويقهقه.

سما بغضب: نزلني يازياد إنت رخم أوي وإنسي إني أتجوزك، دا إنت بارد.

زياد يجذبها من يدها: خلاص بقي إتلمي هقوله، بس أما نخلص من الإجماع بتاع إنهارده عشان يركز فيه ولو سمعتك بتقولي الكلام ده تاني هجيب خربك إنت فاهمة.

سما وتخفض رأسها لأسفل بخجل: فاهمة إسكت بقي ماتشخطش فيا كده بترعيني منك.

وترجلت من السيارة أمام منزلها، وصعدت لشقتها، وجدت منال.

سما بسخرية: يا أهلا، كنت فين إنهارده؟.

منال بتلعثم لأنها تعلم فشل خطتها من مكاملة بجاد وتعنيفه لها: هكون فين يعني في المستشفي.

سما تنظر إليها: والله !!.

لتشيخ منال بنظرها عنها: يعني هروح فين أنا؟.

سما وتسلط نظرها على منال: يعني ماعدتيش على حته كدة وإلا كدة.

منال بقلق و هي تفرك يديها: حته إيه ماعدتش في حته.

فباغتتها سما بكلمه أفقدتها توازنها: زياد بيسلم عليكي.

وتركتها ودلفت لحجرتها وأغلقتها

لتنظر منال إليها محل الحجرة المغلقة: زيااااا !! هو إيه إلي بيحصل بالظبط؟.

ودخلت مسرعة: هو زياد كلمك؟.

سما وقد تأكد حدسها: رحتي ليه لبجاد يا منال؟.

منال بقلق بالغ وظنت أن بجاد أفشى لها السر: إنت إيه عرفك؟، هو قالك. سما: زياد إلي قالي.

منال بضيق: سما مش عاوزه أغاز إحكي لي بالتفصيل الممل.

فقصت لها سما عن حوار بجاد مع زياد ومافعله زياد بها وإيصالها إلى المنزل، وعرضه الزواج منها مع تعريفها بتفاصيل حياته مع والدته.

منال بفرحة عارمة تحتضن أختها وتلف بها: مبروك حبيبتي، (وتتوقف) بس بجاد إتصل وبهدلني وهزأني. (وتبكي)، لا أنا لازم أهزأه زي ماهرأني وأعرفه إني صح.

وإتصلت به ولكن هاتفه مغلق، فقررت تذهب له .

ولم يثنيتها إعتراض سما: يا بنتي تلاقيه قافله عشان وراه إجماع بليل.

منال: خلاص هروحله مش هسيب حقي.

سما بقلق: إنت مجنونة الكلام ده مش مع بجاد، دا أجن من زياد.

منال بإصرار: وأنا أجن منهم.
وبالفعل لم تأخذ بنصيحه سما فهي مقهورة منه،
وذهبت إليه وعندما سمع صوتها قام وجذبها إلى داخل مكتبه،
وضربها بالكفوف: أنا تعلمي فيا كدة وتضحكي عليا إنت وأختك وليكي عين
تيجي كمان لهنأ.
فجرت من أمامه باكية، وأخذ أوراقه وذهب للإجتماع .
ليجد زياد: مين إللي خارجه تعيط دي وعملتها إيه؟.
بجاء: مش وقته هحكلك بعدين إقفل الموبيل عشان الإجتماع خرينا نركز.
وإنتهى الإجتماع، وخرج الجميع، وفتح الجميع الموبيل، ليجد كل من زياد
وبجاء مكالمات لا حصر لها من سما، فزياد لديه رقمها أما بجاء فلا.
بجاء بدهشة: إيه الرقم إللي داوشني ده؟.
زياد يأخذ الهاتف منه: وريني،(ثم يتحدث بقلق) دي سما خير يارب.
وإتصل بها وهو قلق: في إيه يا سما ؟.
سما ببكاء: منال راحت تفهم بجاء ومن ساعتها مارجعتش وموبايلها مقفول
أنا مخي هيقف.
وبجاء يتابع ولا يعلم شيئاً.
زياد مطمئناً إياها: طب يمكن عند زمايلها ولا في شغلها مش هي دكتورة
و في نباطشيات.
سما بإنهيار: مش عارفة مش عارفه قلبي مقبوض أوي.
زياد مهدئاً إياها: طب إهدي حبيبتي وأنا هسال بجاء جاتله وإلا لا، وحصل
إيه؟ وأبلغك ماتقلقيش خير.
وأغلق ونظر لبجاء: هي منال أخت سما جاتلك.
بجاء بعصبية: آه الست زفته إللي عامله رباطيه مع أختها وعاوزة تلبسهالي،
ما هي إللي كانت بتجري معيطه، فشيت غلي فيها كويس إني إكتفيت
بضربها وماقتلتهاش عشان تحرم تلعب معايا واختها دي أنا هرفدها .
زياد بعصبية: طب إبقي إعملها عشان أسبيك شركتك مخضرة وأسحب
أسهمي، إنت متخلف يلا.
بجاء بعدم فهم: فيه إيه إنت بتكلمني كده ليه ومالك ومالهم مايولعوا
بجاء.
زياد بغضب: تصدق إنك مابتفهمش.
وقص عليه ماحدث وأن منال تحاول مساعدتهم فقط وقد أسفرت خطتها

بالنجاح وتقدم لسما ليتزوجها
بجاء يجلس مكانه: يا نهار إسود، دا أنا بهدلت البت ودمرتها خالص.
زياد : منك لله يا شيخ دي بت يتيمه وبتساعد إخوتها.
بجاء بألم: إتصل بسما نعرف الأماكن إلي ممكن تبقي فيها وندور.
وفعلا إتصل زياد بسما، لتخبره عن مكان المشفى وأيضا المقابر ولكنه إحتمال
ضعيف فالوقت متأخر ليلا
ولكنهم يطرقون جميع الطرق، فذهب زياد للمشفى وسما تتصل بأصدقاءها
ولم يجدها أحد.
و ذهب بجاء للمقابر....
فدخل إلى مقبره أبيها كما أعطته سما العنوان ليجدها نائمة أو مغمى عليها
فحملها إلى سيارته.
بجاء وهو يتأملها: آسف يادكتورة حقك عليا، كنت قاسي أوي معاكي بس
ياريت تعذريني.
وهي مازالت مغمى عليها ليدخل سيارته ويأتي بزجاجة المياه ويحاول
إفافتها فتبعد الزجاجة حتى كادت تقع عليه: فيقول لها حاسبي.
فترد: الحساب كله عليا والقاعده بالمشاريب.
وتضحك ضحكة رقيقة، فينظر لها ولتحولها الغريب وإسلوبها وأيضا لأن
هذا التهريج يعلمه فهو يقوله دائما .
فتنظر له: إنت مين ياأخينا وعاوز مني إيه؟.

*** الفصل الخامس و الثلاثون ***

نظر لها بجاد وهذه اللغة التي لم يعهدها عليها : مالك يامنال؟
منال وبنفس الضحكه الرقيعة: منال مين يا حضرت أنا مينو وانت إسمك
إيه؟.

بجاد: محسوبك كبير صديق شخصي لنابليون بونابرت، إنت عاوزه تجنيني
في إيه يا بت مالك؟.

منال: يوه إنت هتتريق عليا ، إنت عاوز مني إيه؟، وخاطفني وإلا إيه والله
اصوت وألم عليك الدنيا وإنت أسمراني وحليوه كده.
بجاد يكتم فمها: يا ستي أنا لا خطفك ولا متنيل على عيني أنا لقيتك مغمي
عليكي إتبرعت أوصلك، أوصلك فين البيت ولا المستشفى.
منال: مستشفى ليه؟، هو أنا عيانة!.

بجاد بعدم فهم: لا ما قصدش، الشغل يعني .
منال ونفس الضحكة الرقيعة: ليه مفكرني ممرضة، وديني على مستشفى
القط الأسود.

وتضحك ضحكتها المعهوده

بجاد بإستفسار: فين المستشفى دي؟.

منال: سوق وأنا أقولك ياكابتشين.

بجاد بدهشة: كابتشن هي ليله سودا باين عليها، أنا إيه إيلي شبكني
وورطني الورطة السودا دي.

و قاد سيارته وهي تدله على الطريق إلى أن توقف أمام كباريه.

بجاد: نهارك إسود يامنال هتسهرى في كباريه!!!.

منال: أسهر إيه أنا بشتغل رقاصه هنا.

بجاد: يانهار إسود رقاصة!!!، يلا يا بت على بيتكم أوصلك.

منال: تروحني إيه؟، أنا ماصدقت قبلوني، وإلا تلاقي البت توحه مسلطاك
عليا عشان اليوم اليتيم إيلي برقص فيه ماروحوش، لا فوق إنت وهي، أنا
أشرحك.

بجاد بدهشة من اللغة الغريبة: توحه مين؟، وزفت مين؟.

منال: البت توحه الرقاصه، أصلي لما جيت أقدم هي واكله الجو وبتنزل تفتح
للزباين عشان كده هي الكل في الكل، أنا بقى هو يوم واحد بيجربوني فيه
أرقص.

بجاد وينظر لها: وبتفتحي للزباين يا مينو.
منال: إخرس أنا رقاصه آه بس بشرفي، أنا بخلص نمرتي وأمشي، ماهو عشان
كده هي إيلي واكله الجو.
بجاد: لا والله أحلى من الشرف مافيش، رقاصه شريفة بصحيح، من البيت
للكباريه ومن الكباريه للبيت
ونعم الأخلاق.
منال: إتريق إتريق، أنا بحب الفن والرقص يعني، أودي موهبتي فين أتكبت
وأموت.
بجاد: لا يا أختي إجلطيني أنا وكباريه درجة تالته يامنال، حثالة المجتمع
فيه.
منال: ماتقوليش زفته دي أنا مينو، ثم أنا لقيت أحسن منه وقلت لا مش
هم إيلي قبلوني، بكره كده حد يكتشفي وأبقي زي فيفي عبده.
بجاد: مثلك الأعلى فيفي عبده يلا يابت أروحك.
فزلت مسرعة وجرت، وهو أخذ مسدسه و جري وراءها ولكن دخلت
حجرتها ومنعه البودي جارد فجلس في الصاله منتظر حتى يأتي موعد نمرتها
،لتهل عليه ببدله الرقص،
ليخفي وجهه بين كفيه: البنت إنحرفت، دكتوراة الصبح ورقاصة باليل أنعم
وأكرم.
وجاء من يلبسها عقدا من النقود ولكنه حاول أن يحتضنها وأخذت تنظر
للبودي جارد ولا مجيب فهو زبون كبير، ولا يستطيعون خسارته.
فإلتفت بنظرها لبجاد القابع في الصالة، فلم يجد بد من أن يتحرك، وذهب
لها ليعده فجاء البودي جارد ليتناوشوا مع بجاد، ليخرج مسدسه يحمله
بيد، ويحملها على كتفه ورأسها لأسفل وقدميها لأعلى تبدلها حتى ينزلها
ويقول: إيلي هيقرب مني هعمله منخل.
وجري بها أدخلها في سيارته، وهي تسبه وتلعنه لأنه أفقدها وظيفتها للتو.
وهي تسب وتصيح: منك لله ياشيخ ضيعتني، أنا اترفدت بسببك ومش
هيدخلوني تاني الكباريه بعد الفضيحة إيلي عملتها لي.
بجاد ينظر لها: دا إنت شخصيا فضيحة، قال أنا إيلي عملتك فضيحة، بت
إنت إخرسي خالص لأفرغ المسدس كله في نفوذك.
فصمتت ثم ضحكت: كويس إن النقطة إدهاني في عقد ما رمهاش عليا، أهو
خدت حق الليله بدل مايكلوها عليا .

بجاد بعصبية: تصدقي لو ماخرستي إنهارده هرميكي من العربية ،دا إلي همك النقطة إنت عاوزه تشليني .

منال بإستفزاز: ليه دا إنت صغير وموز خالص على الشلل والجلطة.

بجاد: اللهم طولك ياروح، يابنتي ماتعرفيش تكتمي ولا أقص لسانك ده من لغاليغه.

فتضحك: حلوة لغاليغه دي، إنت مش طايقني ليه يا أسطى. فجحظت عيناه: أسطى !.

منال تنظر حولها: إنت موديني فين؟، وإلا عاملها حلوانة في سلوانه وساحبني على الخن بتاعك.

بجاد: خن!! تسمحي دا بعد إذتك يعني لو مافيش مشكلة يعني عند سعادتك (وبصوت جهوري) تخرسي خالص وماسمعش حسك.

منال بفرع: حاضر ياخويا دا مجنون ده ولا إيه وأنا عملتله حاجة ،(وتربت على كتفه) إهدى ياخويا صحتك بالدنيا لا عاش ولا كان إلي يزعلك .

ينظر لها: يعني أعمل فيكي إيه؟.

فتضع يدها على فمها بطريقة تجعله يضحك، بجاد بسخرية: بس الغريبة إنك عارفه تفاصيل حياتي ماعدا لوني المفضل ولون بوكسري .

منال تشير إليه تتكلم يعني فيسمحلها بالكلام.

فترد : يمكن ماكنتش لابسه كركر وتداعبه.

بجاد تجحظ عيناه: يخربيت قباحتك ، أنا لو مشوفتكيش وإنت دكتورة كنت شكيت إنك مش إنت أو شكيت في قوايا العقلية، إنت مايتسكتش عليكي وهتضيعي نفسك.

وتوقف ليأتي لها ملبس لترديها بدلا من بدلة الرقص هذه،وذهب للفيلا التي يعيش فيها.

منال: أيوه بقي بان علي حقيقتك وعاملي فيها منقذ، عشان تسحبني هنا، لا كان غيرك أشطر أنا رقاصه بس بشرفي.

بجاد نظر لها نظرة مرعبة: يلا يا بت قدامي.

منال: حاضر ياخويا إنت تؤمر.

وجلست أمامه بجاد ينظر لها: أعمل فيكي إيه دلوقت، ماقدرش أرجعك لإخواتك بالشكل ده

عشان يتصدمو فيكي.

وجلس يفكر ويضع وجهه بين راحة كفيه.

لتقاطعه منال: إحنا هنفضل في الصمت الرهيب ده، إنت جايبني تسمعني
سكاتك.

أعطاها الأكياس: قومي إلبسي اللبس ده.
تتراقص له: ليه مانا حلوة كده.

بجاد يحاول تهدأه نفسه بمرور يديه على وجهه: يا بنتي ماتتعبنيش معاكي
وإسمعي الكلام مره من نفسك خشي إلبسي.

فإنتفضت وجرت ترتدي الملابس المحتشمة التي إشتراها لها.

أما هو تذكر الدكتور النفسي الذي قابله في البنك، وتعرف عليه لبيحت عن
الكارت الذي أعطاه إياه وفيه رقم هاتفه رغم أن الوقت متأخر.

بجاد حاول مهاتفته: أنا آسف يادكتور يحيى صحتك من النوم، بس محتاجك
ضروري، أنا المهندس بجاد إتعرفت عليك في البنك لما الكارت بتاعك كان باظ
وبتغيره، كنت محتاج أجيلك.

يحيى: أه أهلا بيك لا أبدا مافيش أي إزعاج تشرف في أي وقت دي عيادتك.
بجاد: ممكن دلوقت؟.

يحيى بدهشة: أباي دلوقيت.

بجاد: مع الأسف الحاله إللي معايا ماتستحملش ولازم تشوفها في الحاليتين
بتوعها.

يحيى: ليه هي تعدد شخصيات ؟.

بجاد: أعتقد ذلك.

يحيى: أوك هاتها وتعالى حالا وأني منتظرك.

وأغلق وجدها أمامه .

منال: إنت هتوديني فين ولا هتشقطني لأصحابك.

بجاد ولم يبالي بحديثها: يلا قدامي.

و ذهب بها إلى د.يحيى وعيادته بمكان شعبي، وهي عيادة وشقه يسكن
فيها في نفس الوقت

ولكنها بسيطه وشعبية جدا.

منال: إيه ده هو عشان كباريه درجه تالته تجبني لأصحابك الدرجة التاسعة.
بجاد: يلا من غير كلام.

ودلفت من الباب، الشقه تشبه إلى حد ما عيادة دكتور بإمكانات بسيطه
جدا.

منال : إنت هتكشف عليا الأول.

بجاد: يابنتي اسكتي شويه، أنا صدعت منك ما بتفصليش.

وجاء يحيى بتيشرت وبنطال ترنج.

فتميل على بجاد: إيه الدكتور النص كم ده؟

وتكتم ضحكاتهما.

فيميل بجاد عليه: أنا آسف يا دكتور.

ويدخلها حجره الكشف، ليتحدث معها يحيى ويعرف تفاصيل عنها كما تقول.

ويعطيها حقنه مهدأه،

منال تستشيط: انتوا هتدوني مخدرات.

يحيى: لا دي حقنه مهدأه بس.

منال بعصبية: شايفني مجنونه.

وبعدها تهدأ وتنام.

يحيى: هي هتنام شويه، أنا هخش أنام وأما تصحي قولي، وإنْت شد كرسيين

ونام إنْت كمان على ماتفوق، هي إتعرضت لضغوطات جامده أوي ورا

بعض، خلت العقل الباطن يلجأ للإنفصال عن الواقع وخلق شخصيه جديدة

يفرغ فيها الضغط النفسي، بس هي في مراحلها الأولى ومع الأدوية والراحه

النفسيه، هترجع لحالتها الطبيعیه ماتقلقش، هي الحاله مش عنيفه.

بجاد: متشكر جدا وآسف على الإزعاج.

وجلس يتأملها: أكيد الضغط عليكي كان كبير أوي وأنا جيت كملت عليكي.

ويزيل بعض خصلات شعرها المتناثر على جبهتها ويتذكر سما وزیاد: يانهار،

دا زمانهم منهارين.

ليجد الفون ليس به شبكة فيخرج ليتحدث إليهم، فينبه على زياد أن يطمئن

سما ويخبرها أنه سيصطحبها غدا لرؤيه أختها، لأن الوقت متأخر حاليا، وأنها

بخير ولكن تحتاج للجلوس بمفردها بعض الشيء، وفعلا إتفق زياد مع سما

ودنيا على إصطحبهم في الصباح الباكر، وأخذ أيضا عنوان العياده من بجاد

ولكنه لم يخبرهم بما أخبره بجاد عن أختهم وماحدث لها .

*** الفصل السادس و الثلاثون ***

في الصباح إصطحب زياد دنيا وسما للعيادة ولم يخبرهم بشيء، وأنه مجرد إجهاد حتى يصلوا ويخبرهم
فصعدت سما ودنيا العيادة إلى أن يركن زياد السيارة ،
ليستيقظ يحيى من النوم ويفتح الباب وهو يتشاءب فلم يكن لديه خبر أن
اخوات منال قادمون
وأثناء ذلك تتحدث دنيا: إيه الأرف والمكان الزبالة إللي جاينا فيه ده هو في
بني آدميين عايشين هنا أساسا، دا مقلب زبالة .
 ويفتح يحيى بعد أن سمعها: فيه إيه يا أنسة؟، إنت جايه تشتمينا في بيتنا
كمان، مش عاجبك إيه جابك؟، أما بلاوي بتتحدف علينا صحيح.
 دنيا مستشيطه منه: بلاوي !، أنا غلطانة إني جيت هنا روح نادي الدكتور
بتاعك بدل ما أخليه يرفدك
قليل الزوق صحيح أنا عارفة بيشغلوا الأشكال دي إزاي؟.
 يحيى بغضب وعصبيه ويكاد يفرسها: إتصدجي إنت هتنضربي إنهارده .
 دنيا بغضب: إنت ياحته فراش هتنضربي أنا .
 يحيى يضرب كفا على كف:
 اللهم اخزيك يا شيطان، يا بنت الحلال ماتضيقيش خلقي أكثر ماهو ضيق
لحسن والله أدفنك موطرحك.
 دنيا: طب إجري إجري.
 وهم أن يأتي بها من شعرها، ولكن كان وصل زياد وأيضا سما تحاول التأسف
له وتقول له: طب نادي على الدكتور.
 ليزفر بضيق: اللهم طولك ياروح، آني هباب البرك الدكتور عاوزين إيه؟.
 فيصدم الجميع
 زياد: متأسفين يادكتور يحيى اللي مايعرفك مجهلك، مانت إللي طالعنا كده
طب نعمل إيه؟.
 يحيى: يعني وهو في حد ياجي لدكتور نفسي بدري إكده بتوزعوا لبن إياك.
 زياد عرفه بنفسه وأنهم حضروا لإصطحاب المريضة الموجودة هنا
 يحيى: آه إنتم تبع الباشمهندس بجاد.
 سما مؤكدة: بالظبط كده.
 يحيى ويشير إليهم: إتفضلوا.

وأبت دنيا أن تدخل، يحيى بضيق: إنت هتخشي ولا أولع فيكي إنت بالذات، والله أسكر الباب في خلقتك.

سما جذبتها: يلا يادنيا بقى خalina نخلص.

يحيى ويشير بيده: إتفضلوا في الغرفة دي على ما أتص وشي بشوية مايه وألبس، لإنهم نايمين بالغرفة الثانية مديها حقنه مهدأه على ما تصحي. وجاءت تدخل دنيا: أوو نوو دي بقالها قرن ماحدش دخلها شايفة العنكبوت والتراب.

سما بعصبية: خشي بقى وبطلي خalina نخلص هننفضها ونقعد.

دنيا: أدخلوا إنتوا أنا هفضل في الصالة.

و ظلت بالصالة .

أما زياد وسما قاما بتنظيف مقعدين وجلسا لأن زياد أخبر سما أنه يريد محادثتها، فحكى زياد لسما تفاصيل مرض منال لتعلم كيف تتعامل معها كما يقول لها الطبيب ولا تعلمها بمعرفتها بذلك.

لتبكي سما وهي في حالة ذهول مما سمعت فلم تتخيل أنه من الممكن يحدث هذا لشقيقتها

فيأخذ زياد برأسها إلي صدره لتهدأتها وطمأنتها أن الأمور ستكون بخير.

وفي هذه الأثناء يستيقظ بجاد من الأصوات العالية ولا يريد أن يسبب قلق لمنال حتى تستيقظ براحتها ولكنها تتلملم لتنظر تجده أمامها.

لتننفض قائمة لا تعي أين هي: إنت عاوز مني إيه ثاني مش مكفيك إلي عملته.

وهو يقف أمامها: أنا آسف يا منال.

فتشبح بوجهها للإتجاه الآخر فيقف أمامها: قلتك أنا آسف والله ماكنت أعرف ، اعذريني وسامحيني علي إلي عملته.

فتبتعد عنه: لا يمكن أسامحك بعد إلي عملته فيا.

فيجذبها من ذراعها: أنا أول مرة أعتذر لحد في حياتي، مش مكفيكي إنك اول حد أعتذر له.

منال: وأنا مش قابلة اعتذارك (وتنظر للمكان) أنا فين؟.

بجاد: أظن باين إنت فين.

منال: دي عياده أنا آخر حاجة أغمي عليا وأنا في المقابر.

بجاد: مش بس كده أنا رح لقيتك فعلا مغمي عليكي وقص عليها ماحدث وهي في حالة ذهول تام.

يجلس بجانبها: يابنت الحلال أني لو عايز أجيبها في أفخم موطرح ماهتأخرش، لكن أني دخلت الكلية إهنة وبوي صرف علي وأما خلصت حبيت أبني نفسي بنفسي ومامدش يدي لبوي، اللي لو جلتله هي جيبها في احسن موطرح فيكي يا بلد.

دنيا: موطرح!! إنت منين يا بلدينا.

يحيى: أني من عين أعيان قنا.

دنيا: عين أعيان دا إنت عيان مش أعيان.

يلكمها في كتفها: إنت هتخربطي في الحديث معايا ولا إيه والله أصدغلك. دنيا بدهشة: هو أنا قلت حاجة، أجدع ناس ياعم إنت حمقي كده ليه، بس أنا بحب اللهجهالصعيدي جوي جوي يا بوي.

فينظر لها ويتسم ويسرح في عينها، فتخجل من نظراته: فيه إيه يا بلدينا خف تعوم.

يحيى: وهي باين عليها بدأت تحبك مش بيقولوا ما محبه إلا بعد عداوة.

دنيا تنظر إليه: هي مين دي؟

يحيى: اللغه، ألا إنت ظروفك إيه؟

دنيا بإستفسار: من ناحية إيه؟

يحيى: مخطوبة مرتبطة متراجة.

دنيا تنكره في ذراعه: إيه متراقبة دي شايفني مسجل خطر.

يحيى بإبتسامة: هو من ناحيه خطر فإنت خطر على الأمن العام كلياته.

دنيا وتخفص رأسها خجلا: وبعدين معاك بقى، لا ياسيدي فاضية.

يحيى: وظروف كليتك.

دنيا: أنا في تالته تجارة وباقي سنه.

يحيى: طب ماتاجي تشتغلي معاي.

دنيا بدهشة: أشتغل إيه ممرضة!

يحيى مفسرا لها: أهو تروجي الشقه إللي مش عجباكي دي وتحطي لمساتك عليها، وتبقي سكرتيري وتنظمي الشغل.

دنيا: وأكلك وأشربك وهنك وأهشتكك، أنا أشتغل خدامه عندك.

يحيى: ياريت.

دنيا وقامت ساخطة عليه: لا إنت بتستهبل.

يحيى يجذبها لتجلس: يابنت الحلال هم ساعتين بتاجيهم تفتحي العيادة وتاخدي المواعيد، هو في فراش كل شهر بيجي ينظفها بس كبير وغلبان.

منال: مش ممكن إنت أكيد بتكذب، مش ممكن أنا كده؟!.

وإنهارت ،ليأخذ برأسها في صدره.

بجاء: أظن إنت عارفة إن كلامي كله حقيقي وحصل وإنت بنفسك قلتيلي.

منال: بس ده كان حلم!!.

بجاء: وأظن كل حاجة فيه إتحققت، دا كان رمز أو إشاره تعرفي بيها كل

إللي عرفتيه وتحاولي تصلحيه ولو مش مصدقة الدكتور مسجل كل اللي دار

بين مينو والدكتور.

منال: مينو مين؟.

بجاء: إنت مسميه نفسك مينو، أنا جبتك هنا عشان نساعدك وعشان

يشوفك في الحالتين ودا كله من الضغوطات اللي محمله نفسك بيها، أنا هنا

وكلنا هنا عشان نساعدك زي ماساعدتينا.

منال بقوه وشموخ: وإنت بالذات لو آخر واحد في الكون مش عاوزه

منك مساعدة (والدموع بعينيها تأتي الخضوع والإستسلام والإنحدار ففتحجر

بمقلتيها)،عشان إنت أول واحد قتلتك وماصدقتنيش، ولما جتلك مديت

إيدك عليا، ودي أول مره حد يمد إيدو عليا، حتى بابا عمره ماعملها وعمري

ماهسامحك.

بجاء: منال قتلتك آسف، والله ماكنت أعرف فكرتكوا بتلعبو بيا، أعذريني

وإلتمسيلي العذر.

منال: آسفه ياباشمهندس، مش محتاجه مساعدتك.

بجاء يزفر بضيق: ماشي يامنال، براحتك.

فتنظر له بعينان معاتبتان.

في الصالة يخرج يحيى من حجرته، بعد أن مشط شعره وإرتدي بنطال

وقميص شيك وتغير كليا وجزئيا

وخرج وجد دنيا، فنظرت له بدهشة.

فلم يمهلهما التفكير: إيه إكده ننفعوا نبقوا دكاتره ولا لساتنا فراشين يابرنسيسه.

دنيا: أنا آسفه بس إنت ماشوفتش منظره كان إزاي أي حد هيشوفك مش

هيتخيل إنك دكتور،

لكن رأيي في العياده مازال زي ماهو، في دكتور محترم يقعد في عياده زي

دي، ويقولوا الدكاتره بيكسبوا.

دنيا بخوف: أنا آجي المنطقه دي لوحدي دا يفترسوني.
يحيى بضحك: ممكن والله، آني هوصلك بعد العيادة ماتخافيش ، أصلي
محتاج واحدة معايا.

دنيا: وإشمعنة أنا بالذات؟.

يحيى: ماخبرش، مش المفروض الحرمة تريخ جوز..... أقصد دكتورها إنت
بقي هتقومي بواجباتك تجاه العيادة .

دنيا: تريخ دكتورها بردو وإسمها حرمة.

يحيى: أمال إيه؟.

دنيا: إسمها ست .

يحيى بهيام: وست الستات كومان.

دنيا: إنت عاوز مني إيه بالظبط يا دكتور؟.

يحيى: ماخبرش خليها للظروف، بلاش نستعجلو الأمور.

دنيا: إنت عندك كام سنه؟.

يحيى: هتفرج معاكي؟، إنتي كام سنة؟.

دنيا: مش هتفرق بس أعرف أنا واحد وعشرين.

يحيى: وأني واحد و ثلاثين.

دنيا: ولسه ماتجوزتش لدلوقت؟.

يحيى: مالقيش بنت الحلال إيلي تستاهلني ويعدل ياقته ،ماعندكيش
عروسه حلوة زيك إكده.

وينظر لها من طرف عينه

لتغضب : لا ماعنديش شايفني شغالة خاطبه.

وقامت متضايقة ليجذبها مره أخري لتجلس: خلاص ما تتعصبيش إكده.

دنيا: مين قالك إني متعصبة، ومين أصلا هتوافق بيك بعيادتك الكحيانة دي.

يحيى: شوفي اني خدت المايجستير وبفنيش الدكتوراة لما اخلصها هاخذ عياده

في أرقى مكان وأكتب عليها دي.يحيى القناوي ماجستير الطب النفسي من

جامعه كذا ودكتوراة من كذا، زي ما بيكتبوا إنما دلوقت ماليش أعمل عياده

بنعملها تحت بير السلم في الدرا ، زي ما بيقولوا ولما أعمل الجديده بقي

في مكان راقى هياجي الناس الذوات، والبليه تلعب إنما اهنة يخش يدفع

خمسة جنية ولو عاجبني وعاوز بالباقي ترمس.

فتضحك دنيا على كلماته وينظر لضحكتها برهه ثم يستفيق: والله يا أنسة

ولا ليكي عليا حلفان

الواحد كره نفسه من الحالات إلي بتاجي إهنة.
دنيا: دا إنت اللي يخش عيادتك عاقل يطلع مجنون.
يحيى: لا والله أي إلي بجننهم هم مجانين أصلا، أهو مثلا أختك دكتورة
وعندها شيزوفرنيا بتشتغل رقاصة آخر الليل.
فقامت دنيا: إنت بتقول إيه؟، مين دي إلي رقاصة.
يحيى: أختك إلي جوه إنت ماعتعرفيش وإلا إيه؟، أي فهمت الباشمهندس
حالتها،

ولازم كل المحيطين بيها يعرفوا وياخدوا بالهم منها ويلاحظوها من غير
ماتعرف ويتابعوا تحركاتها وأدويتها تتاخذ بانتظام وكمان يخفوا عنها
الضغوطات.

فبكت: يا حبيبتي يامنال، إحنا السبب إحنا إلي عملنا فيكي كده وأنا بالذات
بسبب إستهتاري.

حاول يحيى تهدأها: خلاص يا آنسه، لازم تبقي قويه عشان تقفوا جمبها
ماينفعلش إكده.

ويعطي لها منديل ليمسح دموعها: أنا والله فكرتكوا عارفين حالتها وإن
بجاد قالكوا،

(فأمسك يدها بين يديه) إهدي بقي مش كده.
فخجلت وسحبت يدها.

يحيى: أي أسف ماقصدتش حاجه والله أي بحاول أهديكي، في الطب النفسي
مممكن الحضن أو مسكه اليد أو تربت علي كتف احدهم دا بيعمل تهدأه
وإرتخاء للأعصاب.

دنيا: خلاص ما فيش حاجة.

يحيى: طب هتيجي وإلا لا.

دنيا بتعجب وعدم فهم: هاأجي فين؟.

دنيا: تشتغلي ويايا.

دنيا: أنا في إيه وإلا في إيه إنت كمان.

يحيى: ما أي مش هسيبك تخرجي من إهنة إلا أما آخذ ردك.

دنيا: وإشمعنة أنا ماتجيب أي حد من المنطقة.

يحيى: هي تربست إهنة وعمايزك إنت، أي رايد أعرفك أكثر.

دنيا بتسوييف: هشوف ظروف.

يحيى بعصبيه: ما فيش ظروف ولا جوابات، أي جلتها كلمه تاجي تشتغلي

معاي.

دنيا بعصية: الله وإنت بتتنرفز عليا ليه؟.

يحيى: آني هتحايل عليكي إياك!!.

دنيا: وإيه يعني لما تتحايل عليا، هاتلي ورد يا إبراهيم.

يحيى: إبراهيم مين يابت إالي تعرفيه؟.

دنيا: مافيش والله دي كانت في فيلم.

يحيى: آني فكرت، كنت هجيب خبرك وأقطم رقبتك.

دنيا: يا سلام ويهمك في إيه؟.

يحيى: يهمني في إيه!!، قومي يا بت من جاري بدل ما ألزقك في الحيط.

دنيا: الله هو مافيش تفاهم معاك خالص كده.

وقامت، ليجذبها من يدها: هتآجي.

دنيا: لا مش هآجي.

وتركته لتذهب لأختها

يحيى: خلاص غوري في ستين داهيه ما عاوزكيش.

تنظر إليه: طب إيه رأيك بقي أنا هآجي عشان أحرق دمك.

فينظر لها متبسما .

دنيا: لا ماتبصش كده مش عشان إالي في دماغك.

فيقوم أمامها بطوله الفارع وهي قصيرة: وإيه إالي في دماغ.

فتتلعثم : معرفش.

وتجري من أمامه.

فينظر لها: حته كتكوتة الواحد يفعضها بيده وصوت ماعرفش طالع منين.

.....

ينظر بجاد لهاتين العينين المعاتبتين، ويغمض عينيه ثم يعود لها يمسكها من

ذراعيها:

يعني أعملك إيه أنا، دلوقت بتقولي كلام وعنيكي بتقول كلام تاني، أصدق مين

فيهم عوزاني جمبك وإلا لا.

منال بتأكد: لا مش عوزاك، إنت بالذات لا.

وفي قراره نفسها تريده أن لا يأخذ برأيها بل يرميه عرض الحائط ويقف

بجانبها بل يحتضنها فهي تحتاج لهذا الحضن وفي أمس الحاجة له، ولكن

لسانها يعجز عن قول ذلك.

بجاد: خلاص يامنال براحتك وأنا آسف.

وخرج مسرعا ليجد الجميع بالخارج.
بجاد: زياد خليك معايم أنا ماشي.
زياد بدهشة: فيه إيه يا بجاد مالك؟
بجاد: مافيش هي اللي طلبت كده.
زياد إشفافا على صديقه: طب روح إرتاح وبتكلم بعدين.
لإنه علم حاله صديقه وأنه لا يحتمل الكلام أكثر من ذلك

*** الفصل السابع و الثلاثون ***

دخل يحيى لمنال ليتابع معها الجلسة وهي بشخصيه الدكتوراة منال وليست مينو، ويعرفها بنفسه.

منال: الكلام اللي قاله بجاد صحيح يا دكتور؟.

يحيى: لو عاوزه تشوفي صوت وصوره عشان تتأكدي مافيش عندي مانع، على فكره أنا بعاملك كدكتوراة وفاهمه مش مريضة وإلا الوضع كان هيبقي مختلف.

وعرض عليها الفيديو وشاهدت وسمعت لتصطدم مما كانت عليه وتنهار بالبكاء.

يحيى بحزم: دكتوراة، إنت قويه ولازم تواجهي وكويس إنك لسه في الأول، ماتعمقتيش في الشخصيه وإلا كان صعب تنفصلي عنها .

منال: لا أنا مش قويه أنا تعبت من إدعاء القوه وتصحيح أخطاء غيري تعبت أنا أم من وأنا لسه في إبتدائي، أم لطفلتين منهم رضية، تعبت تعبت ومأحدش حاسس بيا وكله بيغلط ومنتظر أنا أصلحه الخطأ.

يحيى ويوقفها أمامه: لا قويه وكلامك ده دليل علي قوتك مافيش طفلة تتحمل المسؤلية دي كلها إنت كان ممكن تكبري دماغك وتعيشي طفولتك لكن إنت كنتي أذ المسؤلية وتعاملتي بقوة مع الموقف و بعد ماشوفت المجنونة إلي بره دي، إنت أكيد قويه أوي عشان تسيطر عليهم وتصلحي أخطائهم ويسمعولك ويطاوعوي .

فتضحك منال: تقصد دنيا؟.

يحيى: هو في غيرها، التانيه شكلها غلبانة وطيبة، ممكن بقي تهدي وتحكي لي من الأول ، أني خابر مالكيش أخ، إعتبريني أخوكي وأي حاجة بتقولها إهنة مأحدش هيعرف بيها ، دي أسرار شغل وإنت خابرة.

وظلت تحكي عن طفولتها، إلى أن أنهى الجلسة لتذهب ترتاح ويكمل مرة أخرى.

يحيى: شوفي إحنا هناخد شوية جلسات إكده تطلعي كل اللي جواتك ماتخبيش شيء واصل، إعتبريني هوا بتكلميه أكني مش موجود وقولي أي شيء يخطر ببالك أكيد أي حاجة لو ماتستاهاش هتساعدنا وتحطنا قصاد المشكله، أقولك إبقي إقتليني بعد ماتفضفي معاي.

فتضحك منال: لا مش للدرجة دي.

وبعد أن قامت وجدته ينادي عليها: دكتورة منال.
فإلتفتت له، ليستطرد: إنت ليه رفضتي مساعده بجاد؟، وليه هو بالذات؟،
مع إنه هو الوحيد إللي إكتشف حالتك وجابك المفروض يبقى موضع ثقة.
منال بألم وحسرة: ماتجبليش سيرته لو سمحت.
ووجد الدموع تتجمع بمقلتيها.
يحيى بإدراك: خلاص فهمت.

منال بنفي: لا مافهمتش.
يحيى بتأكيد: لا فاهم وإلا عشان صعيدي مفكراني قفل مصدي كيف
مابتقولوا على الصعايده، أني لماح قوي وأفهمها وهي طيارة.
منال بخجل: لا والله ماقدش أنا فعلا مرتحالك كأخ بس ماتستعجلش لما
يجي وقتها هحكيلك كل شيء
هروح منك فين ما أنا متابعة معاك وهاجي الجلسات أنا فعلا حسيتك
قريب مننا وأخ فعلا.

يحيى: ربنا يديم المحبه، منتظرك في الجلسه الجاية ، بس علي فكرة بجاد
كمان ببيادلك شعورك كيف ما بتبادليه بس بيكابر، وحسيتها وهو خارج
من عندك.

منال بنفي: شعورك خانك المرة دي يا دكتور.
يحيى: هنشوف أني كلامي ماعينزلش الأرض واصل.
وخرجت منال لإخوتها وخلفها يحيى.
زياد: طب هنزل أجيب العربية عشان راكنا بعيد على ماتنزلوا.
وأخذتها سما ودنيا .

سما بحزن: ألف سلامه عليكي حبيتي، بلاش مجهود يا منال عشان ماتتعبيش.
وتنظر منال ليحيى ليبادرها بالنفي أنها لا تعلم شيء، فيجب أن تفهم أن لا
أحد يعلم شيئاً ولكن يجب معرفتهم بمرضها وكيفية التعامل .
ونادي عليهم يحيى، لتلتفت له منال ويعطيها الروشته.
يحيى: العلاج يا دكتور.
منال: آه آسفة.

يحيى: لازم بانتظام هو هيهديكي وينيمك هبابه.
سما: ماتخافش أنا هدهولها بانتظام.
وبعد أن خرجوا تذكرت دنيا هاتفها، فاستأذنت أن تحضره ودلفت مسرعة.
يحيى بضحك: إيه لحقتي إتوحشتيني.

دنيا تبتمس إبتسامة صفراء : لا نسيت الموبيل يا فالج.
ليقف أمامها يسد عنها الباب: منتظر ك تستلمي الشغل بتاعك.
دنيا بثبات: مش جاية.

ليغضب يحيى: هو لعب عيال إياك، جاية مش جاية، إحنا إتفقنا وخلص
وإياكي ماتاجيش هجيبك من شعرك إلي فرحنالي بيه ده.
دنيا: خلاص وسع هاجي، إيه ده؟، إنت عصبي كده ليه؟.
يحيى: إنت إلي تفوري الدم، يلا ماتتأخريش أجي أوصلك.
دنيا: شكراً سلام.
يحيى: سلام يا جنان.

أوصلهم زياد للمنزل.
ومال على سما: هسيبك إنهارده مع أختك بس عاوز أكلمك في موضوع مهم.
سما: أوك، ميرسي يازياد على إلي عملته معانا وأشكر بجاد.
زياد: إنت هبلة يابت بتشكريني على إيه دا، واجبي مش هتبقي مراتي.
فأخرجت من الكلمة: سلام بقى.
زياد: عاوزين حاجة أجها قبل ما أمشي.
وجاءه إتصال هاتفي
ليتحدث : نعم ياماما.
نازلي: إنت فين يا ولد، إتاخرت كده ليه؟، إنت ناسي إن الملك فاروق عامل
حفله في القصر إنهاردة.
زياد: فريدة إرحميني أبوس إيدك، حاضر هجهز العرييه وأجي أصطحبك
للقصر أوامرك يا ملكة.
سما: إنت رايح حفلة تنكزية؟.
زياد: لا دي أمي عايشة في دور الأميره فريده وناوية تتجوز الملك فاروق، أنا
ماشى بدل ما أنتحر عاوزة حاجة .
سما: لا يا حبيبي ميرسي خد بالك من نفسك.
زياد ويضع أذنه بقربها: قلتي إيه كده؟، سمعها ني تاني.
سما بخجل: زياد ماتحرجنيش بقى.
زياد: مستخسرة فيا كلمة وسط السواد إلي شايفه بنات تسد النفس.
ودخل سيارته وأغلق الباب بعصبية وذهب.

وهي تنظر له: إيه المجنون ده؟، بيقلب في ثانية.

ومنال من بعيد: في حاجة يا سما؟.

سما: لا حبيبتى أنا جاية.

وصعد الثلاث بنات الشقة، ودلفت منال حجرتها لترتاح لتحضر سما الفطور،

حتى تتناول منال أدويتها

وأخذت سما دنيا لتحدثها.

سما بصوت منخفض حتى لا تسمع منال: عاوزين نبتشيات عليها عينك

ماتتوربش عنها لو أنا مش هنا.

دنيا تطمئننها: مش الحالة بتيجي بليل بس وهو مديها العلاج يهديها وينيمها.

سما:أهو بردو الحرص واجب مانضمنش.

دنيا بتلعثم: أنا جاني شغل.

سما بعصية: دا وقته!.

دنيا: لا ماينفعش أنا إديته كلمة دا يقتلني.

سما بتساؤل: هو مين ده ؟.

دنيا بإندفاع: يحيى، أقصد دكتور يحيى.

سما: لا والله إنت لحقتي؟، إيه شبطة، دا كان هيشدك من شعرك لولا زياد.

دنيا بإبتسامة: ما محبة إلا بعد عداوة، ثم مين زياد وبجاد الي ظهروا على

السطح فجأة دول؟.

سما: بجاد صاحب الشركة الي بشتغل فيها، وزياد شغال معاه وهيحي

يخطبني.

دنيا: طب زياد أوك لكن بجاد إيه عرفه بمنال؟.

سما بضيق: يووو دا موضوع كبير هبقي أحكهولك على رواقه.

دنيا: إرغي وإحنا بنحضر الأكل.

فقصت لها مافعلته منال.

دنيا: يا حبيبتى يا منال، وعملت معايا أنا كمان كده وكنت هضيع لولاها.

وقصت ما فعلته.....

سما بإصرار: لازم نساعدها يا دنيا ومانبقاش حمل عليها تاني، لازم تعيش

حياتها هي بقي مش حياتنا إحنا.

دنيا: بس والله بجاد ده موز ولايق عليها.

سما: أنا كمان شايفه كده بس في حاجه غريبة غير مفهومة في علاقتهم.

دنيا بإستفسار:إيه هي ؟.

سما: لسه مش عارفة بس مسيري أعرف ولازم أعمل حاجه بس هي تخف.
 دنيا: طب أنا لازم أروح ليحيى إنهارده.
 سما: لحق وحشك ماكنا هناك.
 دنيا: إيه وحشك دي دا شغل ومعاد عيادة.
 سما تضحك: عيادة.
 دنيا: آه عياده مش عجباكي بكرة هياخد الدكتوراة ويجيب في أرقى منطقة.
 فتتظر لها سما، دنيا بخجل: ماتبصليش كده، إيه هو اللي قال كده.
 وتركتها وذهبت لحجرتها.
 سما: ياخوفي منك يا قصر ميللي إنت.

أما زياد ذهب لبجاد في الشركة ،ودلف المكتب.
 زياد: فيه إيه يابجاد؟، إيه اللي حصل بينك وبين منال؟، وليه مشيت؟، أنا
 مارضتش أطول معاك في الكلام هناك بس حسيتك مضايق.
 بجاد: مافيش حاجه يا زياد الموضوع إنتهى خلاص، وهي حرة أنا عرضت
 مساعدتي وهي رفضت وإنتهى،
 هبوس إيديها عشان أساعدها.
 زياد: يعني بس كده ياصاحبي، مافيش أكثر من كده أمال أنا حاسس إن
 الموضوع أكبر بكثير من كده ليه؟.
 بجاد: لا هو كده بس، وماتكبرش الموضوع وتديه أكبر من حجمه موضوع
 وراح لحاله خلاص.
 زياد: أأمل ذلك.
 بجاد: يعني إيه؟.
 زياد: يعني عصبيتك وتقفيك في الكلام معايا مايدلش إن الموضوع راح
 لحاله، وإنه أكبر منك ومنها.
 بجاد: بلاش كلام فارغ أنا أبص لدي؟، دي كانت بتشتغل رقاوه إنت عارف
 سمعتي هتبقي إزاي لو كان في أي حاجة بينا .
 زياد: في إيه ياجدع؟، دي دكتوراة، والموضوع ده حالة عارضة ومرض.
 بجاد: طب قفل بقي وأنا إيش ضمنى باللي حصلها.
 زياد بغضب: أنا ماشي عشان شكلك إتجننت، أمال لو ماكنتش شوفتها
 بنفسك!.

بجاد: وأنا إلي أنقذتها، أنا عارف حصل إيه قبل كده.
 زياد لينهي الموضوع: ماشي أنا هسيبك ترتاح عشان إنت مش عارف بتقول إيه؟
 وخرج زياد ليقذف بجاد ورائه أحد الأشياء الموجودة على المكتب وتتحطم.
 لتدخل السكرتيره فزعة: فيه إيه يا فندم؟
 بجاد بضيق: مافيش مافيش اخرجي بره.
 وبعدها يخرج ويغلق الباب بقوة خلفه ويحدثها: إلغي أي مواعيد إنهارده،
 أنا مش فايق خالص لأي رغي، وهقفل تليفوني ماحدش يتصل بيا.
 السكرتيره: أوامرك يا فندم.

*** الفصل الثامن و الثلاثون ***

ذهب بجاد إلى فيلته، أخذ حماما دافئا، وألقى بنفسه على الفراش في محاولة عقيمه لينفض جميع الأفكار التي تلاحقه ولكن دون جدوي، ليقوم ينظر لنفسه بالمرآه ويكسر حاجز الصمت ويعنف نفسه إيه في إيه مالك كلام زياد أثر عليك ولا إيه من إمتي وإنت بيهمك أي حد، ومالقتش غير دي، مين دي أصلا عشان تفكر فيها، إ عقل كده وكبر وإنسي كل إلي حصل وإرمي ورا ظهرك.
 ليلقي بجميع ما أمامه ويصيح: مش قادر، مش قادر.
 ليجلس أمام المرآه ويسند رأسه بين كفيه: إيه إلي بيحصلي ده، أنا لازم أرتاح وأبعد فتره بس أخلص الشغل إلي ورايا وأسافر أي مكان.

إرتدت دنيا ملابسها، لتراها سما: على فين يافاقعة مرارتي.
 دنيا: ما أنا قيلولك رايحة ليحيى.
 سما: مش قلنا مش وقته وكليتك.
 دنيا: دا هم ساعتين، وقالي هاتي كتبك وذاكري يعني شايفه حد بيروح العيادة أوي.
 سما: لما إنت عارفة كده رايحة ليه؟
 دنيا: هو طلب مساعدتي، عن إذنك بقى وخدي بالك من أختك.
 وركضت.
 وسما تشد في شعرها منها: أنا غلبت وغلب غلبي في البت دي.

ودخلت سما لمنال: الجميل عامل إيه؟.

منال: الحمد لله حبييتي.

سما: ممكن أسالك سؤال لو مش هيضايقك!، إنتِ ليه عملتي مع بجاد كده؟.

تمتليء عينا بالدموع: ممكن ماتجلبيش سيرته تاني.

سما: طب أعرف بس عمل إيه؟، دا كان معاكي وهو إللي جابك العيادة ومارضيش يسيبك أو يقولنا نيجي ناخدك إلا الصبح أما ترتاحي وفضل جمبك.

منال: يشكر أوي على إللي عمله، بس بردو مش عاوزه مساعدة منه هو بالذات.

وتبكي.

سما لتهدأتها: طب خلاص خلاص (وإحتضنتها)، أنا أسفة مش هجيب سيرته تاني خلاص لو بتضايقك.

وأعطتها أدويتها لتنام.

وخرجت لتتصل بزياد.

زياد بقلق: خير يا سما.

سما: إيه إللي حصل من بجاد يخليها بالحالة دي لما أجيب سيرته، بجاد عملها إيه؟.

زياد: والله ما أعرف بيعملوا في نفسهم كده ليه؟، وبجاد كمان مابقاش هو بجاد خالص ولا راضي يتكلم بس إللي أعرفه إنها جاتله فعلا زي ما قالتلك.

وقص عليها ما حدث.....

سما بفزع: يا نهاره إسود ضربها، مش كفاية إللي هي فيه، دا عمر ما حد مد إيده علينا حتى بابا يجي هو ويعمل فيها كده عشان كده مش طايقه سيرته ولها حق.

زياد: المهم سيبك من بجاد دلوقت، أنا قلتك عاوزك في موضوع مهم.

سما: ما أنا جايه بكره، فيه إيه؟.

زياد: ماينفعش الكلام ده في التليفون.

سما: طب نبذه.

زياد: نبذه...

بصي ياستي، انتو دلوقت محتاجين راجل، ومش هينفع وجودي معاكوا بدون صفه، فكنت عاوز أكتب الكتاب، حتى عشان لو في أي حاجه أو

دخلت البيت يبقي ما فيش أي إحراج ولا حد يكلم عليكم.
سما: بس إنت شايف الظروف.
زياد: دا أنا بقولك كده عشان الظروف دي.
سما: طيب طيب ماتتعبش كده، لما آجي بكرة نتكلم في الموضوع.

أما دنيا فذهبت ليحيى
ليفتح لها بوجه عابس: ما بدري يا برنسيسة، لسه فاكرة!
دنيا بغضب: أرجع والله.
ليجذبها للداخل: ليه هو دخول الحمام كيف خروجه، خشي شوفي شغلك،
مكتبك أهال! وأني جوه أما يا جوي حد بتاخدي الفلوس، وتسجلي المعاد
والدخول بالأسبقية، إلبي يا جوي الأول يدخل.
دنيا: حاضر أي أوامر تانية.
يحيى: روقي إكده وإعملي منظر، إعملي بلقمتك.
دنيا: وأجيب جردل وأرش قدام العيادة، وأقول يافتاح يا عليم يارزاق يا كريم
إصطبحننا وصبح الملك لله.
يحيى: إحنا فاتحنها جزارة، يلا شوفي شغلك وما تعطلنيش.
دنيا بعصبية: يعني شايف الشغل مقطوع بعضه، هو في حد معبرك أصلا.
كاد أن يخبطها فوق رأسها: إتلمي وشوفي شغلك يا أم لسانين.
وحاولت أن تظبط الأمور ليهل عليها الزبائن، وتأخذ نقود الكشوفات
وتكتب الأسماء.
لتدخل له بفرحه عارمة.
يحيى: إيه في حد جه في ليلتك دي؟
دنيا وهي تقفز فرحا وتهللت أساريرها: فيه عشرين كشف بره أدخل الأول.
فذهل من الرقم وقام للتحقق مما تقول ويجد بالفعل هناك أكثر من
عشرين شاب بالخارج:
إيه المولد ده، دا لما بياجي واحد بنفرجوا شربات، ولو اتنين بندبحوا عجل،
إيه الطيطة دي، دخلي أول واحد، وإنت إتلمي وماتقعديش قدامهم إكده،
روحي الغرفة الثانية وأما أخلص الكشف إبقى دخلي الثاني، تفضلي في
الغرفة الثانية وماتقعديش وياهم.
دنيا: حاضر.

يحيى: إستني خدي الإشارب ده حطيه على رأسك.
دنيا: إيه ده؟، وبتاع مين؟.

يحيى: بتاع أمي بربط دماغي بيه لما ببقلي مصدع.
دنيا تبعده بأطراف أصابعها: لا إيه ده.

يحيى: بقولك إمسكي عاد إلبسيه، بدل ما أقوم ألبسهولك، وماتطلعيش بعد
اكده إلا بطرحة.

دنيا: إيه التحكمات دي وإنت مالك دي حاجة شخصية.
وهمت بالمضي، لتجده قفز أمامها : لما اقولك حاجة تقولي طيب، نعم،
حاضر، وبس.

دنيا بتأوه: سيب إيدي يا يحيى.
ولكنه ألبسها الطرحة غصبا عنها: وحسابنا بعدين.
لتخرج بضيق وتدخل أول كشف.

يحيى يسأل المريض: خير بتشتكي من إيه؟.
الشاب: عاوز أتجوز.

يحيى بدهشة: وإنت شايفني خاطبة، وإلا بره مكتوب مكتب زواج.
الشاب بتفهم: ما أنا عاوز أتجوز الأنسه إلي بره.
يحيى: نعم ياروح أمك.

وقام ليقوم الشاب فزع ويجري: فيه إيه يا دكتور ؟.
ويجري يحيى خلفه والجميع في دهشة .

يحيى وينظر للجميع: إنت جاي ليه ياد منك له؟، لو زي الواد ده عشان
الآنسة يأخذ بعضه من سكات بدل ما أروحه بعاهة.

الشباب: ليه بس يا دكتور؟، دا إحنا غرضنا شريف.
ليحضر عصا الممكنسة: إنتم لسه بتسألوا؟.

فجروا أمامه، ليخلق خلفهم الباب، ويلف بنظره في الشقة: إنت ياهانم
روحتي فين؟.

وهي مرعوبة بالداخل فقد سمعت ماحدث، فخرجت تقدم ساق وتؤخر
الأخرى: فيه إيه؟.

يحيى: مبسوفة أول يوم تاجي فيه تلمي عليكي شباب المنطقة، لو شوفتك
جاية بالمنظر ده تاني لهولع فيكي.

دنيا بعصبية: وأنا مالي أنا.

يحيى: جاك ملة على جنابك، الكلام إلي أجوله يتنفذ، ويلا من إهنة حاكم

الشیطان شاطر، وإحنا لوحدینا بدل كلام الناس، عشان أني جبت أخري.
دنیا بعدم فهم: تقصد إيه عاوز مني إيه؟.
فيقترب منها: كل ده وبتسألني عاوز إيه؟، يلا نروحوا نقعدوا في أي داهيه
بدل المخروبه دي وأنا أقولك.

*** الفصل التاسع و الثلاثون ***

نزلت دنيا مع يحيى، ليجذبها وهي تسير بجانبه دنيا: فيه إيه؟.

يحيى: إنت إللي راичه فين؟، العربية أهي.
دنيا بدهشة: عربية إيه ؟، ومين ؟.

يحيى: عربيتي.

دنيا بذهول: دي عربيتك؟!.

يحيى: مالك مذهبله كدا ليه، مش بقولك من عين أعيان قنا، وأني أركب أقل منيها عاد.

دنيا: لا العفو، يعني المشكله عندك في العربية، والشقة الزبالة دي ولا حاجة.

يحيى: ما أني قولتلك وحاكيتلك إللي فيها، إني خلاص هناقش الدكتوراة وهفتح في مكان راقى.

وبعدها أخذها إلى مطعم فخم.

دنيا وجهت إليه مخاوفها: إنت عاوز مني إيه بالضبط يا يحيى، عشان أنا بجد مش بحب كده ومش قادرة أقيم علاقتنا ولا هتوصل لفين، وأنا مش حمل أي صدمة أنا كنت مقررة مش هكلم أي شاب بس معاك ما بقدرش أقولك لا، ودي حاجة مضيقاني.

يحيى ينظر في عينيها: شوفي يابنت الناس، إللي هقولهولك ده ما هكرروش تاني، وتحطيه حلقة في وذنك، إحنا عندنا حريم كيفك والسوء إللي هعمله فيكي هيتردلي في خواتي وأهل بيتي، عشان إكده براعي ربنا في أي حرمة بتعامل وياها كيف أختي وأمي.

دنيا بغضب: يعني أنا بالنسبالك زي أختك؟.

يحيى مسرعا: لااااه،

إنت بالذات وياكي بحس بشعور مختلف، يمكن مانكرش أول ماشفتك وكلامك البايع عن شقتي كنت هقتلك، لكن لما إتكلمت معاكي حسيت أحاسيس غريبة عمرها مامرت علي، وعشان لت الحريم ده إللي ماليش فيه، من الآخر أني رايدك علي سنة الله ورسوله.

فجحظت عيناها مرددة: عاوز تتجوزني.

يحيى: ومالك إتخضيتي إكده ليه، هو أي راجل هيعوز من الحرمة إيه، أني

فكرتك حاسة وفاهمة وعارفة، وإلا فكراني هقلعك بلبوص وأشاور عليكي للعيال وأقولهم إالي ماياكلش الملوخيه هيبجي زي طنط إكده. دنيا لا تستطيع إخفاء إبتسامتها : والله إنت قبل الأدب وردل وبايخ كمان. يحيى بصوت خشن: إتحشمي يابت وإنت بتتحدتي مع راجلك أمال. دنيا بخجل: لسه علي فكرة مابقتش راجلي.

يحيى يشير إلى رأسه: من يوم مادخلتي إهنة وإنت بقيتي الحرمة تبعي وعرضي ، وإلي يمك يمسني، بس فيه كلام جبل أي شيء، لبسك ده مايلزمنيش ولا يسوى عندي بصلة، وشعرك الحلو ده يداري. دنيا وتذكر: أه صحيح خد إيشارب مامتك إالي فيه عرقها. يحيى محذرا: إوعاكي تخلعيه لأخلع رأسك عن جسدك، لما تجيبي طرحه غيره وتلبسها إبقي هاتيه عشان الصداع بيضايقني من الأرف إالي بشوفه مع المرضى.

دنيا تضحك: هو إنت بيجيلك أصلا مرضي؟!.

يحيى مفهما إياها: يا عبيطة ما أني شغال حكومي وفي مستشفيات، دي العيادة دي حاجة إكده بسلي نفسي بيها، أمال بجيب مصاريفي وأجرة الشقه والكلام ده منين يا هبله، وبردك بوي حاططي فلوس في البنك، لكن ماباحيش نواحيها إلا في أسوء الظروف، المهم إيه رأيك في إالي قولته عن ملابسك والحجاب. دنيا مرحة: موافقة.

يحيى بفرح: خلاص هقول لبوي يجيب عربيتين نجل ويحمل الرجالة ونجيلكم.

دنيا بسخرية: ليه طالعين سطو مسلح، وإلا جاين تخطفونا.

يحيى: مش يحيى القناوي ابن كبير القناوية ودول بس إعمامي وإخوالي وأمي وبوي وخواتي، في الفرح ربنا يسهل هنجيب أسطول. دنيا: لا مافيش بيت يستحمل كده هو فرح، هو كفايه والدك ووالدتك وإخواتك ولو كتير هات كام واحد منهم. يحيى: أباي وإعمامي وإخوالي.

دنيا: في الفرح نبقي نعمله في الإستاد عشان يكفي الأسطول ده، إنما ده تعارف، إحنا مش هنجيب حد إخواتي بس، و ياريت تستني شويه علي ماظروف منال تتحسن ونظمن عليها.

يحيى: ماشي وإبقي هاتيها معاكي يوم ويوم للجلسات، عشان نخلصوا أوام أوام.

دنيا بضحك: إحنا فينا من طلسقة يا دكتور، إشتغل بدمه وضمير مع أختي.
يحيى: إتهبتي وهتعدي عليا شغلي، يلا قومي.

فجحظت عيناها: مش هتعشيني؟

يحيى: دا إنت داخلة على طمع بقى!!

دنيا: أمال جاييني نزور السكة، والإسم أفخم المطاعم والأخر قومي، طب
مش قائمة إلا أما أنتعشى عاد.

يفضحك لكلماتها، ويميل عليها: أحلى عشا فيك يامطعم للمودام.

دنيا تضع ساق على ساق: آنسة من فضلك.

يحيى: بإعتبار ماسيكون.

ونادى علي النادل ليحضر أفخم عشاء، ليتعشيا معا ويوصلها إلى شقتها.

يحيى: ماتأخريش وتنفذي إليي قولته وإلاااااا.....، ماعاوازش حاجة.

دنيا: ميرسي، بالاي.

وصعدت لتستقبلها سما: ما بدري ياهانم إنت مش عامله إعتبار لأي حد؟

لتقبلها وتلف بها: يا أحلي سما في الدنيا، يحيى طلبني للجواز وعاوز يجيب

أهل، بس أنا إليي قتلته نستني شويه عشان ظروف منال، وقالي أخذها يوم

ويوم الجلسات معايا وأنا رايحة الشغل.

فتحضنها سما: مبروك حبيبتي، وزياذ كمان عاوز يكتب الكتاب عشان يبقي

معانا لو إحتجناه، ومش عارفة أقوله إيه!!، خايفه منال تتأثر لما تلاقينا إحنا

الإثنين....وهي الكبيره ولسه.

دنيا: ما أنا عشان كده أجلته شويه، كان عاوز يلم القبيلة ويجي.

وتذكرت شيئا: ماعرفتيش حاجة عن موضوعها مع بجاد.

سما بأم: عرفت وياريتني ماعرفت عاوزه أقطم زمارة رقبته.

دنيا: ليه عمل إيه؟ أقول ليحيي والله يجي بالمدافع هو و القبيلة.

فتضحك سما: لا مش للدرجة دي خليه لوقت عوزة.

وقصت ماحدث من بجاد.....

دنيا: إخس عليه، ليه يعمل كده مش يتحقق الأول بدل ما يظلمها يا حبيبتي

ليها حق مش طابقة سيرته.

سما: مش كده بس، منال بتحبه بشكل مرعب، وأعتقد هو كمان والاتنين

بينكروا، وعاملين نفسهم مش طابقين بعض أو بيوهموا نفسهم بكده.

دنيا: طب وبعدين هنسيبهم كده.

سما: معرفش هنعمل إيه يعني نجوزهم غصب عنهم؟، أهو نسيبها لله

يحلها من عنده بعد اللي بيحصلنا ده أنا عندي ثقة في الله كبيرة جدا أنه بياخرلنا حاجة حلوة وهنفرح كلنا، اللي خلي زياد الأخرس ينطق مش هينطق بجاد.

دنيا: سبحانه قادر على كل شيء، وخلي يحيي إلي برنبط ينطق بردو. فتضحك سما وتقول: ونعم بالله.

وفي اليوم التالي أخذت دنيا منال، إلى عياده الدكتور يحيي، ليبدأ معها جلسته المعتادة، وتتحدث معه عما حدث في طفولتها وشبابها ووفاة والدها، وتكررت الجلسات وهو ينصت لها، حتى حكّت عن حلمها وعن بجاد وما فعلته من أجل أخواتها وتصحيح الحلم، وفي فقره دنيا كان مستشيط، حتى وهو يعلم أنه حلم، وأسر في نفسه ما حكته عن ماجد أو ياسر كما بالحلم ولم يتفوه بكلمه مع دنيا رغم ضيقه حتى لا يفشي أسرار مريضته.

ولكنه بعد أن أنهت حلمها، يحيي بثقة: وتقولي لي إحساسي خاني، إنت غرقانه في حبه يا دكتورة وبتكابري. منال بنفي وبحدة: لا أنا مش طيقاه. يحيي: ما هو الحب على قد الكره. منال: إيه دي؟، فزوره.

يحيي: إنت مضايقة منه أوي وشايلة منه كثير، لو مابتحبهوش ماكانش هامك ولا تأثرتي أوي إكده منه دا لو هو بالنسبه ليكي شخص عادي، مش واحد عيشتي معاه حلمك وأحاسيسك وحبتيه، إنت كنت منتظرة منه كثير، وهو ماعملش إلي متوقعاه، عشان إكده مضايقه منه وماطايقاهاوش واصل، بس لو شفتيه قدامك أني واثق إنك هتحسي بمشاعر تانية، هتبقي نفسك تترمي في حضنه، صوح ولا أني غلطان؟.

منال بضيق: لا مش صح وماتكلمنيش عن النبي آدم ده تاني، عن إذذك كفاية كده إنهارده أنا تعبانة.

وهي خارجه، نادي عليها: فكري في كلامي يا دكتورة، المواجهه!! وإلي أقصده مواجهه المريض بمشاعره أقصر طريق للعلاج، حاولي تواجهي مشاعرك.

منال نظرت في صمت: عن إذذك .

وأخذت دنيا التي ينظر لها يحيي بضيق بعد سماعه عن ماجد، ويريد أن يذهب ليقتله ويضرب بيده على مكتبه.

*** الفصل الأربعون ***

نزلت دنيا في الصباح لتذهب لجامعتها، فوجدت يحيى منتظراً بجانب سيارته ويستند بجذعه عليها فنظرت له بدهشة: يحيى!!، إنت إيه إلهي جابك؟ يحيى بوجه غير معهود: يلا عشان أوصلك كليتك. دنيا: ماينفعش كده يا يحيى، الجيران يقولوا إيه ولسه مافيش إرتباط رسمي. يحيى بضيق أدخلها السيارة وبعبسية: بقولك إيه خشي من سكات وماترفزنيش.

دنيا بتعجب: فيه إيه يا يحيى؟، أول مرة تتعامل معايا كده. يحيى يحاول تهدأه عصبيته بوضع يده على وجهه: بقولك إيه يا بنت الناس ماتتحدثيش ويايا اليومين دول وإسمعي الكلام، ويكون بعلمك أي هجيب الرجاله ونكتبوا الكتاب وأما تتحسن الظروف نبقي نعملوا الفرح. دنيا: هو في إيه يا يحيى مالك؟.

ثم أوقف السيارة أمام باب الجامعة وفي نفس الوقت تقف سياره ماجد أمامه، لتنظر له دنيا ويلاحظ يحيى ذلك، فتنزل مسرعه. لكن ماجد يقترب منها: لحقتي تلاقى غيري مابتضيعيش وقت. ولم تلتفت بعد لتجد يحيى يسحبه من الخلف فتضع يدها على فمها. ماجد: فيه إيه ياكابتن إنت أد الحركة دي؟.

يحيى ويجز على أسنانه: شوف يا حيلتها، لو هوبت نواحي مرقي مش هقتلك وأريحك من الدنيا وبلاويها وإلا هنفخك لالا، أي هجطع من جسمك نسايل نسايل، وتبقى شايف أعضاءك بتترمي جارك وماعارفش تلمها. ماجد بخوف: خلاص يا حضرت أنا معرفش انها إتجوزت. يحيى: أي قاري فتحتها وعندينا الفاتحه يعني جواز، إياك حسك عينك تهوب جارها.

وركض ماجد لتنظر له دنيا: والله دا واد حقير ورذل وبيرذل عليا. يحيى نظر لها.

دنيا: ماتبصليش كده يا يحيى.

وتبكي

يحيى: خلاص إحنا قصاد الكلية، نبقي نتحدثوا بعدين. وتركها وركب سيارته وهي تنظر له.

وخرجت وجدته ليوصلها دون كلمة.
دنيا وهي لا تستطيع أن تقيم عينيها بعينه: أنت بتعاملني كده ليه يا يحيى؟، لو مش عاوزني خلاص أنا ماغصبتكش .
فيوقف السيارة بفرملة.

يحيى: يعني إيه مش عاوزك؟، وماجولتليش على النطع ده ليه وإنه بيضايقك.

دنيا: لإنه موضوع مش بالقيمة إني اقله لانه مابيشغلش تفكيري أصلا ،
دا بني آدم حقير وزبالة إني أذكر أسمه ولو مش واثق فيا يبقي نفسها سيره
لكن مش هستحمل شكك فيا، وتعاملك معايا كده.

يحيى بعصبية: عوزاني أعمل إيه وأني شايفه بيقترب منك وبيحدثك، أمشي
عادي، ليه هتتجوزي سوسن إياك مش راجل يقدر يحميني.

دنيا: وأنت لو ماكنتش الراجل إللي بحلم بيه فعلا ماكنتش وافقت عليك مع
عصبيتك وتعاملك الزبالة ده معايا، لو حد غيرك عاملني كده كنت عورته.
فبيتسم: طب إكلمي على قدك طول ميللي ولسان عشرة متر، إعملي حسابك
إتصلت بالرجاله وهناجوا نخطبوكي ونكتبوا الكتاب وماعاوزش نفس ولا
إعتراض.

كادت تعترض ثم آثرت الصمت ووافقت ثم إستطردت: بس هقول لإخواتي
الأول وأشوف ظروفهم.

يحيى: وأختك بجت زينه دلوقيت، هي بس محتاجة تجعد شويه لحالها
في مكان هادي علي البحر، نخلصوا وتسافر أي مكان إسبوع تهدي أعصابها
وهتبقى زينة.

دنيا بفرح: صحيح يا يحيى.

يحيى: صحيح يا قلب يحيى(وأوصلها لمنزلها) يلا على فوق عدل.

وجرت إلى شقتها.

فوجدت سما

دنيا: إلحقيقي يا سما يحيى مصمم يجيب القبيله ويجي يكتب الكتاب.

سما: وزياك كمان وإتخانق معايا انهارده عشان بأجل الجواز.

لتخرج منال من غرفتها وقد سمعت بما قالتا: وتأجلوا جوازكم ليه مستخسرين
الفرحه ترجع ثاني لبيتنا.

دنيا تنظر لسما: بس ماينفعش.

منال: ليه ماينفعش أنا بقيت كويسه، والدكتور قالي كده وقالي لازم إسبوع

راحه في مكان هادي ويستحسن على البحر، وعلى الأقل أمشي وأنا مطمئنه عليكم قبل ما أسافر أي مكان.
سما تحتضنها: يعني مش هتزعلي؟
منال تضربها على رأسها: إنت عبيطة!، دا يوم امنى أما أفرح بأولادي إلي ربتهم.
فتحتضناها.

منال وتمسح دموعها: يلا بقى نوضب البيت وإتصلي بيحيى، وإنت بزياد ويجوا ونكتب بالمرّة إنتوا الاتنين.
سما ودنيا: يا أحلى منوله في الدنيا.
ودخلت دنيا تتصل بيحيى تحكي له عما حدث، وأيضا سما تتصل بزياد تقص عليه مادار بينها وبين أختيها.
زياد بفرح: فريرة وأكون عندك بكرة، ولو على السفرية في شاليه معايا مفتاحه هدهولها تقعد فيه إسبوع إثنين براحتها.
سما بإمتنان: ميرسي يا زياد على كل حاجة بتعملها معانا.
زياد: طب يلا بقى سلام يا حبي.
وخرحت سما تخبر منال.

ولكن تستطرد بحزن: بس مين هيكون وكيلنا؟، إحنا مالناش حد خالص.
منال تباغتها: عمو سمير جارنا وصديق بابا هو الوحيد إلي نعرفه وفي مقام والدنا ومراثة مربيانا وياما وقف جمبنا.
سما: صح هو فعلا زي بابا بالظبط ولازم يحضر هو وطنط الإتفاق، عشان يحسوا إن لينا حد وهو أصلا بن عم بابا من بعيد، كان بابا بيحكلنا درجة القرب بس من بعيد.

منال: خلاص هتصل بيه يجهز نفسه هو وطنط ويجوا بكرة يحضروا الإتفاقات وكتب الكتاب الجماعي.
سما: عقبالك حبيبتي كان نفسي تبقي معانا.
منال: إنتوا أغلى حاجة عندي، يلا بقى نظبط البيت ونتصل نحجز الجاتوه وعاوزين نعمل أكل كويس للناس إلي جايه دا منهم صعايده يكلونا.
سما: بس لا دنيا تسمع كده تاكولنا هي.
منال: ربنا يتمم لكم على خير.

وبدأت الفتيات تعمل على قدم وساق، من طعام وتنظيف وما إلى ذلك.

*** الفصل الحادي و الأربعون ***

في اليوم التالي ذهب زياد لبجاد وطلب منه أن يأتي معه ليكون شاهد على العقد لأنه سيتزوج سما .
وأيضاً زواج أختها دنيا سيكون معهم، ويريده بجانبه.
حاول بجاد التنصل منه: بلاش أنا عشان ماضيقش حد بوجودي.
زياد: إنت عارف ومتأكد إنك مش هتضايق حد بل بالعكس بيتمنوا وجودك.
بجاد: زياد ! بطل كلامك ده، خلاص أنا جاي عشان إنت أخويا قبل ماتكون صاحبي، ولازم أبقى أقف جمبك في ليلة زي دي.
زياد: تسلم يا حبيبي (وقام ليحتضنه) عقبالك عشان أفرح فيك.
بجاد بضحك: مش هنولها لك.
زياد بثقة: بالعكس حاسس إنها قريب أوي.
بجاد: دا عشم إبليس في الجنة، المهم عاوز حاجة فلوس أو أي حاجة.
زياد: خير ربنا كثير، عاوز إنت ماتكسفش يا جدد دا أنا اخوك.
يضحك بجاد: لا يا باشا تشكر.

أخذ زياد والدته وذهب بها ليعرفها على سما، وهي الملكة فريدة بعنجهيتها.
أم زياد من عليائها تتحدث: نو، قصر بابا الباشا كان كبير و فيه خدوم وحشم، دا الملك فاروق كان بييجي يعمل حفلاته عندنا.
زياد يميل عليها: وسعت منك دي يا ملكة.
أم زياد بغضب: إنت بتكذبني يا ولد.
سما: لا طبعا يا طنط هو يقدر حد يكذبك، طبعا الباشا والد حضرتك معروف ومذكور في التاريخ.
أم زياد فرحت ونظرت لها: بجد إنت تعرفيه؟
سما: أكيد طبعا حد مايعرفش سلطح باشا دا كتب التاريخ مليانه إنجازاته.
أم زياد: ميرسي حبيبي، شوفت يا ولد، (ونظرت لها) إنت إسمك إيه يا بنت؟
سما: إسمي سما يا طنط.

أم زياد: بلاش طنط دي إنت كمان، قوليلي فاني.
سما بذهول: نعم ! فاني! أه حاضر، إنت والله إللي يشوفك يقول أخت زياد، (سامحني يارب إستغفر الله العظيم).

أم زياد: ميري على الكومبيليمو الطريفة دي، أنا موافقة.
وبدأ العم سميير يتفق مع زياد على كل شيء ومتي سيتم الفرح وقرأوا
الفاتحة و في إنتظار يحيى وأهله والمأذون .

دنيا بعصبية: إنت فين يا يحيى؟، زياد جه مع والدته وإتفق وإنت لسه،
دا المأذون قرب يجي.

يحيى بعصبية مفرطة: وأني أعمل إيه يعني؟، أركبهم طيارة ماهم جاين من
الصبح بس العجل مااستحملش فرقع، فوقفوا يصلحوه،(ورآهم قادمون من
بعيد)أهم خلاص جم إقفلني أي طالع بيهم.

وأخذ والدته وأخواته وأبيه وبعض من افراد العائلة القادمون والباقي
منتظرين لأن لا وجود لمساحة تجمع كل هؤلاء، و سعد يحيى لتستقبله
منال وتدخله مع زياد ووالدته والعم سميير وأيضا حضر بجاد ليسلم على
الجميع ويحتضن يحيى وزياد وبارك لهم.
وجاءت دنيا، فحفظت عيني يحيى.

وقبل أن تجلس نظر لها: خدي أمني وأخواتي وخشو جوه.
وأيضا زياد وجد والدته تتلملم من هؤلاء الذين يرتدون الجلباب وقبل
أن تتفوه بكلمه وتقول عامة الشعب وأوباش فلمح زياد لسما أن تاخذها
بالداخل.

أبو يحيى يميل عليه: مالجتش غير دي،ضعفانة جوي دي محتاجة فنطاسين
محلول الجفاف.

يحيى: ماهو ده اللي عاجبني فيها كيف الكتكوتة إكده، ولو نطقت ممكن
أفعضها كيف البرص.

ودنيا في مكان قريب تجحظ عينيها: أنا برص يا يحيى والله لأوريك البرص
ده هيعمل فيك إيه.

ووالدته تحيها: كيفك يا بنيه.

دنيا: الحمد لله يا طنط.

أخته: وفي سنة كام؟.

دنيا: في سنة تالته تجارة.

أخته: فسني بس أي في قنا مش إهنه.

دنيا بترحاب: أهلا حبيبتني كويس هنبقي أصحاب.

أخته الأخرى تميل على والدته: مالجاش غير الضعفانة دي.
والدته تلکمها : أسکتی لتسمعک وتجول لأخوکی یطین عیشتک.
أخته بضیق: وأنی مالی یهني سعيد بسعيدة.
وعند یحیی، إتفق أيضا علي كل شيء مع سمير.
والد یحیی: أني عندي شقه جارکوا ، تبعد شارعین عن إهنة خدها وإتجوز
فيها وأعمل عیادتک هي واسعه وكبيرة.
یحیی بقلق: ماجولتش عليها یعنی یا بوي، وأني ماخبرش حداک شقه إهنة،
بتعط بعيد عن أمای إمسکتک.
أبوه یجیب بسرعة: لااه دي عشان أما أجي الشركات أعمل صفقات بدل
ماندوروا أني والرجالة على فندق دي موجودة وبناموا فيها وتوکلوا على
الله بعدها، وأني لو جيت یعنی وإنت فيها نبيتوا هتجول لا.
یحیی: دي بتاعتک یابوي أني نفسي بتاعک.
والده: تسلم یا ولدي ربنا یحفظک.
وکتب المأذون الکتاب وتعالق الزراغید، ودخلت منال لتنهأه زیاد ویحیی
وتسلم على الجميع لتسلم على بجاد ویقول لها: عقبالك .
لتدرك أن یدها یده فتسحبها فورا بإحراج: میرسي.
وتخرج مسرعة.
سما تلاحظها : فيه إيه یا منال؟
منال تلاحظ سما فتحتضنها : مافیش مبروک، حبیبتي یلا دخلي العصیر للناس.
وإنتهی کتب الکتاب، وتحدد الفرح بعدما تنهي دنیا السنة ثالته وتقضي
السنة الرابعة مع زوجها وأیضا زیاد وسما، ورحل الجميع .
ودخلت سما لمنال .
سما: لو عاوزه أأجل فرحي لما أطمئن علیکی زیاد مش هیعترض.
منال: لا طبعاً ماتقولیش کده، أنا حضرت شنتطي و هسافر إسبوع بالکثیر
عاوزه أبقى لوحدي وهرجع زي منال بتاعه زمان ماتقلقیش علیا .
سما : فکرتینی زیاد سابلک المفتح وعنوان الشالیه هو فی الساحل وعلى
البحر.
منال : مافیش داع، تعب نفسه لیه؟، کنت هأجر أوتیل وخلص.
سما: عشان تبقي براحتک ماحدث یزعجک.
منال: ماشي حبیبتي میرسي.

ذهبت منال في الصباح الباكر بسيارتها إلى العنوان وفتحت ودخلت الشاليه،
ذوقه عالي رغم بساطته وهو مكون من طابقين الأول به المطبخ والريسبشن
والثاني به حجرات النوم،
صعدت لتضع حقيبتها بأحد الغرف التي قابلتها وأخذت حماما دافئا،
وإتصلت بخدمه التوصيل للمنازل
ليحضر لها الغداء وجلست في شرفة غرفتها تنظر للبحر .
و سمعت الجرس، لتذهب تتسلم الطعام ،لتحاول تناول بعض قطع البيتزا
الساخنه ولكنها لم تستطع لتغلقها وتركها ، وترتدي ملابس مناسبة للسير
على شاطئ البحر، وتظل تسير وتنظر للبحر تتمنى أن تلقي جميع ماينغص
حياتها به، وتعود لتناول دواءها وتنام .
فأدويتها تجعلها مسترخيه لا تفكر في شيء ولا تقوى على الحراك

زياد يحدث بجاد : أنا هطلع بكرة أخلص الصفقة.
بجاد مقاطعا إياه: لا خليك إنت أنا إلي هطلع المرة دي عشان ورايا كام
حاجة هناك.
زياد: خلاص ماشي، لو احتاجتني إتصل وأنا أجيلك.
بجاد: أوك جهز بس كل الأوراق وماتنساش حاجة.
و أخذ الاوراق وذهب لفيلته ليذهب غدا إلى الإسكندرية لإتمام الصفقة
والعودة مرة أخرى

*** الفصل الثاني و الأربعون ***

سافر بجاد إلى الإسكندرية في الصباح الباكر لتخليص بعض الإعفاءات الجمركية أولاً، ولكن أخذت المهمة وقت طويل ليؤجل إجتماع الصفقة للمساء، و بعدما أنهى عمله بالجمارك ذهب لإتمام الصفقة وإتصل قبلها بزياد يخبره أنه تأجل الموعد ويعلمه بالموعد الجديد وأنه سيغلق الهاتف ومحتمل ألا يستطيع العودة في نفس اليوم لأنه مرهق، حتى لا يقلق عليه، و أنهى الصفقة.

ولكن زياد تذكر أن منال هناك، وأخذ يتصل بهاتف بجاد ولكنه مغلق وأيضا أصحاب الصفقة فالجميع أغلق هواتفه.

فإتصل بسما يخبرها، وعندما سمعت مقال صفت وجهها: وبعدين يا زياد هنعمل إيه؟.

زياد : هنعمل إيه أنا نسيت خالص أقوله فكرته راجع في نفس اليوم، والشاليه بتاعه، أنا وهو معانا مفاتيحه إالي بيروح وبيتأخر ببيت بدل ماندور على أوتيل، وأكيد هيخلص ويروح.

سما : خلاص هنعمل إيه؟، أكيد لو راح لقاها هيشوف أوتيل وخلاص، ومنال زمانها خدت دواها ونامت مش هعلقها وهي بتبقي داخه من العلاج ومش هتقدر تقوم وتتحرك وتمشي.

زياد: خلاص ماتزعجهاش ، هو لو راح لقاها هيمشي.

وفعلا ذهب بجاد إلى الشاليه، وهو مرهق فذهب لحجرته وأخرج ملابس له ودخل الحمام لأخذ شاور، ورجع لحجرتة متدثرا بفوطته لم يجد فرشاة لتمشيط شعره فذهب للحجرة الأخرى، وتوجه للمرأة وهو يصفر وأخذ يمشط شعره أمامها ويغني، ليجد منال في المرأة نائمه بفراشه بقميص نومها شبه عارية وقد فرغت من الإضاءة والصفير والغناء وظنت أنه لص، وجلست مسرعة على فراشها تتدثر بغطائها وهي في حالة هذيان وغير مدركة لما يحدث.

وأخذت تفرك عيناها لتجحظا: إنت إيه جابك هنا وإزاي دخلت؟ ليتوجه إليها ويقرب منها فتفزع وتقوم من الفراش: لو قربت مني هصوت. بجاد: إنت ايه إالي جابك هنا؟، طب دا الشاليه بتاعي وفتحت بمفتاحي. منال بإحراج: أنا معرفش إنه بتاعك ولو أعرف ماكنتش قبلت آجي، زياد هو

إلي إداني المفتاح وإبعد عني.

فقد كان أمامها عار الصدر متدثرا فقط بمنشفته حول وسطه، وهي بقميصها العاري، ثم بدأت تفقد توازنها من أثر الأدوية ليستقبلها على ذراعه قبل أن تقع فيحملها ويضعها بفراشها ويغطيها، وخرج وأطفا الإضاءه، ودخل غرفته لينام حتى الصباح، لأنه كان مرهق من أثر يوم طويل.

وإستيقظت في الصباح الباكر، أخذت حقيبتها وأغلقت الباب وتوجهت لسيارتها لتعود ولكنه إستيقظ على صوت إغلاق الباب فزعا، فقام يبحث عنها لم يجدها فأخذ مفاتيح سيارته ليلحق بها وزاد من سرعته ووقف بسيارته أمام سيارتها .

وترجل منها لتخرج هي الأخرى: لو سمحت يا باشمهندس، شيل عربيتك عشان أمشي.

فينظر لها: ولو ماشيلتهاش هتعملي إيه؟.

لتنظر إليه بضيق وتحيد بصرها عنه.

بجاد: إنت إيه إلي مشاكي من الشاليه أنا كنت همشي أول أما أصحي، يلا إرجعي .

منال: مش راجعة ومش هقعده فيه تاني ولو أعرف إنه بتاعك ماكنتش جيت أصلا، ثم إنت عاوز مني إيه؟.

بجاد بهمس: يعني مش عارفة!.

منال بتأكيد: لا مش عارفة.

فتركها وذهب لسيارته: خلاص أما تعرفي إبقي تعالي قوليلي.

لتجحظ عيناها وتسبه: إنت بارد ورذل وغلس.

لتجده يقفز أمامها ويجذبها من شعرها بقوه ويقبلها قبله عنيفة: عرفتي وإلا لسه؟.

لتنظر إليه طويلا وعيناها ممتلئه بالدموع: لا ماعرفتش ومش عاوزه أعرف، كنت فين لما كنت محتجالك سيبنتي وماصدقت.

بجاد محذرا: أظن إنت عارفة إنك السبب وكررتها عليكي وإنت اللي رفضتي مساعدتي.

منال ببكاء: إنت أصلا ماصدقت إنها جت مني، وسبنتي ومشيت وكسرت ورايا زير ولا سألت وجاي كده بسهولة طب إزاي.

فيجذب رأسها لصدره، ويغمض عينيه: الموضوع كان أكبر من إستعابي ماكنتش قادر أتخيله

لكن مابقتش قادر.
منال تبعده: وأنا ماعنديش ثقه فيك، إيلي يسييني في أسوء حالاتي وأنا في
أمس الحاجة ليه مايلزمنيش.
بجاد بضيق: دا آخر كلام عندك.
منال: أيوه ولو سمحت إتحرك عشان أمشي.
فذهب بسيارته وهي أيضا.

بعد فتره بجاد يستدعي زياد.
بجاد: أنا هخطب سالي السكرتيرة.
زياد بذهول وعدم إستيعاب: إنت مجنون (وبدا يعلو صوته).
وإستدعي بجاد سالي ليطلبها للزواج، ولم يستطع زياد أن يتفوه.
وبعد فتره يتصل بسما: جهزي نفسك وإخواتك عشان معزومين كلنا على
فرح بجاد.
وأصر أن يذهب الجميع .
سما غير مستوعبه أغلقت الخط، لتباغتها منال: مالك مذبهله كده ليه؟.
سما: فرح بجاد الخميس وكلنا معزومين.
منال بضيق: روحوا أنتم.
سما: ماينفعش طبعا هو عزم يحيى ودنيا وأنا وإنت، وزياد هيزعل كده، ثم
ليه ماتروحيش إنت بتحبيه؟.
منال بتلعثم: أنا ! لا طبعا .
سما: خلاص لو مش هامك يبقي تروحي وتثبتيله إنه مش هامك، ولازم تبقي
أشيك وأجمل واحدة كمان وأشيك من سالي العروسة.
منال: ليه يعني هو من باقي عيلتنا أي لبس وخلاص.
سما: لا طبعا دي حفلة فيها ناس واصله جدا تعالي نزل نجيب سواريهات.
منال: أنا ماليش في كده.
سما جذبتها: يلا بس.
وذهبها لشراء ملابس من أحدث الأزياء، وذهبوا إلى الحفله، ولكن يحيى
أخذ دنيا معه بعد أن تعصب عليها بسبب إرتدائها ذلك الفستان الضيق
رغم حجابها، أما منال كانت رقيقة وجذابة وكذلك سما بعد ارتدائها الحجاب
بأوامر من زياد.

منال تنظر لبجاد وسالي بألم .
منال:ممكن أصلح مكياجي .
زياد: آه إتفضلي الفيلا، إطلعي أي أوضة فوق.
و صعدت لأحد الحجرات وجلست أمام المرأة وهي تبكي ،لتجد من أغلق
الباب خلفه فتقوم:بجاءااااد عاوز إيه؟.
فيقترب منها ويجذبها من خصرها: إنت إيلي عاوزة تعملي فينا إيه؟.
فتحاول الابتعاد عنه: ما يصحش كده خطيبتك تيجي.
بجاد: انتي خطيبتي ودا كله فيلم معمول عليكي ووصيت زياد وعرف سما
ودنيا ويحيى إن ماحدش يعرفك.
منال: يعني كلكوا بتضحكوا عليا، وإخواتي كمان.
بجاد: نعمل إيه في مخك الو.... ده مش راضية تعترفي إنك بتحييني.
منال تضربه ب صدره: إبعد عني أنا بكرهك، بكرهك.
فيجذبها بقوه لحضنه: أنا عارف إني غلطت لما سيبتك، بس ماكنتش عارف
أعمل إيه أجري ورا عقلي ولا قلبي وإنت كمان رفضتيني.
فتبكي في صدره: كنت منتظره حضنك، كان هو الحاجة الوحيدة إيلي
محتجاها وإنت إستخسرته فيا.
بجاد: خلاص بقى المأذون تحت.
منال: وأنا مش هتجوزك.
بجاد بنزفه: وحياءاهيلا يابت إحنا هنستهيل.
وشدها من يدها ليكتبوا الكتاب، وفعلا تزوج بجاد ومنال

وبعد فتره طويلة
دنيا: يا يحيى إنت ياراجل تعالى رضع البنت الأكل هيتحرق.
يحيى: إنت إتهبتي آني أروض البت!، أمال وظيفتك إيه؟.
دنيا: وأنا هميت إيد ما تساعد وإنت هترضعها من صدرك، إنت هتمسك
البرونه على ماغير لأختها و ألبس الكبيرة،أنا تعبت كل سنه عيل لما خلصت.
يحيى: وأني أعملك إيه ماعوزاش تجيبي الولد.
دنيا: إيه الفرق يعني دا حتى باباك كان جاي يعزيني في البنت التالته مش
بياركلي.
يحيى: أباي يفرق كثير، طبعا إن شاء الله النوبه الجايه تجيبي ولد وتخاويه

كمان إيلي بعديها.
دنبا: تصدق أنا هقتلك.
يحيى ناهيا الحديث: يلا جهزي شنط المصيف إخوانك راحوا من كام يوم
ومنتظرينا.

خرج بجاد من البحر وتنظر له فتاه أجنبية وينظر لها، ومنال بجانبهم
لتذهب إليه وتلقي بولدها في صدره: خد شيل إبنك.
بجاد يتأوه: ما براحة.
ويداعب ولده وينظر للفتاة.
لتعنفه منال: والله لو ماتلميت يابجاد لهتشوف إيلي عمرك ما شفته.
بجاد بإستفزاز: طب وريني.
منال تبدل بقدميها: أنا ماشيه بدل ما أصور قتيل.
فيجذبها: تعالي بس رايحة فين.
فتنزح يده: شيل إيدك وإبعد عني أحسن لك.
وهو سيقع أرضا من الضحك عليها: طب رايحه فين طااا.
منال: رايحة في داهية مالكش دعوه بيا.
وركضت لينادي عليها: أنت يامجنونة، قطع الستات على إيلي جابوهم
(وينظر للفتاة) عاجبك كده زعلتي المودام.
الفتاة: What؟

بجاد: ولا وات ولا ماوتيش، هي ليله طين باينها.
زياد يقهقه: تستاهل، رايح تلعب مع منال إستلقى وعدك.
فينظر لولده: يلا يابني نشوف أمك المجنونة بغيرتها دي.
وتقابل منال سما الحامل في شهرها الأخير .
سما: رايحه فين ؟.
منال بسخرية: رايحه فين يارايقة، روعي إلحقي جوزك شوية جزم كلهم، وإلا
حماتك إيلي لابسة المايوه وعوزاه يعلمها العوم .
سما: والله ما بيرضي يعملها معايا.
منال: ما تخسسي شوية إنت كمان.
وتركتها لتضرب سما كفا على كف: مالها دي ؟.
لتقابل بجاد .

سما: فيه إيه؟
بجاد: أختك إتجنتت خلاص .
ويدخل لها، يجدها ترتدي جلباب.
بجاد: إيه دي؟، الجلبية إلي بصلي بيها الجمعة دي وإلا إيه؟
منال: إنت مين ياد؟
بجاد بعصية
يادا! إنت إتهلتي يامنال
منال: منال مين يلا أنا المعلمة سمارة القادرة أكبر تجار الباطنيه
بجاد يضع يده على رأسه: يا نهار إسود!!

*** الفصل الثالث و الأربعون ***

إتصل بجاد مسرعا بحيي: إنت فين؟
يحيى بتعجب: بنزل الشنط فيه إيه؟، أتوحشتني.
بجاد بعصبيّة: وحشتني إيه إنت كمان، تعالى بسرعة شوف الكارثة إالي أنا فيها.

وماتجبش سيره لمراتك ففهم يحيى: حاضر، حاضر، فهمت.
دنيا تنظر ليحيى وتعبيرات وجهه: فيه إيه يا يحيى؟
يحيى بتلعثم: هااا لا ولا حاجة يلا ندخل الشنط.
ودلف إلى الشاليه حاملا الحقائب ويتصب عرقا ليزفر بضيق ويصيح:
ماتعمليلك منظر وتشيلي حاجة، داخلة مجهودك ولا إيه؟
فتميل عليه: البركه فيك ياسبعي، دا أنا متجوزة أسد مش هيقدر يشيل كام شنطة.

ليفتخر بنفسه: إيوه طبعا أسد وغدنفر كمان.
وترك الحقائب للخدم وأمرها أنت تذهب لحجرتها، وتفرغ الحقائب لينزل
بجاد عند سماع صوت يحيى ويسلم عليه على عجاله ويجذبه لتسأل دنيا
عن منال فيجيبها بتلعثم: على البحر.

ويجذب يحيى وهي مندهشة من فعله ولكنها تصعد بالبنات إلى أعلى،
ويدلف يحيى الغرفة بعد أن دفعه بجاد داخلها .
فيصطدم عند رؤية منال، وينظر لبجاد: مين دي؟
بجاد بتحسر: دي بعيد عنك سمارة القادرة.

فيضع يحيى إصبغه بأذنيه ويحركها كي ينصت جيدا: نعم !!
بجاد مؤكدا ظنونه: الحالة إشتغلنت.

يحيى بدهشة: وإيه وصلها لكده؟

بجاد بعصبيّة: إنت بتسألني أنا هو مين فينا الدكتور؟

لتجلس واضعة ساق فوق ساق، وتشير إلى يحيى: تعالى يا أسمراني ياحليوه
إنت.

فيشير يحيى لنفسه: أنا!!

منال مؤكدة: أيوه إنت

وعندما اقترب قامت تهمس بأذنه: مش عاوز صنف سوبر لسه نازل السوق
ويعملك دماغ عالية.

فإبتعد عنها: لا ياستي شكرا.
وينظر لبجاد: إيه ده إنت عملت فيها إيه؟.
ليضع بجاد كفيه على وجهه مهدئا نفسه: الصبر يا رب، بتسأل تاني هو مين
الدكتور يا بني آدم أمال أنا جايبك ليه؟.
يحيى موضحا: منا لازم أسأل إيه سبب رجوع الحالة وبالتدهور ده، أكيد في
مشكلة وجامدة وخطيره كمان بينكم.
بجاد: والله أبدا الحياة تمام وزى الفل.
يحيى: ممكن بالنسبه لك لكن هي لها وجهه نظر أخرى، لازم يبقى في
جلسات مع منال،
الست دي مش هعرف أخذ معاها لا حق ولا باطل ومش بعيد أطلع من
الجلسة مدمن مخدرات.
بجاد ينظر لها: والمصيبة دي أعمل فيها إيه؟، لتموت الولد ولا تديله هيروين
ولا كوكايين دي معلمة في الباطنية بتقول، وإلا نلاقي البوليس طابب علينا،
منك لله يا زياد إنت إللي دبستني التدبيسه ده ، دا الرقاصة كانت أرحم ولا
الصحافة لو عرفت، أقتلها ولا أكتفها ولا أعمل فيها إيه؟.
فهمس له يحيى: إحنا عاوزين نسيبها تنطلق و نراقبها.
بجاد بسخرية: يا حلاوتك ونروح وراها الباطنية ويشدونا هناك ونتحول
لمدمنين.
يحيى: ماهو لازم نعرف وصلت لفين بدل ماتلاقي معلمين طابين عليك وإلا
خاطفين إبنك.
بجاد بفزع: لا إبنني لا، طب هنعمل إيه حالا.
يحيى: أكيد هتروح مكان تقابلهم ، نراقبها عشان ننقذها لو حصل حاجة.
ووجدوها تخرج من الحجرة فذهبا خلفها، ركبت سيارتها وهما خلفها، إلى
أن توقفت عند مقهي شعبي وترجلت من سيارتها .
جلست لتصفق وتحدث القهوجي: واحد شيشة عنب يابني.
بجاد بدهشة: عنب يا منال كمان مش تفاح.
فينظر له يحيى: هتفرق معاك.
بجاد: لا طبعاً.
فتعجب منه يحيى: والله إنت إللي عاوز تتعالج.
ووجدوا بعض الأشخاص يجلسون معها وهي تطلب لهم المشروبات
والشيشة.

وبجاد يكاد ينفجر غيظا: مين دول إن شاء الله.

ويريد الذهاب وجرها من شعرها لجلوسها مع هؤلاء الرجال، ولكن يحيى منعه حتي لا يقوم بشيء لا تحمد عقباه وتسوء حالتها ، وبعد المقابلة إنطلقت مرة أخرى وتوقفت لتعطي أحدهم كيس أبيض. فيصدم بجاد: هيروين!!

ثم تتسلم مبلغ مقابل الهيروين: فيلطم على وجهه حرام يامنال ، بتأكلينا من الحرام.

يحيى بسخرية: ماتأفورش أوي كده ماهي مريضة، هي عارفة بتعمل إيه وإلا حاسة بنفسها.

بجاد: وبعدين يايحيى الموضوع كبير وفيها كلبوش، لازم نكلم ظابط نعرفه المصيبة دي، ويبيقي معنا بدل ما يمسكوها وهتبقي فضايح.

يحيى: خلاص أنا بس لما أعمل جلسة مع منال وأعرف إيه وصلها لكده ونواجهه ونشوف طرق علاجه ونكلم الظابط بناء على التقرير إلي هعمله. بجاد بعصبيه: هنستني ده كله يكونوا قفشوها ومش بعيد يطلعوني زعيم العصابة.

يحيى: ماتخافش هنستني أما تصحي وأتكلم معاها. بجاد: ربنا يستر.

وعادت منال لغرفتها وأغلقت عليها لتنام ودلف بجاد بعد ذلك يقف أمام الفراش ويتأملها وهي نائمه كاملالك.

ليحدث نفسه (ياتري فيكي إيه يا منال ؟، وإيه وصلك لكده؟).

وبدل ملابسه ونام بجوارها لتستيقظ تجده مستيقظ هو الآخر ويتأملها فتندهش: إيه حبيبي بتبصلي كده ليه؟.

فيدرك ذلك: لا أبدا حبيبيتي، صباح الفل.

فتضحك: صباح النور ده إيه الروقان ده ماشفناش الإبتسامة دي من زمان. بجاد: ليه هو أنا وحش وكشري أوي كده!.

منال بإبتسامة: مش أوي.

بجاد يزيل الخصلات المتناثرة على وجهها: طب قومي نفطر مع إخوانك. منال: هو يحيى ودنيا جم؟.

بجاد بتحسر: أه حبيبيتي جم إمبراح.

منال بتعجب: وإزاي ماشفتهمش؟، أكيد إتأخروا ونمت قبل مايوصلوا.

ونزلت مسرعة لتسلم عليهم، وبجاد خلفها يحرك رأسه ليحيى بأنها لم تتذكر

شيئا مما حدث.

وبعد تناول الجميع الإفطار مع الضحك على العبارات والتحدث بأشياء لا حصر لها، وهم كل فرد أن يذهب إما للبحر أو للتنزه أو

نادى يحيى منال: عاوزك يادكتورة في موضوع.

فتعجبت من طلبه ولكنها وافقت وأخذته للمكتب، تعجبت دنيا ولكنها ظنت أنه موضوع طبي يحتاج إستشارتها فيه فلم تعقب وذهبت مع سما للشاطيء.

أما يحيى فتحدث إلى منال: تسمحيلى أتدخل وأسألك سؤال شخصي، هل في مشاكل بينك وبين بجاد؟.

للتعجب من سؤاله: إيه إللي خلاك تقول كده؟، لا طبعا مافيش حاجة. يحيى بألم: آمال حالة تعدد الشخصيات رجعت تاني ليه؟، إلا لو في مشكلة وكبيرة كمان، و ياريتها شخصية مستضعفة زي مينو نقدر نسيطر عليها دي شخصية قوية جدا.

منال: إنت بتقول إيه؟.

يحيى: منال مش هنضيع الوقت إنت واثقة فيه أنا مش دكتورك، أنا جوز أختك كمان.

منال بتأكيد: أكيد طبعا أنا مش بكذبك بس مذهولة.

يحيى: ويا تري إيه سبب وجود سمارة القادرة.

منال تنظر إليه: مين دي كمان؟.

يحيى يبتسم: دا إختراعك ياكوتش ومش أي حد، دي تاجرة مخدرات.

فتصدم منال وتضع يدها على فمها لتكتم شهاقاتها.

فبإغتها يحيى: ودي شخصية قوية جدا ومتسلطة وصعب التغلب عليها مش زي الرقاصة، بس الميزه إننا في البدايات ماتعمقتيش في الشخصية، يعني سهل منال تسيطر على سمارة وتحجمها دا لو عايزة إلا لو كان ليكي رأي تاني.

منال بتعجب: أكيد طبعا عايزة أقضي عليها أنت بتسألني.

يحيى يبقي متفقين ولازم نحاول مع بعض نعرف أصل المشكلة، وكيف ماكان بجاد هو الحل، وهو إللي خلق الأمان والسند لكي ومحيننا مينو من الوجود، عاوزين نعرف إيه الجديد إللي حصل وخلق الحالة تاني أو بمعنى أصح ما هو أصل المشكلة؟ وهل بجاد لم يعد هو سندك كيف ما كان؟.

فجلست بأسى وحرزن: أنا وبجاد بعدنا أوي عن بعض، يمكن شغلنا أنا وهو

مش متوافق وهو محاولش ويمكن أنا كمان، وقل الإهتمام وبقيت حاسة
إنه بيخني.
وتتجر الدموع بمقلتيها لتمسحها قبل أن تهبط.
يحيى يعطي لها منديل: دكتورة منال إلي أعرفها قوية، إمسحي دموعك
يادكتورة إنت الأصل ودايما الأصل أقوى.

*** الفصل الرابع و الأربعون ***

ظلت تتحدث مع يحيى وتستفيض ويناقشها ويتفق معها أحيانا ويختلف أخرى، حتى إنتهت الجلسة وبجاد قابع بالخارج منتظر النتيجة. ليخرج يحيى لبجاد القلق ويبدو عليه التوتر الشديد، ويجذبه قبل خروج منال من المكتب: خير يا يحيى؟

يحيى مطمئنا إياه: ما تقلقش، خير الدكتوراة قوية وزي ماتغلبت على مينو هتقهر سمارة بجبروتها.

بجاد بتلعثم: طب ماكلمتهاش إننا نروح نبلغ قبل ما يحصل شيء. يحيى: آه طبعا دا أهم شيء وهي مدركة الكلام ده عشان ما يحصلش أي مشاكل.

بجاد على عجالة يجذبه: طب يلا بينا.

فيقف يحيى: إستني مش لما تيجي معانا الدكتوراة.

بجاد بعصبية: وهي ليه تيجي؟

يحيى بتعجب: أمال الطابط هيشوف مين وفي الحالتين بتوعها ولا يفكرنا هبل ولا بلاغ كاذب أو إزعاج للسلطات.

بجاد بإستسلام: خلاص أوك.

ونادي عليها لتخرج خجلة وناكسة الرأس لا تستطيع أن تقيم عينيها في وجه أحدهما.

لينظر لها يحيى ويناديها: دكتوراة إرفعي رأسك لا داع للخجل، إنت دكتوراة وعارفة المرض لا عيب ولا حرام، دا إبتلاء من ربنا للعبد إالي بيحبه عشان يشوفه هيصبر وإلا يجزع.

منال توميء برأسها مستحسنة حديثه: ونعم بالله.

وإنطلقوا إلى قسم الشرطة حيث صديق يحيى القديم ومن أصول صعيدية مثل يحيى وهو من بلدته

فيستأذن يحيى للدخول وعندما يدلف من الباب يقوم بدر مرحبا وتتهلل أساريرة: كيفك ياولد القناويه.

فيأخذه يحيى بالأحضان: بخير ياولد العم، أي مش هطول عليك عشان خابر مسؤولياتك، هو الموضوع يتلخص في التالي

وبدأ بتعريف الدكتوراة منال والمهندس بجاد وقص عليه القصة كاملة بدر يحاول التأكد: إنت متأكد من الي بتقوله.

يحيى بثقة: عيب عليك دي حالة تعدد شخصيات معروفة في الطب وأنا عالجتها مرة وكانت بشخصية أخرى أقل حدة من هذه الشخصية...

بجاد: أحم... أحم

فيفهم يحيى أنه لا يريد الخوض في الشخصية الأخرى فيستطرد يحيى: المهم هنعمل إيه حالا؟.

الضابط: محرر محضر طبعا بالبلاغ عشان يثبت في أوراق رسمية لو حصل واتمسكت تلبس يبقي كل شيء واضح وطبعا هبعت معاكوا مراقبة أربعه و عشرين ساعة وأتابع تحركاتها، عشان لو في أي خطورة عليها يتم التبليغ ونقدر ننقذها.

وعاد الجميع بعد الإتفاق علي كل شيء، ولكن منال لم تتفوه بكلمة وكذلك بجاد.

لتدلف إلى حجرتها وتأخذ حماما دافئا و تقبع في المياح الدافئه وتسترخي حتى ظن أنها نامت بالداخل ليدلف الحجرة فلا يجدها يخلع ملابسه العلوية و يقرع باب الحمام، فتستيقظ من غفلتها: أيوة أنا طالعة حالا.

وتخرج متدثرة بمنشفتها، لينظر إليها ويقرب منها وقبل أن يتفوه تضع يدها على شفثيه،

فيغمض عينيه ويمسك يدها يقبلها: هنعديها زي ماعدينا إالي قبلها، وينظر بعينيهما ليه يا منال؟،

أنا عملت إيه عشان نوصل لكده؟.

لتبكي فيأخذ برأسها في صدره: أنا آسف لو قصرت معاك، (ويقيم وجهها بإصبعيه أمام وجهه) أنا بحبك إنت عندك شك في ده؟.

منال تشيح وجهها عنه: أنا مابقتش عارفة حاجة.

فيعيد وجهها أمامه مرة أخرى: مش عارفة إيه بالظبط إنت بتشكي فيه؟، أقسملك إني ماحبتش ولا هحب غيرك.

فتبكي فيمسح دموعها ويقبلها ويحملها إلى الفراش وبعدها يجلس لينفث غضبه مع خروج دخان غليونه ثم يأخذها على صدره ويزيل بعض الشعيرات

المتناثرة على وجهها وينظر لها:

إيه اللي وصلنا للمرحلة دي رغم الحب ده كله؟.

فتنظر له: إنت بتسألني أنا؟.

بجاد يندهش من سؤالها: أمال أسأل مين ؟، لو حسيتي بأي إهمال مني دا

بسبب تقصير منك أكيد، إحنا شبه مابنشوفش بعض، أرجع تبقي نباطشيه، أمشي تكووني جايه، مابقاش فيه لغة حوار بينا مانلتقيش إلا إسبوع في السنة لما بنيجي نصيف هنا.

فتنظر له: و دا يدك الحق تخووني؟!.

فينظر لها بضيق: مين فهمك كدا عمري ماخنتك.

فتنظر إليه بعيون دامعة: والبت الأجنبية إلي كنت بتبصلها على البحر. فيندهش: هو عشان بصيت لبت ييقي خنتك والله ماخنتك يا حبيتي (ويقبل جبهتها)، إيه اللي وصلنا لكده يامنال؟، دا أنا حاربت لحد ما إتجوزنا وفضلت معاكي ماتخلتت عنك حتى مع رفضك مساعدتي بعد ده كله بتشكي في حبي، (ويتحدث بعصبية)، نفسي أعرف إيه صورلك التخييلات إلي مالهاش أصل دي وتدمري سعادتنا.

منال بإنهيار: مش تخيلات أنا متأكدة إنت مابقتش تحبني ومش بتحاول تنجح علاقتنا.

فقام منزعجا وارتدي بنطاله: أنا مش عارف أعمل معاكي إيه؟.

فتنظر له: إنت رايح فين؟.

بجاد بحدة: رايح في داهية تيجي معايا؟.

منال بجدية: آه إستني أنا جاية معاك.

فيضع يده على وجهه مهدئا نفسه، فتقوم مسرعة ترتدي ملابسها، وتجري لتمسك به وتذهب معه.

وتسير معه على الشاطيء فيجد موجه عالية تأتي من بعيد يحيطها بذراعه ويحملها للجهة الأخرى فتتفاجأ وتشهق، فينزلها ببطأ ويرفع شعرها المتطاير على وجهها.

وينظر بعينها ويقسم لها: والله بحبك.

وعندها أحست بحبه ولهفته عليها: طيب ليه مش بتحسسنني بحبك حتى لو بكلمة.

بجاد: حقا عليا بس والله الشغل ومشاحنات أنا في حرب يامنال ومش حابب أقلقك معايا بس لو نمت شويه هتاكل دا سوق مفتوح وعاوز الصاحي الشغال، بس أوعدك هحاول أفضي نفسي كل فترة بس إنت كمان نسيانا خالص ومشغوله عننا بدراساتك وشغلك، خلي لنا جزء من وقتك يا دكتورة، إحنا شبه ما بنتقابلش ومش عاوزه البعد ده يحصل بينا، ومع ذلك أنا مخلص ليكي من يوم جوازنا صدقتي أو لا هي دي الحقيقة، (وينظر لها)

يلا بينا بقى الجو برد عليكي.

فتوميء برأسها وتذهب معه، ليناما سويا وتستيقظ بعد فتره ترتدي جلبابها وتذهب وهو يلحمها ويتابعها مع فريق المراقبة الذي وضع تعقب ومسجل بحقيبتها، وتذهب تقابل البعض وعندما تعود يأخذ المسجل ليعطية للشرطه تعمل على تفریغة.

وفي اليوم التالي یرن هاتفها لتجيب المتصل: مين معايا ؟.

ليجيها: أنا الحاج نعمان يا معلمة.

فتندهش: ... معلمة!! النمرة غلط.

ليندهش الرجل ويحدث أصحابه: هو إيه العبارة إحنا إتنبص علينا وإلا إيه بتقولي النمرة غلط،

هي خدت العربون وفكت وإلا إيه!! لا لمؤاخذة مش أنا، دا أنا لحمي مر ، البت دي لازم نجبوها.

فوافق الجميع على رأيه.

وبالفعل حاولوا أن يراقبوها فقد أرسلوا خلفها بعد المقابلة أحد الأشخاص يراقبها، فهي تذهب دائما لمكان تستأجرة وتخزن به النقود والبضاعة، فإنتظروها حتى خرجت من هناك وإختطفوها وبجاد وفريق المراقبة ومعه الضابط يراقب الموقف وبجاد يريد تخليص زوجته منهم ولكن الضابط ينهره حتى لا يفوت عليه فرصة القبض على العصابة، فتبعوهم إلى مكان شبه مهجور وسحبوها إلى مكان حقيق يقبع فيه جميع المعلمين بانتظارها.

وعندما أتت يضربها أحدهم كفا: بقى إنت بتخدعينا .

فتنظر له بقوة: إنت هتدفع من الكف ده غالي إنت ماتعرفش بتلعب مع مين؟، وأنا شغالة مع مين؟.

والضابط يستمع من جهاز التنصت الذين حاكوه بجلبابها، وبجاد يريد الإقتحام لإنقاذ زوجته ولكن الضابط ينهره: مش سامع مراتك واصله لناس جامدة لازم نوقع الأطراف كلها، ثم لو اقتحمنا لا في تلبس بمخدرات ولا حاجة وهيطلعوا منها لازم نصبر.

وبجاد يكاد ينفجر كيف له أن يصبر وزوجته بين براثن هؤلاء، ولكن لا سيبيل إلا التنصت على مايقال.

لتستطرد منال: أنا مقدرش أقول اسمه وإلا هنتقتل كلنا، دا من الروس الكبيره في البلد ولو عرف إلي عملته قول على نفسك إنت وإلي معاك يا رحمن يا رحيم.

فدب الرعب في نفوسهم، وحاول الحاج نعمان التراجع عما فعله: أمال ليه قلتي النمرة غلط.

منال ولم تتذكر ولكن كي تنقذ نفسها : تمويه طلعت كروديا.

الحاج نعمان بغضب: وليه الغلط بس يا ست الناس.

منال: المهم دلوقت ماحدش يتصل ولا يقابلني إلا لما أتصل أنا وأحدد عاوزين تهيجوا علينا البوليس ودلوقت رجعوني زي ماجبتوني وبضاعتكوا وقت ماتوصل هكلمكوا على معاد التسليم،

(وجذبت منه الهاتف) وهات التلافون وما تمسكش حاجه ماتخصكش تاني.

الحاج نعمان: حقه عليا ياست الناس أدي راسك.

وحاول تقبيل رأسها لتوقفه بإشارة منها: خلاص حصل خير، وأستنوا مني

تلافون بمعاد التسليم وماحدش يتصل أنا إلي هتصل.

ورجعت إلى مخبأها ثم ذهبت إلى فيلتها لتنام .

وهو يأتي بجانبها يتأملها : وبعدين يامنال وأخرتها الموضوع كبير أوي المرة دي.

وينظر إليها وهي تغط في أحلامها وتبدو كاملاك وهي نائمة.

ويستيقظان في الصباح الباكر.

بجاد بحب: صباح الفل يا جميل، نروح انهاردة البحر مع أخواتك عشان

مايحسوش بحاجة.

منال توميء برأسها: أوك، هدخل الحمام وأجهز وأقولهم يجهزوا هم

والأولاد.

وتجهز الجميع للذهاب للشاطيء.

ليجذب بجاد منال ويحملها ليزج بها في البحر وهي تترجاه ألا يفعل فهي

لا تحب أن تبتل ولكنه فعلها ليلقي بها في البحر، وتشهق ليرفعها ويزيل

الخصلات الملتصقة بوجهها ويقبلها.

وأثناء ذلك يحمل زياد سما التي تعنفه: والله لو عملتها لأولد وإنت حر .

وترى بجاد ومنال، فتتكز زياد في صدره: شايف الرجالة الرومانسية أتعلم

من صاحبك.

ليجيبها معنفا إياها: وأنا مالي كل واحد حر أنا مش لسه بايسك من إسبوع،

فضحك لا يراجل جاي على نفسك أوي، فيجيبها أعملك إيه وإنت زي

الكرنبه كده أنا خايف أجي جمبك تنفجري في وشي.

لتنزل عن ذراعه غاضبة: وسع كده وما تكلمينش تاني.

فيحاول إستمالتها: بس غسل والله.

فتبتسم: بس مخصماك بردو.

زياد يا بتسامته الساحرة: وأهون عليك يا قمر.

ويضربها بكتفه في كتفها فتضحك له.

أما يحيى فهو متفرج ودنيا تنكره: شايف الرجالة.

فتحفظ عيناه: بلا قلة قيمه ريداني أحملك إكده وأبوس فيكي قدام الخلق،

ليه مالناش بيت يلمنا أمال العيال دي جت إزاي يا ناكرة الخير؟.

دنيا بقهره: تصدق أنا غلطانة إني بتكلم معاك يا مراري الطافح يا أماااا.

لينهرها: صوتك هتفضحيننا.

وبعدها يذهب الجميع للفيلا، ويتصل بجاد بالضابط.

بجاد: أنا مش هكمل المهمه دي، أنا هاأخدها ونسافر أي مكان مش هعرضها

للخطر كفاية إللي

حصل المرة اللي فاتت وحت سليمة، ومارضتوش تدخلوا تنقذوها إفرض

عملوا فيها حاجة، وأنا واقف أتفرج دا على جتتي.

الضابط بهدوء: إهدى يا باشمهندس، إحنا مش بنلعب، وأنا لو حسيت

بأي خطر كنت هجمت فوراً، إللي يهمني قبل تقفيل القضية هو سلامتها،

تأكد إنها في أيد أمينة، ولا يمكن أسمح إن حد يأذيها أيا كان وضعه، بس

الأمر مقلق بعد تصريحها للمعلمين إنها بتشتغل مع رؤوس كبيرة في البلد

ومجهولين بالنسبة لنا يعني بنطارد أشباح.

بجاد بعصبية: وإحنا مالنا تدخلونا في الحاجات دي ليه؟.

بدر بحدة: مش بلدك دي يا أخي إللي بيدمروها؟.

بجاد بغضب: يعني أنا ومراقي إللي هنصلح الكون.

بدر لينهي الكلام: شوف من الآخر إنتم بقتيتوا فيها بمزاجك غصب عنك فيها

ولو حاولت تطلع منها هتخرج من حمايتنا وتبقي منك لهم وهيخلصوا

عليكوا يبقي تعقل كده وتستعمل عقلك.

فأغلق بجاد وألقى بالهاتف على الفراش لتخرج منال من الحمام وتجري

عليه: مالك يا بجاد متعصب كده ليه؟.

لينظر لها بأسى: خايف عليكي وعلى إبنني، لو عليا أنا ماكانش هممني لكن

إنتم لا.

فتحتضنه: ماتقلقش إن شاء الله خير.

تمر الأيام وتتوالى الأحداث والجميع يراقب.

حتى جاء وقت التسليم، وكانت الشرطة تتخذ كل الإحتياطات وقبضت على جميع التجار متلبسين والجميع يتوعدون لمنال. أما هي فخرجت كشاهد فهي المبلغة.

ولكن ترامي لمسامع الرؤوس الكبيره ماحدث، ليهب أحدهم: أنا عاوز البت دي.

سامح السلحدار يتحدث لأخيه:أظن أنا نبهتك وقتلتك البت دي ممكن تودينا في داهية، قتلتي دا هي أنسب حد بتعمل إللي بتعمله وتنسى كل شيء وترجع لطبيعتها.

سالم بغضب: أنا مش عارف حصل ده إزاي؟، أنا هوريها مش إحنا إللي يتعلم علينا.

ووصي أتباعه بإحضارها فوراً وقاموا بخطفها وهي في طريقها للمشفى، ليجلبوها إلى سامح وأخيه سالم وهي لا تدري من هؤلاء: إنتم مين وعاوزين مني إيه؟.

ليضربها سالم: بقى حته عيله زيك تعلم علينا وتلعب بينا الكوره.

وهي مندهشة: أنا معرفكش أصلاً ولا فاهمة إنت عاوز مني إيه؟.

ليتصل بها بجاد للإطمئنان عليها فيأخذ سالم الفون من شنطتها: جوزك بيتصل تحبي تودعيه وإلا كده أحسن من غير وداع.

ولكن بجاد يقلق ويتصل ببدر الذي يجيبه: الدكتوراة اتخطفت.

فيثور بجاد: إزاي إتخطفت وإنتوا كنتوا فين؟.

بدر بحكمة: إهدي يا باشمهندس، خلينا نفكر بعقل.

بجاد بجنون: عقل وإنتوا خليتوا فيا عقل إزاي تشيلوا الرقابة.

بدر: كان لازم نطمنهم إننا بلعنا الطعم وشيلنا الرقابة.

بجاد: وهنعرف مكانها منين دلوقت؟

بدر: إحنا خلاص حددنا المكان بس لازم إذن نيابة وخلاص طلعتة ورايحين.

بجاد: أنا جاي معاكوا قولي أقرب مكان أقابلك فيه.

أما سامح فدعى أتباعه لوليمه على منال فهو يريد التنكيل بها

وهو يقول لها: أنا هخليكي عبرة لمن يعتبر، هخليكي تتمني الموت ولا تطوليهوش عشان تعرفي بتلعب مع مين.

وهي تبكي بإنهيار: والله ماعرف بتتكلمو عن إيه؟، ولا أنا عملت فيكوا إيه أنا مجرد دكتوراة.

سامح: خدوها.

وهم يجرونها وهي تتشبث بما تجده، وتصرخ. ليأخذوها للدخل وفي هذه الأثناء تدخل الشرطة ويستمتع بجاد لصراخها ليجري ومعه بعض أفراد الشرطة لإنقاذها، ليتم تبادل إطلاق نار فيختبيء بجاد ويأخذ المسدس من أحد رجال الشرطة الملقى في الأرض غارقا بدماءه ويطلق النار على الممسك بزوجته فيرديه قتيلًا. ويجري عليها يحاول أن يداري جسدها وملابسها الممزقة من أثر سحلها على الأرض، ولكن يأتي أحدهم ويطلق النار على بجاد. فيقع أرضا لتصرخ منال: بجاد!!!. ولكن أحد عناصر الشرطة يقتل ذلك الشخص المتسبب في إصابة بجاد، ويقبض بدر على سامح وسالم وباقي أتباعهم ويطلب الإسعاف لبجاد، الغارق بدمائه. وتركب منال السيارة معه إلى المشفى ليستقبلوها وهي تصرخ: افتحوا العمليات بسرعة. ويحاولون إخراجها. أحد الأطباء: ماينفعش يادكتورة تدخلي معنا هتوترينا بالشكل ده، خلينا نشوف شغلنا. وهي تبكي بإنهيار: طيب خدوا بالكوا منه. وظلت منتظرة بالخارج ساعات أحست أنها سنوات، واتصلت بزياد ويحيى، ليأتيا على الفور ويريا حالتها المزريه. ويخرج بجاد إلى العناية المركزة، ومنال ترجوا الطبيب أن يدخلها معه فيسمح لها نظرا لحالتها. وتجلس بجانبه تكتم أنينها وشهقاتها فها هو حبيبها ملقى أمامها دون حراك، فقد دافع عنها بإستماته وهي التي كانت تظن أنه لم يعد يحبها، فتبكي لأنها ظنت به هذا، ثم تستمع إلى تأوهات لتمسك بيده تقبلها: سامحني حبيبي أرجعلنا بالسلامه. ليحاول أن يبلى شفاته المتحجرتان ويتفوه بألم: مايه. فتحاول إفهامه ماينفعش دلوقت: بس ممكن أبل قطنه وأبل بيها شفايفك. وفعلت ذلك وظل هكذا إلى أن شفاه الله وخرج من المشفى بصحتها، ليعود إلى منزله وقد إنتهت جميع المنغصات وعادت منال إلى طبيعتها، ولم تعد حاله تعدد الشخصيات مرة ثانية.

.....تمت بحمد الله.....